




LAUREM-  
BERGIUS  
ANATOMIA  
1665









J J

1  
2

14  
3

MEDICAL SOCIETY  
OF LONDON



ACCESSION NUMBER

PRESS MARK

LAURENBERG, Petrus



65508/A

IX<sub>3</sub>

**11** VIRI CLARISSIMI  
3. PETRI  
LAUREMBERGII  
Philologi, Philosophi, & Me-  
dici Excellentissimi

# ANATOMIA

Corporis Humani.



FRANCOFVRTI,  
Sumpt. GEORGII FICKWIRTI.  
Typis Ægidii Vogelii.  

---

M. DC. LXV.

SOCIETY OF LONDON MEDICAL

41

De A  
De P  
De P

De L  
De C  
De P

De P  
De M  
De P

De V  
De M  
De V  
De no

De In  
De P  
De P

De R  
De V  
De Vg



## Index Exercitationum.

### Exercitatio I.

De Anatomia generatim	ibid.
De Partis definitione	12
De principis Partium differentiis	16

### Exercitatio II.

De Distributione corporis in genere	ibid.
De Cuticula & Cuti	43 53
De Pinguedine	62

### Exercitatio III.

De Panniculo carnosio	ibid.
De Musculis Abdominis	75
De Peritonaio	100

### Exercitatio IV.

De Umbilico & Omento	104
De Mesenterio	105. 109
De Venis & Arteriis Mesaraicis antiquis	102
De novis Lactibus Asellii	117. 121
	137

### Exercitatio V.

De Intestinis in genere	136
De Intestinatorum Historia	ibid.
De Pancreate	182
	186

### Exercitatio VI.

De Renibus	190
De Vreteribus	ibid.
De Vesica	212
	215




<b>Exercitatio VII.</b>		224
<i>De Liene</i>		<i>ibid.</i>
<i>De Iecore</i>		235
<i>De Vesicula fellea</i>		256
<i>De Ventriculo</i>		261
<b>Exercitatio VIII.</b>		268
<i>De partibus Generationi servientibus</i>		<i>ibid.</i>
<i>De Testibus</i>		270
<i>De Utero</i>		285
<b>Exercitatio IX.</b>		303
<i>De Thorace in genere</i>		<i>ibid.</i>
<i>De Partibus continentibus Thoracis</i>		310
<b>Exercitatio X.</b>		345
<i>De Pericardio</i>		<i>ibid.</i>
<i>De Corde</i>		355
<i>De Pulmonibus</i>		408
<i>De Aspera arteria</i>		416
<b>Exercitatio XI.</b>		423
<i>De Capite in genere</i>		<i>ibid.</i>
<i>De Pericranio</i>		431
<i>De duabus Meningibus</i>		433
<i>De Cerebro</i>		439
<i>De Sensoriis, ut Oculis, Auribus, Naribus, Ore,</i>		
<i>Lingua</i>	448.452.455.456	
<b>Exercitatio XII. &amp; ult.</b>		459
<i>De Ossibus</i>		<i>ibid.</i>

os (o) so

COL-






COLLEGII  
ANATOMICI  
EXERCITATIO I.

quæ est:

- I. *De Anatomia generatim,*
- II. *De Partis Definitione.*
- III. *De præcipuis Partium differentiis.*

Resp. Rudigero Beverburg/  
Hildesienfi.

I.  Natomix vocem a-  
liter usurpant Hermeti-  
ci, qui Paracelsi vestigia  
premunt, aliter Dogma-  
tici, sectatores Hippocratis & Galeni.

II. Isti Anatomen faciunt duplicem;  
Alteram Essatam, seu Vitalem; alteram  
localem.

III. Effata est quâ animal, ut homo, in tria principia resolutus, accurata mentis contemplatione, per sectionem quasi spiritalem, confertur cum rebus majoris mundi: (Homo enim μικρόκοσμος: Mundus μακρόκοσμος) ex quo notitia unius, hauritur scientia alterius, non umbratilis, aut perfunctoria, sed quæ ad vivas radices, ad semina, potestatesque, penetrat, eo fine, ut Macrocosmus adhibeatur Microcosmo, & in hujus emolumentum vertatur: ut ex illo petantur convenientia medicamina pro hujus morbis. Ita quidquid majoris mundi similes possidet signaturas, cum affectibus minoris mundi, (Hominis) id per vitalem hanc Anatomiam deprehendi, & in usum assumi. Hinc fieri, quod remedium similè dicatur morbo; quia signa possidet similia, signis illis, quæ in homine; quanquam idem remedium eidem morbo etiam sit contrariū, ob contrariam naturam, cum morbo pugnans: velut morbos salinos curandos salibus: (hic similitudo:) sed salibus

bus contrariis (hic contrarietas.) Hanc convenientiam Mundi & Hominis, Paracelsistæ vocant Anatomiam, vitalem, essentialem, ve essatam, formalem.

IV. Iisdem Hermeticis Anatomia Localis est, quæ communiter Dogmaticis & Aristoteli *Ανατομή* appellatur, quæ corpus animalis, præcipuè hominis, artificiose secatur in partes minutiores; hanc isti quidem nō omninō aspernamdam fatentur, tamēn haud esse etiam magnæ estimandam: quippe quæ non viva sit, sed mortua: in qua & laniones sint exercitati: quæ spectetur saltē cadaver, quod & vaccæ spectare queant.

V. Quæ isti Heroes magnificè profitentur de Micro & Macrocosmi cōfæderatione, & vitali Anatome, illa neq; nos culpamus, sed amplectimur, & sollicito conatu scrutamur indies. Sed de Anatome Locali (cui hos labores destinamus,) quod adeò superciliose sentiant, id malè & inique nos habet.

VI. Mecastor qui oculis unquam usurparunt Dissectiones cadaverum,

qualiter administrantur à Doctoribus  
Academiarum, illi testes esse possunt,  
aliter Medicum, aliter lanium *Ἀνατομί-  
ζειν*: aliter etiam à vacca, aliter à Medico  
spectari cadaver: Illa quid aliud quam  
simplicem adhibet obtutum? Hic vero  
accurata opera manuum, & indagine  
mentis, partium structuram, usus, actio-  
nes, aliaq; id genus, contemplatur.

VII. Quantis vero emolumentis Me-  
dicum maeter Anatomia localis, proin  
non tam parvi aut nequiter æstimanda,  
id tam evidens esse arbitror, ut demon-  
strationis operosæ neutiquam egeat.

VIII. *A. Laur. lib. I. Histor. Anat. c. 15.*  
Anatomiam (de locali, quam diximus,  
intelligendum quicquid proponetur: )  
duplicem facit; aliam *πρακτικὴν*, quæ sit  
Ars & manuali dissectione partium per-  
ficiatur, arti Medicæ omninò necessaria  
Aliam *θεωρητικὴν* scientiam, habitum, &  
actionem intellectus: structuræ causas  
& actiones pervestigantem: Medico  
saltem utilem; imo sæpè supra usum artis

IX. Hoc effatum partim à solidiori  
Pli-

Philosophia, quæ altera est Medicinæ manus, aversum est: partim in Medicinam injurium: partim cum auctore suo adversa fronte concurrir.

X. Pugnat cum Philosophia Peripatetica, quæ id solum *πρακτικόν*, & dici, & esse profitetur, quod virtutem & vitium, adeoque actiones morales spectat: manualibus operationibus eam vocem non nisi inscite & illegitime ascribi: quippe quæ sunt *πειρητικαί*, operatrices non *πρακτικαί*. Pugnat item cum Philosophia, quæ docet, res æstimandas ex ultimo fine & scopo, cui destinantur, non ex spiritu discantis. Cum Physicus Anatomia occupatur, utramq; illam capessit: & 1. secatur corpora: 2. partium causas, structuram, & actiones pernoscit. Finis vero Physici, quia est mera, nudaque theoria seu scientia, ad quam primò & per se utraque illa dirigitur, certe utraque etiam erit *θεωρητική*; non altera *πρακτική*. Cum Medicus Anatomia incumbit, & 1. secatur corpora: 2. partium structuram, causas, & actiones cognoscit,



scit, quia Medici ultimus & adæquatus finis est operatio *πείραξις*, scilicet sanitatis restitutio. ad quam primò ambæ istæ referuntur, profectò ambæ dicendæ sunt *πειρητικαὶ* factivæ, neutra *πρακτικὴ*, neutra *θεωρητικὴ*. Itaque utralibet Anatomia vel est scientia: vel utraq; est Ars, pro diversitate scopi, cui destinantur.

XI. Medicinæ etiam injuria est Laurentii assertio: (1) quoniam nihilo illam digniorem facit arte lanionum, qui & ipsi secant corpora quibusque causarum & actionum notitia non usque necessaria. (2) quoniam si Anatomia cognoscens partium causas, structurâ &c. sæpe est extra usum artis, qua quæso via deducetur Medicus in cognitionem morbi & partis affectæ, quæ ab istis imprimis dependent?

XII. Auctor deniq; hoc pronuntiatio sibi ipsi contrarius est, 1. quia l. i. c. 8. proficitur, Medico omnino necessariam esse plenam cognitionem partium temperiei, naturæ, situs, connexionis, actionum, quæ omnia docet Anatome ipsius  
theo-

theoretica. 2. Hæc ipsa (Anatom. *Swæ.*) si non est necessaria usui Medico, ne Laurentius inutilem ac supervacuum operam locavit Medicinæ, dum ejus Historia Anatomica tota consistit in demonstrandis structuræ causis, actionibus, usibus, &c. particularum.

XIII. Subjectum, quo occupantur operæ Anatomicae, non est primò Pars, uti censuit Laur. l. 1. c. 16. sed primò & adæquatè Totum; meritò vero Totius, Pars. Quippe Anatome cōtraria incedit semita cū generatione animalis. Natura ex partibus componit Totum: Anatome Totum discindit, & resolvit in partes.

XIV. Totum id, Anatomia subjectum, est omne quidem animal perfectum; imprimis tamen corpus humanum. Hoc considerari potest. 1. ut integrum; sic ei opponitur mutilum. 2. ut perfectum: ita oppositū habet imperfectum, 3. ut Totum, qua ratione ad id referuntur partes.

XV. Partium tam multiplicem apparatus accepit corpus animalis, ob tot,

tamq; diversas actiones, quibus debebat perfungi. Actiones quo magis evariant eo locupletior est partium series, & evidentius earundem discrimen.

XVI. Cæterum, quia corpus integrū, diversis rationib. concipi natū est, etiā diversæ cōstitui possunt partium classēs.

XVII. Argenterius hominis corpus accipit 1. ut substantiam naturalem: ita constituit partes illius, Materiam & Formam. 2. ut corpus: ita partes ejus, quidquid in illo seu animatum, seu inanime: sanguis, pili, bilis, caro: cujus conceptus fundamentum petatum videtur ex *Arist. l. 2. part. c. 2. Gal. l. 1. m. m. c. 5. & lib. 1. El. c. 6.* ubi legitur ὅτι ἂν ἡ τῆ παντὸς συμπληροτικὸν, ἐκείνο μὲν τὸν τε καὶ μέντοι ὀνομάζεται. 3. ut animatum: sic partes ejus solæ illæ quæ vita sunt præditæ.

XVIII. Hæc Argenterii subtilitas, quamvis malè audiat apud A. Laur, utpote argutula nimis, & extra usum medicum: tamen eam neq; esse ineptam, neq; rejiciendam nos arbitramur.

XIX. Nota est Philiatris hodie illa di-

stri-

13.   
tributio, qua apud Hipp. l. 6. Epid. f. 8. t. 19  
constituuntur, ἰσχυρία, ἰσχυόμενα, καὶ ἐνορμίζοντα,  
partes corporis continentes, vel solidæ:  
contentæ, vel humores: impetum faci-  
entes, vel spiritus.

XX. Per Solidum, Laur. l. 1. c. 18. à se  
intelligi scribit non more vulgi Durum  
densumque: non id quod Raro opponi-  
tur: sed quod τὸ ὅλον, sui plenū, totū, non  
alieni, parilem naturam adeptum. Hæc  
interpretatio licet ex Scal. ex. 76. §. 1. mu-  
tata sit, tamē præsentī causæ excusandæ  
aut defendendæ par nō est. Æquē enim  
competit duobus reliquis generibus,  
quam primo; Si id solidum, quod est sui  
plenum non alterius, etiam humores &  
spiritus sunt solidi: & multo magis quam  
caro, os; & ipse Scaliger cælum ac aërem  
hoc sensu vocat solida: spiritus vero  
sunt instar aëris. Jam vero quod sui  
plenum est, an non opponitur Raro;  
sui non pleno? Ergo & hic Philosophat-  
ur Laurentius de solido, quod oppo-  
nitur Raro. Rectius hoc loco solidū de-  
finitur quod facile suo, difficulter alieno

termino continetur : sic caro, os, solida sunt, humores, spiritus, non solidi. Partes solidæ in Anatomia utramq; paginam faciunt.

XXI. Harum naturam & essentiam nemo rectius definitione expressit quàm Fernellius *lib. 2. Phys. c. 2.* his verbis: Pars est corpus toti cohærens, communique vita conjunctum, ad illius functionem, usumve comparatum.

XXII. Omnis pars verè dicta præter cohærentiam & actionem. Hanc rem dubiam facere ausus est Minadous *l. 1. ext. aff. c. 2.* asserens, posse esse veram partem quæ nullam præstat actionem : & posse fieri actionem, quæ non prodeat à parte propriè dicta. Itaq; hæc non converti: Esse partem propriè dictam, & e-  
dere actionem. Sed argumenta Minadoi non sunt ejus roboris, ut evertant positam definitionem: neque faciunt, ut ista non sint ἀντισπρόσθετα.

XXIII. Cum à parte omni proficiscatur actio vel usus, quæritur quale sit discrimen inter actionem & usum?

XXIV.



XXIV. Laurent. *l. i. c. 17.* & ex illo Th. Minad. *l. i. c. 5. exi. aff.* & uterque ex Cœl. Rhod. *l. 3. c. 22.* quatuor notis ac differentis sequestrant actionem ab usu: quod 1. actio sit motus partis activus; usus verò aptitudo ad agendum. 2. actio in sola sit operatione: usus etiam in membri ocio. 3. actio in omni organo sit solius partis principis, usus reliquarū omniū. 4. plures partes usum habeant, sine actione.

XXV. Plurima hic sunt nulli cordato & sanæ mentis viro acceptanda. 1. usus dicitur aptitudo vel potentia naturalis ad agendum. Omnis vero talis aptitudo (nisi frustra data sit) aliquando deducitur in actum. At partes quædam solum usum seu aptitudinem dicuntur habere, sine actione. Harum igitur usus, seu potentia, frustranea erit: quia nunquam prorumpit in actionem. 2. usus ponitur etiam in membri ocio. Sed & hoc falsū. Dum manus pedesq; moves certe iis uteris. Et hic eorum usus. Ast tum non otiantur; non quiescunt. 3. Ait actionem esse solius partis principis: usum cæterarum

rum. Nec id verum. Quando oculus cœli convexa tuetur, solus ne agit crystalloides? Cæteris humoribus, tunicis, musculis, nervis, quiescentibus? Non certe: Cæterę ergo etiam agunt; non sola princeps.

XXVI. Super hac controversia qui accuratè arbitrarivolet, is statuatur necesse est, usum & actionem in viventibus quidem (quales sunt partes verè dictę) nihil omnino differre. Harum actio est eandem usum & finis, cujus gratia sunt. Oculi visio est illius actio & usus: sed in inanimis & vita carentibus usus ab actione differt: (intellecta actione Medicę, non in latitudine physica.) Humores usum habent: actionem non habent.

XXVII. Differentiæ partium Fernaliana definitione expressarum, quamvis varię ab Anatomicis ponantur, hæ tamen quatuor sunt præcellentiores. 1. à principiis generationum alię sunt *σπερματικę* seminales: alię sanguinę. 2. ab actione, alię Organicę, alię Inorganicę. 3. à substantia, aut si majoris à compositione

ne, aliæ ὁμοιομεγέθεις similes, aliæ ἀνομοιομεγέθεις  
 dissimiles, compositæ 4. à dignitate, aliæ  
 Principes, aliæ famulantes.

XXIIX. Primum istud genus, sperma-  
 ricarum & sanguinearum, nisi blandè &  
 favorabiliter interpreteris, difficulter  
 defendi poterit. Enimverò omnia cor-  
 poris nostri membra ex semine sunt  
 conformata: omnia ex sanguine. Cor,  
 cerebrum, jecur fuere tres bullæ: (bullæ  
 hæ ex semine) iis affluxit sanguis ut in-  
 crementa duxerint ad justam molem.  
 Hac mente Gal, teste Laurent. l. 1. c. 10. in  
 quacunq; parte spermatica deprehendit  
 substantiam solidam, & carnosam: (ut  
 de tertia spirituosâ nil dicam,) solida est  
 quasi stamē seminale: Carnea quasi sub-  
 tegmen è sanguine. Quapropter si natu-  
 ram ducem sequi quis volet, nuncu-  
 panda est pars quæque seminalis & san-  
 guinea sine discrimine.

XXIX. Verùm, potius quàm ut cele-  
 brem divisionē elevemus, excusabimus  
 benignè, applicata modica correctione,  
 additoq; tertio membro, ut fiat τετραχοτομία  
 Nam

Nam datur pars quæ neque spermatica, neq; sanguinea dici potest. Sunt igitur partes 1. spermaticæ, quæ plus acceperunt seminis quàm sanguinis ut ventriculus. 2. Sanguineæ, in quib. dominat<sup>9</sup> est sanguis supra semen, ut Jecur: à potiori appetitur appellatio. 3. Mediæ, quæ in neutram partem inclinantes, nihilo plus seminis quàm sanguinis habent, ut Cutis, quam omnes fatentur esse ex æquis utriusq; partib. temperatam: Sicut errat, qui dividit omnem colorem in album & nigrum, cum detur etiam medius cineritius aut viridis: Sic cum prædictis partibus res habet.

XXX. Porro partes Organicæ seu Instrumentales & Inorganicæ ( de quibus est secunda partio ) dictæ sunt ab Organo. Organi essentia, promulgante Gal. *l. 1. m. m. c. 6.* & Aristot. *lib. 1. part. an. c. ult.* consistit in tribus. 1. in convenienti materia: (Securi chartacea non amputabiseramum) 2. legitima conformatione & figura: (culter acie ac mucrone carens, nihil secabit) 3. In essentiali relatione ad  
usum

usum vel actionem; quæ si cessat, cessat  
 organi ratio. Τὸ μὲν ὄργανον παύειν ἐνεκα τῆς. Τὸ δ'  
 τῆς ἐνεκα, ποιήσις. *Arist.* Hinc definitur orga-  
 num à Gal. d. l. ὁ μὲρ τῆς τελείας ἐνεργείας  
 ἀπεργαζικόν, vel ut correctius suo iudicio  
 Laurentius l. i. q. 9. Pars quæ sola sibi  
 propriam peculiaremve edit actionem.

XXXI. His positis nemo non videt  
 nullam in animalibus reperiri particulam  
 verè dictam, quæ non sit Organon seu  
 Organica, qualem cunq; etiam è positis  
 definitionibus capeffas. Sic n. ratiocinor:  
 Quod debita materia donatū, nactumq;  
 convenientem conformationem, in-  
 servit actioni producendæ, illud est or-  
 ganon: Sed omnes corporis partes pro-  
 priè dictæ, Similares, dissimilares, nulla  
 exclusæ, has conditiones possident: Om-  
 nes ergò sunt Organicæ.

XXXII. Quapropter non intellexe-  
 runt indolem Organi, qui per divisio-  
 nem fecerunt Partes similes & Orga-  
 nicas: cum utrumq; iisdem conveniat.

XXXIII. Nūc verò si omnes vivæ cor-  
 poris partes sunt Organicæ, quid fiet de  
 altera



altera differentia? de partibus Inorganicis? Arbitror ego etiā has in nobis dari. Quicquid præter partes viventes, propria circūscriptione donatas, reperitur in corpore, illud dici potest Inorganicū. Tales sunt humores: Sunt etiam Humores Animæ organa, *ὡς ἐν πλατεῖ* dicta: Verum quia nec coherent toti, nec vivunt, nec actionem edunt, nec determinatā conformationem acceperunt (alienis n. non suis terminis continentur) idcirco propriè partes Organicæ dici nequeunt, sed Inorganicæ.

XXXV. Sequitur discrimen Partium Simplicium seu Incompositarū, & Multiplicium seu Compositarum. Vulgò appellantur Similares & Dissimilares: quæ vocabula quamvis Scal. Com. l. i. *Plant.* utpote minùs Latina rejiciat, nos tamen & Latina esse putamus, & retineri posse.

XXXVI. Qui Partes similes definiunt, quæ cum in Partes dividuntur, partes retinent nomen Totius, ii oppidò errant; quoniam vena, arteria, &c. sunt nomina non substantiæ simpliciter, sed sub-



substantiæ certa conformatione prædita: quæ divisa nec debet, nec potest servare nomē totius. Frustula gladii, nemo rectè vocaverit gladium, aut fragmenta calicis vitrei, calicem, quia ista licet similis sint substantiæ, includunt t. certam conformationem: Sic de vena, arteria.

XXXVII. Laur. l. i. c. 20. Partem similem duplic. considerat. 1. Ratione materiæ. 2. Ratione formæ: A forma a. promittalem Definitionem: Pars similis est quæ undiq; uniformem habet figuram. Neq; hæc satis eruditè aut appositè. Neq; n. ea definitio cōveniēs omni parti simili. Unum Os aliqua sui parte planum est, aliqua gibberum, prominulū, intortum, leve, asperum. Quæ ergo uniformem habet figuram? Ipsa cutis, attestante eodem Auctore, alicubi æqualis, alibi inæqualis; protuberans, contracta, lineamentis variegata.

XXXVIII. Perfectissimè Aristot. l. i. hist. anim. c. i. similarium indolem expressit: αὐτὸν δὲ λέγειν ὅσα διαφέρουσιν εἰς ὁμοιομερῆς: ὅσον σάρκες εἰς σάρκας. Sensus est: Partes similes

cas

eas esse, quarum substantia eadem & ubique sibi similis; & quæ non sunt compositæ ex partib. diversarum specierum. Ob hanc simplicitatem dici solent elementa animalium Sunt, inquam, simplices non καθόλου, sed respectu compositarum: alioquin, Galeno docente, triplici constant substantia, solida, carnea, spiritiosa Coaluerunt ex humoribus: Hi ex tribus Primis Chemicis: Hæc ex Materia & Forma.

XXXIIX. De Numero partium similarium cum disquirimus, audiendæ sunt partes non latissimo significato, quæ Totum quoquo modo complent, sed eæ, quæ Definitioni Fernelianæ se submitunt. Apud Galenum veræ Similares hæc xi. æstimantur: Os, cartilago ligamentum, membrana, tendo, fibræ, vena, arteria, nervus, cutis, caro.

XXXIX. In hac serie duo requireret curiosior aliquis. i. Non omnes illas esse similes. 2. Esse in super alias.

XL. Similaris naturæ non videtur esse vena, constans & tunica & valvulis. Non  
 Ner-

Nervus, qui foris vestitur membrana, intus farcitur medulla; rebus profecto specie differentib. Sed de vena res plana est: valvulis enim cum tunica eadem prorsus substantia. At nervus bono jure hinc videtur exclusus.

XLII. Præter dictas & aliæ adesse comprehenduntur, designato censu non comprehensæ, ut priva substantia cerebri, pulmonum, testium &c. Verum has Carnis nomine intelligi debere aperta voce edixit Galenus *l. 1. nat. fac. c. 6.* quamvis significatu coacto potius (defectu commodiorum appellationum) quam nativo: quo pacto etiam pisces suam acceperunt carnem, & cucurbitæ. Cæterum addendi sunt etiam partibus similaribus propriè dictis, spiritus (sub quibus aëturibus ingenta:) & Crystallinus oculi: & ungues.

XLII. Atq; hæ sunt Similares. De dissimilaribus Aristot. *l. 1. hist. anim. c. 1.* sic habet: *Σύνθετα δ' ὅσα διαφέρουσιν ἀνομοιομεσῆν.* Ut, Manus est pars dissimilaris: quia componitur ex cute carne, ossib' &c. quæ partes similes.

XLIII.

XLIII. Famosum illud Ζήτημα, Similaresne an Dissimilares sint causæ actionum in Corpore ? exercere solet plus satis animos Medicorum. Facile liberabitur his dubiis, qui quæ scripsit Galen. *l. const. art.* admittet ad animum. Διὸν ἔφαρδον εἶναι τῶν ἐνεργειῶν τὸ γένος. Ἐν μὲν τὸ πρῶτον καὶ κυριότατα ἐκείναι τῶν ἀπλῶν μορίων, ἐνεργούντος. Ἐτερον δὲ δευτέρως. Nimirum tam Similares quàm Dissimilares sunt causæ actionum : Illæ actionum similarium primarum seu simplicium , ut attractionis , coctionis. Hæ secundarum seu dissimilarium, ut visionis, ambulationis. Scio multoties promulgatum à Galeno, in quovis perfecto organo reperiri partem similem , quæ princeps sit causa actionis. Sed solam istam causam actionis esse, nusquam ab eo litteris proditum est. Cum multæ sint è quibus organon componitur, una est reliquis excellentior , quæque agit impensius , & maiorem operis partem absolvit. Sola tamen nec agit absque cæteris, nec cæteræ sine illa. In bello

Dux

Dux est præcipua exercitus pars cæter-  
roq; milite nobilior, ob facinora præcla-  
riora. Urbem tamen non expugnat so-  
lus sine milite; nec sine ejus ductu mili-  
tes. Ita agitur cum actionibus.

XLIV. Claudant nunc aciem Parti-  
um eæ quæ dicuntur Principes & Mini-  
stræ, de quibus quærentur duo. 1. Quæ  
propriè sit Pars Princeps? 2. Quot eæ sint  
numero.

XLV. Aliquot Partis Principis De-  
finitiones posuit Laurent. *l. i. c. 19. § 9. 3.*  
duas tamen cæteris perfectiores vocat  
& elegantiores 1. Pars princeps est, quæ  
absolutè est ad Individui totius conser-  
vationem necessaria. 2. Pars princeps  
dicitur quæ vel facultatem largitur to-  
ti, vel materiam. Zabarell. *lib. de parti.*  
*anim. c. 5.* ad Principatum addit, Radi-  
cationem animæ in parte; itemque de-  
pendentiam & gubernationem. Ho-  
rum omnium si fiat compendium, in-  
venietur Principatus consistere juxta  
Laurent: & Zabar: 1. in Necessitate. 2.  
In communicatione facultatis. 3. In

B. com-



communicatione materiæ. 4. In Radiatione animæ. 5. In dependentia & gubernatione.

XLVI. Ingenuè dicam: Nulla ex his quinque hypothesibus quantumvis speciosis, absolvit indolem & constitutionem Partis principis.

XLVII. Non I. Necessitas: quia multæ sunt Partes ἀπλῶς necessariae ad vitam, quibus tamen nemo exhibebit honorem Principi debitū. Ablato ventriculo aut pulmone nemo homo poterit superesse vivendo. Sunt ergò simpliciter necessariae. Ridiculum est dicere: Ventriculum saltem necessarium esse, si diu sit duraturum animal: Nam & à clysteribus aliquandiu vitam sustentari sine officio Ventriculi: Pulmonibus potuisse carere animal, nisi aëre præparato opus fuisset, qui absque pulmonibus attrahi potuisset per trachæam. Enim verò non quæritur, An ventriculi actio suspendi queat ad tempus, in columi animali? sed an sublato ventriculo quoquo modo vivere valeat ani-

animal? sicuti videmus id posse absque pedibus, manibus, oculis. Hac ratione nec Jecur erit Pars princeps, nec absolute necessarium; quia & hujus actione per aliquot dies carere potest animal, cum vel Scyrrho periit, vel cum nihil illi offertur quod vertat in sanguinem. Imo & hominem nasci, vivere, ad plenam ætatem progredi, compertum est sine Jecore. De pulmonibus quod dicitur, ineptius est. Si homo non indigeret pulmonibus, nisi esset aër præparandus, quidni eadem ratione non indigeret jecore, nisi sanguis coquendus? testibus nisi semen? imo corde nisi vitales spiritus?

XLVII. Non 2. Communicatio facultatis. Quid enim hæc sibi vult? An anima in hepate residet, vel cerebro, vel testibus, ceu sedili, atque inde Facultates suas ceu pedissequas ablegat in corpus? In Philosophia naturali probatum est: Animam haut magis in hac, quam in illa parte sedere. Tota est in Toto; & tota in singulis partibus. Ubi

autem Anima, ibi omnes suarum facultatum copias collectas simul habet, abs quibus nunquam separatur.

XLIX. Non 3. Materiæ communicatio. Nam & ventriculus largitur totum chylum: & venæ sanguinem, quibus consensu Laurentii, inest vis *αιματοποιητική*, nihilque aliud agit hepar, quam quod contribuat massæ sanguineæ, jam præexistenti in venis, colorem rubicundum, Laurent: l. 4. q. 2. Ventriculus igitur & venæ forent partes principes.

L. Non 4. Radicatio animæ. Quoniam Zabarell; supponit id, de quo adhuc sub iudice litigatur, scilicet solum cor esse fontem & radicem Animæ, solum membrum princeps: cætera animam possidere saltem per participationem. Ast nos docti sumus à Philosophia: Omnibus membris radicaliter inherere animam. Quapropter si ab tali radicatione desumendus principatus, jam omnia fere membra erunt futura Principia.

LI. Non 5. Dependētia aut gubernatio.

natio. In corpore unum dependet ab altero. Omnia conjuncta; Omnia mutuas operas tradunt. Non minus à ventriculo & hujus *χυλῶσι* pendet cerebrum, quam ventriculus à cerebro. Nam nū ille caperet cibum, hoc non posset superesse. Per gubernationem verò quid intelligitur? anima gubernat totum corpus & partes. At quomodo una pars gubernet aliam; eo quidem sensu, id non capio.

LII. Videamus nos, in quonam positus sit genius partis principis. Principatus nihil aliud est quàm dignitas & præcæteris eminentia. Eò verò unumquodque judicatur nobilius & excellentius, quò illustrioribus virtutibus præditum, & præclatioribus dotibus ornatū est; id est. quò est opifex functionum nobiliorum, quarum fructus & emolumentum in plures redundat. Dico: ab Actionis præstantia argui partis nobilitatem: Quia partes sunt in gratiam Actionum. Pars ergò princeps est, quæ nobilissimam edit actionem.

LIII. Jam cogitationes tuas excita (ut accedamus ad numerum P. Principum:) ad singulorum membrorum officia & actiones, & explora quibus palma merito possit offerri? Illæ dicendæ erunt partes Principes. Sic facile tibi de Principum numero constabit.

LIV. Quatuor hujusmodi Partes principes, Cerebrum, Cor, Hepar, Testes, Laurent. *lib. x. q. 2. c. 9.* juxtaque cum eo plerique agnoscunt: in superque iste istud addit, Aristotelem non agnovisse nisi Unam partem Principem, Cor.

LV. De Aristotele ut primò dicam: Facile temperassent illi Galen. & Laurentius, si ejus monumenta perlustrassent accuratius. Non enim Cor solùm, sed & reliqua, uno Jecore excepto, pronuntiavit principes. Cor quidem & Cerebrum *l. 3. part. an. c. II.* Testes verò *l. I. gen. an. c. 2.*

LVI. Scio communem esse vocem Galenicorum, nulli alii officio adjudicatum ab Arist: cerebrum, quàm ut Cor refrigeraret: Sed hoc figmentum est.

Habuit



Habuit Arist. Cerebrum pro principio omnium sensationum: secundarias saltem operas conferre ad refrigerandum Cor: Possunt & solent ab uno membro multi provenire usus. Aspera arteria & voci opitulatur & inspirationi. Ita cerebrum ex Arist. sententia, primò efficit nobilissimas actiones proprias, quo meritò princeps dicitur: Succisivo labore moderatur Cordis æstum. Quomodo? Quia Spiritus vitales calidissimos tepore suo castigat, redditque actioni propriæ aptos.

LVII. Non eo & illud inficias; Aristotelem pronuntiasse solum Cor. Corporis Regem, vitæque principium *lib.2. gen. an. c. 4.* Quod idem propugnarunt: Filius Rhois *3. part. com. 4.* Zabarell. *de An. part. c. 5.* Picolh. *de sed. anim. Conciliat. diff. 30.* Nimirū quia in sese calorem & spiritus vitales generat, quos providet membris aliis, quæ hoc beneficium ab illo, ceu principe accipiunt atque ei debent. Hinc tamen non sequitur, nullas præter Cor esse partes

principes. Cor est Rex solus & principium Vitæ. Interim Cerebrum solum est principium & Rex sensationum; Testes soli Reges & principia generationum.

LIIX. In Numero partium Principum mox recensito, nihil aliud culpinus, quam quod inter cæteras locus aliquis tribuitur Jecori, hocque constituitur pars princeps. Sanè dogma hoc nimis altè insidet animis Anatomicorum. Verum tamen non est tanti roboris, ut non duce veritate & rationibus valeat prosterni. Hic loci binæ hæc suffecerint: 1. Quæ pars ignobilissimæ actionis effectrix est, ea non meretur dici Princeps. Hepatis actio est ignobilissima, rubicundum scilicet efficere sanguinem: esse instar coqui. 2. Si Hepar pars princeps, eodem jure & Lien obtinebit hanc dignitatem. Hic enim plæraque omnia præstat quæ Jecur: Utrumque *ἀπαραίτητος* instrumentum dextre intellectum. At hoc nemo dixerit, Ergo nec illud

LIX.

LIX. Sunt igitur partes Principes,  
Cerebrum, Cor, Testes, quorum actio-  
nibus nihil simile aut secundum ( si ex-  
cellentiam spectes) in universa corporis  
compage.

LX. Cerebri in homine actio supre-  
ma ( ut de humilioribus nihil dicam, )  
est Ratiocinatio ( in animalibus aliis ἀνά-  
λογον quid, ) qua nec in μακροθόσμων, nec  
μικροθόσμων ulla regalior, ulla nobilior.  
Anima quidem Rationalis, uti est im-  
materialis & inorganica, ita privatas  
suas actiones & imprimis λογισμὸν non  
expedit instrumento ullo corporis. At-  
tamen quia non intelligit nec ratioci-  
natur, absque Phantasmatibus: Hæc  
verò in cerebro: rectè in Cerebro dici-  
tur Ratiocinari, cerebrique actionem  
esse Ratiocinationē. Ratiocinationi in-  
serviunt omnia quæ cerebro adsunt  
membra, ( quod propriè est famulo-  
rum: ) sensoria scilicet. Nihil enim in  
Intellectu, quod non antè fuerit exposi-  
tum sensibus.

LXI. Cordis actio est vivificare, post Ratiocinationem Functionum nobilissima. Huic serviunt non pulmones solum, sed & infimi ventris partes plurimæ. Cur sanguis conficitur & ab excrementis liberatur? nisi ut partim ex illo fiant spiritus & calor vitalis: partim membra nutrantur ut vivant? Nutrimur enim ut vivamus.

LXII. Testium opus proprium est procreare, seu speciem æternare ac conservare ab interitu. Actio mehercles illustrissima, cui ipsi quoque ancillantur: membra *αἷμα το ποιντικὰ*. Ex sanguine enim semen: Ex semine generatio.

LXIII. Hoc tripode stat humanæ societatis perfectio & nobilitas: 1. ut Ratione utatur: 2. ut vivat (nisi enim viveret, non uteretur Ratione) 3. ut species propagetur per generationem. Individua enim pereunt: His respondent tres partes principes enumeratæ: quas præter cæteræ omnes sunt Ministræ.

LXIV. Adversus numerum partium principum afferri solent plusscula, quæ  
dispu-

disputationi reservamus. Duo hæc inter  
alia, connumerantur quidem à Lau-  
rent: *lib. 1. q. 2.* sed alterum ineptè solvi-  
tur: alterum silentio & ἀκροποδῖτι trans-  
silitur. Primum est ex Aristot. *1. 5. met.*  
*c. 1. & 8. phys.* Principium esse unum  
non multiplex: Secundum ex Home-  
ri Iliad. *ἐκ ἀγαθὸν πολυκαιρανίη: τίς κοίραν*  
*ἔστω.* Nihil aliud ad hæc Laurent. *d. 1.*  
quàm non invenire locum in Micro-  
cosmo: Venas, arterias, nervos, non  
potuisse nasci ab una parte. Non esse  
tantam molem Cordis, quæ tam diver-  
sa ex se possit fundere. Responsio in-  
sipida. Nihil in Anatomicis insolenti-  
us, quàm unam partem prognasci ab  
altera. Omnes simul formantur:  
(Laurent. *1. 8. q. 15.*) Nulla fit principi-  
um vel mater alterius. Insuper cur  
non ex una re diversæ aliæ oriri pos-  
sent? Annon ex uno semine tot partes?  
ex una terra tot corpora?

LXV. Arbitror ego commodiori ra-  
tione obviam iri objectionibus positis:  
posse; si dixerimus ad 1. Quod rationem



Principii habet, debere esse Unum in suo genere: Ita unum est principium sensationum, cerebrum: unum vitæ, Cor: unum generationis, Testes. Plura nequeunt esse principia vitæ, nec plura sensationum &c. Hæ operationes omnes non potuerunt ab uno principio dimanare, quia differentes nimis sunt. Differentia ergo requirebant principia. Præstat ergo unum principium multis, si unum esse potest. Si non potest, recipienda sunt multa, quemadmodum Arist. ipse tria statuit Principia, Materiam, Formam, Privationem, quodlibet unum in suo genere.

LXVI. De πολυκρατία quod 2. ferebatur, certe ea ἐκ ἀγαθόν ἐστι, si multi illi principes à se dissenserint (in hanc enim sententiam pronuntiavit versum Homerus:) Ast si unanimi concordia conspirarint, non minus constans Imperium gerunt, quàm si regnaverit unus. Et quis ignorat Aristocratiam etiam esse Reipubl. speciem, sæpius fir-

mio-

miorem ipso Regno? Itaque in Corpore humano esto non regnum, sed Aristocratia, in qua primates tres partes præsent gubernationi.

---

## EXERCITATIO II.

quæ est:

- I. *De Distributione corporis in Regiones.*
- II. *De Cuticula & Cuti.*
- III. *De Pinguedine.*

*Resp. Matthia Nicolai,  
Stetinensi Pomerano.*

I. **A**Ntiqua est corporis humani distributio (non Ægyptiorum ut perperam è Cœl. Rhod. exscripsit Laur. l. 6. c. 1. sed Græcorum, Aristotelis, Ruffi, Oribasii) in Caput, Collum, Thoracem, Manus, Crura. Sed præter antiquitatem nihil commendabile habet. Commodior ea est, quam sibi ascribit

B 7

Lau-

Laurent. *d.l.* qua dirimitur totus homo, in quatuor segmenta: Scilicet in Regionestres, supremam, mediam, & infimam: Et in artus. Jam pridem ante Laurent. hac usi sunt Hipp. *l. i. de diet.* Gal. *l. i. inaq. intemp.* & *l. 7. usu p. c. 21.* Suprema regio complectitur Caput usq; ad Principium colli: Media, collum cum thorace: Infima, ventrem strictè dictum. Artus sunt manus cum brachiis, & pedes cum cruribus.

II. Tres hi Microcosmi ventres. (nam & hoc nomine generali gaudent) proportionē respondent tribus Macrocosmi regionibus. 1. Intellectuali supremæ, ubi sedes Dei & beatarum mentium. 2. Cœlesti mediæ, in qua fons caloris Sol, cum cæteris astris. 3. Elementari infimæ, ubi generationes & corruptiones rerum. Sic caput est summum; arx Intellectus & rationis: Medius Thorax, in quo Cor. (Sol hominis) principium vitæ & caloris: Venter infimus, officina generationis & nutritus. Hebræi utrosque, & istos

&amp;

& hos ventres comparant cum tabernaculi Salomonis tribus conclavibus; in quorum primo & infimo Atrio, versabantur omnis nationis gentes, bruta mactabantur, sacrificia immolabantur, perpetua vitæ mortisque vicissitudine. Hæc fuit idea mundi Elementaris, & Ventris infimi. Atrio successit Aula sancta, loco medio, ubi candelabrum stetit aureum, septem ardentibus lucernis instructum: Effigies regionis cælestis, itemque thoracis. Supremum fuit Adytum, vel Sanctum Sanctorum, in quod nemini patuit ingressus, nisi summo Sacerdoti. Hoc est quasi cælum Empyreum, supramundanum: nec non, quasi caput hominis, sedes intellectus, & divinæ auræ.

III. Venti infimo dicabimus primas operas: quem Poëtæ appellant Aqualiculum; Anatomici Abdomen. Ejus partes iidem Anatomici, cum Laurent: duabus aciebus disponunt, ut aliæ sint Continentes, aliæ Contentæ. Continentium iterum quasdam faciunt commun.

munes, quæ ubique in corpore reperiuntur, quales Cuticula, Cutis, Adeps, Panniculus carnosus, Membrana musculorum: Quasdam Proprias, quæ hac sede sunt, & non alibi; velut musculi Abdominis, & Peritonæum.

IV. Quid censeam super hac distributione, prius indicabo; mox dabo seriem partium cōtentarum. 1. Si illæ sunt partes continentes Communes, quæ ubique reperiuntur, minus rectè Pinguedo censebitur ex harum numero. Ea enim neque ubivis est in homine, neque semper. Nō ubique, quia nō in capite; quia non in infantibus, non in decrepitis; non in viris calidæ indolis. 2. Porro etiam non video, quo merito membrana musculostegens, communis sit dicenda? quia hæc nullibi nisi ubi musculi. Ibi enim pars integrans ubi totum. Nec extra totum pars ulla. Sed musculi juxta datam distributionem, sunt ex continentibus propriis, nec ubivis reperiuntur. Ergo & musculorum tunica e partibus propriis erit. 3. Imo, si quis accuratius in-



inquirat, posset etiam dubius reddi, an Musculis inter partes proprias sedes deberetur? Etenim quicquid toti corpori est commune, id non est abdominis pars propria. At musculorum in toto corpore proventus est uberrimus. Dices: Musculos abdominis ad solum abdomen pertinere. Ajo: Eodem jure Musculorum abdominis membranam propriam esse abdomini: (quæ tamen communis fertur,) imo erit quoque cutis abdominis, propria abdomini. ipsaque pinguedo: proinde neutra etiam pars Communis. Nam qua cutis aut pinguedo in abdomine, eadē nuspiam alibi.

V. Ut certi quid elucescat in hac dubietate, dicendum arbitror: Communes partes esse has; Cuticulam, cutim, pinguedinem, (quæ licet non undique majori tamen ambitu, & *ὡς ἐπὶ τὸ πολὺ* investit corpus, quod satis est ad communiter) Panniculū carnosum. Musculorum differens est ratio. Hi enim pro duplici conceptu, vel utrique vel alterutri seriei se ascribi patiuntur. Si

Si eos consideres sub latitudine generis, omnino erunt partes communes: Ubivis enim sparsi per corpus, nullis non partibus astant: Ast si eorundem consideres naturam specificam & restrictam, jam abdomen, & aliæ partes possident proprias musculorum species. Cutis ubivis in corpore specie eadem est: & pinguedo: & membrana carnosâ: sed abdomen proprias habet musculorum species, distinctas à musculis capitis, brachiorum, thoracis. Sic igitur Musculi (non sequestrata ipsorum membrana) sunt partes abdominis propriæ.

VI. Superfunt Partes Contentæ: Hæ vel homini perfectio, natoque insunt, vel peculiares fœtui, adhuc concluso maternis visceribus. Illæ iterum duum generum, scilicet ab usu duplici: Quædam nutritioni ancillantur, quædam generationi: Nutritio postulat alimentum, cujus coctio *χύλωσις καὶ αἱμάτωσις*. Chylosæos organa sunt Ventriculus, Intestina, Omentum, Pancreas. *Αἰμαλίστις*

*σπεν* Venæ, jecur, lien, cistis fellis, Re-  
 nes, vesica urinaria. Generationem  
 quæ procurant partes, vel Viriles sunt,  
 vel fœminæ. Prioris generis nume-  
 rantur vasa spermatica, Coles, Parasta-  
 tæ, Vesicula: Prostata, genitale. Poste-  
 riores sunt eadem aut similia, & Uterus.  
 Singulæ quo ordine hic enumeratæ  
 sunt, à nobis perlustrabuntur.

## De Cuticula.

VII. *Nomen* Cuticula. *ἐπίδερμις*, vel  
*ἐπίδερμαρις*, id est supercutanea, quasi ve-  
 ræ cutis tegnimentum & efflorescentia.  
 Hanc voculam Hippocr: nonnunquam  
 usurpat pro vera totaque cuti.

VIII. 2. *Situs*. Cuticulæ hæc (de qua  
 præsens sermo. Nā & alia membra suas  
 habent cuticulas internas, ut ventricu-  
 lus, intestina, vesicula bilis) externam  
 corporis superficiem undique ambit,  
 veræ Cuti superposita, (excepta cuticu-  
 la glandis in genitali, sub qua non cutis  
 est sed caro,) eamque tegens teneriter,  
 & complexa firmiter. Etenim tam arcte  
 Cuticula cuti subjectæ adhærescit, ut in  
 vivens

viventibus scalpello ægre segregari se permittat: attritu vero aut medicamentis vesicatoriis, haut difficulter. In cadaveribus separatio prompta fit, aspersu aquæ bullientis, aut flamma. Et contra rationem, & contra experientiam est, quod prodidit Laur: l. 6. c. 3. Cuticulam sine dolore à cuti separari posse.

IX. 3. *Substantia.* Quam generationis materiam nacta sit Cuticula, si interrogaris Laurent: respondebit is, genitam esse è strigmentis, crassiusculo & impuro excrementi genere, quod instar farinæ cuticulæ aspersum cernitur. Id nobis prorsus non fit probabile: quia strigmenta sunt accidentia & symptomata p. n. cuticulæ, quæ abradi postulant. Nullum autem accidens rei potest esse ejusdem materia.

X. Nemo rectius Arist: l. 3. *hist. an. c. 11.* & l. 2. *gen. an. c. 6.* materiam & generationem Cuticulæ agnovit: *οἷον*, ait, *τοῖς δερμασι πᾶσι γλυσχροῦς μυζῶδης καὶ γίνεται ἢ ἐπιδερμὶς κατὰ τὴν ἐπὶ τοῖς ἐψήμοι ἢ καλεσμένην χροῦν.* Quemadmodum pulticula, postquam

peram ab igni remota aërem frigidum  
 tetigit, pelliculam quandam ducere  
 consuevit: ita cum ex semine & sangui-  
 ne æqua mixtura concurrentibus, na-  
 scitur vera cutis, excitatur à subjectis  
 partibus, vi caloris, vapor lentus, pin-  
 guis, saluber, seminali-sanguineus, quæ  
 uoapte impetu ad superficiem festinans  
 condensari incipit, atque in Cuticulam  
 concrefcere. Hic oleosus, benignus va-  
 por, materies est cuticulæ. Quamvis  
 verò pleni uteri interanea non adeo fri-  
 geant, ut absoluta fiat ejus vaporis coa-  
 gulation; tamen prima rudimenta ducit:  
 icque cuticula generari incipit in ute-  
 ro: perficitur extra uterum à frigore  
 ambiente: quæ causa, quod Cutis omni-  
 um infantum, etiam Æthiopum, initio  
 ubeat: quod item dolorem isti sentiant,  
 quem ploratu produnt.

XI. Adversus hanc Doctrinam, Na-  
 turæ penetralibus conformem, quæ à  
 Minod: / .i. c. 10. ex. aff. proferuntur, non  
 int alicujus, vel subtilitatis, vel solidita-  
 tis: Quin parati sumus ea evertere inter  
 dispu-



disputandum, si usus postulaverit, aut res.

XII. His fundamentis & positis, & ut arbitror, solide stantibus, illud nunc superstruitur. Cuticulam esse corporis partem proprie dictam, genitam ex sanguinis & seminis lento ac humido vapore, ejusdem cum vera cute indolis; vita præditam, quamvis tactu destitutam; sic se habens ad cutim subjectam, uti pellicula *αἰὲς* ad pulstem cui superstat, cujusque pars nativa est. Liquet hinc & illud ex adverso, non esse digno æstimo cutim persecutos illos, qui illam ad cohortem inanimarum, ex abjectis excrementis genitarum partium (ut pilos) detrudunt. Certe eadem Cuticulæ quæ cuti prima materies: Eadem circumscriptio & Conformatio: iisdem cavitatibus, poris, incisuris, interpolata: Eodem colore: Simili modo flaccescit, corrugatur; nusquam extra illam reperitur: Continua illi non contigua, sanguine simili nutritur: unde & simili haud dubio temperie.

XIII. 4. *Quantitas.* Quanta est cutis  
 veræ tanta est cuticulæ extensio: nimi-  
 rum, quanta est circumscriptio totius  
 corporis. Habet homo partem sui cor-  
 poris, naturalem, vivam, quæ major  
 est & capacior cæteris omnibus simul  
 sumptis, (Continens enim contento  
 majus,) quæque cum ista nasceretur,  
 nondum erat perfecta, postea absoluta  
 completaque fuit. Ea est cuticula. Nu-  
 mero, quoad sensum, una est Cuticula  
 in superficie corporis. Experimento ta-  
 me indeprehensum, applicatis pharma-  
 cis vesicas attollentibus, adfuisse gemi-  
 natam, quarum exterior tenuissima, in-  
 terior crassiuscula fuit. Cuticulam abji-  
 ciunt serpentes, aliaque quædam ani-  
 malia quotannis: Diciturque rejecta-  
 mentum hoc Exuviae. Etiam homines  
 antiquam exuunt post variolas, scabi-  
 em, pustulas; subnascente alia nova. Pro-  
 fus sine Cuticulæ rudimentis natus per-  
 hibetur Ludovicus Ungariæ Rex, quod  
 ipsi mali ominis esse prædixerunt vates.  
 Nam ut felices æstimamus futuros illos.  
 qui

qui membranis involuti, tanquam pileis aut vestimentis prodeunt in mundanam scenam, ita ex adverso infortunatos, qui harum aliqua carent. Eventum verò respondisse huic præfatio, constat ex historiis. Nam Ludovico quamquam arte procuratrice conciliaretur post cuticula, tamen non regnò duntaxat exutus est, sed & vita, ipse adhuc juvenis.

XIV.5. *Qualitas.* Donata est Cuticula variis qualitatibus, quarum hæ sunt celebriores. (1) Temperies eadem quæ subjectæ cutis: moderata scilicet, nullo qualitatum excessu insignis, quamdiu naturæ suæ relinquitur. (2) Tenuitas excellens, non dissimilis membranulis quæ ovorum putaminibus subtus nascuntur. Cum in callum vertitur id illi præter naturam est, fitque callosa in manuum volis in plantis pedum, quales manus legitur habuisse Scipio Nasica, qui ob id interrogatus per probrum. An consueffet manibus ambulare? Tametsi vero universim tenuissima sit Cuticula

tīcula, in summo tamen capite, ubi cu-  
 tis densissima, ipsa valde est subtilis: sub  
 pedibus, ubi cutis tenuis, cuticula cras-  
 sior. (3) Tenuitatem compensat den-  
 sitas & soliditas. Cutis vera raritate con-  
 spicua pollet: quacirca Ichores humo-  
 rumque eluvies aqueæ, per hanc facile  
 transudant, allapsæ ad cuticulam den-  
 sitate hujus sistuntur; unde pustulæ. Be-  
 neficio densitatis, neque tam properè  
 subire patitur cuticula in corpus calo-  
 rem, frigus, venena, neque tam facile  
 spiritus exhalant. In hac tamen  
 densitate non deficiunt illi perspiracula  
 exigua, (poros vocant) per quæ cor-  
 pori necua expirant. (4) Color cuti-  
 culæ partim subjectæ cutis; partim hu-  
 morū suppositorum; partim externorū  
 agentium ideam; partim virtutis forma-  
 tricis impetum sequitur. Huc referri  
 possunt miræ maculæ quibus per natu-  
 ræ lulum cuticula quandoque pingitur,  
 quod Neroni evenisse author est Sue-  
 ton: idemque memorat Cæsarem Au-  
 gustum, Cuticula fuisse variegata, di-  
 C sper-

spersis per pectus notulis ad effigiem stellarum cœlestis ursæ. Princeps Epiri Scanderbeg, heros fortissimus, gladii effigiem in dextro brachio à natura portavit.

XV. *Actio & Usus.* Varia sunt Cuticulæ opera & usus: (1) Vasorum per cutim euntium oscula obturat, ne quid erumpat præter fas. (2) Cutim subiectam custodit densitate ac stupiditate sua ab foris irruentibus: facitque ne homo vivat in ἀνπαδεία. (3) Est medium externum sensus tactus, dum se inter cutim & sensibile interponit; ipsa vita quidem donata, tamen tactu orbata. Omne enim medium ἀπὸ τοῦ esse decet, & carens ejus speciei, quam debet transmittere. Quamquam hodiernis Philosophis *παράδοξον* sit, nobis tamen *ἐνδοξότατον* est hoc; In omni sensu externo etiam, tactu & gustu, dari medium externum.

## De Cuti.

XVI. I. *Nomen.* Cutis, Corium, Pel-



Pellis, apud lectos scriptores tam homini tribuuntur, quam pecudibus. Imo Plinius Cuti quoque arbores investit. Corium vel corius in homine: Plaut. Jam tibi tuis meritis crassus corius redditus est: Item; fiet tibi Phœniceum corium. Pellis in homine: Horat. de Canid. Reliquit ossa, pelle amicta lurida. Plaut. Ossa atque pel-  
lis sum misera macritudine. Sed hæc licentiosa sunt. Curiosiores inter ea discriminare solent, ut Cutis nulli præterquam homini conveniat. Corium brutorum viventium corpori adhæreat: Pellis tum cutis, tum corium ab animali suo detracta. Nobis negotium est cum cuti humana, quæ ut Festo placet, Græcam habet originem. Dicitur enim illis *Κύττις*, itemque *χρῖς* *ἀέριος* &c.

XVII. 2. *Situs*. Ubi sedem in corpore habeat cutis, nemini ignotum esse potest. Subjacet proximam Cuticulæ. Atque ut hæc sic & illa tegumentum est totius corporis. Sed alibi firmitus, alibi debilius adhæret

partibus subjectis. A ventre, Thorace, brachiis, cruribus, sine molestia segregatur. Non item à pedum manuumq; volis, à fronte, & reliqua facie. Inibi enim connata est arctius panniculo carnosio.

XVIII. 3. *Substantia.* Non est animus abuti opera in recensendis aliorum placitis, de substantia & generatione Cutis, in quibus adeo futilia & ἀφελόσοφα plurima sunt, ut examinari non mereantur. Quando Laur. l. 6. c. 4. profitetur cutim membranam esse: accepisse plus seminis quam sanguinis, bellum infert suo ipsius pronunciato. Nam neque definitio membranæ ab eo posita l. 3. c. 23. vel levi apice cum cuti convenit: vel quæ de partibus spermaticis l. 1. c. 20. deque cuti d. l. scripsit, ullo pacto conspirant. Nostra est sententia, Cutim ex semine & sanguine æqualiter permixtis in utero conformari, & accepisse peculiarem substantiam, nulli alii parti concessam: quam ob causam mediæ est naturæ, inter partes spermaticas & hæmaticas. Per substantiam cutis dispersæ sunt venæ,

venæ, ut nutriatur; arteriæ ut vivat.  
Nervi ut tactu polleat.

XIX. 4. *Quantitas*. Magnitudo cutis tanta est, quanta sufficit ad corporis molem vestiendam. Continua tamen ubivis non est, sed interpolata foraminibus, quæ duum generum, (1) Exilia, qui pori dicuntur. (2) Majora.

XX. (1) Pori in molliculis corporibus propè inconspicui, in siccioribus aspectu notabiles, multitudine innumeri, per quos (1) vapores ex interiore corporis recessu exhalant, & vel in sudorem facessunt, vel insensibiliter evanescent, (qua via tumores sæpè dissipantur) per quos (2) prodit pilorum materia: per eosdem (3) emergit oleosus vapor pro cuticula generanda: Denique (4) per quos exit fuligo illa, qua stragula vestesque calfiunt, contractu nostro. Qui putat profusiore gaudio derepente mori homines (quod accidit Polycratæ fœminæ: & Philippidi Poëtræ & Diagoræ Rhodio; de quibus A. Gell. l. 3. c. 15. N. A.) ideo, quia poros

C 3 laxari

laxari nimis contingat, (sic cenſet Laur. *lib. 6. c. 4.*) is neque naturæ motum, neque ejus rationes intelligit. Multo enim alia eſt iſtius ſubitanei interitus cauſa.

XXI. Patentiora in cute foramina, oculis conſpicuè obvia à Laur. *d. l.* numerantur Decem; In oculis 2. in auri- bus 2. in naribus 2. in Ore 1. in Umbilico 1. in pudendis 1. in ano 1. Verum hercules eſt, his locis perforatam eſſe cutim; (umbilicus tamen non niſi in fœtu: at in adultis vix huc pertinebit.) Sed non tantum his, quin multo pluribus, quæ quæ cæteris annectere neglexerit Laurent. equidem non ſcio. Enimvero pertuſa eſt Cutis inſuper in viginti locis corporis evidentiffimè, præter iſta recensita foramina. Primum in duabus mammis: (Papillæ enim non ſunt Cutis, ſed caro fungoſa, inſerta rotundis cutis foraminibus.) Dehinc in decem digitis manuum, & totidem pedum, ubi cutis excavata eſt foraminibus, pro excipiendis un-  
gui-

guibus. Per priora XII. Natura partim emittit foras, partim intromittit materiam. Per oculos intrant species visibiles, exeunt lachrymæ & sordes. Per aures introeunt soni: effluunt marmorata seu cerumina. Per nares ingreditur aër, egreditur mucus. Per os projicitur sputum: intro subit cibus & aër: Genitale fœmineum excipit viri semen, & deponit menstruum ac urinam. Cætera aut saltem recipiunt aliquid, aut saltem emittunt, non præstant utrumque. Umbilicus in fœtu duntaxat excipit sanguinem pro nutricatu. Anus saltem egerit fæces. Penis solum emittit semen aut lotium. Papillæ saltem exstillant lac. Numero una est cutis in quolibet homine. Sermo quidem fertur, de novem fœminarum pellibus, quibus testæ & incrustatæ sint, (quæ res & Poëtis scribendi ansam subministravit) itemque leporem totidem coriis investiri: Sed de fœminis vel jocuse est, vel allegorica cõmentatio: Lepus verò



haut dubio aliquam multis membranis  
carnem circumdatam gestat.

XXII. 5. *Qualitas.* In serie qualitatū  
quibus prædita cutis ; illustrissima est  
temperies, habita non solum primarum  
qualitatū ratione, sed & secundarum.  
Utrolibet jure Cutis partium omnium  
corporis temperatissima ; nisi forte δὲν  
τὸν ἐξωθεν de statu æqualitatis deiciatur.

Causa duplex: (1) in Materia; quia coa-  
luit ex æquis partibus seminis & lan-  
guinis. (2) à fine , quia debebat exactè  
dignoscere omnes qualitates; quod ne-  
quivisset , si una vel altera prævaluisset  
cæteris. Intus enim existens prohibet  
alienum.

XXIII. Quæ de duplici Tempera-  
mento Cutis , Insito & Influyente pro-  
posuit Laurent : l. 6. c. 4. non magni æsti-  
mamus; utpote à docta mente & Philo-  
sophia aliena. Insito donari, ait, quia  
est velut caro nervosa, aut nervus car-  
nosus: Influyente; quia tantum à muscu-  
lis, carnibus, nervis, &c. caloris & hu-  
miditatis accipit ; quantum à Nervis,  
ossi-

ossibus, &c. frigiditatis & siccitatis:  
 Enimvero non idcirco Cutis est tem-  
 perata, quia est seu nervosa seu carnea;  
 (neutrum revera est. Quod autem non  
 est, non potest esse causa ejus quod in-  
 est, scilicet Temperiei,) sed quia æqua-  
 lem possidet nativi caloris f. h. s. mixtio-  
 nem. Hæc vera est Temperiei causa,  
 non illa. Porro influens Cutis Temperie-  
 es, cum aliunde veniat, non magis ad  
 mediocritatem inclinat quam ad calo-  
 rem vel frigus. Hyeme foris affluit fri-  
 gus, æstate Calor. Ab Internis vero in-  
 cutim semper influit calor (ista enim  
 perpetuò calent) unde influens tempe-  
 ries potius calida quam æquabilis. Sed  
 illud nimis incogitanter prolatum, à  
 Nervis influere calorem & humidita-  
 tem: ab iisdem nervis influere frigus &  
 siccitatem; alterutrum horum falsum  
 est: Siquidem contraria simili respectu,  
 simul stare nequeunt. Quin ossa, nervi  
 cartilag: &c. nunquam frigida sunt in  
 corpore vivo, sed spiritu caloreque  
 perfusa. At unumquodque agit prout

C 5 est

est actu. Non ergo possunt frigescere cutim, sed calfacient potius. Ut non dicam partes medias inter ossa, cartilag : & cutim omnes futurastem-  
poramento influente frigido ; quod  
*ἀλογώτατον.* Nam Ossa immediatò cu-  
tim non contingunt, Ossa autem non  
agunt in remotum, nisi prius agant in  
proximum. Omnis enim actio fit per  
contactum.

XXIV. Qualitates secundas si spe-  
ctemus in iis itidem mediocriter se ha-  
bet Cutis : attamen harum varii sunt  
gradus. Mollities ac durities ejus  
evariat, nec ubique eadem est. In fa-  
cie, labiis, mammis, pene, scroto,  
molliuscula. Unde per eas partes fa-  
cile recipiuntur foris venientes *ἀπὸ κεί-  
σας* Lues venerea per osculum la-  
scivius conquiritur : Per penem & pu-  
denda itidem penetrat & propaga-  
tur. Durior vero aliquantulum est  
Cutis in tergo, in pedum plantis. Ita  
quoque alibi crassior, alibi tenuior.  
Crassior in capite, pedibus, dorso,  
collo.

collo. Crassior quoque hominibus  
versus Polos habitantibus, ob frigus  
omnia condensans. Tenuis in fron-  
te, ilibus, hypochondriis, (unde istis  
facilis titillationis sensus.) Tenuior in  
vola manus: adhuc tenuior in la-  
biis & scroto. Tenuis quoque istis  
qui æquatori habitant vicinius, ut  
Æthiopibus, quorum cutis palpatur in-  
star Holoferici. Calor n. omnia attenuat.

XXV. Annotare libet hoc loco quod  
apud Cœl. Rhod. legitur, cutis crassitu-  
dinem, subtilitati spiritus officere: quor-  
um spectare videntur Plautini sales,  
Meus herus Elephanti corio circumte-  
ctus, non suo est: Neque plus habet sa-  
pientiæ quam lapis. Nam antiquitus ma-  
gnos stupidosque Elephantum nomi-  
ne intelligebant. Aristotelis quoq; sen-  
tentia fuit *l. 2. hist. anim. c. 9.* subtilitatem  
animi ingeniique constare non subtili-  
tate sanguinis, sed Cute, Carne, Operi-  
mentisq; corporum: *ἐν τῷ γένει τῶν ἀνθρώ-  
πων παρὰ τὸ ἀσθητικὸν τῆτο εἶναι ἀφύει*

*καὶ ἀφύει, παρ' ἄλλο δὲ μηδέν. οἱ δὲ*

ἡ δὲ σκληρότατος ἀφ' αὐτῆς τὴν διάνοιαν; οἷδε μαλα-  
κός τε αὐτῆς ὁ φρενός. Carnis nomine hic im-  
primis Cutis intelligenda, quæ cum  
præcipuum sit tactus organum, pro-  
nunciat Arist. ob tactum excellentem,  
hominem esse cæteris animantibus  
prudenterem. Tactus enim sensuum  
cæterorum fundamentum est. Sensuum  
autem bonitas est dispositio ad intelle-  
ctus bonitatem: Unde fortassis pro-  
verbium, quod Hermolaus se intelli-  
gere apertè negat: In malaco sanum:  
id est, in mollitie cutis & raritate posita  
est mentis sanitas. Græci etiam fatuos  
& bardos *παχύδερμοι*, id est, crassipelles  
vocant.

XXVI. Ad qualitates Cutis referen-  
dus est & color, qui varius est in variis,  
& ad quem se conformare diximus cu-  
ticolæ colorem. Adolescentum cutis  
mixtam habet cum rubore albedinem,  
quia in iis sanguis purior, fluxilior; ad  
cutim scilicet penetrans. In annosis pal-  
lida; quia sanguis crassior nequit illuc  
ferri aut recipi. Pallida & his qui se-  
denta-



dentariam vitam exercent, ob defectum caloris promoventis sanguinem ad exteriora. Regionum quoque diversitas variat cutis colorem. Septentrionalibus candida est, quia frigus omnia albefacit: Ita circum polum candidi corvi: lepores, ursi, lupi omniaque bruta albicant. Zonæ torridæ inhabitatores nigra, aut fusca sunt cute. Calor enim adurit & nigrefacit. Faciunt & huc humores. Melancholici fusci sunt, qualis erat Chærephon Socratis familiaris, eo merito buxeus dictus: Sanguinei cute sunt rubella, pituitosi pallida; biliosi flava.

XXVII: 6. *Actio & Usus.* Munia præcipua quæ abs Cute præstantur corpori, in fasciculum collecta hæc sunt: (1) Tegit corpus instar vestis nativæ. Hinc Plato eam appellavit magnam nassam, corpori circumpositam. Tuetur enim id ab injuriis foris irruentibus (2) colligat membra facitque ut corpus fiat unum per σύμφυτον. (3) Cutis est tactus αἰσθητικόν. Non quidem immediatum,

ut scribit Laurent: *l.6.c.4.* quia cutis tangit per mediam cuticulam, *cujus* (sic habet idem Laur: *c.3.* sui immemor) *primus usus est, ut sit medius tactus.* Non enim fit sensio perfecta per immediatum contactum sensibilis & sensorii: Est inquam Cutis tactus Organon non immediatum, non adæquatum toti tactus latitudini: Sed 1. Partiale; quia pleræque corporis partes, una cum cuti sentiunt. 2. Perfectionale & Princeps, quia nulla exquisitius quam Cutis tangit. Quamvis autem universim Cutis tactu polleat, magis tamen ea illius portio tangit, in quam nervi plures inseruntur: aut quæ arctius membranis connectitur tenuiorq; est. Oboesi, quibus inter Cutim & panniculum carnosum, plurimum adipis interjacet, obtusius tangunt.

### De Pinguedine.

XXVIII. I. *Nomen.* Pinguedo Græcis *πικρὴ* Lat: etiam Pinguetudo, quam vocem Servius Gramm: Latinam esse negat: Ego vero apud elegantes & probatos

batos scriptores invenio. Adeps τὸ σίαιε  
 generali acceptione pro eodem sumi-  
 tur, de quo Plin. l. 28. c. 9. quod non so-  
 lum in precio, sed & religiosus fuerit,  
 novæque nuptæ intrantes solempne ha-  
 buerint eo postes attingere. Hæc est ge-  
 neralis acceptio Sed strictiꝰ adeps à pin-  
 guedine distinguitur apud Arist. l. 3. hist.  
 an. c. 17. Galen. l. 3. fac. an. c. 11. Plin. l. 11.  
 c. 37. Pinguedo mollior est & humi-  
 dior. Calore celeriter funditur: fusa re-  
 tinet Ideam Olei: iterumque tardius  
 concrescit. Adeps majoris est duritie,  
 ægrius liquefit: Liquefactus facile ite-  
 rum condensatur. Pinguedo est sub Cu-  
 ti: adeps circa Cor, Renes, &c. sed nos  
 cogimur quandoque promiscuè uti. A-  
 xungia τὸ λιπαρόν seplasiariis quidem est  
 quorumcunque animalium adeps: at  
 propriè porci pinguedo inveterata,  
 qua olim axes plaustrorum ungebātur,  
 ut hodie; unde illi nomen. Sebum  
 proprie est adeps ex omentis detractus,  
 qui assumitur ad candelas, quæ inde  
 Sebaceæ.

XXIX. 2. *Situs*. Pinguedo in homine sita est sub Cuti proximè, incumbens Panniculo carnosio. In brutis mox à pelle est panniculus carnosus, & sub panniculo pinguedo: quæ causa quod bruta pellem moveant. Scilicet beneficio panniculi: Idcirco vero sub cuti esse adipem copiosum Laurent. putat l. 6. c. 5. quia sanguinis portio, quæ ob tenuitatem rariore musculorum carnes præterit, à densiore & crassiore cuti retinetur. Ratio falsa & auctori suo è diametro contraria. Docuit enim ille l. 6. c. 4. & lib. 5. musculorum carnem esse densissimam, compactissimā; membranis item densis obsitam. Cutis vero substantiam rarissimam infinitis poris per-  
tufam. Nunc si cutis rara, muscoli densi, quomodo sanguis musculos facile permeabit, cutim ægrè? & à cute retentus concrefcet? Quæ cara sunt promptè transmittunt. Densa non item. Difficulter igitur sanguis musculos penetrabit, Cutim facile.

XXX. Ad ventrum vero infimum  
copio-

copiosior adeps, non quia longè diffi-  
tus est à fonte caloris, quod prætendit  
Laur. lib. 6. q. 5. Cor enim calidissimum  
(imo ipse caloris fons: ) optimo adipe  
obsitum invenitur: Sed (1) quia in vici-  
nia est Culinæ & officinæ nutritivus,  
(2) Venis abundat, vehentibus materi-  
am. (3) Major ejus usus istic quam alibi.

XXXI. 3. *Substantia*. Omnis fœtus sic-  
uti in lucem prodit cuti vestitus, & car-  
ne, sic etiam pinguedine saltem aliqua-  
li. Gignitur igitur adeps & efformatur  
in Utero, ubi Totum. Si materiam quæ-  
ras, non alia ea est quam sanguinis por-  
tio dulcior, maximè æërea, oleosa, opti-  
me defœcata, perbene octa, teste Arist:  
l. 7. part an. c. 5. & alibi. Efficiens est ea-  
dem, quæ omnium partium in Utero  
conformatarum, anima scil. usa Spiritu  
ac Calore ceu familiari Organo. Hæc  
causa Efficiens velut ex hoc sanguinis  
frusto carnem cordis, ex illo renum,  
ex alio, jecoris, ita ex alio adipem con-  
struit. Diversitas omnis ex materie di-  
paritate. Rursus ut geniti jam & cre-  
scen-



scientis infantis caro , aliam sui similem generat carnem & apponit, membrana membranam, quælibet ex conveniente materia. Ita pinguedo aliam generat pinguedinem, sua vi & facultate innata, quemadmodum unumquodque sibi simile producit. Hinc adipis incrementum, & moles aucta. Formam corporeitatis, præter animam , pinguedo suam habet ut Os suam, Vena suam, qua id est quod est.

XXXII. Porro Consistentiam pinguedinis si spectes , velut Os durum est, caro mollis, sic pinguedo quasi mediam accepit indolem. Concreta quippe est, atque hæc concretio à propria ejus natura petenda. Ut durities & soliditas sequitur naturam Ossis, densitas & tenuitas naturam membranæ , haut aliter concretio per se naturalis est adipi: quippe quam coctio exquisita inducit. Ulterius: sicut Os quoties duritiem exuit, toties præter naturam se habet: Sic adeps cum deposita concretione liquefcit, nõ potest naturaliter esse constitutus. Sub-

lata

lata tamen violentia caloris liquefacientis, ipse suo pte instinctu ad pristinam compactionem revertitur, velut aqua calfacta ad ingenitum & antiquum frigus. Plumbum liquefactū quamvis maneat plumbum, tamen sic à propriæ naturæ integritate desiscit, quæ consistit in soliditate & concretionem. Et adeps liquefactus, adeps quidem esse non desinit. Cū propriæ tamē naturæ legibus nō consentit, quæ voluit ipsū esse concretū.

XXXIII. Hæc si ita se habent, annon frustra sunt Anatomici, quorum alii adipem frigore, alii calore condensari, magno conatu disputant? A neutro sanè concrevit: sed à propria forma & natura, cujus productionem pari passu comitatur concretio. Abs que concrevit aurum liquefactum? Anne à calore? nequaquam: ab eo enim funditur. Anne à frigore? Neq; hoc. Adurit enim manus, quamvis concretum & ab igni remotū nuperrimè. Concretio hæc ascribenda intimiori alicui causæ, ipsi videlicet formæ & naturæ auri, adipis, plum-

plumbi, &c. quæ corporis, cuius est forma, conservatrix maximè esse studet, integritatemquetueri. Integritas vero eorum in compactione & concre-  
tione consistit.

XXXIV. Dixi, Pinguedinem nec à frigore coagulari nec à calore, id probo. Non Entis nullæ sunt operationes: Sed in corpore nostro frigus positivum propriè dictum nullum est. Omnia enim calore perfusa. Ergo nulla à frigore pinguedinis concretio. Non à calore ne quidem moderato (quem isti pro frigore habent) Qui calor adipem fundit, is nequit eundem condensare. At calor modicus, & longe imbecillior quam membranarum, fundit adipem. Expone pinguedinem humanam aëri æstivo, paulatim liquefieri deprehendes. Sed aër æstivus, dicente Galen: etiam cum maxime calet, frigidior est cerebro omnium partium frigidissimo. Ergo & frigidior membranis Calore cerebrum vincentibus. Membranarum

narum ergo calor modicus nequit adipem coagulare.

XXXV. Quærat tamen aliquis, cur ad membranas potius, quam alias partes germinet adeps? Quia hæc densitate sua non patiuntur tenuem & oleosum sanguinem prætervehi. Sic inter cutem & pinguedinem in homine membrana interstat tenuis, densaque, sistens materiam futuri adipis. Partes carnosæ utpote rariores transmittunt. Adeoque ubique adeps, ibi densæ membrana. At non vice versa, ubi membrana protinus ibi adeps. Non enim ad meninges cerebri. Quia ibi non sat sanguinis: nec sat defœcati sanguinis suppetit, aut etiam si suppeteret, nulli ibi commodo foret adeps, sed impedimento potius ac oneri. Natura autem non facit quicquam frustra. Ex his illud evincitur, Pinguedinem esse partem corporis propriè dictam. Cohæret enim toti, suis terminis est circumscripta, vita fruitur, nutritur, augetur, in quem finem venas, plurimas accepit san-

sanguinem advehentes, Ullum & actionem insignem corpori præstat.

XXXVI. 4. *Quantitas.* Hæc tanta fere est, quanta totius cutis extensio. Qui abundant pinguedine hos <sup>maximo</sup> esse negat Aristot. Sanguis enim in adipem absumitur: in sanguine vero vita.

XXXVII. 5. *Qualitas.* De Pinguedinis temperie diversum sentiunt aucthores: Laurent. l. 6. q. 5. frigidam profitetur, quia membranarum frigiditate concrevit: Ast Arist. calidam. Istum prætextum frigiditatis nullum esse mox ante ostendimus. Arist. sententiam consonam esse naturæ hæc evincunt. Estque pinguedo calida 1. quia genita est ex sanguine, 2. ad olei & aëris naturam proximè accedit. Nam levis est, supernatat. 3. Effectus ejus sunt calidi: discutit, resolvit, maturat, calfacit. 4. Facile flammam concepit.

XXXVIII. 6. *Ufus & Actio.* Actiones propriæ sunt nutritio & auctio. Actio com-



communis est: 1. Coctionem partium  
internarum juvare, sicut & omentum  
facit. 2. Est munimentum corporis. 3.  
Nonnullis membris lubricitatem ad-  
dit, ut promptius moveantur, 4. Spa-  
tia replet vacua.

## EXERCITATIO III.

quæ est:

- I. *De Panniculo carnosò.*
- II. *De Musculis Abdominis.*
- III. *De Peritoneo.*

*Resp.* Matthia Nicolai,  
Chilonio-Holsato.

### De Panniculo carnosò.

**N** *Omen.* Corpus membranosum,  
quod in humanis corporibus  
pinguedini proximè supponitur, vulgus  
Anatomicorum (ait Laur. lib. 6. c. 6.) ap-  
pellare solet Panniculum carnosum,  
Bar-

Barbaro nomine: Elegantius diceretur Membrana carnosæ. Id ex Laurentio descriptum repetit Ad. Spiegel. *l. 8. c. 3.* Ego verò pronuntio, neq; hoc nomen Barbarum esse: neq; ineleganter eo Membranzæ Carneæ naturam exprimi. Barbarum non est: nisi Barbaros esse dixeris Celsum, Juvenalem, Martialem, lectissimos Latini eloquii scriptores, qui eo usi sunt: Celsus *lib. 5. & lib. 7. cap. 20.* Martial. *lib. 5.* Juven. *sat. 6.* cujus hic est versus:

*Delicias & Panniculus Bombycinus  
urit.*

Cæterum quum Panniculus propriè sit Pannus tenuis & delicatus, expansus super rem aliam, talique expanso panniculo oppidò similis sit hæc membrana, cur non appositè dici posset Panniculus? Et quidem semper carneus in brutis: In hominibus vero recens natis carnosus quidem, ob sanguinis, quo perfusus est, abundantiam. In adultis verò membraneus: quia exsiccatus membranæ faciem induit: quamvis &

tum

um retineat fibras carneas, quibus con-  
persus, crassiorque redditus carnem  
æmulatur.

II 2. *Situs.* Subjacet in homine Pin-  
guedini: At in brutis Pinguedo ipsi sub-  
jicitur. Complectitur & ambit totum  
corpus ferè: Neque solum pinguedini,  
sed & cuti cohæret, inventu vena-  
rum, arteriarum, nervorum, fibrarum.  
Unde fit, ut absumpta licet pinguedine,  
tamen cutis continetur cum reliquo  
corpore. Firmiter adhæret cuti & mu-  
culis substratis, ut haut facile ab illis se-  
paretur, imprimis in dorso, fronte, ante-  
riori collo.

III. 3. *Substantia.* Origo Panniculi est  
tum ex semine, tum ex sanguine. Ex illo,  
quia haut absimilis est membranæ: Ex  
hoc, quia carneus. Imo in brutis me-  
rum diceres Musculum, tam carnosus  
est, & fibris refertus, ejusque motu &  
concussione muscas & culices abigunt  
quadrupedes. Homo nihil ejus movet,  
si frontem excipias: unde & immobilis  
homini cutis. Vel alius tamen scribit fu-

D      isse

isse viros, qui in thorace & alibi cutim flectere ac movere potuerint pro lubitu, instar jumentorum. His putat panniculum ejusdem compositionis fuisse cum brutis: carneum scilicet, fibrosum, musculosum. Ubi incumbit suppositis musculis, muco quodam ac lentore oblitur, ne qua impediat multijuges musculorum motiones.

IV. 4. *Quantitas.* Panniculus totum corpus investit & ambit.

V. 5. *Qualitas.* Coloris est in infantibus rubicundi: In adultioribus albescit magis. Temperiei ejus ferè, ejus caro, ubi carneus est, id est, calidæ aut humidæ: aut ejus sunt membranæ, ubi membraneus.

VI. 6. *Actus & Usus.* Quos panniculus usus & officia exhibet corpori, hæc ferè sunt. 1. Fulcimen præbet vasis ad cutim currentibus, quæ absque hoc facile divellerentur. 2. Munit partes adjacentes, totumque corpus immune servat ab externo prono & nimis efficaci incurfu.

3. In brutis servit movendæ pelli, excutiendisque rebus molestis. Equi crispato hoc panniculo pelleque, scissorem sæpe excutiunt. Et de Elephantis scribunt, quod contracta complicataque pelle & panniculo, muscas interceptas conterant.

## De Musculis Abdominis.

VII. 1. *Nomen.* Musculi vox, quod ab animalculo quadrupede terrestri, felibus & hominibus satis cognito, deducta sit, & translata ad partem corporis, motus spontanei organon, quæ excoriato muri similis apparet, id sicut inficias non imus, ita fatemur appellationis rationem non omnibus, quæ ea insigniuntur, organis ex æquo convenire. Sunt enim in corporibus nostris Musculi distinctissimarum figurarum, nec quicquam similitudinis cū excoriato musculo possidentes: qualis est Deltoides humeri, Triquetri, aut Græci  $\Delta$  ideam gerens: nec nō quadratus Musculus in scapulis:



Rotundus sphincter: & alii alibi. Retineri nihilominus id nomen potest, quia plures & præcipui magis, & sæpius ob vii sunt musculi, respondentes primæ appellandi occasione. Isti vero quorum sub panniculo carnosio positus est, peculiari nomine dicuntur musculi Abdominis à sede, in qua locantur: Licet ab usu novo thoracem circumflectendi, alium à nuperis Anatomicis titulum mereri credantur, nondum tamen ipsis impositus est.

VIII. 2. *Situs.* Musculi hi panniculo carnosio subjacent, in singulo latere singuli, adeoque geminati: coeuntes in media regione umbilicali, spectaculo pulchro, quod exhibet linea alba, quæ ceu sequestro hinc & hinc dirimuntur, neque dextri in sinistrum, neque sinistri in dextrum latus prorumpunt. Efformatur verò candida hæc linea, ex concursu Musculorum Abdominis, incipiens à cartilagine ensiforme thoracis, exprorecta usque ad ossa pubis. Præter hoc λεύκαμα, hic spectatur loci & alia li-

nea,

nea, semilunaris dicta, juxta tendinum  
auspiciū in musculis obliquis abd-  
ominis, similis extimæ oræ lunæ fal-  
cata.

IX.3. *Substantia*. Diffimilatis est com-  
pages, ut Musculorum omnium, sic &  
eorum, qui in abdomine, quorum hæ  
sunt partes integrantes. 1. Membrana  
novissimè eos involvit tenuis, pertina-  
cissimè adhærens, non solum istos ve-  
stiens, secernensque à vicinis, sed & ta-  
ctu acuto insigniens. 2. Venas accepe-  
runt propter alimoniam advehendam;  
3. Arterias, ob recipiendum calorem &  
spiritum vivificum. 4. Nervos, ob spiri-  
tum animale, qui duplici commodō  
eos mactat. Nam & motum sugge-  
runt, & tactum. 5. Caro præcipua est  
illorum portio, si molem spectes; caro,  
inquam, propriè & κατ' ἐξοχήν sic dicta.  
6. Nacti sunt etiam musculi hi & alii,  
corpus nervosum, quod compactum  
unitumque Tendo dicitur: in filamenta  
vero distractum, fibræ vel villi appel-  
lantur. Hæ fibræ per Musculorum

corpus ita disseminantur , ut omnes  
 eant recta per istius longitudinem, ab  
 uno termino ad alterum , quasi lineæ  
 parallelæ. Omnes Musculorum omni-  
 um, tam abdominis quam aliorum , fi-  
 bræ rectæ sunt : nullæ obliquæ: nullæ  
 transversæ , scilicet respectu corporis  
 musculi : At si musculi cujuslibet situm  
 spectes in corpore: quia hic diversus, &  
 interdum recto ductu à vertice versus  
 pedes protensus: interdum transverso, à  
 latere ad latus : non nunquam prorsus  
 obliquo , eam ob causam necesse est &  
 fibras diversimodè poni; rectè, trans-  
 versè, obliquè : Licet omnes rectæ sint  
 spectata Musculi extensione. Ab hac ori-  
 gine profluxit nomenclatura musculo-  
 rum abdominis obliquorum , recto-  
 rum, transversorum. Atque hæc est idea  
 fibrarum. Quoties verò fibræ copiosæ  
 coeunt, congreganturq; in unam quasi  
 massam, densam, duram, albam pelluci-  
 dam , quod sit, quando musculi motus  
 validioris authores esse debent , cui fi-  
 bræ, utpote tenuiores, pares non erant  
 futu-

futura, tum illud unitum corpus tendo est, quo se nihil in animalis corpore pulchrius conspexisse Fallopius profitetur. Tendinis verò, uti & fibrarum, ortus non est ex mixtura nervi & ligamenti, ut Laurent. l. 5. c. 6. opinatur, sed ex semine; estque hoc corpus sui generis, id est, peculiari præditum substantia. qualem nuspiam reperire est in reliquo corpore.

X. In tanto partium apparatu, si, quæ sit pars princeps, quæ fiveris? Respondebo esse corpus Nervosum, id est tendinem & fibras; non carnem, ut persuasit Philiatrîs hæctenus Laurent. l. 5. q. 2. argumentis prima specie quantivis precii; sed si providè inspicias, haut magnarum virium: quod quando occasio feret, demonstratum dare non recusabimus. Stabilimentum nostræ thesæos hoc est: 1. Quod posito tendine & fibris ponitur; sublati iisdem tollitur motus spontaneus, qui nuspiam nisi ubi fibræ & tendo: Nec uspiam

fibræ aut tendo, nisi ubi motus spontaneus: 2. Quod tendo ac fibræ peculiarem possideant substantiam, ab omnibus aliis distinctam. 3. Quod nullibi tendo aut fibræ quam in musculo reperiuntur.

XI. 4. *Quantitas.* Numero bis quini sunt in homine Musculi abdominis: Duo obliquè descendentes; unus in dextro, unus in sinistro latere. Duo obliquè ascendentes: Duo recti: Duo transversi: Duo Pyramidales vel succenturiati. Qui plures numerant, ii musculos rectos singulos pro pluribus habent, propter incisuras, quæ in iis spectantur.

XII. 5. *Qualitas.* Quali figura præditi sunt singuli abdominis musculi: liquebit ex illis, quæ de quolibet sigillatim paulo post erimus dicturi.

XIII. 6. *Actio & Usus.* I. Sicuti omnis musculus princeps est organon motus spontanei; ita quoque in huius gratiam facti sunt Musculi Abdominis:



minis , atque hæc est præcipua eorum  
 functio : comprimere scilicet æqua-  
 biliter infimum ventrem , quam com-  
 pressionem æquis passibus sequuntur  
 commoda alia , ut fœcum expulsio ,  
 urinæ emissio ; in fæminis exclusio sæ-  
 tus. Sanè peculiaribus suis musculis  
 gaudent vesica, anus, uterus ; insitam-  
 que habent expellendi facultatem ; ta-  
 men quia sæpè gravantur onere , cui  
 deponendo paria non sunt , in subsidi-  
 um iis veniunt Musculi abdominis. Sed  
 & alia utilitas compressionem dictam  
 comitatur : Nimirum, prohibetur ea  
 intestinorum fluctuatio , dumque ho-  
 mo vel properè currit , vel dorso in-  
 cumbens se erigit validè , facile potu-  
 issent interanea de nativa sede delabi,  
 utpote non nimis firmo sustentaculo  
 suspensa ; quæ proindè Musculi dicti  
 comprimendo & constringendo ser-  
 vant in positu naturali. 2. Sunt quoque  
 iidem tum muniendo partibus inter-  
 nis, adjumento, tum in fovendo calo-  
 re; 3. Thoracis quoque motui succida-

neas & secundarias operas locant. Hæc de eorum actione & usu generatim.

XIV. I. *Musculi abdominis oblique descendentes.* Hi primi sunt inter paria quinque panniculo carnosio mox suppositi, numero duo, singuli in singulo latere. quorum fibræ & obliquè eunt, & à superis ad inferiora descendunt. Initium n. eorum (in utroq; latere) est ad costam 8. ultro citroq; prius quam istæ in cartilagine desinant, quò nitantur principio firmiore. Hinc porro origo eorū protenditur ad lumbarium vertebrarum transversos processus, & ossis ilium spinam. Anterius ad medium abdomen excurrunt, desinuntque in latum & nervosum tendinē, ad *λοκωμα* seu lineā candidam. Is tendo cum tendine subjectorū ascendenti utam intimè cohæret, ut nullâ arte separari, quin rumpatur, possit.

XV. Gravis est inter Anatomicos controversia, ubinam sit nativum exordium horum musculorum? Superiusne ad costas? an inferius ad os pubis? Laur: l. 5. q. 9. Aquapend : Bauhinus alii que do-

docuerunt, par hoc musculorum non descendere sed ascendere: id est, principium esse ad os pubis, finem juxta costas. Persuasi sunt præcipuè eo fundamento, quod non moveant os pubis (utpote immobile) sed costas: (respirationi quippe famulantur.) at ibi musculorum principium, ubi immobilitas. Omnis enim musculus movet etiam partem, in quam terminatur & inseritur: Terminantur ergo hi muscoli ad costas: proindè ascendunt.

XVI. Nititur hæc assertio falsis duabus hypothefibus. Neque enim 1. Actio aut usus musculorum horum est respirationi inservire: Si quâ moventur motu thorace, id fit accidentario & per sequelam: Neq; 2. Os pubis, ilii, in nominatum, imobilia sunt, quamvis plæriq; hætenus ita sint opinati: sed omnino moventur, & quidem ab his Musculis. Itaq; ad thoracem est principium eorum immobile; ad pubem finis, sicq; sursum trahunt versus thoracem dicta pubis ossa: ac proindè verò ac propriè descendunt;

quod demonstro sequenti ratione. Ubiqueunque nervi in musculum inseruntur, ibi est illius principium & exortus. Hoc est axioma omnium Anatomicorum, à nemine unquam negatum, nec ipso Laurentio. Sed prope costas superiori loco nervi in musculos hos implantantur, teste *avro Vla* infallibili. Consulat enim quisquis oculos suos, deprehendet singulis fibris ferratis horum musculorum, superne juxta costas, singulos nervos inferi ex singulis costarum interstitiis: Ergò propè costas eorum principium.

XVII. Ex his perfectis Ufus actioque musculorum obliquè descendendum clarescit. Primò enim ad universalem omnium musculorum abdominis functionem, quæ est ventris compressio, operas suas conferunt: Deinde os pubis, ilii, & innominatum sursum trahunt ad thoracem peculiari *εὐγεια*. Denique motui quidem thoracis ancillantur, sed non nisi per accidens ac secundario.

XVIII.

XVIII. 2. *Musculi abdominis oblique ascendentes.* Appellationis origo ex eodem fonte, quo præcedentium proflixit. Subjacent verò commodè obliquis descendentibus, opposita penitus fibrarum serie, decussatim seu per crucem disposita. Exoriuntur infimâ abdominis regione, finiuntur superiore: Et quidem aliqua portione, qua carnei sunt, adhærent costis pectoris, aliqua eaque potiori in tendinem abeunt, nimirum, simulac ad m'culos rectos pervenere, bifurcatur eorum tendo: unaque pars superne cum tendine oblique descendentium coit pertinacissimè ad lineam albam: altera infernè subtus musculis rectis decurrit, peractoque itineris ductu, rursus se prodit, & cum socia superna iterum unitur ad lineam albam: Unde fit ut musculi Recti, veluti theca vel capsula hoc processu contineantur. Horum igitur Musculorum duplex spectatur insertio & terminus: 1. in costis thoracis: 2. in linea candida. Præter communē actio-

D 71 nem



nem comprimendi ventrem, figillatim iidem & aliis commodis mactant corpus. 1. Thoraci inferuntur obliquo ductu; & hunc proinde obliquè movent impelluntque. 2. Musculorum Rectorum actionem non solum juvant, sed & iis pro munimento dati sunt, ne qua è sede sua vacillent, utpote qui istos ad modum vaginæ concludunt continentque.

XIX. 3. *Par Musculorum abdominis Rectorum.* Sic appellati sunt hi à fibris recta deorsum aut sursum procurrentibus. Occupant medioximam ventris regionem, sub tendinosis extremitatibus musculorum jam dictorum, elevati in tam notabilem tumorem, ut commodè dignosci queant à cæteris. Duo in iis termini: unus ad sternum; unus ad os pubis; utrisque alligantur firmiter: Neque in homine, ut in canibus, ad jugulum usq; pertingunt; quia isti thorax non erat ita incurvandus ut his: itaq; satis fuit ad sternum usq; eos extendi. Superne juxta sternum divaricantur ad digitum

gitum transversum: ad umbilicum uni-  
untur iterum.

XX. Quæritur qua parte musculo-  
rum horum Rectorum principium? qua  
parte finis: Laurent. *l. 5. cap. 32. & lib. 5.*  
*q. 9.* (quem secutus est Bauhin. in Theat.)  
auspicari eos seu incipere ajunt ab osse  
pubis: desinere & finiri juxta sternum:  
Econtra Galenus, & subtilissimus Pico-  
l-homin. *pral. anat.* initium ad sternum  
constituunt; finem ad pubem. Cur Gale-  
num erroris damnet Laur. causam affert:  
Quia finis Musculi inditur illi parti, quæ  
moveri potest: at ossa pubis, Ilii, Ischii,  
immobilia sunt. Sed Galenus diceret  
eodem jure, neque finiri Rectos in ster-  
no: quia nec sternum moveri debe-  
bat.

XXI. Non possumus nos aliter, (si  
cogitata & effata nostra componere sa-  
tagimus ad Naturæ ipsius decreta) ni-  
si ut profiteamur duplex esse his  
musculis principium; duplicem fi-  
nem: Tam supra ad sternum esse &  
principium eorum & finem; quam  
infra

infra ad pubem: Sed diverso respectu, distinctoque usu utrique implantari parti. Hic illud suppo-<sup>imus</sup>imus, (suo loco demonstrandum infallibili <sup>avrovia</sup> & experimento:) utrumque illud os, hactenus immobile æstimatum, tum Pubis, Ilei &c. tum sterni, moveri per naturam motu animali, hoc quidem deorsum; illud verò sursum. Hac stante hypothesi, Musculi Recti, qua sterno adhærent, moventque sursum os pubis, Ilei, &c. eatenus inibi est eorum principium: finis verò ad os pubis; (omnis enim musculus mover versus suum principium.) Econtra qua ossi pubis adhærent, & sternon thoracisque musculos deorsum movent, ita ibidem est eorum principium, finis autem juxta costas.

XXII. Non hoc novum aut absurdum est, diversa consideratione unum idemque esse & principium & finem; Uni eidemque rei competere distinctas operationes. Ergata & sursum trahunt ligna & deorsum. Ab his tra-

bitur

hitur funis uncinatus , per quem , cum è pavimento ligna attrolluntur usque in summum laqueare, in pavimento est principium, in laqueari finis. Cum è laqueari ligna demittuntur in aream domus, tum in laqueari est principium, in area finis. Motus hi sunt contrarii, sursum deorsum, profecti ab uno fune ergatorum. Haut secus seres. habet in Musculis rectis, & horum operatione.

XXIII. Constitui autem probabili ratione duplex hoc initium in Musculis rectis, ex hoc ratiocinio patescer. Ubi nervus inseritur, movendo musculo dedicatus, ibi est principium Musculi: at in rectis nervus inseritur, partim ad sternum, partim ad os pubis; Ergo & duobus istis locis erit rectorum principium. Factum id optimo Naturæ consilio. Nam cum Rectorum sit multiplex officium. (1) Ut ventrem infimum comprimant æqualiter: (2) Ut deorsum trahant costas: (3) Ut sursum flectant os pubis;

opor-

oportet omnino utrique termino firmiter esse annexos; quo validius suo officio fungantur, quod nequirent non firmati hinc & hinc. Nam sicut arcum sagittiferum nervus haut unquam comprimit, aut obliquat, nisi alligatus ambabus extremitatibus: Ita (1) Musculi recti nunquam constringent abdomen, nisi uterque terminus eorum adnexus fuerit stabili fulcro. Ulterius, sicut non flecteret nervus dextrum arcus cornu versus sinistrum, aut vice versa sinistrum versus dextrum, nisi adhæreret utrique: Sic (2) musculi recti non deducerent sternum ad pubem; neque (3) viceversa pubem ad sternum, nisi affixi essent singulis. Solitus sum olim hanc rem comparare cum duobus operariis, qui serra majori findunt trabes ligneas. Horum supernus trabi insistens, cum ferram ad se trahit, sequuntur & attolluntur brachia manusque inferioris. Cum inferior trahit deorsum, brachia quoque superioris flectuntur deorsum, Serra una est: ut hic est unum par musculi-



sculorum. Motus est contrarius: unius principium sursum, finis deorsum: Et contra, unius principium inferius, finis superius.

XXIV. *In Substantia* Musculorum Re-  
torum considerata sunt. 1. Extremitates. Nervei sunt juxta pubis ossa: Carnei ad sternum: media expansio tota carnea; instructa intersectionibus quibusdam. 2. Internodia ipsa nervosa. 3. Venarum aliquot ex mammis deorsum; ex utero sursum euntium, & subtus his musculis coeuntium conjugium. 4. Nervi.

XXV. Ad internodia quod attinet, notantur in Musculis his rectis ἀπὸ τῶν ὀστέων, id est, intersectiones quædam nerveæ, transversæ, robustæ; facie membranarum; interdum tres; raro plures, rarius nullæ: ad quas non recta descendunt fibræ, sed quasi obliquantur. Usus earum est in stabiliendis firmandisque his musculis, &, si Laurent. credimus, in augenda ventris rotunditate.

XXVI.

XXVI. Propter has ἀποιδρώσεις nonnulli è recentioribus Anatomicis negant musculorum rectorum unum esse par: Sed totidem, ajunt, numeranda, quot sunt ista internodia. Enimvero (1) cum ad quodvis internodium nervus accedat, à nervorum insertione & numero petendum numerum musculorum: (2) Si unus esset, is contractus in se non posset omnes partes comprimere æqualiter. (3) Nullus talis esset Musculus in toto corpore, in quo tamen multi sunt longi absque taliibus nodis.

XXVII. Non sunt hæc tantarum virium, ut multiplicare nos cogant musculos rectos absque necessitate: (1) Nervorum copia vel inopia non efficit musculos plures vel pauciores. Sunt nervi, vasa communia, ut venæ & arteriæ, quæ non dant musculo ut sit musculus, sed sensum ei motumque saltem impertiunt. Uno nervo contentus esse potest musculus parvus; plures postulat magnus. Præterea &

fal-

falsum est, singulis internodiis inferi nervos. Ineruntur etiam alibi. (2) Nil prohibet unum magnum Musculum rectum comprimere subjectas partes tam validè, quam facerent plures parvi. Parvis enim illis pluribus unus magnus æqualis est. 3. Quod similis nullus alius reperitur in corpore musculus, id mirum non est: quia nullus simili operationi est dedicatus. Diversitas actionum postulat diversitatem organorum.

XXVIII. Sequuntur Venæ geminæ propagines, divaricatæ in varios ramos. Anatomici vocant Conjugatas, vel Recurrentes. Altera superne descendit: altera inferne ascendit: quarum nomina quamvis confundantur ab Auctoribus, consultius tamen erit, magisque Naturæ consentiens, si illa, quæ per Epigastrium expansa, ab utero veniens sursum fertur ad umbilicum, Epigastrica dicatur: Illa verò, quæ à mammis veniens, deorsum fertur ad uterum, Mammaria. Utræque

que sibi obviam procedunt sub medijs musculis rectis & sæpenumero seipsas invicem complectuntur, quasi quis digitorum utriusque palmæ cuspides leniter committat.

XXIX. Est inter Uterum & Mamas admirabilis quædam Sympatheia, multiplici effectu se prodens, & variis experimentis demonstrabilis. Hanc cum Galen: plerique Anatomicorum venis his conjugatis ascribunt, per quas ultro citroque sanguis iens, amicabile hoc utriusque membri sœdus & amicitiam concinnet. Neq; comodiore istarum ratio reddi potest. De consensu isto Hippocr: l. 5. aliquot posuit aphorismos, scilicet: 37. 38. 50. Cæterum quamvis istæ ἀναστομίαι, vel exosculationes, aut contractiones mutuae dictarum venarum, neque observentur in quadrupedibus, neque in viris, proinde tamen in mulieribus, in quibus ut plurimum reperitur, non desinunt causæ esse hujus consensus. In viris & brutis venæ hæ principali hoc usu funguntur, ut nutriant

par-

partes vicinas. In Mulieribus verò secundarium insuper agnoscunt officium, ut serviant dictæ sympathiæ, quam virorum natura non postulabat, neque brutorum : quia hæc ubera non procul posita habent ab utero.

XXX. Nervi ultimo supersunt, quorum in Musculis rectis proventus est uberrimus. 1. Supremo termino ad sternum. 2. Infimo ad os pubis. 3. Per *antrum*

XXXI. De actione & Usu Rectorum pauca hæc adjungo. 1. Primarium eorum munus est, comprimere mediam imi ventris partem eminentiorem, introrsum versus spinam & vertebrae lumborum. 2. Costas & thoracem deorsum flectere. 3. Os innominatum sursum trahere. Enimverò (ut de duobus motibus posterioribus, invento novo, hoc addam,) cum thorax non solum in respiratione dilatandus & extendendus esset, sed etiam, dum indor-



dorso cubamus, & attolli iterum fatigamus, antrorsum deorsum flectendus. Prius illud efficiunt musculi thoracis. Posteriori quoque necessitati prospectum oportuit; Ei verò rei nulli in universo corpore Musculi incumbere aut opitulari queunt, si rectis hisce id officium deneges. Hinc est quod Musculis Rectis præcisis, aut transversim vulneratis, thoracis inflexio protinus intercidat.

XXXII. 4. *Par Musculorum Abdominis Pyramidalium.* Exiles hi sunt Musculi, à figurâ triquetra Pyramidales dicti; ab usu succenturiati, quia creduntur Rectis in comprimendo ventre subsidiarias operas tribuere: Galeno & veteribus ignorati: à recentioribus Anatomicis, (quos inter præcipuus Fallopius) primum observati. Hi incumbunt Rectorum infimis tendinibus. Exorti ab externo pubis osse, principio carnosio, non largo, pergunt ad extrema musculorum Rectorum inferius, tandemque ingrediuntur lineam

can-

candidam, obliquo fibrarum ductu. Quo verò assurgunt altius, eò acuuntur magis, desinuntque tandem in acutam cuspidem.

XXXIII. Quamvis autem hi musculi interdum abesse à corporibus observati sint, eâ tamen gratiâ non sunt rejiciendi è numero peculiarium muscutorum: quia & rarò absunt: & quoties absunt, toties defectum eorum extraordinario beneficio Natura compensat, per Musculos obliquè ascendentes, qui eo casu, non ab appendice offis Ilei, ut solent, sed longè inferius à valido quodam ligamento oriuntur, propè ossa pubis: atque tum initium ascendentium fungitur officio pyramidalium. Quod porro sint peculiâres musculi, demonstrari potest. 1. ex eo, quia membrana propria vestiuntur, per quam à Musculis rectis & vicinis omnibus discriminantur. 2. Quia fibras obtinent alias, ductus alios & positus, quam vel Musculi recti vel adjacentes. Nam non ut in Rectis fibræ earum sunt

E

rectæ,

rectæ, sed aliquantum obliquæ, ut discrimen liquido appareat.

XXXIV. Quæ sit Pyramidalium *actio* & proprius *usus*? Id vero ambigitur. Penis erectioni non inservire inde colligitur, partim quod eum non attingant: partim quod etiam fœminis dati sunt. Præcipuæ eorum functiones hæc esse videntur. 1. ut vesicam comprimant, faciantque ad faciendam urinam. Quomodo id fieri possit, non intelligit Laurent: *lib. 5. q. 10.* Ego edisseram. Musculis his proximè subjicitur vesica. Dum igitur hi sese contrahunt, una operâ premitur vesica supposita. 2. Ut juxta eum cæteris musculis candidam lineam trahant oblique deorsum, atque ita simul utrinque comprimant eas partes pubis, ad quas prope non pertingunt musculi oblique ascendentes. Inde diximus appellari succenturiatos, quia in subsidium veniunt cæteris, quorum longitudo ad loca tam declivia se non demittit. Usus ab Aquapendente excogitatum, quem ponit in elevatione  
abdo-

abdominis, ne interanea nimio onere premantur, aut nullum aut spurium esse profiteamur. Facile enim partes internæ leve id pondus abdominis ferunt: Et quomodo attollerent abdomen totum, cujus tam exiguam particulam tangunt? Haut secus & illegitimum esse arbitramur usum à Laur. excogitatum, & iis assignatum, quem spectari ait in tutandis Rectorum tendinibus, ne collidantur. Etenim non magis Rectorum tendines musculorum, tegumentum postulant, quam aliorum. Plures sunt muscoli longi in corpore, neque tamen indiguerunt hujusmodi tegumentis. Et ipsi Recti sat sustentaculi ac operculi nanciscuntur à suis internodiis.

XXXV. 5. *Par Musculorum transversorum Abdominis.* Hi cum habent positum in abdomine, ut fibræ transversæ ductu jaceant respectu musculorum rectorum. Occurrunt postremo omnium in præcedentium anatome & amotione: omnibus istis suppositi: Ortus eorum est in osse sacro, & infima

E 2 costa,

costa, & osse Ilii. Finis in linea alba, tendinosus ut in cæteris. Tam firmiter Peritonæo alligantur, ut vix integri separari possint. Tendines eorum tribus locis perforati sunt. 1. juxta umbilicum, quâ prodeunt vasa umbilicalia. 2. propè os Ilei. 3. propè Os pubis; quo vis latere foramine uno, per quod transitus datur vasis præparantibus, ad testes & scrotum in viris: In scæminis verò transitus illac patet rotundi ligamenti ex utero ad pudenda. His foraminibus laxatis eveniunt herniæ.

XXXVI. *Usus* transversorum est. 1. Mediam & lateralem infimi ventris regionem, & in primis intestinū colum, transversim comprimere. 2. Abdomen trahere versus interiora. 3. Thoracis inflexionem juvare, quo in opere Rectis musculis opirulantur.

## De Peritonæo.

XXXVII. 1. *Nomen*. Inter membranas non infimi census est Peritonæum, sic



fic appellatum *ὀρίον* & *ἐπιδίωκται*, circumten-  
ditur partibus infimi ventris. Latini,  
quum commodius nomen in sua civi-  
tate non invenirent, maluerunt retine-  
re dictionem Græcam.

XXXVIII. 2. *Situs*. Subjacet Perito-  
næum Musculis Abdominis, & inte-  
rancis obducitur: Superius diaphra-  
gmata, vertebrique primæ & tertiæ fir-  
missimè cohæret, neque ab iisdem  
sine rupturâ separatur: Infernè ossi pu-  
bis & Ilii: antè lineæ albæ conne-  
ctitur.

XXXIX. 3. *Substantia*. De Substantiâ  
Peritonæi disputent sanè quantum vo-  
lent alii, & dicant, hi quidem ex liga-  
mentis; illi ex nervosâ substantia; alii  
ex nervis solis; alii ex meningibus ce-  
rebri progeneratam. Arbitramur nos  
Peritonæum esse partem spermaticam,  
cujus prima ex semine origo, non mi-  
nus quam cæterarum similium parti-  
um. Est verò membrum dissimilare,  
constans venis, arteriis, nervis, (quæ  
illuc veniunt è vicinia) & propria sub-  
E 3 stan-

stantia tenuissima ; telis aranearum  
 æmula, densa tamen & robusta, quam  
 Galenus, sequutus rude oculorum ju-  
 dicium, simplicem esse credidit : Re-  
 centissimi undiquaque duplicem agno-  
 scunt : ita tamen ut supra umbilicum  
 geminæ istæ tunicæ tam firmiter uni-  
 antur, ut nec sejungi, nec discerni vi-  
 su possint, crassitie tamen duplicita-  
 tem satis evidenter testante. Infra  
 umbilicum usque ad pubem manifestè  
 sejunguntur & divaricantur, adeò, ut  
 intra se complectantur vesicam urina-  
 riam.

XL. Duos processus accepit Peri-  
 tonæum, oblongos sanè, & ad mo-  
 dum fistulæ ; qui in scrotum usque  
 virorum sese demittunt, eoque tuto  
 deducunt intra se seminaria vasa, tan-  
 demque testes proximè investiant.  
 Utrum in sæminis hi quoque dentur ?  
 dubium est. Vesalius negat : Fallo-  
 pius affirmat. Certè non minus sæ-  
 minæ quam viri herniosi fiunt. Ori-  
 nur verò hernia quoties peritonæi his  
 pro-

processibus disruptis intestina foras prolabuntur.

XLI. 4. *Quantitas*. Unicum quidem numero est Peritonæum: at geminum, si tunicarum divaricationes spectes. Longitudo & latitudo tanta, quantus venter inferior. *Quantitas* ejus non ubique continua. Discontinuat<sup>r</sup> aliquot locis. 1. In umbilico novelli fœtus; quod tamen foramen, temporis successu clauditur; sed si iterum disrumpatur, originem præbet herniæ umbilicali. 2. Propè diaphragma: qua via patet stomacho eunt ad os. 3. Non procul inde fissura alia est, quam transit vena cava. 4. Alia item, qua arteria magna & nervus sexti conjugii. 5. Item inferius circa pubem. Mirum igitur, quo jure cum Galeno litigavit Fern. negavitque Peritonæo ullum inesse foramen.

XLII. 5. *Qualitas*. Temperies Peritonæo eadem quæ partium spermaticarum. Figura illi Eccliptica, instar ovi. Interius lubricum est, & leve, à visce-

rum levore. Foris asperum & inæquale.  
Ita aptius adhæret musculis.

XLII. 6. *Actio & Usus.* Quamquam  
Lactantius neget Peritonæi utilitates in  
corpore, sciri ab alio posse, quam ab eo  
qui fecit; Anatomicorum tamen indu-  
stria etiam hucusque sese penetravit, qui  
invenerunt, peritonæum pluribus  
commodis afficere corpus animalis. 1.  
Investit regionis infimæ plerasque  
omnes partes. 2. Separat viscera à mu-  
sculis. 3. Juvat recrementorum siccio-  
rum propulsionem comprimendo. 4.  
Constringit, colligatque viscera, ne qua  
fluctuent. 5. Claudis orificia venarum;  
quæ nisi tegerentur membrana, utique  
effluere permetterent san-  
guinem.

— (o) —



EX

## EXERCITATIO IV.

quæ est:

- I. De Umbilico & Omento.
- II. De Mesenterio.
- III. De Venis & Arteriis Mesaraicis antiquis.
- IV. De Lactibus Asellii.

Resp. Godfriedo Acidalio,  
Withstoch: Marchico.

## De Umbilico.

I. **N**omen Umbilicum Anatomica acceptione appellamus eam Abdominis particulam, quæ partim prominula, partim hiulca esse cernitur, adnexam habens fasciculum diversorum vasorum transmissorum à visceribus ad superficiem corporis. *ὀμφαλός* Arist. est *πρότερον*, quoniam nato in lucem infanti primo omnium abscinditur.

II. 2. *Situs.* Parum abest quin centrum

E s i trum



trum seu meditullium hominis occupet umbilicus, ut á supernis infernisq; partibus absit æqualiter; quia est instar radicis, per quam fætus matri, ut arbor terræ, adhæret : Per quam item fætus alimoniam sibi allicit. Quocirca tantum debebat abesse ab uno extremorum, quantum ab altero.

III. 3. *Substantia.* Ex quinque diversis vasis contexitur umbilicalis funiculus. Et tunica, Vena, Arteriis duabus & Uracho. (1) *Tunica* seu membranula delicatula complectitur vasa reliqua : ne vel implicentur vel rumpantur. (2) *Vena* Embryi nutricula, ex inferiore jecinoris fornice foras progressa, corpusculum fætus haut una vice cum cæteris vasis ambit. Tandem divaricata in ramos massam seu placentam carneam efformat, hepatis haut dissimilem; quæ post exclusum in lucem fætum ejicitur, suntque hæ secundinæ appellatæ. Hæc in homine : In brutis placentæ loco sunt Coryledones seu noduli quidam. Quæritur quis placentæ hujus sit usus aut  
finis ?

finis? Laurent. l. 8. cap. 5. q. 17. contra recentiores disputans, negat Placentam servire alendo fœtui: affirmat verò destinatam nulli rei nisi ut fulciat firmetque umbilicalia vasa. Erroneam esse hanc Laurentii sententiam demonstrare mihi in proclivi foret: qui certus sum, placentam primò & per se dicatam à Natura, ut fœtui humano prospiciat sanguinem, eo modo quo jecur facit in jam natis; secundarium esse ejus usum stabilire vasa umbilicalia. Rem totam reservamus Disputationi. (3)

(2) *Arteriae duæ*, in plurima filamenta divaricatæ, cum vasis cæteris concurrunt, & eunt versus placentam, quarum officium, sanguinem & spiritum vitalem fœtui prospicere. (4) *Urachus* denique est canalis membraneus dictus ab urina, quam in brutis asservat; inter venarum arterialiumque dictas medio loco jacens, adhæret fundo vesicæ, atque inde cum cæteris pergit ad umbilicum.

IV. De usu *Urachi* non convenit inter

Anatomicos, ambigiturque eundemne is præstet homini quem brutis? Bruta eo asservare urinam, & urgente necessitate ejicere, extra dubium est: In homine idem apertè non liquet. Laurent. l.1.c.9. & l.8. q.17. æque in homine ducendæ urinæ famulari Vrachum quàm in brutis, probat duobus argumentis: (1) quia alioquin frustraneus esset, (2) quia vifa est urina ejecta per umbilicum in adulta puella. Juvit Laurentium Rhod. à Castro l.1. de nat. mul. cap.10. addens, (3) quod per vesicam nequeat facere urinam fætus: Ergo necessario per Vrachum. (4) Si sublati manu vasis umbilicalibus vesica prematur, effluet evidenter urina per Vrachum.

V. Hæc non sunt satis valido fulcimine nixa: & oblata occasione falsitatis evinci à nobis possunt. Nostra est assertio, neq; Vrachum in homine esse perforatum ut in brutis: (2) Neque fungi officio servandæ aut abducendæ urinæ sed suspensam tenere vesicam, ne illa onere pressa labasciat.

VI. 4. *Quantitas.* In fœtu æqualis est umbilicus minori digito, adeo longus, ut sæpè duas ulnas æquet, fœtumq; aliquoties circumplectatur. Causa prolixitatis est, ut eo perfectius coquatur sanguis: ubi notandum Naturæ cunctatrici consilium.

VII. 5. *Qualitas.* In noviter natis color umbilici varius est; interdum niger, aliàs pallidus, fuscus, rubeus; è qua diversitate petere solent mulierculæ varia præfagia & indicia.

VIII. 6. *Actio & Usus.* Umbilici usus in uterò est, ut per eum fœtus nutriatur, & crescat. Quamprimum homo ad pleniorē ætatem pervenit, vasa hæc intendinē concreſcunt, principibus suis actionibus jam defuncta.

## De Omento.

IX. 1. *Nomen.* E partibus infimo ventre contentis, omentum se nunc offert; Græc. *ἐπὶ πλῶν*, Germ. das Netz/ quasi rete aut reticulum.

E 7

X. 2.

X. 2. *Situs.* Omentum complectitur (post peritonæum,) plærâsque abdominis partes: insinuans se intestinis & horum gyris; à superiore sede terminus illius ad ventriculi fundum. Inferius ad umbilicum: quandoque etiam ulterius usque ad os pubis.

XI. 3. *Substantia.* Diversæ sunt partes similes, è quibus *ἐπιπλοον* componitur. Spectantur enim hic (1.) membranae duæ, quibus ceu crumenis intestina obsepiuntur: Intra quas cavitas quædam, æstuarii vicem præbens; ut ea humida superfuitas contineatur. (2.) (3.) (4.). Venæ, Arteriæ, Nervi, faciunt ut nutriatur; ut vivat; ut tangat. (5.) Adeps copiosus, qui quia (brutorum; præcipuè boum) valdè sapidus, in deliciis esse solebat olim, unde Persius:

*Tot tibi cum ad flammâs junicum omentâ liquecant.*

(6.) Adenes rotundi, quorum officium est absorbere & depascere sæculentos vapores, qui hic loci luxuriant.

XII. 4. *Quantitas.* Magnitudo Omento



mento satis notabilis , inque homine  
major quàm in brutis, pro ratione pro-  
portionis. Si quando in maiorem mo-  
lem augetur, fiunt Ventripotentes, Epi-  
plocomistæ; Et mulieres steriles ; pro-  
pter compressum os uteri.

XIII. 5. *Qualitas.* Non prorsus fal-  
luntur qui crumenæ aut sacciperio  
Omentum comparant: Ei enim similli-  
mum est.

XIV. 6. *Actio & Usus.* Officia  
omenti nobilia hæc sunt : (1.) Halitus  
pingues & oleosi, per abdominis capa-  
citatem exhalantes, allisi ad omentum  
condensantur in adipem; partim necu-  
bi quid pereat, partim ut saburrâ adipis  
liberentur partes aliæ ejus non indigæ.  
(2.) Isto adipe natura porrò utitur ad  
promovendam coctionem alimen-  
torum: unaque opera ita conservatur nati-  
vus viscerum calor. (3.) Ramos vena-  
rum & arteriarum procurrentes in ven-  
triculum, lienem & quædam intestina  
fulcit sustentatq; ut tutius eant. Adjūgit  
Picolh. ex Gal. alium usū: scil: ut adeps  
Omen-

Omenti in penuria alimenti nutriat corpus. Hunc nos spurium judicamus. Nulla enim pars viva ut adeps, primò dicata est ad nutriendam partem aliam. Absumptio adipis præter naturæ leges accidit.

## De Mesenterio.

XV. 1. *Nomen.* Quod Græcis μεσεντέριον id Cic. lib. 3. de nat. Deor. & Macrobi. com. in som. Scip. c. 6. vertunt medium intestinum: quo nomine licet incusentur à Laurent. l. 6. c. 15. & ab Asellio de Lact. cap. 1. rectè tamen excusari uterque potest: Neque enim intellexerunt hi Viri vim latini sermonis. Cur non liceret Oratori, & ejus interpreti nominare medium intestinum id, quod in medio est omnium Intestinatorum? Sic solitus est Cicero dicere, homines nos incolere medium mundum; id est terram, quæ est in medio mundo. Profecto si Græcam vocem spectes, vix commodius verti potest, quam Medium Intestinum. vel Mediastinum. Dicitur &

Μεσάραιον, non quod sit ἀραιόν, rarum  
 (ita ex Sylvio docuit A. fell.) quia raritas  
 nulla in substantia membranosa Mesen-  
 terii: A glandibus verò raris adjacenti-  
 bus, compactissimum corpus rarum vo-  
 care, ineptia est; sed ἀπ' ἀραιότης, quæ vox,  
 teste Hesychio, notat intestina tenuia:  
 Similiter & μεσόναιον appel'atur, ἀπὸ κω-  
 λῶν, quæ sunt intestina crassa. Curiosio-  
 res distinguunt inter duo hæc: Nam cū  
 Peritonæum aliqua sui parte adhærescat  
 intestinis tenuibus; (ἀραιαίς) ita appel-  
 latur Mesaræum: aliqua tamē parte quia  
 alligatur Intestinis crassis, (κώλοις) ita  
 dicitur Mesocolon. Hanc distinctionē  
 Riolanus damnat, ex eo, quod nulli cras-  
 sorum mesenterium adhæreat: Sed ni-  
 mis desidem oportuit esse eum, qui non  
 deprehendit mesenterio colon annecti  
 dextro lævoq; latere: itemq; eidem ad-  
 natum Rectum parte inferiori.

XVI. 2. *Situs.* Sirum est ad posteriore  
 sedem intestinorum, eaq; in orbē com-  
 plectitur. Initium illius à Peritonæo plæ-  
 riq; deducunt, non procul à prima &  
 tertia

tertia lumborum vertebri. Inde progreditur quoad intestinis occurrat, quæ per plicas suas, in quas contractum est, colligat in unum quasi fasciculum.

XVII.3. *Substantia*. Mesenterion membrum est dissimulare, cujus partes hæ sunt: (1) *Membrana gemina*, robusta, altera alteri incubens; in canibus ut plurimum connata. Hæ vasorum multitudinē tunc sustinet: & intestina validè annectunt; & eadem cōiuncta tenent, ne ab immodica corporis agitatione cōcutiantur, suisve deturbentur locis. (2) *Vena Mesaraica*, à Portæ propagine Mesenterica oriunda, inter geminas membranas frequenter cōserta, ceu canales, per quos ex intestinis in jejunum venasq; corporis cæteras via patet: Vasa hæc partim mole sunt tenuissima, partim numero copiosissima: Tenuissima, ne quid in illa introiret, quod esset ad cibum vinidoneum: Numerosissima, ne quid subterfugeret coctioni utile. De singulis postea (3) *Arteria* cōplures inter venas & membranas discurrentes, propagines sunt Aortæ, per quas vitali calo-

reco-

retotum mesenterium, assiduo motu ven-  
 tilatum, à putredine vindicatur, de qui-  
 bus item in seqq. (4.) *Nervorum* multi  
 furculi, non solum à sexta cerebri con-  
 jugatione, ut vult Laurent. d.l. sed & à  
 nervis qui ex primis quatuor lumborum  
 vertebris emergunt: (5.) *Adeps* explet  
 interstitia venarum, arteriarum, nervo-  
 rum. (6.) *Glandes* seu adenes magna co-  
 pia adipi inhaerent medio, quarum uti-  
 litas multiplex: Præcipuè serviunt; Non  
 quidem ad vasorum diremptus ( quod  
 placuit Laurent. l. 5. cap. 15.) quæ sine istis  
 distincta manent. Non etiam ut sint li-  
 gamenta vasorum; ( sicut idem habet )  
 inter glandes enim & ligamenta, nihil  
 omnino est similitudinis: Sed (1.) faci-  
 unt, ne comprimantur vasa, repletis in-  
 testinis, aut ventriculo; alioquin non fie-  
 ret chyli distributio. (2.) Proluunt intesti-  
 na madore suo, dum cænosa humiditate  
 pasti, faciunt, ut coctio fiat quasi elixatio.  
 Adrian Spiegel. non placet hic usus,  
 utpote minus naturalis: quia sint  
 animalia pingua sine glandulis:

& m2-



& macra cum glandulis: Sed has rationes invalidas esse, ostendemus inter disputandum.

XVIII. 4. *Quantitas.* Mesenterii plancies à centro quidem ad intestina, semipedalis ferè est magnitudinis: ambitus autem non sanè tantus, quanta intestinorum omnium longitudo. Sic quidem prodidit Picolhom. sed erronea mensura. Intestina enim circa circumferentiam Mesenterii insigniter crispantur, & complicantur, ut unipalmo peripheriæ, aliquot spithamæ intestinorum respondeant: Non ultra tres cubitos extenditur ambitus Mesenterii: At intestina sæpè 12. aut 13. ulnas æquant. Itaque Mesenterium tam parvum intestina tam longa comprehendit beneficio plicarum, quas nactum est.

XIX. 5. *Qualitas.* Figura Mesenterii circularis est; Ea scilicet capacissima. Postquam in exortu angustum fuit, ad peripheriam degenerat in plicas plurimas, ne longitudo intestinorum nimis magnum oppleret spatium.

XX. 6. *Actio & Usus.* Usum Mesenterio duplicem assignamus, (1) Ut devinciat Intestina, quæ crebris & flexuosis istius marginib. implicata adhærescunt; sicque continentur firmiter. (2) Ut per duplices ejus tunicas vasa tutò decurrant.

## De Venis Meseraicis vulgaribus.

XXI. *De Actione ac Officio Meseraicarum venarum,* hætenus communiter cognitarum ab antiquis juxta ac junioribus controversiæ concitatae sunt plurimæ quidem; sed inter quas nos solum despiciemus eas, quæ familiam ducunt.

XXII. Primo loco ambulant illi, qui venas has solummodo ex jecore & reliquo corpore versus intestina aliquid deferre dicunt: Nihil econtra ex intestinis aliò. Et quidem ex jecore apportare sanguinem Mesenterio & intestinis, quo hæc nutriantur. A toto verò venoso genere

nere & corporis habitu humores protrudere ad intestina seu vi medicamentorum, seu natura : atq; ita absolvi purgationes. Hoc dogma ab aliis fabrefactum, pronuper incudi reddidit Afell. *l. de Lact. cap. 4.* Rationibus usi sunt istitalibus. (1.) In Meseraicis nunquam deprehenditur succus lacteus, albicans, qualis Chylus; sed perpetuò sanguinis rubore notabilis. Chylus igitur ex intestinis non allicitur à Meseraicis; & si non chylus, certè multò minus aliud quid (2.) Venæ hæ non penetrant ad internam cavitatem intestinorum, sed solùm infiguntur mediæ illorum substantiæ. Nil ergò inde trahere possunt.

XXIII. Non est mihi apud animum ulla dubietas, quin verum & nativum officium venarum Meseraicarum sit id, quod isti negant; Chylum scilicet ex intestinis allicere, coquere, ut in sanguinem permutetur; quò post intestina nutriantur. Proinde istas objectiones ita amoveo: Ajoq; (1.) Nihil albicantis succi in Venis Meseraicis deprehendi,  
quia

quia quamprimū eas Chylus ingressus  
est, protenus rubere incipit, non solum  
quia reliquo sanguini permiscetur; sed  
& quia innata venarū virtute alteratus,  
protenus chylus esse desinit, & sangui-  
nis induit speciem. (2.) Oscula venarum  
Meseraicarū nō hiare, neu extremis fo-  
raminalis desinere in cavitatē intestino-  
rū, min⁹ rectē asseritur: Omnino pluri-  
ma eorū hiant: Quomodo n. aliās in pur-  
gationib. humor ē venis perveniret ad  
capacitatem intestinorū? Sed non hient:  
sanē omnes: quædam saltem substantiæ  
Intestinorū se insinuent: Nihilominus  
Chylus ad eas pertinet: Nempē per  
*διαίτησιν* transsudans & penetrās tennes  
Intestinorū membranas: accedente ipsa  
nature vi, unde totū corp⁹ perspirabile.

XXIV. Alterius dogmatis Laurentii  
l. 4. 9. 5. hæc est summa: Venas Meseraicas  
duplici actioni per naturam incumbere.  
(1) Ut ex intestinis adferant sanguinē ex  
jecore: (2) Ut ex intestinis chylū transfe-  
rāt ad jecur. Hæc simplex assertio, nullis  
rationib. stabilita, nisi Galeni autoritate  
perpe-

perperam usurpata, & exemplis quibusdam, confirmantibus ex confusis etiam humoribus (ut Chylo & sanguine) partes elicere id, & non aliud quam quod sibi est amicum. Si quis Laurentio obijciat: Ab una parte (ut venis Meseraicis) non posse proficisci duos motus contrarios eodem tempore, eadem via; advectionem chyli, & abductionem sanguinis: Respondet; motus hos non esse contrarios specie, sed numero saltem: Esse hic diversos terminos, jecur, intestina; Diversa objecta, chylum & sanguinem: Unum mediū per quod.

XXV. In hoc errore refutando non occupabo operas meas: cum nulla hic videam solida fundamenta. Nam quod Laurent. ait, motus istos non esse contrarios specie: id absurdum judicabit quisvis leviter saltem tinctus scientia physica. Aristot. *lib. 5. phys. c. 4. & 5.* demonstravit motus appellari contrarios à Terminis, à quo, & ad quem: Igitur, Qui motus natales terminos specie differentes habent: item mobilia specie dif-



differentia, illi vel maximè sunt specie inter se contrarii: Esse autem duos istos terminos specie contrarios (Ventriculum & Intestina) quis iret inficias? Imò differant saltem numero isti duo motus: Certè nulli motus numero differentes uni rei simul, & eodem tempore naturaliter convenire possunt: Ergo neque Venis Meseraicis abductio chyli, & adductio sanguinis.

XXVI. Quam nostram esse diximus sententiam, unico hoc argumento probabilem facere satis erit. Ubi nulla est necessitas, non decet contrarios motus fingere. Hic necessitas nulla cogit. Non enim opus habent intestina, ut ex epate per venas trahant sanguinem; cum habeant alimentum in vicinia. Non dicam illa ali chylo: sed quàm primum chylus venas Mesenterii subiit, actutum induit naturam sanguinis: (Venas enim virtute *αιματοποιητικῇ* passim donat ornatque Laurent.) Hoc sanguine juven- culo sibi amicissimo, nutriuntur intestina. Hunc trahunt & in substantiam

F con-

convertunt. Quid ergo opus est aliunde afferri ex epate? Hinc sanguis Mesaraicarum rubet, nec ulla facie differt à sanguine aliarum venarum.

XXVII. Dum profiteor venas Mesaraicas chylum advehere ad jecur, non nego interim aliquā illius partem quoque communicari Lienī. Nam & Lien juvat elaborationem sanguinis, haud fecus ac Epar. Etenim Natura nihil facit frustra. Natura autem aliquos venarum Mesaraicarum ramos abduxit & implantavit Lienī. Cui finis? Non alii quam chyli advectioni. Quale enim officium unius Mesaraicæ, tale etiam alterius: cum omnium eadem sit natura.

## De Artēris Mesaraicis.

XXVIII. De his & novæ, & singulares tum opiniones Anatomicorum, tum controversiæ, intra haud ita multos annos, & natæ sunt, & agitari ceperunt: In primis attinentes ad earundem demactionem. Res digna in quam in-  
qui-

quæramus, & cui aliquantum operæ tribuamus. Arteriis Mesaraicis quintuplicem usum adtribui ab aliis aliisque invenio. I. Præcipuum & commune earum officium (quo reliquæ omnes arteriæ funguntur) spectatur in communicando cum partibus, quibus inseruntur, quibusque accolæ sunt, calore nativo & concilianda eventilatione, id est, expurgandis fuliginibus, quo membra secunda esse possint à putredine. II. Dicitur arteriæ Mesar. sanguinè deferre à corde pro nutritione mesenterii totius & intestinorum. III. Copia sua & multitudine facere ut sit felicior concoctio. IV. Cum hi usus à nonnullis iudicentur saltem communes & generales, addendam putarunt nonnulli aliam propriam functionem, quæ his arteriis peculiaris sit & singularis: Id inde colligi: Quia hic habeant (ut & Venæ Mesaraicæ) propriam & non alibi spectatam conformationem. Habeant numerum parti nutriendæ & vivificandæ non analogum,

& eam quidem actionem propriam quidem ajunt esse, chyli tenuioris, nobilioris, & modici attractionem. V. Præter hanc chyli attractionem, in corpore sano arterias has, etiam in morbos à *diabete* suscipere universi corporis excrementa, eaque deponere in intestina: quod & faciunt Venæ Mesaraicæ) atq; ita purgatricum munere fungi.

XXIX. Quinque hæc distincta dogmata ordine dispiciemus, qualia sint? I. Primum sanè, rectè se habet: reperitque assensum apud omnes, neque postulat operosius examinari. Cætera quatuor, vel spuria sunt, & à bona ratione aliena: vel accidentaria.

XXX. Et quidem II. secundus usus nullus est (1) Quia cor non est membrum naturale dispensans sanguinem pro nutritione partium: sed est viscus vitale sequiùs; nullum erit discrimen inter jecur & cor, nullaque distinctio Medicorum, quæ cor facit sedem primariam vitæ: Jecur nutritionis. (2) Sine cor quidem ipsum nutritur sanguine arterioso, sed  
à ve-

à venis aliquem haurit, sibi implantatis,  
multo minus intestina. Is enim sanguis  
longè similior cordi, quam intestinis.  
Nutritio verò à similibus. Commodior  
est Mesenterio & intestinis sanguis ve-  
nosus & quidem juvenculus mox è chy-  
lo prognatus. Arteriosus ineptus est ad  
nutritionem istorum. Usus III. acciden-  
tarius est. Arteriæ primò aut per se co-  
ctionem non juvant, sed ex accidenti:  
dum vitales spiritus advehunt & even-  
tilant fuligines, quibus feliciter expedi-  
tis, viscera *τεπλινὰ* fiunt robustiora.

XXXI. Usus (IV) quarti examen, ma-  
joris est operæ & momenti. Arterias  
Mesaraicas portionem chyli tenuioris,  
melioris, ex intestinis fugere, in se reci-  
pere, jam olim apud sæculum prius scri-  
ptis prodiderunt Græci. Hipp. Arist. Ga-  
len. Auctor. *de Vit. Respir.* Eandem hæ-  
resin nuper è tenebris revocavit in lu-  
cem Const. Varol. *lib. 3. c. 4.* cujus partes  
industriè sequutus est & defecit Adrian.  
Spigel. *lib. 6. c. 4.* Verba Græcorum huc  
transcribere, nimis foret prolixum.



Peti ea possunt ex ipsismet, Hippoc. *lib. de corde*, Aristot. *lib. de Respi. c. 4. & lib. 4. de part. anim. c. 4.* Galen. *l. 4. de Us. part. cap. 17. & lib. 3. fac. nat. cap. 13. 14. 15. lib. an sang. in arter. c. 5. & 7.* Auctor. *lib. de Vtil. Respi.* inter libel. Galen. spurios. Præter has auctoritates hæc sunt argumentorum momenta, quibus sententia hæc muniri potest.

XXXI. I. Experimentum Erasistrati proditum à Gal. *lib. an sang. in Art. d. l.* qui sæpius observavit in hædo lactente, arterias imi ventris lacteo humore refertas, (2) Omne dilatatum (sic argumentatur Gal.) necessario trahit à vicinis. Exemplo est follis distentus inforbens aërem: idque ob successionem in vacuum. Arteriæ Mesaraicæ perpetuò dilatantur. Trahunt ergo à vicinis. At nihil vicinius habent intestinis, quibus implantantur. In intestinis verò nihil præter chylum. Hunc igitur trahunt, non quidem tractione naturali, ut partes aliæ, sed fuga vacui: itaq; id tractum & parum est, & insigniter tenue & elabora-

boratum. (3) Ut venæ Meseraicæ continent aliquid albi, & quid rubri, sic & arteriæ Melaraicæ. Sed album in istis est Chylus: Ergo & in his. (4) Vasa omnia trahunt eum succum, quem extremitatibus contingunt. Arteriæ Meseraicæ contingunt chylum: Hiant enim osculis suis ad intestina, eodem modo quæ venæ. Ergo si hæ chylum trahunt, cur non & illæ? (5) Frustra esset tanta arteriarum multitudo his partibus frigidis membranosis concessa, nisi alia quā vitæ communicandæ gratia esset constructa.

XXXIII. Porro si ex his quæras, quorsum deponant chylum suum Arteriæ Mesaraicæ? Respondent (1) Adrian. Spiegel. d.l. vel ex arteriis iterum restitui in venas, vel ab iisdem arteriis in sanguinem converti. In jecur neutrquam ferri (addunt alii) quia jecori unica solū implantetur arteriola, quæ quod vehit, vel parū vel nullius sit momenti. (2) Ad cor ipsum inmediate deduci, vult Autor *lib. de Viril. Resp.* quia illuc protenus eunt hæ arteriæ non salutato jecore.

Varolius idem sensit, additque causſam geminam: Primam. Quia materia ſanguinis vitalis nequit alia via in ſiniſtrum conclave cordis introire niſi hac via. Alteram, quia qualis eſt uſus Arteriarum Umbilicalium in fœtu, talis uſus Arteriarum Meſaraicarum in adultis. Sed Arteriæ Umbilicales deferunt ſanguinem ad cor fœtus: Ergo Arteriæ Meſaraicæ deferent chylum ad cor in adultis. 3. Ad lienem ablegari non ad cor, nec jecur, alii docuerunt. Quemadmodum enim Venæ Meſaraicæ; chylum delaturæ ad jecur dividuntur, & pars earum abit ad lienem, eoque vehit chylum: Ita Arterias Meſaraicas, portaturas chylum dirimi, & partem earum, eodem modo, abire ad lienem.

XXXIV. Hæc quæ relata ſunt hætenus, animadverſioni noſtræ ſubjecturi, monemus in veſtibulo, falſam hypotheſin conſtitui ab hujus dogmatis auctoribus, dum requirūt præter actionem communem Arteriarum, aliam in Meſaraicis privatam & ſpecialem, ob di-

ver-

versam conformationem. Hoc effatum  
 tam aversum est ab experientia, quàm à  
 ratione, quæ duo totius Medicinæ, imò  
 omnium artium sunt fundamenta. Et  
 enim 1. Non omnis pars comuni actio-  
 ne prædita, protenus etiam vel requirit  
 vel exercet Propriam, inprimis si pars  
 ipsa communis sit. Sicut venæ sunt com-  
 munita organa sanguinis nutrientis, sic  
 arteriæ sanguinis & spiritus vivificantis.  
 Ut verò Venæ Mesaraicæ saltem præ-  
 stant communem actionem, (converte-  
 re chylum in sanguinem, eum servare,  
 dispensare) nullam aliam propriam: Ita  
 arteriæ Mesaraicæ communi solum fun-  
 guntur actione: propria aut peculiari  
 nulla (2) Ἀλλοτριῶν & illud, arterias Mes-  
 donatas esse peculiari conformatione  
 & numero. Numerus nihil facit ad  
 actionem: quantitas enim est. Nume-  
 rus major aut minor validiorem aut de-  
 biliorem arguit actionem: Novam aut  
 propriam simpliciter non facit. Con-  
 formatio quomodo hic loci à cæteris  
 diversa sit, non equidem video. Qualis

F. 5. est.

est substantia, quæ tunicæ, qui pulsus, quæ forma cæterarum arteriarum, eadem & Mesaraicarum. Ubi igitur similitudo formæ & substantiæ totius, ibi similitudo operationum. Quapropter actio Mesaraicarum non differt ab actione aliarum Arteriarum.

XXXV. Cæterum nervum hujusmodi dogmatis illud vel maximè videtur infringere, ejusque convellere fundamenta, quod diversissimorum vasorum confundantur actiones: & introducatur confusio, è qua infinitæ postmodum absurditates pullulant. Officia, inquam, & actiones, quas ab omni memoria solis venis & organis naturalibus dedicavit Medicorum familia, eæ hic etiam arteriis fiunt communes, quo dato inter arterias & venas quodnam erit discrimen? Nimirum. i. si non minus arteriæ quam venæ trahunt chylum, convertunt in sanguinem, lieni aut cordi advehunt, falsum est illud discrimen inter venas & arterias, quod Anatomici à fine vel usu petere solent: dum  
con-



constituunt venas organa facultatis naturalis, arter. vitalis. At hoc discrimen nemo nisi amen tollet. 2. Si uni officio destin. sunt diversa vasa, ociosa & super-  
vacua est natura, quæ per plura facit, quod potuerat per pauciora expedire : Quæ assumpsit ad id opus arterias, cui venæ satis erant. 3. Surculi seu rami & arbor sunt ejusdem naturæ. Arteriæ Mesaraicæ sunt ramuli arteriæ magnæ. Qualis ergo hujus natura, talis & mesaraicarum. Sed illius non est chylum trahere, coquere, sanguinem conficere pro nutritu: E. nec harum.

XXXVI. Quæ adducta sunt pro ista sententia testimonia Priscorum Græcorum, ea partim suspecta nobis fiunt? Nam nec lib. de Spir. est Aristotelis, sed spurius: spurius & ille qui de Util. Resp. Galeno adjudicatur: Partim si loca inspiantur, ipsa non ferunt præ se, neuplane exprimunt, quod perhibentur: Partim

fi quæ evidentius id videntur declarare, reponimus, isto tempore vasorum horum indolem & conformationem non ita penitus innotuisse, ut sequentibus ætatibus. Hinc id dogma, utpote erroneum, & minus probabile, à natura alienius, jam per tot seculà antiquatum, & è theatris Anatomicorum rejectum est, donec nostris annis postliminio crambæ hæc fuit recocta.

XXXVII. Argumentis sequenti ratione satisfacimus. Ad 1. Erasistratus experimento suo deceptus fuit, dum vel arterias accepit pro nervis: vel nervos appellavit arterias: è quibus nervis per vim forte expressus fuit lacteus ille humor. Ad 2. Galeno largiri possum, aliquantillum chyli in arterias, dum dilatantur attrahi per fugam vacui: Sed ex professo eas chylo alliciendo à natura consecratas, id neutiquam largior. Tractio hæc accidentaria est, ἢ καὶ πρῶτον σκοπὸν φύσεως, ἀλλὰ καὶ δευτέρον. Quin & perparū illud quod traxerunt dilatatæ, protenus iterum ejiciunt contractæ.

Sic:

Sic enim docuit ipse Gal. l. 3. nat. fac. c. 13.  
 Et de Vsf. Puls. c. 4. & 5. omnem arteriam,  
 velut in dilatatione trahit quod vicini-  
 num, ita in constrictione idem attractū  
 expellere. Ad 3. An venæ contineant  
 quid album ac rubrum, adhuc in con-  
 troverso est. Si oculos consulas, nihil de-  
 prehendes præter rubellum sanguinē.  
 Nemo erit tam perspicacium oculorū,  
 qui mihi hic discernet partes albas à ru-  
 bicundis. Hinc varia illa problemata:  
 apud Anatom. & Laur. l. 4. q. 3. Si venæ  
 non rubefaciunt, cur rubeant Mesarai-  
 cæ? neque unquam candidus succus in  
 iis appareat? Sed esto: Infit succus albi-  
 canis arteriis: Quis probabit eum chylū  
 potius quàm serum, quo alioquin arte-  
 riæ abundant? Ad 4. Tum demum tra-  
 hunt vasa succum, quum contingunt, si  
 illi tractioni per naturam sunt destinata.  
 Alioquin non trahunt. At arteriæ non  
 sunt organa nutritioni per naturam de-  
 stinata: (id officium venarum est) sed vi-  
 tali sanguini & spiritui. Itaque tractio  
 chyli pugnat cum arteriarum indole.

Hient sanè ad intestina arteriæ Mes.  
hiatus non potest facere ut suam natu-  
ram exuant, quæ in eo consistit, ut cir-  
cumstantibus partibus indulgeant ca-  
lorem & spiritum vitalem: at venæ hi-  
ant alio fine, scilicet ut sugant chylum:  
quia sunt *vasa receptiva*. Ad 5 Numerola  
arteriarum series concessa fuit intesti-  
nis, partim ut calore vitali uberiore,  
(quo indigebant præ aliis) ea perfun-  
derent: partim ut ventilando, & perfun-  
dendo eadem, salutare spiritu vindica-  
rent à corruptione, cui magis quàm ul-  
lum membrum alioquin fuissent obno-  
xia: receptacula quippe rerum putri-  
darum.

XXXVIII. Cum ex his constet, evi-  
dumque sit, haudquaquam trahi ab ar-  
teriis Mesaraicis chylum, etiam non o-  
pus erit sollicitis nobis esse, de refutan-  
do loco, ad quem is chylus ablegari  
prætenditur. Isto enim, ceu fundamen-  
to destructo, hoc quod superstruitur,  
proprio impetù labascit. Tamen ut su-  
perpondium quoque hoc adjiciamus  
illis,

illis, qui seu ad cor, seu ad lienem abduci  
 profitebantur, sciant primum illi, qui  
 pro corde militant; Quamvis Aorta  
 (cujus sunt ramuli hæ arteriæ Mesar.)  
 rectà tendat ad cor, chylo tamen intro-  
 itum in cor omnimodò esse præclusum  
 à valvulis sygmoidibus, affixis principio  
 Aortæ, quæ viam omnem reciprocā  
 ab arteria in cor præcludunt, prohibent-  
 que, ne quidquam impuri ex arteriis  
 meet ad cor, ut admirandus habet Hipp.  
*l. de corde.* Varolii gemina ratio facile  
 refell. potest: & quidem *Prima*, quia  
 sanguis è dextro cordis sinu vel per se-  
 ptum transsudat, (in viventibus enim  
 corpus totum perspirabile:) vel si id dis-  
 plicet, è dextro sinu per venam arterio-  
 sam in proximos pulmones: Ex his (post-  
 quam attenuatus est & aeri permistus)  
 in sinum sinistrum. *Alterà:* quia similitu-  
 do arteriarum umbilicalium & me-  
 saraicarum futilis aut potius nulla  
 est: totoque cælo differunt umbili-  
 cales à mesaraicis in fœtu; itemq; adul-  
 tis. Ab isto ad hoc argumentari nō licet:  
 alio-



alioquin sequeretur, neque cor adultis moveri, neque ventriculum coquere; quibus usibus in fœtu membra ista carent. Quæ proliene afferuntur, similis sunt census. Dividuntur arteriæ & communicantur lieni ac jecori non vehendi chyli gratia, sed impertiendi spiritus vitalis: Venarum aliud officium, aliusq; hujus distributionis finis.

XXXIX. Satis de usibus quatuor. Superest V. quintus, quem excogitavit Adr. Spieg. d. l. docens per arterias Mes. omnis generis humores à toto corpore ablegari ad intestina, vel in crisi naturali, vel per medicamenta: Ut bilis in febribus ardentibus & aliis; pituita in podagricis per dysenteriam proluuntur. Per clysteres expurgari omnes humores, merito arteriarum coli: Per easdem umbilico adjuncta pharmaca educere superfluitates: Etiam hunc usum *ἡ τρυβήθηξ* convenire arteriis Mes. nobis dubium nullum est. Primò & per se nulla arteria facta est, ut foret canalis humorum expurgandorum; sed si quid per

per eas detruditur, id partim præter sanas leges Naturæ fit, partim violentia medicamentorum. Sumus autem nos solliciti de naturali <sup>ἐν ἐργείῳ</sup>. Deinde diceret aliquis, pluresque illos effectus per venas potius, quam arterias Mesar. expediti, quod & ipse falsus est Spiegel. l. 5. cap. 5.

## De vasis Lacteis Asellii.

XL. Præter Mesaraicas antiquas, rubello sanguine refertas, non ita pridem Casp. Asellius Anatomicus Ticinensis, observatione nova certior redditus, novas indagavit & invenit venas Mesaraicas, quartum vasorum genus, non purpurei sed nivei cremoris canales; per omne Mesenterium dispersas, distinctas à venis Mesaraicis vulgaribus, quod hæc rubrum, illæ lacteum humorem contineant: ab arteriis, partim hoc albo humore partim tenuitate tunicarum. Nervos quidem primo aspectu eas esse judicavit.

cavit, mox tamen apertis indiciis à nervis distingui; illosque aliâ, has lactes ( sic enim vocat ) item aliâ prorsus via currere animadvertit. Has excavatas, illos nequaquam; Has plenas lactis, illos vacuos. Cur autem vasa hæc tam notabilia antiquis non fuerint perspecta; conjectatur inde factum. 1. quia ut plurimum secuerunt non viva corpora, sed cadavera, in quibus nequiverunt observari. 2. quia sectiones suas instituerunt tempore incommodo, vel jam absoluto, vel nondum incepto lactearum opere. 3. quia judicarunt esse nervos. A se verò deprehensas esse i. in animalibus non mortuis ( in quibus omnia flaccescunt ) sed vivis; canibus, felibus, agnis, porcis, vaccis, equis, in hanc rem expresse emptis, & vita superstite dissectis, solo homine excepto, quem vivum exenterare, religio fuerit. Tamen videri consentaneum, etiam iis hominem esse instructum, cum Natura non sit plus sollicita de bestiis, quàm de homine.

2. In animalibus non jejunis aut famelicis,

cis, sed benè pastis. 3. Sectionem se ad-  
ministrasse neq; temporis, neq; tardius,  
quàm sex elapsis horis ab ingesto cibo,  
postquam is ventriculo egressus, cepe-  
rit vasis Mesaraicis excipi.

XLI. Hæc omnia ita curiosè esse ob-  
servanda, quia lactes eodem momento,  
quo expirat anima, & ipsas dictum fa-  
ctum evanescere, ut nullius acutissimi  
visus acies, eas amplius deprehendere  
valeat: cujus subitanæ & mirificæ abo-  
litionis causam se primò credidisse, esse  
humoris lactei spiritalem & subtilem  
indolem, abeuntem ocyus in auras. Sed  
cum lacteum humorem cochleari ex-  
ceptum, per multas horas perennare vi-  
disset, mutasse sententiam, & nunc con-  
jectare hanc dissipationem provenire,  
partim (1) à violento corporis motu: (2)  
quod nihil de novo iterum accedat: (3)  
partim jecoris trahentis & venarum  
pellentium virtute. Aliam insuper  
(4) causam ab amico quodam redditā;  
quia sicut in vivis pulmones circum-  
fluunt sanguine, qui mortuis absorbitur  
per

per raritatem pulmonis; ita cremor lacteus in vivis cernatur; in mortuis per mesenterium & glandes dissipetur.

XLII. Historia lactearum ita habet.

1. *Nomen*: Lactes vel lactea vasa; nominetenus antiquis fuisse cognita: dicta seu à lacio, id est allicio; seu à lacteo cremore, quem vehunt.

2. *Situs*. Exortum & Radicationem earum quod attinet, se conjectari hanc esse in Pancreate, cui colore similes sint: inque quo peculiares habeant flexus, ductusque ac texturas, atque ubi omnes coeant in unam compagem. Hinc progredi partim deorsum ad intestina; partim sursum ad hepar. In hepate esse earum principium: finem in intestinis. Inferi verò in omnia intestina, etiam duodenum (ad discrimen vulgare Mes.) neque ullam earum ad ventriculum porrigi; Plurimas ad jejunum, unde fiat quod hoc inane reperiatur. Postquam igitur altera extremitate affixæ sunt intestinis, ab his porro progredi per duplices Mesenterii tunicas, partim solas,



solas partim copulatas vasis aliis: perque glandulas ire ad Pancreas, ibique specie etiam se invicem complexas efforinare viros Mæandros. A Pancreate majoribus jam ramis, comitantibus eas Portæ venis, & sæpe instar corollæ amplexis, subire cava jecoris, inque ejus carne obliterari, nec ulla communione sociari cum cæteris Mesenterii venis.

3. *Substantia.* Hanc similem esse vasis aliis. Quin & valvulis esse intus lonatas Lactes, quæ ceu repagula obstant, quo minus, quanta etiam vi pressus liquor contentus, retro impelli queat. Esse autem vasa sui generis, diversum imperium nacta, haut secus ac Porta Cavaque distinctæ sunt.

4. *Quantitas.* Propagines illarum numero esse infinitas, dispersas per intestina, Pancreas, Mesenterium, Jecur: multitudine superare vulgares Mesentericas.

5. *Qualitas.* Esse instar funiculorum candidissimorum, plenorum lactei cretioris, sed exiles admodum.

6. *Actio*

6. *Actio & Usus.* Lactium actionem propriam esse Nutritionem. Nutrit non succo suo, sed vero sanguine, quem subministrant venulæ juxta jacentes. Actionem officialem esse, distributionem chyli ad jecur per *αἰσδοσις*, velut sanguis derivatur ope venarum aliarum in corpus per *διαδοσις*. In Lactibus chylum præparari, non quidem ut rubedinis aliquid contrahat, ( id à solo jecore fieri ) sed ut costior fiat & obsequentior jecoris conatui, ad eum modum, quo vasa præparantia testibus; dexter cordis sinistro famulantur. Lactearum harum præsentia & usu omnes illas arduas & inextricabiles controversias tolli, de chyli abductione ad jecur: & sanguinis reductione ad intestina.

XLIII. Sed quid fiet de communibus venis Mesaraicis? cui illæ rei servient? Resp Asellius; nulli alii, quam nutriendis intestinis: solummodo ex jecore advehere sanguinem in alimoniam intestinorum. Urgeat quis porro: tantam vasorum & sanguinis copiam frigidis & exsan-

ex sanguibus corporibus non esse ex-  
 fu : alioquin crassis debuisse plures in-  
 plantari quam tenuibus : cum tamen  
 contrarium factum sit. Reponit Asell.  
 (1) Videri saltem, non esse adeo multas.  
 Idem hic evenire quod intuentibus cœ-  
 lum, quibus innumeræ videntur stellæ  
 firmamenti, quæ vix sint mille. (2) Mul-  
 titudinem corrigi parvitate. (3) Non o-  
 mne frigidum & ex sanguine paucis venis  
 contentum esse : quia cerebrum sit tale,  
 tamen abundans venis : quia ventricu-  
 lus frigidus plus appetat cibi, quam va-  
 leat coquere. (4) Quia bilis proritans  
 intestina ad excretionem, rapiat secum  
 magnam partem utilis alimonix, quæ  
 proinde copiosè debet reponi. (5) Ve-  
 nas has non soli nutritioni servire, sed  
 etiam expurgandis è toto corpore hu-  
 moribus itaque copiosas debuisse dari. Nul-  
 las alias vias inveniri, per quas è vasis  
 majoribus, & corporis œconomia expur-  
 gari queat eluvies noxia humorum. Ea gra-  
 tia & numerosa, & præcipue tenuibus esse  
 inplætata, siquidè per tenuia potius quàm  
 crassa.

crassa separat Natura quæ noxia sunt, ut demonstratur à Galen. l. 4. Us. Part. c. 2. & 12.

XLIV. Recensui compendio διαγε-  
φῶ quartæ generis vasorum Mel. ex ob-  
servatione & sententia Asellii; quem  
ego ingenue fateor, meruisse laudem  
juxta ac honorem, conatu suo egregio.  
Et nos sanè Lactes has ab ipsius manu  
prothyme acceptamus, easque revera  
dari in corporibus, & ea, quam præ-  
scripsit, lege observari, non imus infi-  
cias, αὐτοψία edocti. Verum quæ (1)  
de causis subitæ disparitionis: (2) de  
earum termino, usu, actione; (3) de  
communium Mesaraicarum officio phi-  
losophatur, illa neque naturæ congrua,  
neque rationibus solidis firmata; neque  
experientia comprobata, assensum à  
nobis unquam impetrabunt. Positis La-  
ctibus, & concessio τῶ ὅτι quòd sint, ali-  
ter instituenda erit, si veritati responde-  
re debet, earundem διήγησις. Non si-  
mul & inventa & perfecta sunt singula.  
Quid nos censeamus, indicabimus in-  
genuè;

genuè: Alius eruditior hæc vel corrigat, vel illustret, vel auctum eat, vel prorsum eleuet, nobis non magnoperè ringentibus.

XLV. Principio quod ocysimè dispareant venæ Lactææ, neq; moram aut commoditatem diu se contemplandi relinquunt spectatoribus, causa (1) esse nequit motus corporis violentus: Animal vivum sectile vinctulis firmiter constrictum, non conatur movere, nisi ea, quæ spontaneè impelluntur. Talia autem non sunt vasa lactea. Itaque non aguntur violenter nisi per accidens, & modicum, dum venter concutitur, qui tamen plurimum non potest, utpotè loris vincto animali. Sanguinem, venis vulgaribus contentum, multò esse magis spiritalem cremore chyli, indubium est. Attamen hic non evanescit eodem violento motu. Qui ergò id faceret chylus? Sed neque (2) Defectus alimenti novi accedentis causare potest momento tam mirabilem occultationem lactearum. Evaporatio

G omnis



omnis moram requirit. Neque spirituosissimum *divisaypa* instanti evanescit, tamen si nihil novi affundatur. Sanguis venarum, qui spirituosior isto cremore, etiam si biduo animal non fuerit particeps factum alimenti, tamen non tam properè & nictu oculi evanescit, cum abscedit anima. Additur (3) causa alia: Jecoris tractus & venarum pulsus: Etiam hæc insufficiens est. Jecur non trahit ex intestinis chylum, nisi per vasa Mesenterii, quæ primo trahunt, & trahunt quidem continuato ductu, usque in ipsam jecoris carnem, in quam absorbentur. Jam si trahunt, utique non expellunt. Haut magis propellunt Lactes cremorem, quàm venæ sanguinem. Siquidem ut venæ sanguini, sic Lactes cremori sunt destinatæ Sanguis semper manet servaturque in venis, donec trahatur à partibus singulis pro alimonia: sic cremor in Lacteis hoc quidem pacto maneret. De jecoris tractu idem cenfeo: alliciat sanè id è Lacteis cremorem animali vivo. At hoc exspirante, exspirare necesse est  
 istius

istius actionem & vim trahendi. Jam  
quàm diu vita fruitur animal, in Lacteis  
humor manet, oculisque notatur. At  
mortuo isto disparet: alia igitur causa  
disparet, quàm tractione jecoris, quæ in  
mortuo nulla esse potest. Postremò  
(4) simile illud, quo amicus quidam  
hanc evaporationem illustravit, petito à  
sanguine vivos pulmones permeante,  
mortuos derelinquente, non magno-  
perè juvat causam Asellii. Multò alia  
est sanguinis hujus, quàm cremoris ra-  
tio. Sanguis diffusus per pulmones spu-  
meus est, biliosus, subtilis, agitat<sup>us</sup> ab  
aere ventilante, quo sublato subsidere  
nece<sup>ss</sup>esse est mobilem hunc sanguinem.  
At neque cremor spumeus est, neque  
subtilis, neque biliosus: neque inest  
Lacticus aer, abs quo impellatur vi-  
vente animali. Rationes igitur eva-  
nescentiæ celeris ab Asellio promulga-  
tæ, non inveniuntur esse magni robo-  
ris, ut proinde necesse sit de aliis firma-  
mentis cogitare, qui hanc rem stabilire  
discipit.

XLVI. Interea dum ingeniosior quis aptiorem excogitet causam, hanc ego reddo, & à probabilitate minus remotam arbitror. Anima præsens, & corporis, & humorum in eo œconomiam rectè & debitè administrat; cremorem in suis conceptaculis detinet, & in statione servat. Anima autem & spiritu evanescente, cremor suo gubernatore destitutus, labitur & fluit qua porta datur. Effluit, inquam, è Lactibus in intestina, unde venerat, quia Lactium oscula aperto ibidem hiant, inculcante Asellio. Judicatur autem hæc effluxio *απόρροη* & confertim fieri, quia (1) cremor perpaucus est, non requirens multum temporis in elapsu suo; (2) quia ob fluxilitatem aptissimus est ad motum. Hinc quum substantia Lactearum membranea sit, nil mirum, si à membranoso mesenterii colore distingui nequeat; fugiatque properè visum.

XLVII. Opponet fortassis non nemo, huic refluxui (1) Valvulas, quæ omnem retrogressum præcludunt, de  
qui-

quibus th. 41. §. 3. Respondeo: Præcludere quidem in vivis, in quibus spiritus ut partes omnes, sic & valvulas distendit, roborat, firmat: quocirca animali vivente, etiam digito prementi cremor non cedit. Verum jam jam & commodè dispereunte anima & spiritu, omnia flaccescunt & collabascunt: neque etiam repagula ista destinato fini satisfaciunt, sed fluit humor, qua viam invenit. Ejus rei specimen in venis item vulgaribus cernitur, quæ ipsæ quoque ostiolis instructæ, vivæ quidem sanguinem sibi concreditum non patiuntur remeare, at mortuæ quæque versum emittunt. Objicies (2) Quur non & sanguis è venis communibus, moriente animali, sic fluit in intestina, æque ac cremor? Ajo id non fieri duas ob causas. (1) Quia pauculæ venæ sanguineæ hiant versus intestina; & quæ hiant obliquissimè positæ, non concedunt sanguini exitum. (2) Quia sanguis cremore crassior, nequit penetrare per exilia foramina. Nam ut

mox indicabo, Lactææ chyli partem fluidiorem, sanguineæ spissiore, trahunt & alio ducunt.

XLVIII. Secundum, quo seorsim sentimus ab Asellio, est, quod de Lactearum ductu differens, finem earundem in intestinis, principium in jecore constituit. Contrarium veritati esse similis, ego quidem arbitror, ob sequentes rationes. (1) Unde actio Lactearum primum incipit, ibi meritò earum ponitur initium; ubi desinit finis. Attractio nem chyli, (quod earum est officium) ab intestinis inchoant Lactææ, in jecore finiunt. Principium ergo earundem in intestinis: Finis in jecore. (2) Quæstio hic est, dicente Asellio, de principio *ῥιζώσεως*. Cæterum ut se habet radix ad arborem: ita principium lactearum (*ῥιζώσεως*) ad reliquum ductum. Sed in arboribus radix ibi est, unde in reliquam arborem incipit trahi succus. Ergò & radix seu principium *ῥιζώσεως* Lactearum isthic erit, unde prima succi attractio. Ea verò est in intestinis.

Pro-



Proinde initium *μεζώτερος* in intestinis, non in epate. (3) Asellius sibiipſi contrarius sic scripsit cap. 19. *Haec illa sunt vera, quæ ad intestina ad instar hirudinum hiant spongiosis capitulis, quæ radicem vicem obtinent; quæ in ipsam intestinorum capacitatem penetrant* Si capitula seu termini Lactearum radicem vice sunt in intestinis, annon in intestinis erit earundem Principium radicale?

XLIX. Tertium quod animadversione dignum monui, est tam Lactearum, quàm communium sanguinearum officialis & publica actio. Lacteis solis Asellius tribuit transfretationem chyli: sanguineis solam curam devehendi sanguinis ad nutritionem intestinorum. Neutrum horum rationi aut Naturæ affine esse, nos è contra profitemur. (1) Non solæ lacteæ chylum vehunt, sed partem ejus communes sanguineæ. (2) Sanguineæ communes non solis intestinis, sed

& cæteris corporis partibus alimoniam  
prospiciunt.

Nimirum ita nos de utrisque his va-  
sis arbitramur, communes illa operas  
navare, unique seu simili muneri in-  
cumbere, quamvis in dispari subjecto.  
In chylo, qui est *χρῆμα*, constans hete-  
rogeneis partibus, aliquid est liqui-  
dus, aliquid spissius, utrumque utile  
alimentum. Liquidiora ut citius co-  
quuntur, sic citius distribui amant. In  
eum usum data sunt Lactes, quæ tum  
à cæteris intestinis tenuioribus, tum è  
jejuno imprimis, liquidiores illam chy-  
li partem protenus & validè, (copiosæ  
enim illæ istic) alliciunt, cumque ea  
longam coctionem non exposcat,  
priusquam rubefiat, ad jecur, & hinc,  
citò permutatam ad cæteras partes de-  
ducunt, ut ociori refocillatione mem-  
bra firmentur. Inde est quod potato-  
res multibibi, non solum plurimum  
hauriant, sed & properè & crebro fa-  
ciant urinam, transvecto per lactea-  
rum promptitudinem potu, facili alte-  
ratio-

ratione mutabili, & prono ad distribuendum, opitulante interim vasorum laxitate, & robore facultatis trahentis, quibus qui carent, quamvis & hi bibendo se invitent plusculum, tamen iis non tam affatim ad vesicam humor deferitur.

Porro portio chyli aliquanto spissior, à sanguineis Mesar. communibus trahitur, coquitur & ad jecur, Lienemque derivatur, postulans moram aliquanto longiorem, qua & rubedinem induit.

Atque ita venæ hæ mutuas operas tradunt invicem, suntque alteræ alternarum compares. Similem dispensationem Naturæ deprehendimus in jecore & Liene, quod utrumque est viscus *αἷμα το ποιεῖται πόν*, ut loco convenienti indicabitur: istud puriori & fluxiliori sanguini perficiendo dicatum; hic crassiori. Certè sapiens est hoc Naturæ consilium. Quippe à sanguine, hujusque indole, discrimine, copia, qualitate, pendet totius animalis incolumitas. Qua-

G s propter

propter meritò tam sollicita fuit, in construendis tot membris, sanguificationi fidelem & utilem operam locantibus.

L. His positis, non est nobis opus excutere Afellii Thesin de communium Mesaraicarum usu, pro solis intestinis nutriendis. Simplici & nudæ ejus assertioni (rationes enim nullas addidit) contra sistimus assertionem datam nostram, solidiori, ut arbitror, fundamine nixam. Quæ (1) de fallaci judicio multitudinis in communibus Mesaraicis (2) De exilitate castigante multitudinem, annotavit, eadem in Lacteas dici possunt. (3) De cerebri frigiditate, & venarum multitudine pronunciatum extra oleas est. Cerebro prospectum ivit Natura vasis copiosis, non solius nutritionis gratia, sed præcipuè advehendæ materiæ, pro spirituum animalium confectio-  
ne. Ventriculus frigidus cur plus appetat alia est ratio, nihil ad hanc excusationem pariens. (4) Bilis por-  
rò non

rò non abripit, ut ille ait, partem utilis  
 alimonix: Contra hanc ejus vim præ-  
 valent intestina. Saltem proritat ea-  
 dem ad excernendam saburram inuti-  
 lem. (5) Quando communes Mesa-  
 raicæ etiam excretioni incumbunt, id  
 fit tum per accidens, tum præter desti-  
 natam Naturæ integritatem. Quæ  
 autem talia sunt, ex iis ferri nequit  
 judicium de statu & ordinaria  
 actione.





## EXERCITATIO V.

quæ est :

I. De Intestinorum tam generali di-  
xiſes, quam particulari ſin-  
gulorum Historia.

II. De Pancreate.

Reſp. Ulrico Bertram /  
Ulſa-Saxone.

**P**lutarchus in Conv. Sapientum au-  
tor eſt, Aegyptioſi hominem mor-  
tuum, diſſecto ventre ſoli oſtendere:  
tum inteſtinis in profluente abjectis,  
reliquum cadaver quaſi jam purum pro-  
curare, & exſequiis proſequi conſue-  
viſſe. Arbitrari eos quippe, inteſtina eſ-  
ſe corporis noſtri inquinamentum, &  
velut orcum quendam, oppletum exi-  
tioſis fluminibus. Et hodie vulgus pro-  
pter ſordes, quarum ſunt receptacula,  
tum ipſa deſpicatui habet, tum eos qui  
ipſis pertractandis occupantur: ſed per-  
verſa.

versâ opinione. Quin contrariò intestina plena esse admirationis, liquebit ex illis, quæ in progressu scribentur. Antiquitus certè non solum in magno æstimo erant Apitianæ artis Sectatoribus, sed etiam Haruspices ex iis futura prænoscebant, quo fine Extra dicebantur, & ars ipsa aut divinatio, Extispicina de qua *Cic. lib. 1. Divin.*

II. Ante cætera verò viscera reconditiora, instituendum intestinorum examen, partim quia proclivia sunt in putredinem, & fœtorem; partim quia cæteris Interaneis incumbunt, quæ istis non semotis non dant se in conspectum aut manus Anatomici.

III. *Nomen.* Consueta hodiè appellatione dicitur Intestinum, quod apud Priscos Intestinus ferebatur. Testis est *Plinius lib. 21. C. 37.* cujus hæc verba: *Intestinus in homine annexus infimo stomacho similis canino.* Intestina quidem appellata sunt, quod intus stant: & Interanea, eadem origine: quæ duæ voces ampla potestate denotant quicquid intus existit:

atque hinc est intestina discordia, hinc  
 lien, renes, Ventriculus &c. Interanea  
 aut intestina dici possent; Sed pressè &  
 familiari usu id nomen sibi solum ven-  
 dicant, membranei anfractuosi canales  
 in ventre, partim Chylum recipientes,  
 partim fæces continentes & foras ejici-  
 entes. *Extæ*, generalius est vocabulum  
 omnibus visceribus commune. Virgil.  
*Pinguiaque in verbis torrebant Extæ*  
*Columnæ.* Plaut. *Cui Extæ inspicere in sole*  
*etiam vivolice;* ita is pellucet quasi laterna  
*Punica.* Græcis eadem lege usurpantur  
 "ἐντερά: καὶ ἐνδύνα: sic Dioscor. lumbricos vocat  
 "ἐντερά γῆς. Laurentius lib. 6. c. 12. scribit, à  
 Barbaris *χόρδας* appellari Intestina. Cer-  
 tè & Homerus, & Athenæus, & Aristo-  
 phanes Laurentio Barbari fuerint hoc  
 pacto, quibus solemne est intestina ap-  
 pellare *χόρδας*: Homero quidem l. 21. od.  
 & Hym. Merc. Athenæo, 7. διπν. Ari-  
 stoph. Ranis.

IV. *Situs.* Quâ sede confideant in-  
 testina nimis quam notum est: in ven-  
 tre scilicet imo; quod eò fine factum, ut  
 à pu-

à purissimâ mentis regiâ quam maximè  
 impurus sordium halitus removeretur:  
 atque ut istæ commodius ejicerentur ex  
 corpore. Unus verò est continuus du-  
 ctus ab ore usque ad anum , annexis  
 ventriculo intestinis per multos gyros  
 & inflexiones , quos in compendium  
 quasi contrahit Mesenterium. Gracilio-  
 ra ambiuntur ferè à crassioribus, ac me-  
 ditullium occupant, ut eo tutius quie-  
 scant, cū sint crassis imbecilliora. Quæ  
 de dignitate mediū loci ( quem sibi po-  
 scebant tenuia crassis nobiliora ) com-  
 mentatur Laurent. lib. 6. cap. 12. ea non  
 magni momenti æstimant Philosophi:  
 qui neutiquam concedunt Medium seu  
 centrum circumferentiâ dignius esse:  
 idque demonstrant exemplo globi ter-  
 restris ignobilis, in centro, & nobilissimi  
 cœli in περιφερείᾳ positi.

V. *Substantia.* Quod Laurent. d. l.  
 De intestinatorum substantia generatim  
 scripsit ; eam esse totam membraneam,  
 duabus propriis tunicis &c. inter-  
 ceptam : Item lib. 6. quæst. 16. eam esse  
 ner-

*nervosam totam fibris carnosis intersitam;*  
 Hæc quia supinum & intolitum ab usum  
 intrudunt substantiæ membranæ, car-  
 nosæ, nervosæ, si pro eadem sumantur:  
 vel certè errorem fovēt conjunctum  
 cum contradictione; proinde non e-  
 runt nobis magnopere ex usu: Error  
 ille est, quum ponit totam intestinorum  
 substantiam membranæ, quæ tamen  
 ipsomet fatente est carnosæ & fibrosæ,  
 seu carnosæ fibris intersita: Contradi-  
 ctio verò est hæc: Intestina sunt tota  
 membranæ; intestina non sunt tota  
 membranæ, sed carnosæ & fibrosæ. Con-  
 sultius fuerit intestina ut partes dissimi-  
 lares dirimere in simplices particulas, è  
 quibus constantur. Eæ sunt hæc. 1. Pin-  
 guedo 2. Tunicæ tres, 3. Fibræ. 4. Venæ 5.  
 Arteriæ. 6. Nervi.

VI. *Pinguedo* Intestinis foris circum-  
 ponitur, copiosior crassis, parcius tenui-  
 bus: ne utiquam verò intus ea suffarcit.  
 Sic quidem creditum est à Laurent. l. 6.  
 c. 12. & 14. itemque à Varolo, Picolhom.  
 & ex antiquis Aetio, qui scripserunt

pin-



pinguedinis hujus particulam abradi  
 in dysenteria, unaque cum fœcibus eji-  
 ci. Picol homineus etiam usum ejusdem  
 ut excogitaret, laboravit anxie, quem  
 invenit tandem esse, ut lubricitate sua  
 excrementa promoveret. Error hic est  
 insignis. Nullus internè in intestinis a-  
 deps: sed exterius omnis. At Laniones,  
 dum interanea eximunt ex mactato a-  
 nimali excussis fœcibus invertunt inte-  
 stina, & ita coquo tractanda relinquunt.  
 Decepti ergò sunt viri isti, Naturaque  
 ascripserunt, quod ab manibus artifi-  
 cum provenit. Usum autem Picol. exco-  
 gitatum supplet mucus, quo intus perli-  
 ra sunt intestina, qui in prolaxis alvi  
 effluviis unà ejici solet; unde deperdito  
 hoc lentore, istis ut plurimum succedit  
 denegatum alvi beneficium. De usu pin-  
 guedinis intestinalis, nemo quidem  
 Anatomicorum quidquam monuisse  
 visus est: non tamen ille vel nullus, vel  
 ita ἀνεροπόδι transiliendus: Est verò is, ut  
 calore suo exanguia intestinorum cor-  
 pora foveat, atque hinc promotum eat

co-

coctionem, aliasque istorum operationes. Gignitur verò ut adeps reliquus, ex oleosis vaporibus in ventre excitatis, qui appulsi ad membranea hæc corpora concresecunt.

VII. 2. *Tunica.* Si rudiores oculos obtutum quis consulat, judicabit simplici membrana constare intestina. At *angiæstæ* tractata re ipsa triplex in iis observatur tunica, quarum quæ externa est ineptissimè & nullo fundamento à Laur. l. 6. c. 12. aliisque plerisque Anatomicis communis dici consuevit. Quicquid nacta sunt intestina sibi solis & semper conveniens, id non commune, sed proprium meritò censendum. Tales sunt tres hæ tunicae. Media illarum robustissima est, carneis intertexta villis, vel fibrosa carne, quandoque rubedine se prodens. Fibrarum usus spectatur in juvanda excrementorum ejectione & ope ferenda musculis abdominis in hoc labore. Tertia intima, hinc crispata in rugas, isthic lævitate æquabilis, crustam aliquam sibi adnatam habet, cujus

cujus officium non est, ut Laurent. & cum eo Recentiores habent, prohibere ne occæcentur oscula venarum, intestinis insertarum; sed moram injicere chylo, ne ille præcipiti festinatione conatarum intestincrum in coquendo eludat. Natura enim est cunctatrix.

VIII. 3. *Fibræ*. Per substantiam intestinorum villi omnis generis disseminantur, non solum recti, transversi, circulares (totidem saltem numerat, sed minus sufficienter, Laur. d l.) sed etiam obliqui. Transversorum beneficio expellunt fæces: obliquis retinent chylum, circularibus expediunt motum ~~etiam aliorum~~, qui fit supernè deorsum, quo & ipso expulsio juvatur. Rectis attrahunt chylum. Quorum usum secundarium insuper esse (non primum ut vult Laur.) non negamus, circularibus servire ad tutelam: Alioquin eidem fini in intestinis destinatae sunt fibræ Rectæ, cui ubivis in corpore, scilicet primò & per se ut attrahant.

IX. *Vasatriplicia*; Venæ, Arteriæ,  
Ner-

Nervi. 4. Ramus Mesentericus, qui est à vena porta, per intestina repit, varios de se furculos spargens istorum nutritui destinatus. 5. Arteriæ intestinales sunt à Coeliaco & Mesenterico Ramis, advehentes vitalem Spiritum 6. Nervi promanant à sexta conjugatione, concessi illis ne destituerentur tactu.

X. *Quantitas.* Unum solum est intestinum si ipsam rem, & continuatæ ac cohærentis substantiæ ductum videas: At habita ratione figuræ, longitudinis, capacitatis, crassitie, distingui se patiuntur in varias classes: quarum summæ duæ ponuntur, ut sint Intestina alia tenuia, alia crassa: de utroque censu tria: adeoque universim sex: peculiaribus nomenclaturis donata, de quibus paulo post. De longitudine omnium vix ausim certi aliquid affirmare. Alii aliam faciunt. Sed cum individuis humanis omnibus non sit eadem proceritas, neque corpulentia, vix ausim ego intestinis omnibus unam assignare mensuram, haut confidentius quàm omnibus pedibus

dibus eundem calceum aptare. Picoth.  
 & Laurent. cujusque hominis intestina  
 cum homine contrulerunt. Verum nec  
 sic conveniunt Nam Picoth. observasse  
 se scribit intestina æquare cujusque ho-  
 minis longitudinem sexies, palmo uno  
 & semisse deficiente. Laurentius septies.  
 Quicquid sit, tanta sane illis est longitu-  
 do, ut cum explicata expansaque sunt,  
 nemo non traducatur in admirationem

XI. *Qualitas.* Teretem esse intesti-  
 norum figuram, nemo nescire potest,  
 id est oblongè globosam: scilicet ob ca-  
 pacitatem & securitatem: Rotunda  
 enim figura (quod Mathem. docent)  
 omnium figurarum isoperimetrarum  
 capacissima est, & injuriis validè relu-  
 ctatur. Qualibus verò strophis & infle-  
 xionibus disposita sint, dictum fuit in  
 præcedentibus.

XII. *Actio & Usus.* Cum duæ sint in  
 homine actionum species, aliæ com-  
 munes aliæ propriæ; Et quidem com-  
 munes, quæ primò cedunt in emolu-  
 mentum totius, ut ambulatio, visio, feri-  
 ex-



expurgatio: propriæ verò sunt ob privatum cujusque partis commodum, ut sanguinem alterare pro nutritione privata: Quæritur & disputatur; An intestina communibus etiam, seu publicis donata sint actionibus? Nam privatis & propriis nullam partem destitui, in confesso & indubium est. Publica hæc intestinorum munia, de quibus ambigitur, sunt 1. Attractio Chyli è ventriculo. 2. Retentio ejusdem chyli 3. Concoctio. 4. Expulsio superfluatorum. Singula perpendemus.

XIII. 1. *Attractionem* quod attinet, eam intestinis denegavit Laurent. l. 6. q. 10. non quidem Rationibus ullis, sed frigido Schemate auctoritatis Galenicæ, cujus robur à cervicibus nostris amolieretur ipsa disputatione. Pollere intestina attractrice facultate, qua è ventriculo proximo chylum alliciunt; inter alia argumenta evincunt hæc quoque: 1. Quia acceperunt fibras Rectas, quarum officium per se & primo est, (omnibus Anatomicis fatentibus)

attra-

attrahere : Partes quidem omnes item attrahunt, retinent, coquunt, expellunt propria actione, sed sine fibris : Ubi autem fibræ, ibi actio publica & officialis. Nihil est quod prætendit Laur. d. l. fibras Rectas servire intestinis ad tutelam transversarum. Hic usus succedaneus & accidentarius est, ut paulo ante diximus Thesi 8. 2. Quia intestina Chylo delectantur, haut minus quam ventriculus. Aluntur quidem sanguine, ut Chyli præsentia oblectantur, dicente Laur. ipso d. l. Quo autem delectatur pars, id attrahit : 3. quia ventriculi & intestinorum ( sic habet Laur. l. 6. q. 12. ) eadem est substantia, siue temperiem, siue colorem, siue tunicarum contextum spectes. Eadem ergo operationes : Quare ut ventriculus appetit attrahitq; Chylum, ita & intestina.

XIV. 2. De Retentrice porro virtute intestinorum dum disputat Laur. l. 6. quæst. 11. eaque penitus hæc spoliatur, neque ratione ulla, imò neque auctoritate quidem assertionem suam munisse

viffe deprehenditur, totus in hoc, ut ele-  
 vet vim argumentorum contrarium  
 fuadentium; quod qua fide quoque ro-  
 bore præstet, dispiciemus inter dispu-  
 tandum. Profitemur nos, inesse inte-  
 stinis vim retentricem, consuali his ra-  
 tionibus: I. quia ubi concoctio officia-  
 lis, ibi & Retentio: Ista enim moram  
 requirit, quum nullus motus fiat in in-  
 stanti. Intestina autem coquendi vi  
 instructa esse, neque ipse negat Laur.  
 sed è contra prolixè probat l. 6. q. 12. II.  
 quia donata sunt fibris obliquis: Eæ  
 ubicunque ponuntur in corpore (ex  
 decreto unanimi Anatomicorum) ibi  
 Retentrix facultas, & ejus operatio. III.  
 quia intestinis convenit actio læsa fa-  
 cultatis Retentricis: Ergò & actio in-  
 tegra iisdem convenit ex lege contra-  
 riorum. Actio læsa est Lienteria: actio  
 integra est chyli retentio. Lienteriam  
 esse affectum intestinorum, quamvis ne-  
 gare satagat Laurent. l. 6. q. 11. nobis ta-  
 men in proclivi est, idem affirmando  
 constabilire. Evenit autem lienteria  
 quan-

quando alimenta vel parum, vel nihil  
immutata rejiciuntur, ob læsam vim  
Retentricem.

XV. 3. *Concoctrix* Virtus sequitur,  
de qua dum solliciti sumus, præcipuè  
ad intestina tenuia flectimus animi co-  
gitata. Sunt, qui negant intestinorum  
potentiam se eò extendere, ut operam  
aliquam coctioni Chyli locare queant.  
1. Quia bilis indefinenter in ea defluit:  
quæ vel maxime coctionem impedit,  
partim amarore, partim stimulando ad  
ablegandum & protrudendum Chy-  
lum: 2. quia intestinum jejunum di-  
ctum, perpetuò sit inane, & chyli ex-  
pers: quod si hoc ad coquendum in-  
eptum, quidni & cœtera? Sed hæ ra-  
tiunculæ non sunt gravis ponderis:  
quum eas facile quis tollat, quod ipsum  
loco & tempore faciemus.

Non destitui intestina vi coctricæ  
hinc colligere licet. 1. quia eadem illis  
substantiæ & conformationis ratio quæ  
ventriculo. Idem ergò præstare valent,  
quamvis paulo alia idea, quam ventri-  
culus.

culus. 2. quia, qui in æstate gelidum portant, etiam in intestinis frigus persentiscunt. Potus igitur in intestina delabitur. Quo fine aut Naturæ consilio, nisi ut coquendo perficiatur? 3. quia multi heluones & voraces macelli turbatores, tantum vini ciborumque ingerunt in ventrem, ut iis capiendis solus ventriculus par neutiquam sit: nisi ei in subsidium veniant intestina. 4. quia ex Hypochondriorum & intestinorum tenuium vulneribus effluit quandoq; Chylus: Ergo in iis continetur & elaboratur. Obten-  
dit quidem Laur. d. l. affectis malè intestinis, in condolentiam trahi ventriculum, & sic eructare Chylum. Sed non animadvertit hanc Sympatheian eodem momento, quo vulnus infligitur, non nasci, sed paulatim & successivè. At eo psemomento effluit chylus 5. quia, si attrahunt chylum intestina, si retinent, ut demonstratum est antehac: quur non & ejus elaborationi incumbunt? Frustraneæ essent actiones istæ sine hac: quippe quæ huic ancillantur & subordinantur.



XVI. 4. *Quod intestina Expultrice*  
 virtute instructa sint, prolixo sermone  
 ut ostendamus non est operæ precium.  
 Res nota est, & indubia. Si quis tamen  
 dari sibi poscat Rationum momenta, is  
 pauca hæc capiat. 1. Quia à Natura na-  
 cta sunt fibras transversas & orbicula-  
 res, quarum unicum officium, expulsio-  
 ni præesse. 2. Quia in illis datur aliquid  
 quod necessario postulat expelli: Fæces  
 scilicet ab utili alimonia reliquæ. 3. Si  
 possident attractionem, omnino et-  
 iam possidebunt expulsionem: tum quia  
 natura studiosior in expellenda re noxia  
 quam in attrahenda utili: tum quia  
 ingestum & attractum alimentum nul-  
 lum tam purum, ut non supermaneat  
 ab Attractione, Retentione, Coctio-  
 ne aliquid, quod & expulsionem indi-  
 geat. Sic igitur evictum est intestina  
 quatuor functionum officialium  
 speciebus pollere.

# PARTICULARIS IN- testinorum singulorum Historia.

XVII. Duo sunt, ut è Thesi X. constat, intestinorum census & discrimina, Tenuia & crassa: Tenuia tria, Duodenū, Jejunum, Ile: Crassa item tria, Cæcum, Colon, Rectum; de utrisq; sigillatim annotabimus, quæ erunt in rem nostram.

XVIII. *Tenuia* appellationem suam nacta sunt, quoniam substantia eorum tenuis est admodum. Priscis dicuntur *Lactes & Pantices*.

*Lactium* vox communis est variis corporibus. Sic appellatur i. Piscium seminalis aut genitalis humor, concreto lacti haur absimilis, (das Milch) oder Melcher) in masculorū ventribus, quo ova pisciū fœminarū (das Rogen) perfusa aut attacta, fœcunda redduntur.

Apud Lampridium in Heliogabalo, memorantur lactes Luciorum & Murænarum, uti & apud Suetonium in Vitellio, ubi hic posterior describit patinam Vitellii, quam ipse, (propemodum

ver-

verba illius reperam) postquam à fratre  
cœna adventitia fuerat exceptus, in qua  
duo millia lectissimorū piscium, septem  
milla avium apposita traduntur, dedi-  
cavit parili convivio: quam patinam ob  
immensam magnitudinem ipse Clypeū  
Minervæ, αἰγίδα πολυέχμη dictitabat.

In hac Scarorum jecinora, phasia-  
norum, & pavonum cerebella,  
linguas Phænicopterorum, Muræ-  
narum Lactes ab extremis populis per-  
triremes petitarum. 2. Lactes dici  
loca sub umbilico pubetenuis, adeo  
delicata, ut plagam ferre non possint, te-  
stis est *Hermolaus* Notis ad Plin. ex Pro-  
bo Grammat. qui forte non tam abdo-  
minis partem exteriorē, quā suppo-  
sita illi Intestina tenuia intellexit, quæ  
impeti vulnere, sine vitæ discrimine, se-  
non patiuntur. 3. Lactes Asellio sunt ve-  
næ, nuper repertæ lacteæ, à vulgaribus  
Mesaraicis distinctæ, lactei succi cana-  
les: de quibus disp. præced. 4. Maximè  
propriè cū antiquis Latii patribus Plau-  
tus Lactes nuncupavit, intestina tenuia,

receptacula novelli Chyli quæ sunt ob-  
pinguedinem sapidam, gratissimuscibus  
homini juxta & canibus *Plant. Pseud.* Ea-  
dem opera alligem canē fugitivamagni-  
nis lactibus. *Curcul.* Cibi yacuitate venio  
laxis lactibus. *Persius* Emeris auriculas  
pulmone & lactibus unctis (scil. nativa  
pinguedine delibutis:) Atq, hæc Intesti-  
na tenuia potissimū Lactes dici in ove &  
homine, in cæteris verò animalibus Ile,  
innuere videtur *Plin. l. ii. cap. 37.* Ab hoc  
ventriculo (inquiens) lactes in ove &  
homine, per quas labitur cibus? in cæte-  
ris Ile. *Pantices* etiam nō significant unā  
rem 1. Festus ita appellat continuos flu-  
xus intestinorū, à pandendo, quod ven-  
trem pandant. 2. Propriè Pantices sunt  
idem cum Lactibus, intestina scil. tenuia  
*Plant. Pseud.* Eo vos vescros pātes adeo  
madefacitis, quum ego sim hic siccus.  
*Mart. lib. 6. 64.* Ne valeam? si non  
multo sapit altius illud. Quod cum  
panticebuslaxis (*Plant. lactibuslaxis:*)  
& cum pede grandi; Et rubro pulmo-  
ne, vetus nasusq; timendum: Omnia cru-  
delis

delis lanius per compita portat : Intelligit Intestina teneriora, parùm recentia, jamque olida : Gallicè *Pance*.

XIX. Inter tenuia primum est Duodenum, *δωδεκάδακτυλον* quasi longū XII. digitos transversos Si nostræ ætatis corpora scruteris, Etymologia hæc falsa est: In iis enim vix IIX. aut IX. digitorum longitudinem assequitur hoc intestinū, ut rectius Octonum aut novenum diceretur. Galeno est *πυλὸς ἐκφυσις*. quasi protuberans ventriculi excreſcentia. Aliis Pylorus, Janitor, Portonarius, seu quia adhæret verò pyloro, id est, ventriculi orificio, seu quia eodem quo ille, fungitur officio.

Initium Duodeni ibi, ubi ventriculi extremitas, cui proximè est continuum. Jacet in dextro latere ad spinam, recta descendens sine omnibus anfractibus, spinæque adnatum membraneis quibusdam ligamentis.

Substantia illi quàm cœteris intestinis tenuibus densior, insignita peculiaribus quibusdam characteribus, quibus ab



accolis promptè discerni potest. Illi sunt  
 partim Ramulus, venæ portæ, recto du-  
 ctu decurrens per ejus longitudinem,  
 ubi venæ cæterorum intestinorum ob-  
 liq; eunt: partim quod nulla propagine  
 Mesaraicarum gaudeat: partim quod  
 incumbat pancreati, ut pulvinari: par-  
 tim quod ad finem ejus & jejuni initiū  
 spectetur canalis *cholæd.* & bilem suppe-  
 ditans pro irritanda intestinorum ex-  
 cretice: partim quod nullū æquè sit an-  
 gustum: partim quod nullis anfractibus  
 sit convolutum: cujus postremæ affe-  
 ctionis causam Laur. minus veram pro-  
 ponit l. 6. c. 13. *Nè refluat in intestina Chy-  
 lus*: Non opus habebat Natura ut sibi  
 metneret ab hoc refluxu: Etenim pro-  
 tinus clauditur Pylorus elapso chylo: tū  
 insuper quia duodenum ingenta reti-  
 nendi virtute donatum ante diximus.  
 Probabilior rectitudinis ratio videtur  
 esse, ne gyri obstaculo forent venis & ar-  
 teriis hac transeuntibus.

XX. Secundum tenuium Intestinorū  
 fistulū Latinis Anatomicis Jejunum di-  
 citur,

citur, Græcis *ἡλῆς*, quia ut plurimū inane & vacuum invenitur. Poetis est Hilla. Ea vox *πρόληψις*; attributa i. farciminū isti sorti, quæ falsitia appellantur, teste Acron. Com. in Hor. abs quo non dissentit Varro LL. ajens esse intestinū porcinum fartum; deductum ab hilo, id est, minimo. 2. Idem Acron Hillam esse scribit (seu Hillam dixeris, seu Hilla, hillo- rum, perinde est.) Intestina Hirci falsugine macerata. 3. Apud Laberium ponitur pro intestino Recto quod in anum desinit: unde obscæna phrasis, Hillas cedere apud eundem. 4. Propriè est Intestinum jejūnum è pecudibus aptissimum ad fercula, *Horat. l. 2. Sat. 4.* perna magis; an magis Hillis, Flagitat in morsus refici. *Plant.* Atque Hillas infumatas & fumen. Dicitur quoque Hira *Plant. Curc.* Hiræ omnes dolent.

Positus jejuni est mox à duodeno, cui, ab uno termino cohæret, sicut ab altero, cum Ili: variis orbibus & ambagè obliquatum per mediū luiductum.

H s Te-

Tenue nèq; admodum capax est, vix digitum crassitie adæquans quo, merito à sequente Ili, utpote crassiore, secerni visupotest. Invenitur autem, ut dixi, plerumque carens omnis materie (abs qua inanitate & jejunio illi nomen;) cuius vacuitatis triplex causa à Laurent. l. 6. C. 13 redditur. 1. Hepatis celerius cremorem sugentis vicinia. 2. Venarum promptius exhaurientium copia: 3. Biliacrimonia. Duæ posteriores bonæ sunt & efficaces. Prima haut magni est momenti. Sugit quidem jecur chylum, sed non nisi per medias venas Mesar. ceu canales: cum aliæ viæ non dentur. Quid ergo opus tractionem Hepatis sugentis distinguere à venarum mesaraicarum tractione? & aliam hanc, aliam item istam causam facere, cum jecur non sugat nisi per venas?

XXI. Ultimum inter tria Tenuia κατ' ἐξοχὴν, λεπτόν, Tenue, vulgò Ileum vocatum, nova & barbara appellatione (qua nullus Latinorum veterum usus est) Latinius Ile diceretur. Aliud est Ile: alius

alius Ileus: Alia sunt Ilia: τὸ Ile duplicem habet acceptionem 1. Generatim notat totū ductum Intestinorum, idemque est cum Lactibus, eo saltem discrimine, quod lactes in homine & ovetantum, Ile autem in cœteris animantibus nominetur teste Plinio l. II. C. 37. quem & citavimus Thesi 18. Deinde 2. Speciatim nomen Ilis proprium est hujus Intestini omnium arctissimi & longissimi, & flectuosissimi: qua de causa in proclivi id est. ut vel convolvi seu intorqueri, vel obstrui possit; nasciturq; inde abominabilis affectus, Ileus, Volvulus, (εἰλέω convolvo) quo stercus ægris per os evomitur, exitu infernè denegato: ilea denique sunt imi ventris partes laterales inter pubem & costas, (der weiche Bauch) De Ilibus alibi.

Situs Ilis est sub umbilico utrinque ad Ilia & coxas. Ortus ejus statim à Jejunio. Finis prope Cæcum. Exit quandoque ex nativo loco & in scrotum prolabitur, unde ὀπισθοκήλη Hernia intestinalis, vitium soli Ili familiare, alienum

num à cœteris intestinis ; quia tenuia cœtera nimis altè hærent; crassa verò arctè agglutinâtur partibus adjacentibus.

XXII. Sic fuerunt Intestina tenuia. Crassa sequuntur, sic dicta partim, quia substantia pollent crassiori: partim quia crassiora rejectamenta continent. Quoniam verò opimiora sunt Tenuibus, in pecudibus præcipuè saginatis, puto de iis intelligendum Horatii illud sat. 2. Ut canis à cono nunquam absterrebitur unctō. Unctum corium interpretor Intestina crassa, locuplete adipe incrustata. Nam corium apud sæculum prius non tam arcto usu constringebatur, ut apud nos; sed notabat omne corpus membræneum, qualia Intestina.

XXIII. Crassorum primum est Cœcum, τὸ φλὲν. Sequimur hic antiquos, qui dum fimias aliaq; bruta saltem secuerūt, in quibus hoc Intestinum tum crassum tum amplum; annumerarunt id crassis. Ast in homine satis tenue est, haut ab simile tereti lumbrico, longum vix 4. digitos transversos: proinde rectius accen-

sen-



ſcndum foret tenuibus. Sed noluimus  
 deſcendere ab antiquitate. Appellationis  
 ratio petita ſive inde videtur, quod cœ-  
 cum, id eſt obſcurum ulum & non uſ-  
 que ad eò nobilem adultis præbeat; ſive  
 inde, quod ingreſſui non habeat egreſ-  
 ſum oppoſitum, ſed ſit obſcurum quaſi  
 conclave, per idemquæ oſtium & exire  
 oporteat & introire. Galeno Intèſtinum  
 Cœcum; hoc quod tractamus, cogni-  
 tum non fuit: ſed ita is appellavit Coli  
 partem ampliorem.

Cœterum jacet Cœcum juxta Ilis fi-  
 nem, & Coli initium, inſtar ſacculi aut  
 penulæ, è cujus fundo propendit fila-  
 mentum lumbrici effigie. Quadru-  
 pedibus & volatilibus non ſolùm va-  
 rium eſt & craſſum, ſed etiam ſemper  
 plenum. Homini ferè vacuum: niſi  
 quoad in utero comoratur, tum & ple-  
 num eſt & majusculum; adulto non  
 item. Uſus cœci non eſt is, quem ex Ga-  
 leno exſculpere conatur Laur. ſcilicet è  
 Chylo ſugere, quod ab aliis inteſtinis  
 neglectum fuerat; Galenus enim, ut  
 dixi,

dixi, hoc nostrate cæcum non agnovit: Sed ei præcipuè fini destinata est hæc Intestinorum appendix (ut ego quidem arbitror) ut eo cœu receptaculo afferrentur fœces fœtus in utero. Hic enim quamvis per umbilicum nutriatur maximè, non nihil tamen alimenti fugit etiam per os, ejuscrementa tam diu hac capsula colliguntur, donec prodeat iste in lucem. Nam excerni intra uterum nec tutum erat, nec commodum. Hinc puerulis amplum sane cæcum, quia in horum gratiam præcipuè fuit formatum: adultioribus angustum; quia non indigebant eo maximopere: acciditque fere Cæco quod umbilico, qui fœtui imprimis servit: adultis non usque adeò. In hoc Cæco ad aliquot dies custodiuntur globi plumbei, officula cerasorum, deglutita, (interdum & vermes) & post excernuntur.

XXIV. Sequitur Colon: appellatum non à κολάζειν torquendo: (ut putat Laur. l. 6. cap. 14.) scribitur enim κῶλον, hæc κολον, sed à κωλύω tardo, quia remoratur

ratur aliquandiu fœces, ne homo perpetuo ejicere opus habeat. Hippiatro antiquo Absyrto placuit derivare à *κυλίσας* quod contorqueatur : qui idem vocat *κυνέλερον*, sicut Hipp. *ἑντέλερον* simpliciter. Alligatur autem Colon tam dextro quam sinistro Reni vinculis validis, unde dolor colicus sæpe nephritidem mentitur, ægrèque istum affectus distinguere ab invicem possunt.

Substantia illi carnosior quam Intestinis cæteris, cellulis plusculis interstincta, quæ ipsum faciunt inæquali tubere hic illic conspicuum. De pinguedine Coli interiore quæ fabulatur Laur. d. l. jam ante rejecta sunt Thesi. VI. Notandum hic venit hostiolum seu valvula ad superius Coli initium juxta cæcum, neutiquam, ut Laur. l. 6. cap. 14. perhibet, deorsum spectans, sed sursum. Deprehenditur hæc valvula, distento Colo per inspirationem aeris, aut infusionem aquæ : ( licet ab hac sæpe nimis laxetur ) Neque n. aer aut aqua ultra colon progreditur, obstat enim hostiolo. Fabricavit eam val-

valvulam Naturā, ut occludat Coli initium, ne ex intestinis crassis fœces relabantur in tenuia: imprimis sicubi magna vi comprimendum est abdomen: alioquin ad ventriculum usque regurgitaret excrementorū proluvies: Hinc liquet sanis hominibus injecta clysmata, nullā ratione pertingere posse ultra Colon, obstante hac valvula: Ast in morbo affectis corporibus, rupta, aut laxata, aut aliās læsa valvula, non solum nutriendes Clysteres ascendere possunt usque ad tenuia intestina, sed etiam usque ad ventrem: sæpeque vomendo reddi ex ore, imò fœces ipsas unā cum iis.

Usū Coli, præterquam quod in fœtum exceptione & mora diuturniorē spectari fateamur, insuper & eū, quem Fernel. 6. c. 10. Path. addidit, non rejicimus: Flatibus scilicet recipiendis esse destinatum. Isti enim cum in prima chyli coctione, copiosè pullulent, in Colo cumulantur, sæpeque mugiunt ac murmurant: quo fīe factum est Colon multo laxius, quā vicina, ne cruciatus foret

foret obnoxium, quum alioquin ob  
nervos plurimos acutè sentiat.

XXV. Ultimum est Rectum, directo  
ductu exporreetum in anum usque, ea-  
que de causa Aristoteli est *ὁρθότατον*, &  
*ἄεχον*: quia ab ano incipiendo primum  
est. Barbaris, Longaon. Incipit ibi, ubi  
desinunt intestinorum flexus, Masculis  
sub vesica: Fœminis sub utero jacet: Un-  
de *συνπρόβηα* harum partium cum illo.

Observanda hîc, 1. Pingues quædam  
appendices, foris Recto adnatæ, tum ob  
tutelam, tum ut blandius jaceat. 2. Mu-  
sculi tres (alii plures numerant; sed ad  
tres reduci queunt: ) Inter eos primus  
Sphincter, extremitati Recti appositus,  
id est, podici: à *σφιγγεῖς* constringendo,  
quasi ani constrictor, quippe cujus offi-  
cium anum coarctare, ne nolentibus  
nobis fœces elabantur. Cingit anum  
circum circa velut annulus. Duo cœteri  
dicuntur Levatores, implantati termi-  
no Sphincteris, qui sursum trahunt po-  
dicem, & restituumt in sedē naturalem,  
quoties nimio conatu egerendi, è cor-  
pore



pore exiit. His malè habentibus podex vel propendulus manet, vel tardè aut difficulter retrahitur. 3. Venæ Hæmorrhoidales, duorum generum; Internæ, quæ ex venæ portæ Ramo splenico: & Externæ, quæ ex venæ cava. Utræque expurgant sanguinem crassiolem corpori inutilem.

## De Pancreate.

XXVI. Pancreas latinæ interpretationis vocem non agnoscit. Dicitur & *παγκρεας*, ob similitudinem, quam ferè cum carne habet. Picol. *πρόσθιον* dici commodè censet, quia totum est glandulosum. Alii effusionem vocant, vel cœnosam pinguedinem, quoniam talis in obæsis ferè cernitur.

Sedes ejus juxta primam lumborum vertebram; substernitur posteriori ventriculi parti & imprimis fundo, aliisq; partibus vicinis. Brutorum ventriculo superjacet, quæ prona terram spectant.

Substantiam si spectes, Pancreas est  
massa

affa informis, laxa, grandis, tota glan-  
 ulosa, nihil propemodum veræ carnis  
 continens. Pinguioribus potius adiposum  
 quam adenosum evasit: neque ve-  
 s destituitur, nec arteriis, aut nervis.  
 sellius contendit Pancreas, omnium  
 glandularum maximam, esse principiū  
 αὐτοῦ adeoque primam originem præ-  
 ere venis lacteis. Enim verò ibi 1. o-  
 nes istas coire, & inde tum deorsum  
 orrigi. 2. pancreas vasis istis colore non  
 se dissimile. 3. Venas has istis habere  
 liquidum peculiare ac proprium, dum mi-  
 s gyris & flexibus totipancratis sub-  
 stantiæ permiscetur. Verum quod ge-  
 minum sit lactearum principiū πρῶτος αἷς  
 indicavimus Disp. 4. Thes. 48. Rationes  
 hæc Asellii invalidæ sunt. Neque 1. con-  
 cursus, neque 2. coloris similitudo: neq;  
 plexus aut gyri, sunt de essentia πρῶτος αἷς.  
 a demum vera est πρῶτος αἷς. unde, sicut  
 radices plantarum è terra: sic vasa suc-  
 um trahunt. Trahunt autem ex pan-  
 create nihil: sed ex intestinis.


XXVII. Usus pancreatis haut ignobiles  
 depre-

deprehenduntur. Illustriores aut ignoravit, aut invidit lectoribus Laurentius: Silentio certe præterit: sunt verò tales:

1. Pancreas glandularum interventu depascit cœnosam humiditatem sanguinis illac transituri, id est ex mente Hipp. crudiore sanguinis reliquias, quibus absumendis nec omentum, nec mesenterium, paria erant; ut ita purior sanguis prospiciatur partibus præstantioribus.
2. facit ut coctio ventriculi fiat quasi coctando, in humido scilicet & calido. Nimirum dum expirant vapores, qui circumplectentes ventriculum, quasi Laconicum illi balneum præparant. Laurent. l. 6. c. 15. duos insuper usus addit:
3. Fulcit pancreas vasa transeuntia, propagines venæ portæ, arteriæ cœliacæ præcipuè ductû splenicum, cui verus lienem iter est. Hi surculi ad largiores, & magis diffitas sedes propagandi, periculum incurrerent, nisi sustentarentur in medio viæ cursu.
4. Ut ventriculo instar substerniculi & molliusculi pulvinaris subjiciatur. Postremus hic

Lau-

Laurentii usus refutari potest duobus  
 argumentis. 1. quia nunquam potest,  
 quomodocunque moveas corpus, ad  
 spinam tanta fieri ventriculi collisio et-  
 jam remoto Pancreate, ut is ulla ratio-  
 ne lædatur, aut habeatur duriter. 2.  
 Quia brutis, quæ prona ambulant, fru-  
 stra esset concessum Pancreas, quibus  
 in inclinato incessu ventriculus nun-  
 quam in vertebra impingi potest. Cre-  
 dibile verò est easdem ob causas, &  
 eundem finem concessum esse hoc  
 membrum homini, quàm animanti-  
 bus aliis, quas Natura pronas &  
 ventri obædientes  
 finxit.



EX-

## EXERCITATIO VI

quæ est:

I. De Renibus.

II. De Ureteribus.

III. De Vesica.

Rēsp. Johanne Daniele Horst.

**N**omen. Remoto viscerum præcedentium apparatu, in conspectum se dant Renes, Græcis νεφρον, unde dolor nephriticus. Aristotel. l. 4. cap. 1. part. an scribit, Renes datos omnibus animalibus, quæ animal gignunt; Nulli autem pennato, aut squammigero, excepta Testudine.

II. 2. Situs. Nativa Renum sedes hæc est. Ejecore vena cava deorsum porrigitur, juxta vertebrarum ductum. Hinc Renes utrinque à latere assistunt, proxime sub jecore & splene, ad dorsi spinam, innixi musculis *loais* interioribus, quorum officium est cruribus prospicere motionem. Hinc intelligi causa potest,

quur



quur læsis Renibus vel stupeant , vel  
 ægrè moveantur crurâ? quia ex lege vi-  
 cinitalis illis condolefcunt musculi  $\psi\omicron\alpha\iota$ .  
 Connectuntur vero & adhærent parti-  
 bus variis. 1. Musculis lumborum inter-  
 nis , inventu membranæ. 2. Venæ  
 cavæ & arteriæ aortæ , per vasa emul-  
 gentia. 3. Vesicæ , beneficio Ureterum.  
 Ita vero siti Renes inæqualem habent  
 positum, alter sublimior, alter humilior:  
 Id factum à natura, non (quod vult Lau-  
 rent. lib. 6. cap. 23. ) ne alter alterius tra-  
 ctui moram afferret: Plurimæ enim par-  
 tes gemellæ è diametro sibi opposita, ut  
 oculi, aures, mammæ &c. haut afferunt  
 alteræ alteris moram in agendo: Sed di-  
 versi positus causa est, quia si  $\kappa\alpha\delta\delta\iota\mu\epsilon\tau\epsilon\omicron\upsilon$   
 locarentur , non posset uno temporis  
 articulo ab iis excipi tanta feri affluentis  
 copia. Nunc quia alternis consistunt  
 sedibus , si quid unius portas & casses  
 subterfugit, id apprehenditur ab altero.  
 III. 3. *Substantia.* Dissimilare est Renū  
 corpus, in quo observare habemus, plu-  
 rumū apparatus partium simplicium, quæ  
 tales:

tales: 1. Adeps. 2. Glandulæ. 3. Membrana. 4. Caro. 5. Cavitates. 6. Vasa, id est, Venæ, arteriæ, nervi.

IV. 1. *Adeps* Renibus affatim circumfunditur, quem peculiari voce Græci *de φειδιον* vocant: Hom. Iliad. φ. ἐπὶ *φειδιον* d. οὐ φειδιον *pinguedinem Renum abradentes*. Officium ejus non aliud est quam fovere ingenitam Renum caliditatem, quæ de facili labasceret, laceffita quotidiano aquosi humoris allapsu. Quin & insuper substerniculi vicem gerit adeps Renes blandè sustentando.

V. 2. *Glandula* utrique assistunt Reni, (Renes succenturiati) ea parte quæ venam cavam intuentur, annexæ extrinsecus eorum membranæ, & septo transverso: sæpè totidem quot Renes: sæpius una; sæpissimè nulla. Unde Bauhinus negat scire se usum earum; Piccolh, putat sic adnasci Renibus, ut manui sextus digitus. Adr. Spiegel. factas putat 1. ad implendum vacuum, quod inter Renes & septum transversum. 2. ad præbendum ventriculo fulcimentum, eo loco qu.

qui est supra venas & arterias emulgentes. Sed prius id, de vacuo, nimis est asperum & inconcinnum. Nunquam Natura ita ludit operam, ut partem propriè dictam, similem vitæ animæque præditam, (qualis glandula) nulli alii fini, nisi saltem ad explendum locum, efformet; Forent ita hæ glandulæ inutilia corporis pondera, & Numerus saltem. Alterum usum (quod fulcimenti vicem præstent) transire patior, sed & ti. Hoc pacto non ventriculo solum, sed & vasis istis positus inserviunt. Nimirum præcipui glandularum usus producuntur esse ab Anatom. 1. ut fulciant vasa aliquo transcuntia. 2. ut imbibant superfluos humores, spongiarum instar. Credibile ergo est glandulas has (quoties assunt) iisdem officiis esse destinatos. Nam & venam adiposam recipiunt; & arteriolam bifidam, ex arteria emulgenti egressam; & quandoque etiam venam aliam à Rene. Deinde & halitus serosos, quorum circa Renes copia ampla, imbibunt & absorbent: Unde fortassis titulus

tulus iste enatus est, quo appellantur  
Renes succenturiati, quasi in recipien-  
do seroso vapore, suppetias ferentes Re-  
nibus ordinariis.

VI. 3. *Membrana* geminæ Renes cir-  
cumstant; Una externa, cui adeps adhæ-  
ret, separatu facilis, involucrum & stra-  
gulum Renum; altera non tantum carni  
Renum firmissimè adnata, sed & altius  
se se penetrat.

VII. 4. *Carnem* Renum Hippocr. ac-  
censuit Glandulis: Quo jure aut qua oc-  
casione? Non sane 1. ob substantiæ simi-  
litudinem: aut 2. quia ex multis parti-  
bus coagmentatur ut glandulæ; quibus  
scilicet rationibus Hippocratem excu-  
sare studuit Laurent. l. 6. c. 13. Utrumque  
hoc schema ineptum est, & absurdum.  
Etenim 1. tantum abest ut inter Renes  
& glandulas intercedat substantiæ simi-  
litudinis, ut potius caro Renum glandu-  
larum naturæ prorsus sit contraria.  
Glandularum substantia est rara, friabi-  
lis, mollis, spongiosa, docente Laur l. 5.  
c. 3. At Renum caro est densa, dura, com-  
pacta,

pacta, solida; sic scribente eodem Laur.  
 l. 6. c. 13. Porro 2. nec glandularum ge-  
 neri ascribi merentur Renes, eò quod  
 ex multis partibus coagmentantur ut  
 glandulæ. Etiam hic evidens falsitas.  
 Nam 1. neque glandulæ constantur ex  
 multis partibus, quia per definitionem  
 Laur. lib. 5. c. 3. Omnis glandula est pars  
 simplex seu similis: Neq; 2. Renum ca-  
 ro constat è pluribus partibus, quia &  
 hæc simplex. Non agitur hic de integro  
 Renum corpore, quod è rebus multis  
 componi asserit Thesis 3. Sed de nuda  
 carne, quam qui ex ulla alia re, quàm  
 substantia sui simili, coagmentatam di-  
 xerit, illi ego suadeo ut purget caput el-  
 leboro, Videtur Hippocrates glandula-  
 rum nomine Renes appellasse (quam-  
 vis *extra renem sit*) quia velut unum è  
 glandularum operibus est, humores ab-  
 orbere, si qui redundant in vicinia:  
 aut aliter Renes recipiunt & fecernūt  
 erosū liquorē, quo venæ & arteriæ libe-  
 ri gestuūt. Dēsa vero & cōpacta est Re-  
 nū caro (eapropter cordi non ablimilis)



haut equidem ne immodica laxitate exceptam urinam sineret fusius elabi, ut autumat Laurent. l. 6. cap. 23. cum hoc opus, hic labor sit illius, ut exceptam urinam promptè elabi patiat, & curet ad vesicam: sed ne sanguis aliturus & sustentaturus Renes, nimis properiter cum sero abiret: quod futurum erat rara nimis & laxa carne.

VIII. §. *Situs & cavitates notabiles intra Renum substantiam absconduntur*, quarum διαγεαφαι aliter Galenus & veteres: aliter superioris sæculi anatomici: aliter item hodierni delineant. Priores istos præterimus, & nativam sinuum conformationem, recentiorum observatione deprehensam, talem damus. Ureterum canales è vesica sursum repentes, cauda sua subeunt, internam Renum compagem; laxæque tandem se expandunt, ductusque efformant teretes intra carnem renum, numero incerto (est ubi noveni, ubi deni reperiuntur) qui omnes membrana succincti & investiti, altero termino  
lam.

lambunt carunculas quasdam papillares. Membrana, inquam, suffulciuntur hi Renum sinus, cujus origo non ex venis, neu arteriis, neu ex utrisque, ut multi existimant, sed ex Ureterum canalibus inibi expansis, explicatisque. Tangunt vero hi ipsi canales extremis suis, carneos quosdam stolones, qui à figura & similitudine appellantur processus papillarum. Singulæ carunculæ singulis assistunt sinubus, numerumque illorum adæquant. Per medium sui multos exiguos sulcos, capillo haut crassiores, recta ad sinus protensos habent, per quos dubio procul serum colando destillat in ipsosmet sinus.

IX. 6. *Vasa* Renum dixi esse triplicia: Venas, Arterias, Nervos: *Venarum* duabus aciebus instructi cernuntur Renes, Adiposis, & Elicibus seu Emulgentibus; quibus addi potest furculus αζύρ, non ita pridem observari cœptus. Adiposæ totidem numerantur quot Renes. Geminæ scilicet sinistra exit è vena cava: dextra è vena Elice. Officium earum est

sanguinem apportare, ex quo paretur  
 adeps operiens Renes: Nam pro Renū  
 nutritione sat copiose affluit Sanguis  
 jūctus sero. Emulgentes quæ vulgo di-  
 cuntur, commodiori voce Elices appel-  
 lari posse arbitror. Neq; enim venæ hæ  
 serum vel aliud quidquam emulgent, ac  
 seu contrectando, seu exprimendo edu-  
 cunt. Elices veteribus erant sulci aqua-  
 rii, per quos aqua educebatur ex agris,  
 dicti ab eliciendo: Sic per hæc vasa ceu  
 canales elicitur ex corpore aquosū feri  
 profluvium. Sunt verò Elices geminæ, si-  
 nistro dextroq; parieti venæ cavæ infixæ;  
 hinc dextrum, illinc lævum Renem sub-  
 eunt; licet origineditpari. Quæ in dex-  
 tro latere est, humilior; quæ in sinistro,  
 altior. Hic observatu dignissimæ sunt  
 valvulæ membranæ, quas venarum E-  
 licum bifurcatis ramis interius apposuit  
 natura; ut sint velut quædam ostia &  
 fores, quæ affluenti ad Renes sangui-  
 ni seroso pateant; transverso vero suo  
 interjectu, sero è Renibus in venam ca-  
 vam regressuro, iter intercludant. Offi-  
 cium

cium Elicum est advehere serum sanguineum, partim ut habeant quo sustententur & alantur Renes, partim ut onere inutilis liquoris aquei liberetur genus venarum.

Præter dictas adiposas & Elices, primus Fallopius observavit furculum aliquem venæ *αζυγῆς*, sine pari, è Thorace prodeuntē sinistræ Elici implantari, cuius meritò notabilis illa conspiratio inter Renes & thoracem absolvetur, dum quod in hujus capacitate collectum fuit pus aut serum, per Renes expurgari deprehensum fuit. Debetur inventori sua laus: attamen quia non solum materia in sinistro thoracis latere præter naturā exuberans, ad Renes amandatur, sed & quæ in dextro collecta est, ad eisdem mittitur; quorsum vena *αζυγῆς* non pertingit; credibile est præter *αζυγῆς* aliam esse semitam, *διὰ δόξης* alius materiæ inservientem, quàm si arteriam magnam statuit, non ineptè statuere videtur.

X. Arteria duæ Elices venas juxta co-

mitantur, oriundæ ex arteria magna,  
 singulæ in singulis lateribus ad singulos  
 Renes. Admissæ in intimam Renum  
 carnem, multos de se ramos spargunt,  
 donec tandem planè obliterentur. Uti-  
 litates & opera artieriarum Renalium  
 varia sunt: provident Renibus auram  
 & spiritum vitalem: Evenilant ingeni-  
 tum calorem, & humorem; qui quie-  
 scentes putrescerent, ut aquæ non mo-  
 tæ: Denique (quod præcipuum est) se-  
 rum ex arteriis, & imprimis ex corde  
 apportant ad Renes, haut secus ac venæ:  
 Elices è venis. Fundamentum hujus no-  
 stræ assertionis hoc est. Aliquora pars  
 liquorum ebibitorum descendit in pul-  
 mones: à pulmonibus Cor quoque non  
 nihil pitissando haurit. Et quidem in  
 tanto æstu haurit necessario. Id verò  
 quod vitæ inutile erat, debebat ablegari  
 alio. Itaque i. aliqua istius liquoris pars  
 aeri fuliginoso permixta efflatur; cujus  
 guttas speculo exceptas multis unciis,  
 imò libris colligi posse, atque inde accu-  
 rato sciri pondus humani corporis,  
 quan-



quantum in dies vel crescat, vel minuat-  
 tur, id non ita pridem Medicis persua-  
 dere conatus est, *Sanctorius de Sancto-*  
*riis*, opusculo de *medicin. Statica*, quæ  
 his omninò fundamentis nititur. 2. Ali-  
 qua ejusdem humoris portio adjungitur  
 aquæ pericardii, quo cor circumfluitur.  
 3. Aliqua demum per arterias transmit-  
 titur ad Renes. Absque hoc esset, putaf-  
 ne tam spaciosas, tam ingentes arterias  
 communicatas fuisse cum Renibus?  
 quales nec circa cerebrum, nec Venti-  
 culum, nec aliquod, quamvis nobile  
 membrum, reperiatur.

XI. *Nervi* postremò renes perreptant  
 non unus, ut docuit *Laurent. l. 6. 23.* sed  
 aliquot numero, qui surculi sunt sexti  
 paris ex ramo stomachico.

XII. 4. *Quantitas*. In naturali con-  
 stitutione bini sunt Renes. *Aristot. l. 4.*  
*c. 4. gen. an.* notavit alterum deficere,  
 quod & observarunt plurimi è recen-  
 tioribus. Tum unum istum æquasse  
 magnitudine duos, (quia duorum mu-  
 nere debebat fungi) & mediæ incubuis-

se spinæ, ut utrique lateri serviret æqualiter. Laur. etiam tres aut quatuor observavit.

XIII. Quæritur cur natura voluerit duos Renes fabricari? Respondet *Laur.* l. 6. c. 23. id factum ob multas causas. 1. Ne obdurato uno cessaret serosi humoris profusio. 2. Ut corpus esset *ισογεγονον* id est in æquilibrio, dum in unoquoque latere Ren unus: 3. Quia si unus magnus foret, & quidem situs in medio, is impedivisset Venæ cavæ ascendentis transitum. 4. Addunt alii, unum non esse parem tam copioso sero continendo, cuius quam bilis & melancholiæ, proventus est multo uberior.

XIV. Omnes has rationes ego ne tivillitio aut cassa nuce æstimo. Quod attinet ad 1. nunquam consuevit Natura partes multiplicare contra causas maleficas, fortuitas, præternaturales, spontaneas. Non idcirco formavit duos oculos, ut uno excecato alter suppleret defectum: duas aures, ut dum una obsurdit, altera præesset auditui: duos

duos Rēnes, ut quum unus ex ingesto nimis largiter flore Liberi, tartareo infarctu obfessus est, alter colando sero incubat. Longè aliud fuit Naturæ consilium in condendis membris gemellis: quod tanquam primarium alius quispiam usus ex accidenti & secundario insequi potest. Argumentum 2. ex Galen. peti- tum est l. 5. ul. part. cap. 6. frivolum planè. Primò tantuli Rēnes quo pacto valent tam notabili corporis vastitati addere libramentum? Quantilli sūnt si toti conferantur? adolescentis, qui ducenta pondo pendebat nudus Ren vix quatuor unciarum erat. An propterea non constitisset æquilibrium, neu directus potuisset incedere, si qua abfuisset Ren unus. Multa alterutto brachio orbatī sunt Renibus multo ponderosiores; qui nihilominus electi & æquilibres ambulant. Secundò ob quas utilitates datum nobis est illud æquamentum? Illa æquilibritas nec mortuo servit animali, nec vivo. Non mortuo, quia ei non est opus. Siste cadaver in p des: nun-

I 6

quam

quam Renes illud erectum sustinebunt in æquilibrio. Non vivo; quia id se ipsum sublime sistere, & inclinare quando & quo vult potest: itemque ad stateram & libramentum incedit Titius, quantumvis grave onus bajulet altero brachio.

Ratio 3; haut multò melior est. Quasi non potuisset natura Renem unum in medio collocare absque læsione vasorum descendendum, venæ cavæ & aortæ, eadem facilitate, qua posuit unum Cor, unum ventriculum, unam vesicam, unum uterum? Postremò quod 4. assertur, nec illud videtur magni momenti. Enim verò annon una vesica sufficit hauriundo omni sero? Cur non ergo fieri posset unus Ren; qui æque sufficiat? Si geminatio partium simpliciter necessaria est ad serum, certè mutila fuit Natura, quæ unam solitariamque vesicam fabrefecit.

Commodior & veritati propinquior Causa hæc esse videtur, cur non unus sed gemini sint Renes, alter dextro alter  
fini-

sinistro lumbo impositus; ut promptius  
& plenius ab utriusque lateris vasis eje-  
ctum serum exciperetur: quod ipsū non  
tam commodè fieret, si in medio confi-  
steret unus. Is enim unus longius abesset  
à dextri sinistriq; lateris partibus, abs-  
quibus serum debebat ablegari. Ita duæ  
sunt aures, ut perfectius hauriamus tam  
à leva, quàm à dextra advolantes sonos.  
Eadem est in aliis partibus geminis ratio.

XV. 5. *Qualitas.* Temperies Renum  
moderatè est calida: color rubeus, abs-  
quo nonnunquam abeunt in morbo.  
Figura iis similis ejus lineæ, quam Archi-  
medes Concho idem dixit, à Concha-  
rum genere, quod & his in locis repe-  
ritur, & estatur, testa nigra. Videbis  
etiam esse; qui comparant folio Asari,  
idem Phaseolis.

XVI. 6. *Actio & Usus.* Renes duobus  
commodis beant & afficiunt animal.  
Unum quasi succisivum est; alterum  
primarium. Illud consistit in promo-  
vendo actu naturalis seminationis: Hoc  
in secretionem seri à sanguine.

XVII.



XVII. Primò haut exiguam operam in commune conferre Renes ad generationem, quanquam pauci hætenus intellexerint, tamen theorematib. Medicis, & observationibus Anatomicis apprimè est consentaneum. Quibus ardor vehemens sævit circa Renes, hos videmus grandi desiderio præcipientes ferri in venerem. Equi paulò generosiores, quorum lumbi ex continuo fessoris fortu subsultuq; plus satis incaluerunt, unaque cum lumbis inclusi Renes, prona libidine feruntur in coitum. Ex antiquis Poëtis quidam hoc naturæ secretum veribus etiam inseruerunt, & tropica dicendi licentia ascripserunt lumbis continentibus, quod de contentis Renibus volunt intellectum. *Satyr.* Dissolvas lumbos aliena in jura salaces. *Pers. lat. i.* Cum Carmine lumbum Intran, & tremulo scalpuntur ubi intima versu. In sacris quoq; Salomon dicitur produsse ex Renibus Davidis: lib. i. Reg. c. 8. Hæc velut posita videntur extra dubietatem, ita causa non tam est manifesta, quam tamè fru-

frustra alibi quæras extra pomæria Anatomia. Hanc si consulas, invenies venarum spermaticarum sinistram, ex sinistri Renis vena Elice nasci, atq; inde haurire sanguinem sero plurimo perfusum qui, postmodum advectus ad partes generationi destinatas, non potest non stimulum illis addere, beneficio calcedinis, qua imbutum est serum. Itaque, Renes calfacti non solum vas illud seminale una calfaciunt, sed & serum in vapores halitusq; resolvunt. Duo vero hæc, Calor & flatus, præter alia, ad ciendam titillationem, & seminis ejectionem necessario requiruntur.

XVIII Sequitur altera Renum actio. Laurent. lib. 6. q. 28 sic scripsit: Aristot. lib. de part. animal. Renes ad continendas & stabiliendas venas primario & per se constructos putat: sed secundario ad humorem supervacuum excernendum his abuti naturam. Hic Aristoteli injuria grandis inuritur, qui ubicunque Renum historiam pertexuit, ibidem docuit primò & per se factos esse ad seri expurga-

purgationem. Locus est illustris l. 3. part.  
an. cap. 7. *προς γὰρ τὸ δείλωμα τὸ εἰς τὴν κύστην  
ἀποκρινόμενον καὶ ἀθροίζμενον, εἰς τὴν ΚΑΤΑ ΤΗΝ  
ΙΔΙΑΝ ΦΥΣΙΝ ἐκτενέφροι.* Qui professus est  
Renes per propriam naturam expurga-  
re serum, is non voluit eosdem prima-  
rio constructos ad stabiliendas venas:  
secundario saltem ad serum. Per pro-  
priam naturam agere quid aliud est,  
quàm hanc esse actionem naturalem,  
quæ primo & per se à Renibus produ-  
catur. Natura enim est principium pri-  
mò & per se agendi.

XIX. Princeps igitur Renum actio &  
nativum munus est sequestratio feri &  
sanguinis, quam ita intellige. Omnes  
partes sanguine aluntur. Sanguini per-  
mixtus est aqueus serofus liquor, qui  
fluiditatem illi conciliat, quo destitutus  
crassus nimis esset, & minus commodè  
per corpus derivaretur. Hoc serum non  
alit partes, sed excrementum est. Itaque  
ubi vehiculi aut vectoris officio satisfac-  
cit, neque usui amplius est partibus, ali-  
qua illius portio expellitur per Cutis  
poros,

poros, & fit sudor. Reliqua sanguini  
perfusa manet. Sed & cum hæc plus a-  
bundet quàm satis est, & natura nec  
grave ferat, nec inutile, Renes in pro-  
cinctu positi corpus hoc onere levant,  
serumque à sanguine secernentes, rele-  
gant id ad vesicam. Itaque serum in Re-  
nibus primum secernitur, & hinc por-  
ro ablegatur ad vesicam: Unde para-  
doxonem emergit (quod alibi prolixius à  
nobis est defensum:) si il. serum non esse  
ullius partis excrementum, nisi Renum;  
falsoque modo primæ, modo secundæ  
coctioni attribui.

XX. Ardua est lis, & quæstio magni  
conflictus, qua ratione serum ad Renes  
perveniat? Trahaturne ab his? an pro-  
trudatur ab venis & arteriis? an suo pte  
impetu illuc fluat?

Pollere Renes ingenita virtute allici-  
endi serum, plærique Medicorum cum  
Laurent. l. 6. q. 28. credunt. Præter auto-  
ritates aliquot Hipp. Gal. &c. Unicam  
addidit Laur. d. l. rationem, quæ talis:  
Cur in Renes (ait) potius quam in alias:

par-

partes decumberet serum, nisi pecu-  
 ris adesset renum tractus?

XXI. Contra hanc sententiam mul-  
 tum prævalere mihi videtur illa, quæ  
 officialem & publicam trahendi facul-  
 tatem à Renibus omnino segregat: pro-  
 nuntiaturque ad Renes pervenire serum  
 non alia ratione, quàm propullsum à ve-  
 nis: Authoritates à Laurentio usurpatæ  
 non sunt tantarum virium, ut positam  
 nostram assertionem evertant. Ratio  
 quoque Laurentii invalida est. Ego ve-  
 ro dari & nominari mihi postulo par-  
 tem, in quam, præter renes, serum esset  
 declinaturum: Nulla est, ita efformata,  
 ut huic receptioni apta sit. Quæ propo-  
 sui sic ordine confirmo: 1. Frustranea est  
 Renum vis tractrix, quia nullus ejus da-  
 ri potest finis: (Omnis vero actio ani-  
 mæ fit ob certum finem: ) Neque enim  
 vel nutritio est vel oblectatio. Partes  
 trahunt sanguinem ut nutriantur. Ute-  
 rus semen. ventriculus & intestina chy-  
 lum ut oblectentur. At sero Renes nec  
 nutriuntur, nec oblectantur. Neuti-  
 quam



quam igitur trahunt : Nullum excrementum inutile vel nutrit vel oblectat: alioquin non foret inutile Serum est excrementum inutile. Exempla à Laur. adducta , magnetis trahentis ferrum: succini , paleas, differunt *διὰ τὴν πᾶσιν*, à tractione Renum. 2. Venas serum expellere inde liquet: quia hoc molestum illis & grave est : Tale autem à natura propellitur, sive supernè deorsum , sive infernè sursum, ad eum terminum qui receptui est aptissimus: quales sunt Renes. Nimirum omnibus venis & arteriis, minimis, majoribus luperis, inferis, ingeniita est parilis facultas ejiciendi serum, & expellendi ad Renes. Quæ in infima sunt sede corporis , æque bene liberari eo discipiunt, quàm quæ in superna. Itaque non magis infimæ recipiunt serum superiorum, quàm superæ inferiorum. Conatus utrisque par, Renibus etiam par promptitudo utrisque obœdiendi, & quod extrusum est, admittendi.

## II. De

## II. De Ureteribus.

XXII. 1. *Nomen.* Ureteres sunt Urinæ ductores; ὅτι τήρουν τὸν ὕδρον. Hipp. διχαιοὶ quasi aquæ ductus.

XXIII. 2. *Situs.* Positi sunt hi canales oblongo ductu inter Renes & Vesicam, singuli in singulis lateribus. Uno termino Renibus inserti expanduntur fistulis aliquot: altero vesicam subeunt & firmiter amplectuntur. Laurent. lib. 6. c. 24. & plerique recentiorum, initium Ureterum in Renibus, finem in vesica ponunt. Crediderim ego opposita lege, initium vesicæ deberi, finem Renibus. Rario. Ibi est initium partis, ubi difficulter aut omnino non potest separari ab agnatis, testibus anatomicis. Ureteres vero à vesica non nisi rupti separantur; tam firmiter adhærent: A renibus verò facillimè.

XXIV. 3. *Substantia.* Ureterum qualis sit substantia, difficulter verbo expresseris. Laur. scribit d. l. Arteriarum instar esse nerveos. Sed non legit Gal.

l.i.nat.fac.c.6.ubi demonstrat, nec venas esse, nec arterias, nec nervos hæc vasa, sed peculiari pollere substantia, nulli corporis membro simili. *Simplici*, (addit Laur.) *constant tunica, sed densa.* Et mox: *adherent peritonæo, ab eoque communem accipiunt tunicam.* Hæc non cohærent. Quicquid tunicam accipit unam à peritonæo, & unam propriam, id non constat tunica simplici. Per has binas tunicas dispersæ sunt venulæ, nerviq; crassitie capillos haut superantes.

Occurrunt hic imprimis notandæ membranulæ seu valvulæ, quæ Ureterum oscula, in vesicæ capacitatem hiantia, occludunt, & feri refluxum versus renes intercludunt. Eæ foris intro spectant, ita ut venienti è Renibus sero aperiantur; remeare volenti è vesica, obstaculo sunt. Utrique Ureteri una appposita est valvula. Laurentius eas non agnovit: Imò potius pro figmento habet: Putat vero Urinam semel illapsam in vesicam non remigrare, propterea quod Ureteres vesicæ lateribus non directe, sed  
 reflexu

reflexu sinuoso implantentur : Verùm anfractus hi quanquam obliqui , quia patuli sunt , absque valvulis nunquam poterunt prohibere Urinæ regressum , multo minus flatuum . At vesica vel liquore vel flatu repleta , collo etiã artificimè clauso , quanquam vi magna comprimatur , tamen nihil omnino emittit .

XXV. 4. *Quantitas.* Quot sunt Renes , totidem Ureteres . Cuilibet implantatur unus raro duo : rarissimè tres in uno latere : quod tamen si eveniat , omnes uniuntur prope vesicam : inde ad Renes porro abeuntes finduntur . Longitudo eorum palmum vix excedit , æquant enim spacium Renes vesicamque interiectum .

XXVI. 5. *Qualitas.* Figura præditi sunt tereti , ad modum straminei culmi : inflexi paululum & obliquati : intus cavii : colore subalbido .

XXVII. 6. *Actio & Usus.* Officium eorum est deferre Urinam à Renibus in vesicam .

III. De

## III. De Vesica.

XXVIII. 1. *Nomen.* Loco vesicæ nonnulli venticam scribendam putant, à vento scil. quo distenditur, respicientes: fortè ad illud Ovidii, l. 5 Met. *Cen spiritus oris Tendere venticam solet.* Vesica est generale nomen, notans omne corpus è tenui membrana, cui capacitas inest, vel aëre vel humore replenda. Sic est vesica fellea: Vesicæ seu pustulæ epidermidos: sunt etiam in herbis vesicæ, folliculi, quibus semen includitur. Nos hoc loco de vesica Urinaria.

XXIX. 2. *Situs.* In hypogastrio cavitas est, efformata ab ossibus sacro, coxarum, & pubis. In ea reponitur vesica, & inter tot ossa tuto asservatur. Musculis supra intestinum rectum incumbit: Femellis inter pubis os & uteri collum. Circuitur undequaque à peritonæi quadam appendice, intra cujus cavitatem, velut in vidulo, jacet. Itaq; nec est ne eadem peritonæi arca, in qua intestina

cœte-



cœtera, nec extra eandem exorbitat, sed proprium possidet habitaculum.

XXX. 3. *Substantia.* Vesica corpus membraneum quidem est, sed aliqua sui parte quodammodo Carneum. Media enim ejus tunica evidentissimis fibris carnis instruitur, abeuntibus ad vesicæ collum: quod ipsum non primus H.F. Aquapendens observavit, sed longè ante eum Piccolhom.

Haut incommodè poterimus vesicæ corpus duplici conceptu considerare: vel ut est integrum: vel ut in multiplices particulas resolutum. Qua integrum est, fundo constat & Cervice. Fundum est amplum illud vas, in quo Urina. Cervix exilis & angusta portio, qua lotium exit, quam ego musculum esse arbitror (1.) Ubi enim motus spontaneus, ibi musculus. At cervix, cum placitum est, recluditur: iterumque restringitur, quoties lotium vel ejaculamur, vel detinemus. (2) quia sphincterem seu cervicem deprehendimus compositam è carne & nervosis fibris, quæ musculorū est indoles.

XXXI.

XXXI. Vesica porro membratim  
 discissa, atq; ratione partiū considerata;  
 sequenti apparatu instructa invenitur.

1. Sunt hic Tunicae tres. 1. Commu-  
 nis, extima reliquarum, particula aut  
 propago peritonæi, non solum vesicam  
 robustiorem reddit, sed & adhærescere  
 facit partibus adjacentibus. 2. Propria  
 intima, cavitatem vesicæ investit, induta  
 crustula quadam prætenui adversus  
 Urinæ acedinem. 3. Propria media in-  
 ter prædictas, musculus potius dicenda,  
 quam membrana, quæ dum se contra-  
 hit, juvat Urinæ excretionem, calorem-  
 que fovet.

2. Est Urachus, filum seu ligamen-  
 tum oblongum membraneum, de quo  
 suspensam teneri vesicā diximus Dispp.  
 præcedd. altero fine vesicæ, altero um-  
 bilico connascitur.

3. Venis vesica instructa est, quarum  
 origo à vena cava, quarumque benefi-  
 cio nutritur.

4. Arteriæ eandem circumstant, gra-  
 tia vitæ, spiritus & caloris.

K

5. Ner-

5. Nervi denique ibidem sunt, communicantes cum vesica tactum vegetiorem, ut ejus composita, maturè & alacriter exturbet, quæ noxiæ sunt.

XXXII. *Quantitas.* Vesica Urinaria, lotii receptaculum, non nisi una est, naturali & solito more. Duas observavit V. Coiter: Volatilia verò, & si quæ præterea non meijunt, nullam habent. Magnitudo ejus varia est. Cum lotii distendentis copia rurescit, amplissima spectatur, instar cucurbitæ mediocris: vacuata vero humore, haut multo major est ovo: & dum in se compressa subsidit, sæpe subterfugit secantium oculos.

XXXIII. 5. *Qualitas.* Figura vesicæ oblonga constat, quam seu meloni, seu ovo; seu pyro, seu alii rei compares, parum refert. Scias vero rotundiformem factam, ut plus caperet liquoris.

XXXIV. 6. *Actio & Vsus.* Officium vesicæ consistere in collectione, & asservatione, & ejectione lotii, nemo tam est infans qui nesciat; quo fine matula, lagena, scaphium corporis dici-

con-

consuevit. Cœterum hæc vesicæ actio ut evidentissima est, ita modus illius, & ratio obscura, non carens controversiis disputationum. Enim vero; Quæritur, an lotium ingenita vesicæ virtute trahatur? an sponte & proprio conatu eo defluat?

XXXV. A vesica lotium allioi docuit Laurent. l.6. q.30. partim locis aliquot Galeni, partim rationibus. 1. quia vesica donata est triplici fibrarum genere, quibus attrahendi potestatem exercet. 2. Si decumberet aut deflueret solum urina, quidni etiam ejiceretur in mortuis? Potest his adjungi alia Ratio. 3. Quidni vesica alliciat serum, cum bilem ad se trahat vesicula fellea? semen uterus? Utrisque idem naturæ instrumentus: Idem finis: Eadem ergo & causa: scilicet facultas attractrix.

XXXVI. Respondeo ad Galeni loca, falso ea esse usurpata: quippe in quibus ne hilum invenies quod sit in rem Laurentii: Rationes quod attinet: & quidem 1. ajo omnem partem mem-

branosam, quæ fibris abundat, has accepisse ut extendi & constringi posset. Fibræ vesicæ non sunt obtractionem ferri sed in gratiam motuum vesicæ. Serum enim à parte nulla attrahi potest. 2. In mortuis serum non effluit, partim quia Renes nihil expellunt, nihil ablegant ad vesicam: partim quia mortuorum positus non est erectus. 3. Falsum est fel à capsula propria trahi: suo pte impetu illuc labi, suo loco ostendemus. Vterus vero semen sugit, quia eo oblectatur. At sero nequit oblectari vesica. Etiam semen non est excrementum inutile, sed sanguinis per naturæ lusum dealbati portio purior; est omnifariam bonum & laudabile: at serum vesicæ instillandum merum est excrementum, prorsus inutile & nullius frugis.

XXXVII. Hæc ratio cinatio stabiliet nostram sententiam. Nulla est in animalibus pars, quæ excrementum purum trahat. Quicquid enim trahitur, id, ut jam dictum, vel est alimentum, vel oblectamentum. Serum neutrum est. Non esse ali-



alimentum, Laur. ipse fatetur, & cum eo omnes eruditi: Non oblectamentum: quia vesicæ est inimicum tum acrimonia, tum copia, queis impulsæ irritatur ad ejectionem.

XXXVIII. Quomodo ergo (quæres) ad vesicam pervenit serum? Detruditur eo partim à Renibus & Vreteribus, partim suo pondere deorsum profluit; quorsum servit vesicæ situs, qui Renibus collatus humilior est.

XXXIX. Quandoquidem Renes, Vreteres, Vesica: instrumenta sunt seri seu Urinæ sequestrandæ, & expellendæ, adjici possunt auctarii loco. De Urina paucula. De materia Urinæ Laur. l. 6. q. 28 nonnulla habet, notarum & commentarii indiga. *Urina* (inquit) *multiplex est materia: 1. Potio omnis nunc cruda & concolor; nunc aliquantum mutata. 2. Liqueor serosus eorum, qui sunt in venis humorum. 3. Humores omnis generis, nec non corpora quæ liquantur, ut Carnes, adeps.*

XL. Valdè hæc sunt jejuna. Potio

num non est feri in venis materia? Certe ex potu fit serum, seu urina. Ergo hæc non sunt distincta nisi loco aut receptaculo. Objicit Laurent. fœtum in utero mejere, neque tamen haurire potum. Hoc vero nihil est. Mater potu utitur. Idcirco habet in venis & massa sanguinea serum. Hic sanguis, in quo serum, communicatur cum fœtu: qui cum eo alitur, & gregatur inutile serum. Ergo urina infantis nascitur à potu Matris, in infantem post multas mutationes delatto. Potio igitur & serum in venis, materiæ contradistinctæ non sunt: sed saltim subordinatæ. Potus & liquida quæque sunt materia προκαταρκτική: serum in venis est materia συνεικτική. Addo liquidis etiam aërem: qui aliquando materia fit Urinæ externa, quod licet παράδοξον videatur, nos tamen in Disputatione faciemus εὐδόξον.

XLI. De postrema Urinæ materia, liquatione humorum, sic censemus. Humores & adeps fusi commisceri urinæ possunt. Carnem fundi aut liquari ne-

mo nobi persuadebit. Ejicitur quidem interdum substantia carnea frustillatim, urinæ permixta: sed liquefieri neutiquā Caro potest; Calor sola pinguia fundit, eaque quæ frigore concreverunt. Cœtera indurat impendio magis, humorem exsugendo. Vnde ergo (quæret aliquis) Urinæ oleosæ? Et quur in harum effluxu corpus perit misera macritudine, consumptis Carnibus? Alia quærenda est ratio. Urinæ oleosæ soboles sunt vehementis caloris, ut in hecticis calor is non tantum partes omnes enervat, sed & depascitur Rorem ac cambium (quod vocant: ) nec patitur apponi partibus hos liquores. Partes defraudatæ alimento insimul æstuante intemperie, labascunt, fiuntque maximè imbecilles. Ita neminum quidem alimoniam retinent, sed omne patiuntur elabi. Hinc urinæ oleosæ. Hinc corporis macritudo.

## EXERCITATIO VII.

quæ est:

- I. De Liene.
- II. De Iecore.
- III. De Vesicula fellea.
- IV. De Ventriculo.

Resp. Godfrido Gisen /  
Warendorpia Westph.

## De Liene.

I. **D**Eduxit nos operarum anatomi-  
carum series ad abdominis vitce-  
ra Lienem & Jecur, vesiculam felleam;  
Ventriculum, quibus dicabimus hanc  
exercitationem.

I. *Nomen.* Quem Latini Splenem;  
eundem Græci σπλῆν appellat, quam  
vocem Romani sua quoque civitate do-  
narunt: *Pers. sat. i.* Quid faciam? sed  
sum petulanti splene; Cachinno. A  
Splene denominatum est splenium; ge-  
nus

nus aliquod fasciæ formatum ad formam splenis, factum ex panno laneo, aut lineo, aut serico, quod fronti (interdum etiam mento, partibusq; aliis) imponi solet, seu emplastri modo ad affectus, sedandumque dolorem: seu ad arcendam nimiam lucem, quasi oculorum operimentum: seu ut frons nitida libe-  
 raque servetur à solis adustione, quo fine id usurpare consueverunt scæmellæ curiosiores. Martialis. Talia lunata splenis fronte sedent. Hinc Spleniatus, Splenio obvolutus. Mart. Cur spleniato sæpe prodeam mento.

II. 2. *Situs.* Locum nactus est lien in hypochondrio sinistro Jecori ex adverso, sit ramen, sed insolenti & raro naturæ spectaculo, ut dextrum occupet latus, hepar sinistrum. Inter costas adulterinas, & ventriculum ita jacet, ut illas contingat, ad dorsalem interim regionem sese adjungens propinquius, unde nisi costis sinistris spuriis sublatis, non præbet se spectandum. Sicubi præter naturæ leges intumuit, nihil obstat quo



minus palpo manuum sentiri queat. Hoc non nescivit Plautinus Leno, conquerens se quasi Zona Liene cinctum ambulare. Cohæret cum partibus vicinis firmissimè, interventu subtilium tunicarum, parte quidem concava, ventriculo, super quem in longum protenditur: convexa non diaphragmati ut putavit Laurent. *l. 6. cap. 21* sed peritonæo. Quod septo adhærescit, id est præter consuetam naturæ legem.

III. 3. *Substantia.* Splen è partium dissimilarium genere est, cujus compagem absolvunt.

1. Tunica, foris eum circumplectens, non una (quod docuit Laurent. *d. l.*) sed duplex, altera pars peritonæi, altera ejusmet propria.

2. Caro Lienis quia non dissimilis apparet coagulato sanguini, vasis circumfuso, idcirco *παχύρρομα* appellari meruit, cujus vocis authorem Erasistratum faciunt. *Lactant. Opif. Dei c. 14.* Quid Splenem? Quid Jecur? quæ viscera quasi ex conturbato sanguine videntur

con-

concreta. Caro hæc ad modum spongię est rara, laxa, mollis, subnigra.

3. Nervuli tunicas Lienis perreptant, è sexti paris costali ramo lævo. Carnem vix ingrediuntur.

4. Vena porta ramum de se spargit superiorem sinistrum quem splenicū nominant. Is versus Lienem extenditur, communicata cum intestinis radicum haud parva multitudine; Illo fine ut transportent crassiorē chyli partem ex intestinis in splenem; neutiquā vero melancholiam ex hepate Lienem (Quamvis id placeat Laurent. l. 6. c. 21.) quia venæ hæc jecur nusquam tangunt: intestina quidem tangunt, sed in iis, non melancholia, verum chylus saltem est. Præter has venas quæ advectioni ancillantur, sunt quoque aliæ avectioni destinatæ, eaque duum generum. 1. Ramus hæmorrhoidalis. 2. Vas breve. Prior ad intestinum rectum descendens, in ibi constituit hæmorrhoidum speciem internam: (nam externa est à vena cava) quarum manus melancholiam ex corpore

exturbare per anum. Vas breve ventriculū ingreditur, aliquot pedibus, transferens ex Liene crassas melancholicas superfluitates, quæ à Liene debellari & subigi non potuerunt. Hujus melancholiæ usus est, ut a core suo & adstrictoria vi robur addat ventriculo, simulque sopitum exsuscitet appetitum alimentorum.

5. Arteriarum, quibus Lien copiosius quam jecur instruitur, origo deducitur à Cæliaco ramo, qua is exit ab aorta. Earum vero quamplurimum extremitates, committuntur (*ἀναστομῶνται*) cum extremitatibus venarum splenicarum. Arteriæ serviunt (1) Validiori sanguinis elaborationi, quam promovent motu suo (2) Calori è corde advehendo, quo maxime indiget lien (3) expurgationi serosi liquoris, quo Lien inter cætera abundat.

IV.4. *Quantitas.* Pro hominum cæterorumque animalium varietate, Lienis magnitudo item variat: Habet tamen præfinitam molem, quam si excesserit, pati-

patitur Sānitas labem. Crebrius tamen magnitudine quam parvitate peccatur. Minor vero Liē sanior est laudabiliorq; ut habet Arist. *l. 3. Hist. c. 16.* Numero non nisi unus inesse Lien solet naturaliter constitutis. Duos notavit Arist. *l. 4. Gen. an. c. 4.* rarissimè assunt tres, quales vidit Fallop. *obs.* Quandoque Lien omnis prorsus abest Naturæ vitio, ut in muliere observavit Holl.

V. 5. *Qualitas.* Consueta Lienis figura est oblongè rotunda; aut quadrata. Interdum & aliis spectatur formis. Colore tingitur pro differenti ratione ætatum & valitudinum. In fœtu nondum nato rubet: In adultis spadiceus est: in morbosus lividus, niger, albicans.

VI. 6. *Actio & Usus.* De Lienis usu frequens est inter Anatomicos disputatio.

I. Fuere qui non solum splenem nulli usui esse dixerunt animali, sed etiam incommodo & impedimento: adeoque sine damno valetudinis excindi tabellionibus, quo factio fiant hi ad currendū

K 71 habi-

habiliores. *Plin. l. ii. cap. 37. Peculiare, inquit, cursus impedimentum aliquando in Liene: quamobrem inuritur cursoribus, & per vulnus etiam exempto vivere animalia tradunt.* Consentit *Plinio Laurent. l. 6. q. 25.* Hæc absurda sunt & inania. Nulla corporis, quantumvis ignobilis portio, frustra condita est à Natura. Ergo nec Lien. Parenchyma quidem Lienis tolli posse, supervivente homine, testantur *Rousser. part. Cas. Aretæus morb. acut. Scenck. obs.* at totum ejus systema excindi posse vivo animali, mihi non fit probabile: In illa excisione, quid fiet de venis & arteriis, copioso sanguine refertis, quarum vel levis læsio infert mortem.

VII. 2. Aristoteli adscribit *Laur. d. l.* quod & ipse Lienem quasi frustraneum fecerit & productum saltem ex eventu. Ego hujusmodi effatum in universis Aristotelis operibus, legi aut inveniri nego. *Lib. 3. part. anim.* (hunc citat *Laur.*) *cap. 7.* sic habet: Τέταρτον δὲ τὸ ἐν τῷ σπλῆνι, ὃ καὶ μὲν τοῖς ἐξ αἰσθητικῆς ἔχει σπλῆνα, δοξάζουσιν αἰετῶν καὶ ὁρῶν καὶ πρῶτον εἶναι,



ἐναυ, ὁ σπλην. Qui scribit Lienem simpliciter animalibus necessarium: Itemque quasi alterum jecur sanguificationi incumbere, is certe non scribit eundem saltem ex eventu aut frustra tactum esse.

VIII. 3. Ulmus lib. de Liene, prodi-  
dit Splenis actionem consistere in præ-  
parando sanguine cordi, ut exinde fiat  
commodior spirituum vitalium produ-  
ctio. Hæc sententia, quia à Laur. l. 6. q. 25.  
examine subjecta est, & prolixè refutata  
(quamvis plurima Laurentiana interim  
animadversionem mereantur) non re-  
quirit ampliorem discursum.

IX. 4. Reusnerus lib. de scrob. copio-  
sa oratione probabile facere allaborat,  
lienis actionem consistere, in confec-  
tione serosi sanguinis: à jecore trahi  
de chylo partem crassiorem: à Liene te-  
nuiores & serosam magis. Rationes  
proferuntur non inelegantes. 1. Quia  
venæ splenis sunt exiles admodum &  
subtiliores quam jecoris. 2. Quia  
caro ejusdem laxior & rarior carne  
jeco-

jecoris : proinde humorem appetit tenuiorem. 3. Quia bibentibus aquas paulstres magni sunt Lienēs. 4. Quia Lienis morbis præscribuntur diuretica.

Has Reusneri rationes nos tum inefficaces æstimamus; tum easdem poster-nere ac refellere parati sumus, ipso disputationis actu.

X. 5. Laurentii plurimorumque Medicorum familiaris est opinio, Lienem esse receptaculum humoris melancholici: ad eam stabiliendam adducuntur, partim loca Galeni, partim argumenta à Laut. 2. 1. sect. 16. q. 25 eaque hujusmodi: 1. quia omne excrementum requirit receptaculum: at melancholiæ nullum aliud receptaculum dari potest, præter splenem. 2. quia Lieni color inest niger, proprius succi melancholici. 3. Quia Lien maximè obnoxius est Schirrosis tumoribus, ortis à melancholia. 4. Quia Splene obstructo humor niger regurgitat in reliquum corpus. 5. Quia succus melancholicus, à Liene mittitur ad ven-

ventriculum, pro excitando appetitu,  
ut dictum thesi tertia.

XI. In veteratæ huic, & debili ful-  
cimine sustentatæ doctrinæ, argumen-  
tisque pro ea stabilienda excogitatis,  
quid reponi possit, proferemus inter di-  
sputandum.

XII. Lienem non esse melancholiæ  
receptaculum probamus subsequenti-  
bus rationibus. 1. Ociosa & frustranea  
foret natura, quæ Lienem tanta mole  
consecit, multoque majorem capsula  
fellea, quum tamen melancholiæ quam  
bilis minor sit copia. 2. Quorsum tot ar-  
teriæ & venæ Lieni implantatæ, si non  
alio defunguntur labore: quam attra-  
hendæ melancholiæ? Renibus sufficiunt  
simplices, rectique Elices: Vesicæ, Ure-  
teres: at in Liene intricatissimi vasorū  
ductus. 3. In Liene haut minus oculis de-  
prehenderetur succus melancholicus,  
quam in vesicula feli, in vesica serum.  
4. Cum gemina sit in nobis melanco-  
lia, una commixta sanguini, altera acer-  
tina, fermentans terram, neutra trahi-  
tur.

tur à Liene. Non prior laudabilis; quia  
sanguini perpetuo cōsociata manet: non  
posterior, quia semper præternaturalis.

XIII. 6. Superest vera & genuinas  
Lienis actio, quam Hippoc. Plato, &  
post eos Aristoteles scriptis professi sunt,  
scilicet: Lien confectioni sanguinis in-  
cumbit, non minus quam jecur (scil.  
merito venarum, carne secundarias  
operas illuc conferente.) quia utrique  
huic visceri similis structura: Utrique  
inquam, parenchyma vasis circumfu-  
sum: Utrique venæ atque arteriæ pluri-  
mæ: Ex utroque venæ eunt ad intestina,  
abducentia chylum: Utrarumq; venarū  
eadem substantia, insertio &c. Utræque  
eodem prorsus liquore scatent. Eam ob  
causam Arist. diximus paulo ante lienē  
appellasse *ρόδον ἥπατος*, sicuti Hipp. eundem  
dixit, *ἥπατος ἀεὶ τεσσόν*: Plato *ἥπατος ἐκμαγείον*.  
2. Quia Lienis effectus τὴν αἰμάτωση pro-  
ximè & immediatè lædunt.

XIV. Dum verò tam lien quam jecur  
sanguificationi incumbunt, non id pol  
indiscriminatim faciunt & absque stata  
lege:

lege: Sed lien operam suam locat visceribus plerisque infimi ventris, ventriculo, intestinis, omento, mesenterio, pancreati, sibiq; demum ipsi. Jecur reliquæ cohorti partium corporis.

XV. 7. Præter actionem illam præcipuam *απώλυσιν*, cui splen omni conatu incumbit, est etiam alius quasi succenturiatus carnis ejus usus, qui consistit in consumendis absorbendisque vaporibus aquosis. Eum Arist. agnovit & expressit lib. 3. part. anc. cap. 7. Agnovit Hipp. l. 4. morb. & Alexand. sect. 2. probl. 44. Trahit verò lien *τὰς ὑγρὰς τὰς αἰσχροτάτας*, quia caro illius spongiæ non est absimilis: Quæ verò talia sunt hauriendo bibunt occurrantia humida. 2. Quia semel lien pluscula aqua prægravatus, languescit & deprimitur. Hinc porro aqua ad illum fluit, tanquam ad partem humiliorem & debiliorem.

## II. De Jecore.

XVI. 1. *Nomen*. Græcam vocem *ἥπαρ* hepar latini in suam loquelam assumpserunt: Inde hepatarius Plaut. Cure. Tum



Tum te igitur morbus agitat hepata-  
rius. Dicitur aliàs jecur : Et inusitato no-  
mine (ut notavit Prisc.) jecinus: jecino-  
ra. Legitur etiam jecusculum. *Plin. l. II. c. 37.* Murium jecusculis fibræ ad nu-  
merum lunæ in mense congruere di-  
cuntur: ἡπαρ *Priscol.* deducit ἀπὸ τῆς ἡπαρίας.  
Recentiorum alii ἀπὸ τῆς ἡετίας id est (ut  
ipsi interpretantur) Inopia. Ridiculè:  
Neutra Vox Græca est, quam apud pro-  
batos auctores vix invenies. Neque in-  
super video, quur ab inopia potius, quā  
ab abundantia dici debeat jecur.

XVII. 2. *Situs.* Positus Jecoris ita ha-  
bet. Consueto naturæ ordine occupat  
latus dextrum: Insolito verò sinistrum.  
Monuimus jam ante lienem & jecur,  
alternatim loca suā immutare, raro na-  
turæ spectaculo. Ἀλλὰ τὰ τοιαῦτα ὡς τέρατα  
κελεύεται. *Arist. l. I. hist. c. ult.* Est vero sum-  
mum infimi ventris membrum ὑπὲρ τὸ  
διάφραγμα (dicente *Arist. l. 2. hist. cap. 17.*)  
id est, non supra diaphragma (ut mul-  
ti ineptè vertuntur, & hoc nomine  
*Arist.* sugillant, ) sed infra ultraque  
dia-

diaphragma: ut quamvis substat proxime, non tamen id immediatè attingit, sed ab eo abjungitur transversum digitum, ut evitetur diaphragmatis, respiratione se distendentis, compressio. Hinc est quod quibus intumuit jecur, ii ægrius spiritum recipiunt. Ventriculum ferè circumplectitur hepar: aliquota hujus portio intra omenti crumenam absconditur.

XVIII. Connexio Jecoris cum partibus vicinis multiplex spectatur. 1. Umbilico adhæret interventu venæ umbilicalis, quæ suspensum in adultis tenet jecur, ne collabascit. 2. Diaphragmati illud conjungunt duo ligamenta. 3. Spinæ lumbari vero aliud vinculum, à peritonæo exortum.

XIX. 3. *Substantia*. Dissimulare jecoris corpus componitur, è Membranula, Nervulis, Carne, Arteriis, Venis. Cavitate nullius est particeps. Principes hic sunt, Caro & Venæ. Carnis seu parenchymatis proprium & accommodatissimum usum expresserunt veteres. 1. circum-

circumfundi vasis ut cohæreant. 2. instar pulvinaris & mollioris substerniculi vasa suffulcire. 3. Adjuvare calore suo venarum *ἀνὰ τὴν*, quali officio Epiplœon succurrit ventriculo. Excellentior usus eidem parenchymati à Laurent. tributus, nobis non fit valde acceptabilis. Venarum in hepate numerus est innumerus, partim quæ cavæ, partim quæ portæ sunt soboles. Utrasque à se invicem discriminatas videre licet, ubi carnem circumfusam in aceto accerrimo & pauxillo calcis elixatam & friabilem redditam, digitorum attritu curioso separaveris. Ad concavam visceris partem portæ rami, ad convexam cavæ rami largius reperiuntur. Notandæ hic sunt inoculationes *ἀνασπομαίοντες* quæis columbatim quasi cohærent & sese osculantur invicem rami, portæ & cavæ.

XX. Cavitatibus carere dixi jecoris carnem. Causam reddit *Laurent. li. 6. cap. 19.* Quia quæcunque membra receptura erant vel mandatura confer-

tima

tim uberem copiosamque materiam,  
 cavitate indiguerunt: Quæ verò sensim  
 & modicè, non. Huic Laurentii pro-  
 positioni Ego subjungo minorem ta-  
 lem: Sed hepar longè uberiolem copi-  
 am materiæ seu sanguinis ad se recipit,  
 itemque ablegat affatim & copiosius in  
 totum corpus, quam vel cor, vel cere-  
 brum: Hepar ergo debuit accipere ca-  
 vitates potius quam cor aut cerebrum.  
 Assumptionem iterum probo: Totum  
 est majus aliqua sui parte. At sanguis  
 qui ad jecur fluit & inde in corpus re-  
 liquum, est totum. Sanguis ad cor & ce-  
 rebrum fluens, est pars istius sanguinis  
 hepatici. Nam hepar vel ex Laur. mente  
 elaborat sanguinem 1. pro nutritione  
 omnium corporis partium. 2. pro gene-  
 ratione sanguinis spiritusque vitalis &  
 animalis (h. enim ex illo) quis itaque  
 non videat, sanguinem in hepate con-  
 fectum multo copiosorem esse il-  
 lo, qui inest cordi & cerebro.  
 Hepar igitur, si Laurentii ratio  
 bona est, majori jure debuit instrui  
 cavita-

cavitatibus, quam cor aut cerebrum. Id autem factum non est. Igitur data ratio, non est ullius roboris.

XXI. Damus nos causam aliam probabiliorem. Non debebat jecur foveis aut specubus exornari, quia erat saltem *παρυρρηα* ac circumfusus sanguis concretus, ut foverentur tot vasa. Illa demum pars cavitate donata est, cui per naturam incumbit, excrementa excipere, ut vesica utraque, ren uterque, cerebrum (ventriculi cerebri, non spirituum, sed mucosæ materiæ receptacula statuuntur) vel novam elaborare materiam ut cor. At jecoris & lienis caro nec excrementorum receptioni est destinata, neque *πρωτας* aut *αμεσως* servit confectioni novæ materiæ (sanguis enim primo à venis conficitur.)

XXII. 4. *Quantitas.* Magnitudo jecoris pro modulo & proportionem humani corporis, oppido notabilis est & conspicua. Homo solus vincit bruta cerebri & hepatis mole: quia partim major actionum varietas, partim crebrior  
spiri-



spirituum disperditio. In nonnullis individuis jecoris exilitatem, compensat Lienis magnitudo. Numero Jecur non nisi unum est. Duo videre in uno corpore insolens est spectaculum. In homine fere integrum indivisumque est. Bestiæ id diremptum possident in appendices seu lobos.

XXIII. 5. *Qualitas.* Qualitates Jecoris sunt color, figura, temperies. Color est rubeus instar sanguinis coagulati *I. H. Bronterus libell. de principatu jecoris* in lampræta viride invenit jecur, tota massa sanguinea eleganter purpurea ac rubra. Sicubi jecur aliquando flavescit ac albescit, id evenit præternaturam.

De figura jecoris scribit Laurent. l. 6. c. 19. *Quod propriam nullam habeat.* Estatum falsum. Omne corpus clausum superficiebus propriis, propriam habet figuram. Certè quod internè cavum est, exterius gibbosum, dextra parte rotundum, sinistra acutum (qualiter Laur. jecur depingit) illud certam, determinatam, & propriam figuram natum est.

L Tem-

Temperiem jecori ascribunt calidam & humidam. Quibus Jecur nimio plus incaluit, his ferè ventriculus consuevit esse frigidior. Causa est, non quod nimio istius fervore, hujus calor sopiatur aut extinguatur: Non (quod docuit *Sanctor. methodo vitand. Error. l. 2. c. 5.*) quia æstuantis jecoris violentia funditur & liquefeit pinguedo abdominis, qua imminuta debilitatur ventriculus: Nam multi obeso abdomine instructi, nihilominus affliguntur calido jecore, ventriculo frigido: Sed quoniam jecur, in modico fervore æstuans, nimis properiter ad se rapit è ventriculo cibos nondum coctos: Unde pullulant symptomata, quæ arguere solent coctionem imperfectam, sobolem ventriculi debilis aut frigidi. Calorem certè ad sese allicere & trahere præter modum, tam perspicuum est, ut demonstratio nem nullam requirat.

XXIV. 6. *Actio & Usus.* De jecoris usu nativæque actione quæ scriptis prodiderunt Anatomici, maximè varia  
sunt.

sunt. Nos potiora contrahemus incom-  
pendium. 1. Principio in jecore collo-  
casse, Amorem, fomitem focumq; suū,  
testantur præstantium virorum monu-  
menta. *Horat. l. 1. od. 25.* Cum tibi flagrans  
amor & libido & c. sæviat circa jecur ul-  
cerosum. Et *l. 4. od. 1.* Ad Venerem: Quo  
blandæ juvenum te revocant preces. Si  
torrere jecur quæris idoneum. Cate-  
rum dicitur jecur fons & causa libidi-  
num Venerearum, non primo aut im-  
mediato, quasi animæ vis concupiscens  
magis in jecore habitat, quàm alibi. Ani-  
ma enim ubiq; in corpore & tota in to-  
to: Itaq; & facultatū suarū omnes habet  
copias collectas, ubicunque ipsa fuerit.  
Verum quia jecur (imprimis merito Ve-  
narum suarum) officina dicitur sangui-  
nis. Idcirco si floridum fuerit & salubre,  
floridum & salubrem generat sanguinē.  
È laudabili verò sanguine laudabile se-  
men, cujus plena & voluptabilis titilla-  
tio irritamentum est Venereę cupidinis.  
Hinc forte veteres parti huic amicabi-  
lem Veneris stellam præfecerunt: velut

Lieni Saturnum: Fellis capsulæ Martem:  
Cordi Solem: Cerebro Lunam, ut scri-  
ptum reliquit *Cæli Rhod. l. 4. c. 7.* Idem je-  
cur si torreatur plus satis, torretur &  
sanguis, exque sanguine semen justo ca-  
lidius, & sanguinosum, acutos stimulos  
addit ad coitum.

XXV. Deinde 2. Priscorum Ethnico-  
rum superstitio, alios exsculpsit jecoris  
usus ad divinationes in extispicina, & si-  
gillatim in illa, quæ ἡπατοσκοπία appella-  
batur. Extæ atq; interanea omnia, Cor,  
pulmo, jecur, &c. postquam mirificis ri-  
tibus dissecta erat victima, attentè inspi-  
ci & scrupulosè examinari solebant ab  
aruspiciibus. In illis agnoscebant signa  
salutis aut interitus: Bonæ aut sequioris  
fortunæ. Jecur tamen existimabatur  
fons & radix vaticinii, eratque in extis,  
quod Dux aut Princeps in exercitu.  
Enimvero pars illius superior seu con-  
vexa, quæ caput dicebatur, diremptum  
judicabatur in duplex fissum, quorum  
unum inimicum, hostile hosti; Alterum  
familiare, vitale, illi destinatum, pro quo  
immo-

immolabatur victima. Ex hoc bene constituto auspicia petebantur felicitis eventus: Ex illo infelicitis. An huic extispicinæ ratio aliqua veritatis subsit? quaeritur. Cicer. l. 2. Div. rectissime negat, cuius rationes nos efficaces arbitramur.

XXVI. 3. Apud Laurent. plurimis in locis, & apud medicos populariter, Propositio est hæc; Jecur esse sedem facultatis naturalis, sicut cor vitalis, Cerebrum animalis, unum est è numero axiomatum indubitabilem. Sed cum anima ubi ubi est, ibi & omnes ejus facultates juxta reperiantur (sunt enim proprietates ab anima inseparabiles: ) Et vero anima (si rectè docent Philosophi) tota est toto corpore, singulisque partibus; Etiam facultas naturalis non erit magis in jecore, quam in pede, aut manu, aut alibi. Veruntamen quia solemus facultates interdum discriminare locis & partibus, ut visionem oculis: Apprehensionem manibus, non quod iis careant aliæ partes: Sed quia ibi operationes earum & organa, quibus effi-

L 3) ciunt-



ciuntur, videri poterit hoc pacto jecur  
hospitium facultatis naturalis. Verum  
nec sic quidem: si accuratè philosophemur.  
Facultatis naturalis operationes  
sunt generatio individui; (quæ primo  
à testibus semen subministrantibus) nutritio,  
auctio, quæ in singulis partibus,  
non solo jecore; Sanguis quidem communis  
omnium istarum materia est. At hic non fit  
primo à jecoris carne, (quæ teste Laur. solum  
ruborem sanguini addit) sed à venis, Nostra  
autem occupatio est de jecoris *παρεγχύματι*,

XXVII. 4. Communis doctorum  
sententia est, Jecoris usum illustrem  
esse, ut generet spiritum naturalem,  
sicut cor vitalem, cerebrum animale.  
Nos nullum peculiarem spiritum  
Naturalem agnoscimus, sed unum  
solum per totum corpus diffusum;  
instrumentum catholicum unius animæ  
per unum corpus. Jecoris vero carnem  
elaborando spiritui alicui aptam non esse,  
convin-

vincere licet ex Laurent. l. 6. *quæst.* 22. ubi scribit : Corporeum esse spiritum indicat, quod egeat canale latore. Si igitur, omnis spiritus indiget canali : In jecoris vero carne canalis nullus. Nulla etiam in jecore spiritus confectio.

XXVIII. 5. Neque minus trita & familiaris filiis anatomicorum est assertio: Jecur esse principium venarum; quam exactè ponderatam veram ego nequaquam deprehendo: Intelligunt scilicet principium, διοικήσεως, & πρῶτος: distributionis quidem, quia ex jecore peti & distribui sanguinem in totum corpus: Radicationis, quia eidem ceu telluri, venas ceu radices infixas esse. Rationes, quibus utraque hæc thesis à Laurentio corroboratur l. 4. ex. 3. 4. commodo loco, & tempore examinabimus. Nunc hæ nostræ sint positiones : I. Nec jecur, nec cor ( quæ Aristotel. sententia acriter à Laurentio dict. loc. exagitur ) nec ulla corporis pars, est venarum

L 4 prin-

principium διοικήσεως. 2. Neque est, neque  
debebat esse unum principium ριζώσεως  
venarum, sed multiplex.

XXIX. Prioris hæc est astructio.  
Omne principium διοικήσεως, submini-  
strat & expendit alii materiam aliquam.  
At nec jecur, nec cor, venis dispensant  
ullam materiam. Neutrum ergo est  
principium διοικήσεως venarum. Cor in  
venas nihil effundit, sed à venis aliquid  
accipit. Cava enim illuc apportat san-  
guinem pro confectione spirituum vi-  
talium. Ipsa nihil inde absportat. Jecur  
etiam quid expendit in venas? Sangui-  
nem ais. At ex adversum venæ ad jecur  
ferunt sanguinem, aut saltem sanguinis  
rudimentum, (ex Laur. sententia) tan-  
tumque abest, ut jecur venis aliquid sub-  
ministret, ut potius de massa, quam ad-  
vexerant venæ, haut parvam demat  
portionem, pro sui nutritione: Ipsum  
interim ex Laurent. mente nihil confe-  
rens sanguini præter colorem. Venæ  
proinde nullum agnoscunt principium  
διοικήσεως, sed ipsæ sunt hoc principium,  
ut po-

utpote quæ & chylum convertunt in sanguinem, ingenita virtute: Et hunc porro in se & à se confectum, non mutatum aliunde, per universum corpus διοίκησι.

XXX. Altera positio, qua negavi, Jecur esse venarum ρίζωσι, sic evincitur: Quia παρεγχύμα respectu venarum neque terra dici potest; neq; venæ ipsæ in jecore conclusæ, radices. Illud habet rationem terræ, ex quâ radices sugunt trahuntque alimentum Aristot. τὰ φῦτα ἔχουσι ἀπὸ τῆς γῆς τὴν τροφήν. Jam venæ non ex parenchymate sugunt alimentum, sed ex intestinis. Quin hoc potius ad jecur afferunt: Non ex jecore auferunt. Quis tam absurdus, ut diceret, principium ριζώσεως arboris esse ibi ubi sunt rami? At in jecore sunt rami venarum, ad quos defertur alimentum ex intestinis. In intestinis sunt radices (mesaraicæ) quæ sugunt idem alimentum primo. Tria requiruntur ut ali- quid sit principium ριζώσεως: 1. Firmi- tudo cohesionis. 2. Tractio nutrimenti.

3. Copia vasorum. Hæc vero in una parte simul & conjunctim non dantur. Dantur autem disjunctè in disjunctis. Una ergo corporis pars non est principium *πρῶτος* venarum. Vena cava arctissimè cohæret & unitur cordi & renibus: (conditio 1.) venæ mesaraicæ ex intestinis sugunt alimoniam: (conditio 2.) Venarum in jecore & liene copiosissimus est numerus (conditio 3.) Igitur principia *πρῶτος* venarum sunt cor, renes, intestina tenuiora, jecur, lien: Imo omnes corporis partes, in quibus locum inveniunt, tres recensitæ *πρῶτος* leges.

XXXI. 6. Postremum superest dogma: Jecur esse officinam sanguinis. Hanc privam & nativam esse illius functionem, cui solum incumbat, & præter illud nulla pars alia. Cæterum cum duobus componatur jecur, parenchymate & venis; dubium est facultas *αἱματοποιητική* sanguificandi, insitne 1. soli parenchymati jecoris? 2. an solis venis? 3.

an



an primo parenchymati; Secundo & dependenter venis? 4. an ex adverso, primo venis, secundario carni parenchymatis? Confusè quidem hæc tractata invenietis ab anatomicis, sed discerni à se invicem omnino postulant. Non solum carnem: neu solas venas causam esse hujus operis, quin potius conjunctis viribus ab utrisque confici sanguinem, veritati magis est consentaneum. Ambo igitur, *παρίχυμα* & *venæ*, id est totum hepatis systema sanguificationi incumbit.

XXXII. Laurentius l. 4. *quest.* 2.  
( sub cujus vexillis militant plerique recentiorum ) Primo pro parenchymate: Secundario pro venis certamen omne cernit, inter cujus rationes hæ sunt præcipuæ, 1. Quia pars princeps in organo est prima causa actionis: Parenchyma vero est jecoris pars præcipua, peculiaris, nulli alii communis, qualis altera

L. 6. into-

in toto corpore non reperitur. 2. Venæ primo nequeunt esse effectrices sanguinis, quia eæ sunt frigida, spermatica, membranosa, albæ. At sanguis calidus, humidus, rubicundus. Effectus autem similis causæ. Parenchymati verò similis sanguis. Sanguis igitur primo à parenchymate. 3. Omnis productio novæ substantiæ, duobus actibus absolvitur, præparatione & coctione. Præparatur autem sanguis à vasis (venis:) Coctio à peculiari substantia, parenchymate. 4. Quia malè habente jecoris parenchymate læditur sanguificatio: Actio autem læsa arguit partem quæ causa est actionis, item læsam.

XXXIII. Tandem inter venas & parenchyma laur. partitur operam *dispartit* hoc pacto. Duo ait hic inveniri. Elaborationem & Rubificationem. Istam esse actionem similem, profectam à temperie. Hanc dissimilem, nō à temperie, sed Rubore. Venis omnibus infitam esse vim elaborandi sanguinem. At rubefaciendi, soli carni jecoris.

XXXIV.

XXXIV. Quæ hic posita sunt stabilitimenta quatuor doctrinæ Laurentianæ de eminentia parenchymatis supra venas, cum animo nostro valde lubrica & fragilia videantur, evertemus inter disputandum, & eorum ostendemus infirmitatem. Nunc de adjecta distinctione id monemus, (qua Laur. fatetur, venas coquere & elaborare sanguinem; Parenchyma ruborem ei cocto & elaborato addere) quærimusque, rubor iste sitne accidens inseparabile sanguinis? an essentialis proprietas? Ais esse accidens? quia rei jam confectæ & elaboratæ (sanguini) & in essentia sua jam constitutæ, post adjicitur. Repono ego: Quod est causa accidentis solius in re, non ipsius essentia, id non esse æstimandū princeps efficiens ejusdem rei. Parenchyma est causa solius ruboris: qui accidens sanguinis. Non est igitur princeps sanguinis causa. Ais vero, esse non accidens, sed essentialem proprietatem? quæro ego: cum proprietates essentielles simul incipiant cum subjectis

suis, neque his vel re, vel tempore, sed ratione sola sunt posteriores, adeoque posita re, ponitur proprietas, quo pacto possit rubor sanguine jam à venis elaborato posterior esse, & postremo à parenchymate produci? 2. Adde & illud: Ab eadem causa est & res & rei proprietas. Si è venis est & gignitur ipse sanguis, etiam à venis erit ejusdem rubor, seu proprietas. 3. Denique posita hac thesi, à venis esse elaborationem, à carne ruborem, vel hoc merito venis debetur honos princeps αἱματώσεως, præ parenchymate. Elaboratio enim seu coctio, multo est excellentior rubificatione. Ista est actus producens substantiam: hæc solum accidens.

XXXV. Si quis igitur æqua trutina ponderare rem volet, asserere cogetur præcipuum laborem, in confectione sanguinis conferre venas: Parenchyma saltem succedaneas & secundarias operas: Ad quam sententiam & noster animus inclinatur, adductus his & similibus persuasionibus. 1. A venis (non à parenchyma-

chymate) est primū motus principium: Venæ enim acceptum chylum primo mutare, primo convertere in sanguinē, antequam parenchyma contingat. 2. In venis primo, per se, naturaliter, omnis sanguis alimentalis reconditur: In parenchymate vel nihil, vel parum ejus reperitur. 3. In venis sanguis in perfectione sua conservatur primo & naturaliter: Et extra easdem profusus amittit integritatem suam, desinitq; esse natus & alimonix aptus. 4. A venis non à parenchymate partes omnes primo querunt poscuntq; sanguinem. Venæ igitur sunt sanguinis primariæ & principes efficientes.

XXXVI. Cui ergo bono & usui parenchyma? quæres: Licet venæ ex se ipsis possideant potestatem conficiendi sanguinis, nec illam primo emendicent ab hepatis aut lienis parenchymate, tamen sanguinea ista concretio, venis circumfunditur non sine emolumento: Arctè enim venas complectitur; una opera calorem illarum & virtutem  
inge-



ingenitam mirificè fovet, promovet, & principali illarum conatui succenturias & famulatrices manus præbet. Constituimus Jecur & Lienem totum adæquatum sanguificationis organon; eorum tamen partes principes venas; administram vero carnem circumfusam.

### III. De Vesicula Bilis.

XXXVII. 1. *Nomen.* Κυσίς χολόδοχος, capsula fellis, à succo, quem complectitur nomen indepta est.

XXXVIII. 2. *Situs.* Sedes ejus nativa est sub hepatis concavo ad partem dextram. Ibi rima insculpta est, & rimæ fortiter annata vesicula, contingens corpore suo aliquam coli & ventriculi partem, sæpeque felleo sudore commaculans: Unde jugi ardore stomachi, torquentur multi.

XXXIX. 3. *Substantia.* Membranea vesiculæ compages dissimularis est, conflata ex sequente particularum suppellectile: Quæ sunt tunicæ, ibi quidem gemi-

næ,

næ, ubi nuda propender de jecore: Sim-  
plex ubi jecori adhærescit. 2. Venæ ge-  
mellæ cysticæ. 3. Arteriæ exiles è cæliaca.  
4. Nervulus ægrè oculis notabilis.

In toto vesiculæ systemate notatur  
1. fundus: amplior cavitas 2. Cervix;  
fistula angustior, durior fundo; valvulis  
instructa, prohibentibus bilis refluxum.  
3. Ductus biliaris, canalis singularis à  
latere ad verso cervici appositus, excur-  
rens ad intestinum duodenum, & huic  
inoculatus: per quem bilis effunditur,  
pro stimulanda vi expultrice.

XL. 4. *Quantitas*. Numero vesiculæ  
una est. Magnitudinis exilis: quia bilis  
non magna copia.

XLI. 5. *Qualitas*. Figura ei oblonga,  
instar pyri muscatellini.

XLII. 6. *Actio & Usus*. Usus vesiculæ  
est, bilem flavam recipere, atq; illa libe-  
rare primo sanguinem; deinde corpus  
totum. Aliquandiu eandem retinere; &  
postmodum expellere. Qua ratione  
bilis ad vesiculam pertingat? quæritur.

11 Laurent. censet l. 6. q. 23. partim  
trahi

trahi à vesicula; partim expelli à jecore. Expelli à jecore: quia fel tota sua natura inimicum est jecori. Trahi à vesicula, quia cum plures sint ductus cholodochi intestinis inserti; utique bilis rueret ad intestina potius quam vesiculam, nisi ingenita vi hujus traheretur. De hepatis expulsionem quæ dicuntur, rectè habent. At vesiculæ ille occultus tractus, non nititur valido fulcro. Sunt ductus cholodochi, non solum, per quos ex hepate bilis recta labitur in cystim; Sed etiam sunt alii (Laurentio non ita observati) per quos recta descendit è jecore ad intestina. Nunc ergo, quia fel æquè labitur ex hepate versus duodenum, non attingendo vesiculam, quàm ex jecore versus vesiculam, profecto vesicula non magis trahet bilem, quam duodenum. Detur mihi ratio diversitatis. Prostrata hac vesiculæ tractione, collabascit juxtim quæstio, in quem finem cystis trahat bilem? De quo litigio ferrâ reciprocent inter se, quantum volent, Laur. & Joubertus, nos eo nihil opus esse opinamur.

XLIII. II. Alia est Fallopii & Picolh-  
minei opinio, hanc proponentium the-  
fin : Bilem per ductum cholodochum  
delabi in intest: duodenum: quod cum  
plenum est, neque bili ingressum con-  
cedit, protinus bilem regurgitare atque  
abire in vesiculam, ea gratia à natura  
constructam.

Hæc falsitatis arguere allaboravit  
Laurent. d. l. petitis testimoniis, partim à  
sensu, partim à ratione. Sed neque ea  
testimonia cordato alicui satisfacere  
possunt. Parati sumus nos ea examini  
subjicere, & convincere insufficientiæ:  
Quippe quæ tota sui parte firman-  
tur eo, quod nullus à jecore in duodenum ca-  
nalis feratur pro vehenda bile. Primus  
Fallopius observavit, Agnovit Picolh.  
& eum secuti omnes, qui sapiunt ali-  
quid Anatomici, alium novum  $\pi\acute{o}\rho\omicron\nu\chi\omicron\lambda\acute{o}\delta\omicron\chi\omicron\nu$  sic privatim dictum, exporrectū  
à Jecore in Duodenum. Posset igitur  
Fallopii & Picolh. effarum excusari, nisi  
obstarent valvulæ multæ, tã in cervice,  
quam juxta insertionē pori cholodochi

in

in duodenum: quæ repagula ita formata sunt; ut ex cervice, & per porum via pateat in duodenum: At ex duodeno, item ex poro in cervicem, fundumque vesiculæ, prorsus nulla. Hæ valvulæ prohibent refluxum bilis in vesiculam.

XLIV. Indicamus & nostram breviter sententiam: qua asserimus, in hac bilis ad vesiculam ejectione, duos concurrere actus. 1. Impetum, & spontaneam inclinationem bilis. 2. conatum jecoris expellentis.

Prius illud sic probo. Omne corpus grave viam nactum, labitur sua sponte: versus inferiora, non impeditum. Bili autem hæc conveniunt: Pressa enim gravitate sua, patentem habet semitam, deflectentem versus inferiora, per quam potest descendere: neque in hoc cursu abs quo impediatur, quicquam est. Id patet oculari inspectione. Vesicula hepate est inferior: proinde bilis per vasa illa plurima descendit in vesiculam. Item duodenum humilius est poro, qui



in id inferitur. Ergo & per hunc descendit bilis suo pte impetu.

Posterioris confirmationem paulo ante dedimus ex Laurent. thes. 42. Bilis est excrementum noxium & inimicum vesiculæ: proinde ab eadem naturaliter constituta propellitur: Eadem prorsus lege, qua à jecore.

#### IV. De Ventriculo.

**XLV. 1 Nomen.** Apud Græcos ventriculus est *κειλία*, quæ vox notat 1. universum ventrem infimum. 2. cavitatem omnem conspicuam, ubi ubi sit: Pulchrè Philot. *Aph. 15. f. 1.* *κειλίας λέγει τὸν σιτόδοχον καὶ πᾶσαν κειλότητα, ἐν βάρει καμένην. οἷον ἐγκεφάλου, καρδίας, καὶ τῶν ἄλλων.* 3. ventriculum propriè dictum. 4. Hipp. *l. 4. Epid.* Excrementa alvi *κοιλίαν* appellavit: *ἔρησις καὶ κειλία μετρίως ἀχρόως.* Dicitur item Græcis *γάσθερ* venter latinis (forte diminutivum *γαστρίδιον* significantius esset,) Hom. *γαστήρ ἢ πολλὰ κακ' ἀνθρώποισι δίδωσι.* *Sen. Ep. l. 2.* Venter præcepta non audit: *ποσειδ.*

poscit: appellat. A nonnullis Stomachus vocatur, attributo partis nomine Toti ipsi. Severin. in Idea, & Hermet. voce stomachi adhuc magis abutuntur. Adjunt in hepate, in capite, & passim in corpore stomachum esse; quia in istis membris fit concoctio. Nimirum per stomachum intelligunt ( inepto sane ausu ) nihil aliud quam vim concoctricem, quam non Paracelsici solum, sed omnes Galenici, in singulis corporis partibus inveniunt & collocant.

XLVI. 2. *Situs.* Venter ad penetralia infimi ventris positus, jacet sub septo transverso, inter primas lumborum vertebrae, & malum, quod dicunt, punicum; incumbitque spinæ dorsæ; deorsum protensus, ferme umbilico tenus. Si rectè rem perpendes, invenies eum ferè in media ventris compage: nisi quod superior pars leviter deflectat in latus sinistrum: inferior in dextrum.

Connexio ventriculi spectatur juxta omnes locorum differentias, supra, infra;

infra; ante, retro: de xtra, sinistra: inter-  
ventu cujus cohaesionis varia cum par-  
tibus vicinis Sympathejæ.

XLVII. 3. *Substantia.* Considerabi-  
mus primum sigillatim particulas, è  
quibus compages ventriculi constru-  
itur: deinde totum ejus systema, qua est  
membrum dissimulare.

Partes Ventriculum componentes  
sunt hæ. 1. Membrana triplex; Externa,  
duæque internæ: quarum quæ media  
est, carneis fibris; quæ intima, crusta  
quadañ instructa est, munimenti gra-  
tia 2. Venæ ( quæ propagines portæ ) id  
muneris habent, ut sanguinem suo  
membro prospiciant, & illuc ferant  
alimoniam, pro nutritione: fortassis  
& aliquam chyli portionem exsugunt,  
feruntque ad jecur, quod collegerunt  
primi Picolh & Aquap. 3. Arteriæ co-  
mitantur venas, ortæ ab aortæ ramo  
coeliaco. Usus earum hic, qui in to-  
to corpore. 4. Nervi à sexto pari prode-  
ntes, auctores sunt acuti tactus, quo  
bollet os ventriculi.

XLVIII.

XLVIII. Dividitur Venter in  
 orificia duo & fundum. Antiquiores,  
 alterum orificium superius, alterum in-  
 ferius appellarunt : arbitrati eo situ in  
 corpore poni. Sed hæc nomenclatura  
 non respondet naturali constitutioni,  
 quam obtinet in ventre. Enim vero  
 neutrum altero superius est, aut inferi-  
 us, sed ambo supremam & æquè altam  
 ventriculi regionem occupant. Id di-  
 scrimen inter utrumq; spectatur, quod  
 alterum à latere sinistro consistat ven-  
 triculo, (id scil. quod vulgo dicitur su-  
 perius;) alterum (inferius) à dextro. Si-  
 nistrum orificium proprio nomine sto-  
 machus dicitur; os ventriculi *ὀστέον*  
*παρὰ τὴν*: eò quod affectus hujus, cum affe-  
 ctibus veri cordis, similitudinem quan-  
 dam gerant. Substantia illi crassa, amplius  
 cum circulatoribus fibris, quarum ope  
 constringitur. Orificium dextrum Pilo-  
 rus, Janitor, reclusu suo cibos diu satis  
 in ventriculo moratos, exire permittit:  
 instructus fibris transversis; unà cū duo-  
 bus tuberculis glandulosis, instar annuli

Fun-

Fundum inter ista duo medium est, ipsa ventriculi cavitas, & nativum corpus; cella penuaria, & receptaculum ciborum.

XLIX. 4. *Quantitas*. Qualis est magnitudo & capacitas ventriculo, præcisè determinari nequit. Neque enim homines omnes ejusdem sunt magnitudinis. In consuetæ constitutionis subjectis quinq; palmorum latitudinem obtinet, si rectè calculum posuit Hipp. Distendi potest variè & contrahi.

Numero Ventriculus unus est, tum homini, tum animantibus utramq; maxillam dentatis. Alitum major pars accepit ventriculos duos, unum tenuem instar vesicæ urinariæ, membraneum, den Kroyff/ quo escam excipiunt, & si opus sit iterum emittunt; alterum carneum, crassum, intus cavitate donatum quam succingit tunica densa: den Magen.

L Animalibus ruminantibus, quibus deest superior dentium series, vescunturque cibis asperis, natura concessit

M qua-



quatuor ventriculos, recompensans defectum dentium. Ii sunt 1. Venter primus *ἡνυτρε* die Brüche. 2. Reticulum *κερυφλλον*, vitæ, die Haube. 3. Omâsus, *ἐχιν* ab asperitate, *πολύκτυχον* ob multiplicia volumina, velut folia chartæ, der Psalter. 4. Abomasus *ἀποκριτικός* à rubore de Rode. Primo ex ore delabitur cibus in ventrem primum: Inde remouetur in os. Ex ore non in ventrem primum denuò, sed in reticulum, (quia in gula angustum foramen, quod pertingit in reticulum, per quod cibus crassior asperiorque prima vice transire nequit: Post verò humidior & lubricus factus, facilè per id foramen descendit:) Ex reticulo pergit cibus in Omâsum: Postremò in abomasum. Omnia hæc ob meliorem coctionem.

LI. 5. *Qualitas.* Ventriculo figura est rotundè oblonga, similis utriculo, cujus fistulas Oesophagus & intestinum annexum repræsentant. Capacissima est hæc figurarû, injuriis maximè resistens.

LII. 6. *Actio & Usus.* Officium ventriculi est, cibum potumque ex ore demissum excipere; virtuteque ingenitâ convertere in chylum. Eone chylo porro alatur ventriculus? an verò sanguine? disputatum est inter anatomicos. Nutrirî & refocillari utroque nos arbitramur: Chylo quidem, quia assumpto alimento cessat fames, quæ est ventriculi affectio: fames scilicet universalis, animalis: Sanguine verò: quia qualis cæterarum partium spermaticarum indoles, talis etiam ventriculi: Istæ verò sanguine aluntur: quidni ergo & hic? Hac alitione sedatur ventriculi fames particularis, quali quælibet alia pars item afficitur: Quælibet enim alimentum sibi conveniens appetit, coquitque.



M 2

EX-

## EXERCITATIO IIX.

quæ est:

De partibus Generatio-  
ni servientibus:

In primis

- I. De Testibus.
- II. De Vtero.

Resp. Christophoro Bertuch/  
Denstadio-Thuringo.

I. PRæsentem laborem dicabimus ap-  
paratui eorum membrorum, qui-  
bus absolvitur *ἔργον φυσικώτατον*, gene-  
rationis: & per quæ animalium species  
perpetuantur, productis perpetim no-  
vis individuis. Earum partium aliquæ  
communesunt utrique sexui: aliquæ  
aliter se habent in viris atque in fœmi-  
nis. Utrisque ferè communia sunt I.  
*Vasa preparantia*, quæ rudem futuri se-  
minis

minis materiam præparant: Venæ scilicet duæ, & Arteriæ totidem. Hæc eunt versus Testes. 2. Testes ipsi semen elaborantes & perficientes. 3. E Testibus exeunt *Vasa ejaculatoria*, seu *Deferentia*, quæ semen jam confectum, donatumque sæcunditate deferunt porro. Hæc *Vasa Deferentia*, in utroque latere singula, constant initio, medio, & fine, quorum quodque peculiari donatum est nomine. Et quidem principium in Viris faciunt *Parastata*, quibus sæminæ carent: Medium constituunt *Vasa Deferentia strictè dicta*, tam viris quam mulieribus communia. Finis est juxta vesiculas quas vulgus imo propriè, *feminarias* vocat. 4. Prostatae glandulæ duæ, in quas vasa isthæc, in exilem ductum coeunt, inseruntur.

Alterutri sexui peculiaris sunt, & viris quidem, 1. Penis, semen in uteri penitralia profundens. 2. Scrotum. Fæminis proprius est 1. Uterus, semen ejectum excipiens. 2. Sinus aut natura muliebri.

II. Univerſum harum partium catalogum ſcrupuloſius rimari, non eſt præſentis operæ. Duas, quæ hic familiari ducunt, ſeligimus & præſenti Diſquiſitioni ſubjicimus; Teſtes & Uterum.

### I. De Teſtibus.

III. 1. *Nomen.* Teſtes, ſive appellatos dicas quia de virilitate teſtimonium perhibent, ſive quod in ægrotantibus de morbo aut ſanitate teſtantur, non magnoperè nos pugnabimus. Alias nomenclaturas nō quærimus curioſi: quas qui petit, Ciceronem adito l.9. Epist. 22. Famil. Et Cœl. Rhod. l.4. C.7. Græcis ſunt ὄρχες: item δίδυμοι, quo nomine inſignitus fuit Tibicen quiſquam, qui ab his ſuis δίδυμοις ſuſpenſus fuit, ut legitur apud Rhodiginum d.l. è quo, quæ hac ipla de re habet Laurent. l.7. cap. 4. plenè exſcripta ſunt: Illud in Græcis monumentis (ait Rhodig.) relatum eſt: Didymon tibicen, in adulterio deprehenſus, ἐν τῷ διόμει-  
 τῳ ἐνερμάδῃ. Videtur id ſuſpendii  
 genus



genus familiare fuisse Græcis. Nam  
& ab Aristoph. in Pluto scribitur, τῶν  
δεχέων κέρειω. Addo & illud: præter-  
quam quod διδυμο, notent quamvis rem  
geminatam, articulos: adeoque gemel-  
los uno partu editos; peculiariter tamen  
à Constant. sic dici panniculum aut  
parietem intergerinū secludentem duos  
sinus, in quibus seorsim jacent Testes,  
prohibentē mutuā eorum collisionem.

IV. 2. *Situs.* Testium situs in viris  
foris est extra abdomen, sub ventre in  
scroto, involucri proprio, nemini non  
cognitus. Muliebrum Testium (ut &  
volucrum) statio est introrsum in cor-  
pore, in cavitate abdominis, supra ute-  
ri fundum in non gravidis. Quæ ute-  
rum gestant paulo aliter positos habent:  
Scilicet ibi ferè, ubi Ilium ossa ossi sacro  
committuntur.

V. De situ Testium quæstio est. 1. Cur  
viri coleos foris potius propendulos ge-  
stent, quam abditos intus? 2. Cur fœmi-  
næ intus potius quam foris.

VI. 1. Viris quod testes positi sint ex-  
M 4 terius,

terius, duas redditas invenio causas ab  
Anatomicis. 1. Ne vasorum spermati-  
corum longitudo & revolutio impedi-  
retur. Semen enim ad sui perfectionem.  
Indigebat coctione multijuga: quæ ne-  
quibat fieri in brevi ductu. 2. Ut partim  
castius, partim diutius viveret homo  
masculus. Nam quæ intus testes bruta  
gestant, ea tum salaciora, tum brevio-  
ris ævi sunt. Harum duarum causarum  
neutra firmo mihi fulcimine nixa vide-  
tur; arbitranti alias dari posse commo-  
diores.

VII. II. Cur mulieribus testes lateant  
in corpore; ratio item redditur duplex:  
una Laur. l. 7. c. 10. Reconditi (inquit)  
sunt fœminarum testes, ut essent cali-  
diores, magisque fœcundi. 2. Altera ab  
Anatomicis aliis ponitur; caloris igna-  
via, qua fœminæ laborant, non valentis  
protendere Testes foras, velut in viris.  
Sed neque ea magni sunt momenti,  
quod ostendere in discursu parati sumus.

VIII. Masculis foris, fœminis intus  
conditos esse globulos naturales, ejus-  
facti

facti causam ego hanc esse iudico: quod  
 Mas sit animal extra se & in alio gene-  
 rans: fœmina, animal generans intrâ &  
 in seipso. Mari igitur extra debebant po-  
 ni colei: uti forent vicinioresexterno il-  
 li, in quo debebat generare: fœminæ in-  
 tus, ut habeant eos intro in parato, pro-  
 ximè juxta uterum, generationis rece-  
 ptaculum. Hoc fuit in genere consilium  
 Naturæ in disponenda sede colearum.  
 Abs qua regula generalis excipiuntur vo-  
 lucres Mares, quibus similiter eadem  
 lex statuta foret, nisi obstitisset peculia-  
 ris ratio & singulare privilegium. Avi-  
 um natura est ut volatu pervolent aë-  
 rem. Id non possent commode, testibus  
 in sacculo ad uropygium dependen-  
 tibus.

IX. 3. *Substantia.* Inter partes testi-  
 um proprias primæ sunt. 1. Tunicae duæ,  
 investientes quemlibet sigillatim Co-  
 leum. Tertia eosdem à se invicem, ut re-  
 pagulum, sejungit. Priorum una est ex-  
 terior, quæ, si quidem tanquam siliqua  
 inclusas fabas, ita testes involvit, nomen

M 5 acce-

accepit ἐρυθροεῖδης, (alii ἐρυθροεῖδης malunt, à rubore:) secunda quæ est interior (Galeno hæc est δαρτὸς) valida & ipsa satis, Coleos ἀμείσας amplectitur, horumq; laxitatē cohercet. Muliebres Testes, quia ob reconditam positionem tali muni-mento non indigebant, proinde illis etiam denegata fuit secunda hæc tunica. Tertius quispiam ab his est panniculus membraneus, à plerisque silentio præ-teritus, quo mediatore & sequestro, duo testes à se invicem in sacculo suo discriminantur.

2. Tunicis ablatis prodit in conspe-ctum genitalis Testium substantia: quæ caro ne sit an glans? Carnea an glandu-losa? disceptatum est inter Anatomicos. De ea contròversia arbitraturus Laur. l. 7. q. 4. & l. 5. c. 3. differentiam aliquam constituit, inter glandem, glandosumq; corpus, quæ apud ipsum quidem legi poterit, apud nos verò non magni æsti-matur, qui utrumq; istud ne pilo quidē differre profitemur, adeoq; perinde esse; Testes glādes dicas, an glādosa corpora.

3. Non

3. Non defunt etiam Testibus Venæ, Arteriæ, Nervi. Istæ sunt propagines vasorum seminalium: Hi sextæ nervorum conjugationis. Ut ab istis nutritu & vitali vigore, ita ab his eccellente sensu beantur.

4. Postremo neque muscoli Coleis defunt; cuiq; suus, privo & peculiari titulo dicti *κρεμαστές*, id est suspensores, quoniam testibus inserti, sursum sublato eos, tractosq; quasi firmant, ne ab eisdem deorsum versus nimis veliantur vasa seminaria: Insuperque eosdem in congressu, retrahunt, quo contracto canali seminario, commodius pateat iter adventanti semini.

X. 4. *Quantitas*. Testium quantitas in magnitudine consistit & numero.

1. Magnitudinis mensura non aliter definiri potest, quam *ἐν πλάτει*. Oportuit eum pensilibus probè peculiatum fuisse, cujus Colei pependere dupondium, teste Satyrico: Ergo expectatos & iussos crescere primum Testiculos

M 6

post-



postquam cœperunt esse bilibres: Solent  
quandoque non esse similis magnitudi-  
nis: Sed modo dexter grandior sinistro  
modo hic illo. Tum qui major est utpo-  
te spiritibus abundantior, plus creditur  
conferre ad generandum quam minor,  
de quo paulo post pluribus.

2. In numero Testium non quoque  
nulla deprehenditur varietas: Consue-  
ta Naturæ lege utriusq; sexus individuus  
gemini dati sunt; quo merito *διδυμς* vo-  
cari diximus. Nonnulli per naturæ libe-  
ralitatem tres possident: alii ejusdem na-  
turæ defectu, vel per vim hoc peculio  
defraudati, aut unum solum acceperunt;  
aut nullum. Tribus testibus qui insignes  
sunt appellantur *Τετράχης*: qualis fuit fa-  
mosus ille Siciliae Tyrannus Agathocles.  
Talis patrum nostrorum memoria Ber-  
gomi Italiae oppido, fuit illustris familia  
Coleorum, commendata genitalem  
hoc privilegio, quod ex inde nemo  
prodierit masculus, nisi *Τετράχης*. A me-  
diis *διόχης*, ad alterum extremum abeunt  
Monocolei, qui quamvis dimidiam  
viri-

virilitatis partem perdiderunt, non tamen proinde sunt ad procreandum non apti; si quid credendum partim experientiae, partim testimonio *M. C. Ulpian.* §. de edicto aedilicio, ubi is rescripsit, *Sanum videri eum qui unum testem habet, quoniam posset generare.* Tales fuere Sylla & Cotta, teste Arriano ff. de re militar.

Porro qui omnem Coleatam supellectilem perdere. *Spadones* dicuntur, vel ab officio *δουλοὶ* quia lectulis in Gynæceo apponebantur custodes & ministri, ad observandam foeminarum pudicitiam; quamquam hodierni Turcae ne his quidem fidant, proinde iis demetant unà cum coleis hastam integram.

Præter hos reperiuntur quæis in infantili ætate testes attriti confractique sunt (quod in Italia pueris studiosè fieri videmus, ut frant procreationi inepti) eaque gratia dicti *θλιβίοι*.

Postremò quibus genitalia integra quidem manent, sed nihilominus ipsi inepti ad *ἔργον φυσικῶτατον* seu ob frigidam testium Intemperiem, seu inopiam

spirituum, seu alia causa, ii Jctis nominantur frigidi & maleficiati.

XI. 5. *Qualitas*. Figura coleorum oblongè rotunda est, seu Ovalis, ad effigiem lineæ ejusquam Geometræ Ellipsin indigetant.

Temperiem eorum quod attinet, Hippocrates dextrum testem lævo calidiorem humidioresque esse scripsit, (calor enim extendit) atque ea propter masculos è dextro, fœmellas ex sinistro *σπερμαλὲς ὁδῶν* seu ut capiam usurariam vocem ipsius senis, istum esse *ἀγερὸς ὄρον*; hunc *δυλὸς ὄρον*. Rationem pronunciati dabimus inter disputandum.

XII. 6. *Actio & Usus*. Ea quæ de usu & actionibus Testium litteris prodiderunt Anatomici, includi queunt sequentibus classibus.

I. Aristotelis sententia passim ora & chartas scriptorum (inprimis Laurent. l. 7. q. 2. opplet; quod ist triplicem testiū usum prodiderit: docueritque passim  
1. Testes facere motum seminis stabiliorem, dum ampliora reddunt vasa, suspen-

suspenſaque tenent dum abſiis dependen-  
 dent, haut ſecus ac telas textorum ſuf-  
 fulciunt ponduſcula appoſita. 2. Quod  
 juvent augeantque robur Cordis, dum  
 hoc ab iſtis tenditur. 3. Quod ſerviant  
 erectioni penis pondere ſuo.

In his tribus uſibus reſutandis, valde  
 operoſus eſt Laurent. Ego fateor, ſi non  
 alia, quam quæ hic proditur fuit Philo-  
 ſophi de Teſtibus ſententia, rectè & ge-  
 neroſè eum erroris convictum fuiſſe.  
 Verum ſum equidem certus, tum Lau-  
 rent. tum Argenter: tum alios inique &  
 præpoſterè Ariſtoteli hanc ſcabiem af-  
 fricaſſe, ab qua ille tam alienus fuit,  
 quàm qui alieniſſimus. Demonſtrabi-  
 mus nos loco & tempori, Ariſtoteli a-  
 trocem fieri injuriam, multoque præ-  
 clarioribus officiis eum addicaſſe te-  
 ſtes.

XIII. II. Aliorum eſt aſſertio Teſtes ad  
 ſeminis confectionem nihil operarum  
 conferre; ſed (1) illud ſolum liberare  
 ſalivali & ſeroſo excremento: velut  
 idem ſerum Renes detrahunt ſanguini.

(2) In-

(2) Insuper sustinere Epididymides in æquilibrio, & facere viam faciliorem viscoso semini. Sic docuit Cabrol. obs. Anat. cumque eo pauci alii. Et profecto non defuunt his argumenta neu numero pauca, neu robore infirma, quæ recensere quidem nimis foret prolixum; at enervare non tam nobis erit difficile.

XIV. III. Veram, principem, & nativam testium actionem esse, conficere semen secundum & genitale, promulgarunt Anatomici quique, tam Philosophi quam Medici excellentes, quæ nostra est, quam defendemus, sententia; eamque probatum imus talibus argumentis. 1. Quia testibus præsentibus illæsis seminis generatio viget: læsis aut absentibus cessat. Neq. Tauri, ab Arist. in exemplum allati, qui exsectis coleis tamen genuit; neque piscium testiculis destitutorum objectio quidquam facit adversus nos. 2. Quia testes crescente semine distenduntur; ubertim emissio flaccescunt: ut mamma lacte.

XV. IV. Alius est testium usus secundari-



darius, quo maximum momentum  
 conferunt ad indolem & mutationem  
 vocis, temperamenti, morum, & totius  
 habitus corporis. Eam varietatem sic  
 exponit Laurent. l. 7. q. 1. Nec latitudo  
 venarum ulla inest: Omnis denique li-  
 bidinis usus amorque exstinguitur: &c.  
 Castratorum carnes suavitatem quadam  
 gustatum oblectant. At integrorum e-  
 vomunt grave quoddam virus acerbis-  
 simi: De morum alteratione extat præ-  
 clarum illud Arabis Avenzoar: &c.  
 (Omnia hæc verbotenus descripta e-  
 Cœl. Rhod. l. 4. c. 7.) Si quæris causam  
 μεταμορφώσεως, geminam accipies à Lau-  
 rent. d. l. r. Testes quamvis nativatem  
 perie calidi non sunt, tamen calidos  
 esse ob semen contentum, cuius præ-  
 sentia totum corpus incallescit & furit.  
 2. Animalia non exsecta pluribus agi-  
 tari motibus: motu excitari calorem,  
 quem hebescere fecit quies: à calore o-  
 mnia excitari, vocem, mores, appetitum  
 & cœtera de genere hoc.

XVI. Hic n. plura que enarrata falsa.

2. Ratio-

2. Rationes quoque additæ futes & invalidæ.

1 Principio falsum, carere Eunuchorum venarum latitudine. Venæ quam ante castrationem amplitudinem habebant eam postmodum retinent. Non constringuntur aut contrahuntur instar corii ad prunas oppositi. Videntur saltem exiliores quamvis reverà non sint quia à reliquo opimiori corporis habitu obliterantur, & non tam se conspiciunt. 2 Falsum: Omnem libidinis impetum Eunuchis extinguí. Et autoritas Terent: Eun. a. 4. f. 3. Scalig. Ex. 304. f. 8. Martialis Epig. ad Gellium. Juvenal. sat. Claudian. ad Eunuch. adversum testatur: Et experientia reclamatione, teste Cabrol. obs anat. 3. Et Ratio falsimoniam arguit: quia in Eunuchis libidinis & desiderii causa, si non validior quàm in viris integris, saltem non minor: Adest enim illis salivalis humiditas, quam Laurent. ait à prostaticis, nos à vesiculis, suppeditari, & sanè copiose satis: tum quia materia ejus plenior, ob seminis absen-

absentiam, tum qui grandiores jam castrati, memores vitæ anteaactæ, impensius ruunt in denegata: Niti-  
mur in veritum semper, cupimusque negata. 4. Nimis dura & insipida locutio, à testibus in totum corpus evomi virus aliquod acerbitatis. Laurent. testes sæpè fecerat partem principem, & multa dixerat de eorum præstantia. At quo privilegio erat constituenda ea pars princeps, quæ venenum & virus in totum corpus evomit? Mollius potuisset vocare auram quandam virilem.

XVII. Culpavi quoque causam geminam spectabilis mutationis in corpore spadonum. 1. Non fit verisimile nudo calori hoc ascribi posse. Sequeretur enim corpora calidiora possidere omnia illa symptomata, nidorem carnis, gravem vocem, bonos mores, &c. Et frigidiora illis carere: quorum utrumque falsitatis convinci potest 2. Motus ille quo non exsecta crebrius quam exsecta agitantur, vel erit corporis, vel

vel animi. Si corporis; non video quid  
 Eunuchos impediatur ne æque crebro  
 moritentur quam integri. Abscissa qui-  
 dem illis est supellex virilis; pedes tamen  
 & crura servant integra; quibus æque  
 ut alii uti possunt. Si loquere de animi  
 motionibus, arbitror spadones pluribus  
 obnoxios esse, quam integros; eos im-  
 primis qui olim ante sectionem usi sunt  
 recula sua. Memoria iis refricat ante-  
 actas voluptates.

XVIII. Cum hæ rationes non suffici-  
 aum erenda est alia. Ex Testibus aura  
 quædam seminalis & fudorosa expirat  
 in universum corpus, velut ex cerebro  
 aura sentiendi, ex Corde aura vitalis,  
 non quidem peculiaribus canalibus de-  
 lata: sed per vasa spermatica in venas &  
 arterias, atque inde in reliquum corpus  
 momento expirans. Tentuissima enim  
 est & penetrans: sicut videmus Mercu-  
 rium multò graviolem, pedibus affric-  
 tum dentibus sese, penetrando, aggluti-  
 nare. Et spiritus etiam animalis vitalisq;  
 eò pertingunt quò nulli nervi aut arte-  
 ria.

æ. Ab hac aura fiunt symptomata illa  
aria. Abscissis testibus una tollitur au-  
a: undè mutatio illa in corpore.

## II. De Utero.

XIX. I. *Nomen.* Uterus Græcis est  
μήτρα, ὑτέρα, δελφύς, Μήτραν Laur. & alii ver-  
erunt Matricem, quod alii minus rectè  
eri scripserunt. Gazamque incusant,  
quod apud Aristot. hac Latina voce usus  
est. Arbitror tamen ego id vocabulum &  
Romanum esse, & hoc sensu servari  
posse. Pluribus autem rebus attribuitur:  
culturarum rerum scriptoribus, Colum-  
nellæ, Varroni, Palladio, Matrix uni-  
versim eadem est quæ mater: Interdum  
ovæ iis dicuntur Matrices: Interdum  
Nutrices infantibus alendis addictæ: de  
quibus intelligendum id Colum. Sint  
igitur matricæ robusti corporis, qua-  
rata, pectorosa, magnis capitibus. Et  
de volatilibus. Nam & octies uno anno  
ullos educat, si est bona matrix. Specia-  
lim verò Uterus matrix appellata est  
Plinio l. 27. c. 10. Radix præoniæ omnes  
ven-



ventris dolores sedat in vino &c. Matricem autem & Stomachum sanat, decocta in vino. Sic quoque Scalig. Ex. 131. l. 4. Et Cœl. Rhod. l. 4. cap. 23. Non barbarè, ( ait hic ) usurpari matricem ea parte, monemus, quandò & Julius Solinus Matrices nominat penetralia. Arist. l. 3. anim. cap. 1. distinguit inter *ὑτέρα* & *δελφύς*, & inter *μήτραν* quæ à Laurent. confunduntur: Sic scripsit, *Καλεῖται δὲ τῶν τὰ μὲν ὑτέρα καὶ δελφύς : ὁ δὲ καὶ ἀδελφὸς παρὰ τὸν γένεσιν. Μήτηρ δ' ὁ καυλὸς καὶ τὸ σῶμα τῆς ὑτέρας.* Apud Latinos reperias etiam vulva: sed hæc propriè est uterus suillus: Ex vulva verò suilla ferculum conficiebant Romani, ab Opitio & Horatio laudatum, itemque à Martiali. Scalig. Exer. 131. §. 4. vocavit uterum Favissam, eamque divinam, in qua naturæ thesauri conditi, ubi fuerit opus, depromuntur; & quæ jure optimo merita sit, ut alterum animal appelletur,

XX. 2. *Situs.* Sedes utero data est intra corpus. Rationem reddit Arist. l. 1. cap. 12.

ap. 12. gen. an. ἐτι ἐν ταύταις (fœminis)  
 τὸ γινόμενον, δεῖται φυλακῆς καὶ σκέπης καὶ  
 ψέως. Ὁ δ' ἐκ τῆς σάματος τόπος,  
 βλαπτὸς καὶ ψυχρὸς. Data est illi sedes,  
 in imo ventre; quia supremus medius-  
 que ex ossibus conflati, dum fœtus plu-  
 rimum augefcit, extendi nequiverant;  
 etque hinc periculum fœtui à suffoca-  
 tione: Insuper isthuc facilius fœtus jam  
 perfecti evocatio, & commodior co-  
 cundi proclivitas. Quam excogitavit  
 aur. 7. c. 11. causam, situs hujus, quasi is  
 commodior ad usum venereorum, quia  
 remotus est longè à facie & nobilissima  
 parte rationis, ea nobis non placet,  
 reddituris dissensus nostri occasionem  
 inveniendi loco. Porro non posi-  
 tus est uterus in latere, sed medio ven-  
 tre. Nimirum cum pars aliqua soli-  
 taria est, & conjugii expers, poni so-  
 let in medio, ne tam dextro quam si-  
 nistro lateri accidat commodior. Hic  
 igitur loci jacet Matrix inter intestinum  
 lectum suppositum, & vesicam uri-  
 nariam incumbentem, tanquam  
 inter

inter duo pulvinaria. Ecce illustrissimū  
locum, humanæ generationis, inter  
stercus & lotium : de quo argumentū  
elegantia habent Plin. l. 7. c. 7. & in pro  
œm. Picolh. præl. 9. l. 3.

Cervix Uteri connectitur partibus  
vicinis : Fundus liber est, immunis ab  
annexu, nisi quoad latera.

XXI. 3. *Substantia.* Uterus est pars  
dissimilariſ, cujus compagem ſequentia  
absolvunt.

1. Duo ligamentorum paria quæ ute  
rum ſuſpenſum tenent.

2. Substantia uteri, conſtat membra  
na (quæ communis dici ſolet) duplicata,  
& propria nulli alii parti ſimili.

3. Vaſa hic ſunt: Venæ, & arteriæ, &  
nervi. Venæ arteriæque ſe mutuo comi  
tantur, delatæ inter uteri tunicas: aliæq;  
ſupernè deſcendunt ad uterum : aliæ  
ſurſum eò aſcendunt. Per eas à reliquo  
corpore confluit ſanguis ad hos locos,  
& ſive veſtigal menſtruum pendet, ſive  
fœtui nutritum proſpicit, uterumque  
ipſum ſuſtinet. Nervi huc quoque  
plurimi

plurimi feruntur, quorum quod sit officium, jam alias diximus.

XXII. E partibus his componitur totus Uterus, qui distingui solet in fundum, os, & collum.

1. Fundus est illius cavitas amplior, in quâ fœtus formatur; angusta satis, quo quælibet seminis portio queat comprehendi: Non levis aut lubrica (ut externa superficies) ne elabatur semen, sed rugis aut sulcis asperioribus interpolata. Dixi cavitatem aut sinum unum esse, reipsa; quamvis ratione distingui aptum in duas quasi medietates, quas ἀναλογικῶς, respectu ad bruta facta, cornua indigitarunt plurimi, unum in dextro, alterum in sinistro uteri recessu. Enimvero antiquorum Physicorum fabulosæ traditiones de septem cellulis, & in harum quaque, decem aliis scrobiculis, qualium universim sint 70. in quibus totidem fœtus concipi & formari queant, hæc, inquam, sunt antiquatæ, & observationibus ocularibus refutatæ. Ad distinctos fœ-

N tus

tus generandos, cellulis opus non est : Sed quælibet seminis portio, peculiari membranula sequestrata in peculiarem prolem facessit.

XXXII. II. Os uteri à fundo proximū conforme Græcorū litteræ θ. est hiatus ille qui terminat uteri cavitatē: Nostribus mulierculis die Rose: Gallis le couronnement de la mere. Aliquando neq; directo speciat matricē, neq; omninò ad est: quo merito steriles manēt fœminæ. Creditur & proditur à scriptoribus post conceptū arctissimè claudi, ut vix, juxta Laur. aciem acus admittat Verūm id ab observationibus sedulis alienū: quæ docent aperiri in superfœtatione: uti & cū ejicitur corruptus fœtus unus, superstitē incolumi altero. Illud unū inter naturæ miracula meritò reponitur, quod quo magis accrescit fœtus, magisq; uteri substantia expanditur, eo magis crassescat, neque per extensionem hanc reddatur tenuior, sed corpulentior.

XXV. III. Collum, seu Cervix seu Canalis uteri, est quasi vagina, recipiendo vi-



do virili ensiculo dedicata: protensa ab ore interno usque ad externi pudoris sinum: substantia in juvenculis molliore, in vetulis crebro exercitatis duriore & ferè cartilaginea, distincta intus rugis quibusdam, quæ tamen & ipsæ temporis tractu, & usurpatione obliterantur.

IV. Notanda hic est (à Laur. præterita) Vesicæ insertio in collum uteri: quo urina per communem viam exturbatur.

XXV. V. Atergo ingressus vesicæ occurrit membrana Hymen dicta, quæ primo concubitu non sine sanguine rumpi consuevit. Generatim ὁ ὕμην est omnis membrana aut pellicula, ut oculorum, cerebri, & eæ quibus fœtus involvitur, sed κατ' ἐξοχὴν privo hoc nomine insignitur ea, quæ est virginalis pudoris repagulum. Laberius appellavit Eugium: Quare tam arduum ascendis? An concupisti Eugium scindere? Alioquin attribuitur & hoc nominis Deo nuptiarum Hymeneo.

N 2 XXVI.

XXVI.I. De Hymene duo quærentur  
 1. An verè detur in virginib. 2. Quid sit  
 Hymenem reperiri ordinaria naturæ  
 lege, negavit Laurent. l. 7. c. 12. Et q. 13.  
 Item Vlmus de Vtero mulieb. Paræus,  
 Capivacc. Idque ex Oribasio lib. Col-  
 lectan. Argumenta afferuntur talia à  
 Laur. d. l. 1. Puellas juvenculas & ab-  
 ortivos fœtus plurimos sectos ab ipso  
 esse: sed nullam talem inventam mem-  
 branam: 2 Naturam nihil facere fru-  
 stra. At nullum posse hujus membranæ  
 usum demonstrari: 3. Specillo nun-  
 quam fuisse deprehensam, immisso  
 quantumvis ad penitralia uteri. 4. In-  
 flatis folle externis pudendorum locis,  
 patere universam uteri cervicem, nullo  
 spectato repagulo. 5. Quin quoties re-  
 peritur, esse præter naturam, & mor-  
 bum organicum in vitiata conforma-  
 tione: haut secus atque ubi in primo  
 hostio pudendi caruncula nascitur, quæ  
 fœminas facit *argentes*.

XXVII. Non sunt hæc tanti roboris  
 ut in partes Laurentii trahere nos va-  
 leant.

leant. Cum flagitabunt Philiatrī eorundem solutionem, non renuemus æquis arbitris satisfacere. Interea de usu Hymenis (de quo arg. 1.) quia siluerunt plærique omnes Anatomici, hæc addo & moneo, videri mihi eum geminum. I. Ut occludat has sēmitas, sitque velut repagulum & frænum pudoris. Nec enim ante concubitus iustum tempus, decebat has vias patere. Multas partes alias ignobilioribus etiam officiis assignavit natura, quas tamen frustraneas dicere religio fiet. II. Ut sit character ac nota illibatæ virginitatis: quod è literis divinis confirmare facilè nobis erit, apud quas moris fuit linteamen primī Thalami novorum nuptorum velut indicium pudicitiaē ponere ob oculos parentum.

XXVIII. Atque hinc argumentum haut è postremis depromere nobis licet ab Autoritate scil. divini textus: qui sæpius præ se fert mentionem & assertionem signi virginitatis, sanguinei scilicet effluviī prima coitione, quod certè

N 3 aliun-

aliunde promanare nequit, nisi ex disrup-  
 ta hac tunica: Vid. Deuter. 22. v. 15.  
 & vers. sequenti: Ab testimoniis sacris  
 secundo loco stent viri Anatomici &  
 Medici, quorum omnium verba citare  
 ad testimonium non liquet, ne operas  
 has protollamus in nimiam prolixita-  
 tem. Idem nobiscum docent & censent  
 Avicenna: Averrhoes: Nicol Floren-  
 tin. in sermonib. Fallop. Vesal. Aqua-  
 pend. Casserius: Picolhom. Al. Bene-  
 dict. Wierus: Columbus: Bauhin. Si-  
 gillatim notandi sunt Scalig. Exerc. 175.  
 n. 1. & non ita pridem Adr. Spigel. l. 8.  
 c. 1. qui ridendos scribit eos, quorum  
 sententia è natura hymenem eliminat.

XXIX. Quia hujus rei positio & or-  
 dinis, à priori quidem ægrè demonstrari  
 per rationē potest. cogimur cōtenti esse  
 Experientia, quā à posteriori solisq; adeo  
 observationib. Anatomicis petita usur-  
 pamus: nisi fors huc vocare quis malit ra-  
 tiones ab usu hymenis desumptas Thef. 27.

XXX. Nunc porro igitur quid dice-  
 mus esse hymenem? Aliquos si interro-  
 gas,

gas, audies esse Centonem efformatum  
 ē quinque venis, circa medium colli  
 uterini hinc & hinc insertis, sic ut dex-  
 trarum oscula copulentur cum sinistris.  
 Hæc fabulis & somniorum interpreta-  
 mentis ascribimus: Neque fidi nostri  
 in Anatomicis Doctores oculi ac manus  
 quidquam tale nobis ostendunt. II. Fer-  
 nel. Ulmusq; ajunt latera colli uterini  
 arctè invicem committi & conglutina-  
 ri, quibus distentis rumpantur vasa illac  
 percurrentia. Etiam hæc divortium fa-  
 ciunt cum experientia: quæ common-  
 strat, in teneris imis puellis, colli cavitatem  
 esse explicabilem, neq; latera adhæ-  
 su aliquo consociari. III. Alii finxere  
 tunicam quandā perviā multis forami-  
 nulis, ad instar cribri, in infima colli par-  
 te. De tunica quidē illa assertio benè ha-  
 bet: At de cribri formi pertusione meræ  
 sūt affaniæ. IV. Pinæ 9 & hujusmodi Laur.  
 statuunt quatuor Carunculas myrtiformes  
 absolvere integritatē Hymenis. Ast  
 verò inter istas carunculas & inter hy-  
 menē prolixū est discrimen. Hymen est



membrana: Carunculæ sunt corpora alius indolis & generis: ita fitæ ut quadrangulum conficiant, instructæ membranulis quibusdam, quas unâ cum carunculis Pinæus Valvulas appellat: aliæ à figura myrtiformes, Hymen expungitur novis nuptis. Carunculæ istæ perseverant ad ultimam senectam.

XXXI. Hymenis igitur constitutio talis est: situs est in Uteri collo à tergo mox post insertionem vesicæ; ita discludens hanc cavitatem ut Diaphragma Thoracem: Substantia illi partim membranea, partim carnea: neque tamen admodum crassâ: venulis multis referta, quas prima coitione ruptas & dolor & sanguis consequuntur; major quidem juvenculis: minor adultioribus.

XXXII. 4. *Quantitas.* Magnitudo Uteri consideratur in longitud. latitud. crassitie. Omnia hæc variant præ ratione corporum, ætatis, veneris. Numero unus est, solita Naturæ constitutione. Per errorem aut morbum etiam sine utero fœminas vitâ tolerare posse, *Ægineta*

neta auctor est : ὅλη γὰρ ἡ μήτρα πολλαὺς  
 ἰσορεῖται ἀφαιρεθῆναι : καὶ θάνατοι ἐπὶ τούτοις μὴ  
 γινώσκει. Ad individui conservationem  
 non est necessarius Uterus, sed solum  
 ad propagandam speciem. De Utero  
 sæpius ablato superstite fœmina testan-  
 tur præter Aërium Rhases, Nicol. Flor.  
 Langius Epist. Christ. à Vega alii que.

XXXIII. 5. *Qualitas.* Figura Uteri  
 est pyriformis, aut instar cucurbitulæ :  
 rotunda quidem, sed aliquantum lon-  
 ga. De Temperie ejus integrum librum  
 conscripsit Ulmus, qui poterit con-  
 sulì.

XXXIV. 6. *Actio & Usus.* Qui  
 docuerunt hominem alibi generari pos-  
 se, quam in homine, illi nullam agno-  
 verunt actionem, nullum usum Uteri.  
 Inter hos præcipuus fuit Avicenna, qui  
 lib. de diluv. teste filio Rhod. 18. Phys. &  
 Cæl. Rhod. l. 2. c. II. scribit & probat,  
 hominem ex terra etiam gigni posse,  
 adeoque frustraneum esse Uterum. Ad-  
 dit argumentum : quia multorum bru-  
 torum ex limo origo est : undè liquet

N 5 terræ

terræ inesse vim generandi. Cur igitur non produceret etiam hominem? Cœlius rectè & eruditè respondet, hominis & perfectorum animalium generationem esse operosiores multoq; postulare plura quam insectorū, adeoq; nō posse absolvi à sola vi siderum, & terræ aptitudine. Averrhoes ex professo pugnat adversus Avicen. tali ariete: Si homo è terra generatur extra uterū ut vermes, id vel est necessarium, vel fit crebrò, & ex parte majori, vel fit rarò & ex parte minori. Non est necessarium: alioquin homo nunquā gigneretur ex semine, si qui dem necessario foret ex terra. Nō ut plurimū aut ex majori parte, quia sic oporteret rarò hominem ab homine gigni, & sæpius è terra, quorum utrumque falsum. Non demum raro aut minori parte, quia sic homo produceretur catu: eademque inveniretur species & naturā producta, & simul casu, quod haut minus *ἀλογον*. Aurelius Paracelsus eandem ex orco repetit doctrinam, prodens homunciones posse excitari è semine

mine quidem, sed absque. Uteri suppetiis, immisso in Athanorem atque inibi lento calore elaborato. Hæc phantasmata nō sunt digna ampliori refutatione

XXXV. Nos Matricis actiones & usus hujusmodi ponimus. I. Seminium allicere, retinere, fovere, atque excitare vim illius formatricem, ut exinde fœtus generetur. Est quippe instar Soli, cui fœcundum semen conceditur, quod postmodum adolescit in maturam plantam. II. Sanguinem suppeditare formando fœtui, quo hic nutriatur, augeatur, perficiatur. Neque enim uterus saltem continet, sed & alit fœtum, providetq; commodâ alimoniâ. III. Vætigal fœmineum menstruū, extra cōceptionem coacervare, statq; tēpore emittere foras.

XXXVI. De motu Uteri peculiaris est disceptatio. Laur. l. 7. q. 9 triplicem eum facit, unum omninò naturalem. 2. Planè symptomaticum. 3. Mixtum. *Naturalis* is dicitur qui est versus inferiora: dum semini obviam procedit: dum excludit fœtam & secundinas:

N 6

Sympto.

*Symptomaticus* spectatur in hysterica suffocatione, qua sursum movetur & convellitur, quâ item respiratio intercipitur, sublati hujus causis finalibus, organicis, efficientibus: Finalibus, quia respirationis nullus ibi usus: utpote per exiguo Cordis Calore, contenti solâ transpiratione: Organicis & efficientibus: quia Diaphragma premitur & cerebrum rapitur in consensum. *Mixtus* statuitur qui partim à facultate naturali, partim causa morbifica excitetur; quo Uterus nimis siccatus & sitiens currit ad *hepar* *ἡπαρ*, fontem sanguinis.

XXXVII. Non ego hæc vocabo ad *ἀκρόβειαν*, aut severius examen. De pauculis solum dicam & brevibus; Tertius ille motus mixtus; (ut ab hoc auspicer) qui est ad *hepar* *ἡπαρ*, nullus aut imaginarius planè est, recteque rejectus à Gal. 16. La. c. 5. Rationes isto loco legi poterunt. Nostræ hæc sunt. 1. Uterus frustra & irrita facultate naturali ascendit ad jecur: quum id nunquam contingere valeat. Impedimento sunt par-



tes interpositæ , quæ prohibent hunc contactum. Jam si neutiquam tangit, quomodo ab eodem impetrabit sanguinem? 2. Verum tangat sanè! Nihil commodi indipiscetur ab eo , nisi per medias venas. Sed suo manens loco, æquè per venas impetrabit sanguinem. 3. Cur potius ad Epar confugiet Uterus, quam ad membrum aliud, impetrandi sanguinis gratia? quum neque intellectu polleat, neque vel guttam sanguinis in Jecoris carne inventurus sit? 4. Cur non eadem ratione cæteræ omnes partes inferiores exsiccatae & inanitæ ad Jecur *impulsi* confugiunt.

XXXVIII. Medius seu secundus motus uteri symptomaticus, plurimis ornatur absurditatibus. Certè non ascendit nisi quantum per ligamenta illi licet exorbitare. Ad Diaphragma autem & pulmones usque nunquam laxari ligamenta queunt: neque id fiunt partes interpositæ vicinæque. Uterus premit intestina proxima: hæc

N 7 ven.

ventriculum : hic porro Diaphragma;  
hoc demum pulmones : Hinc respi-  
ratio non immediatè , sed interven-  
tium partium adjacentium impeditur ab  
Utero.

XXXIX. Existimamus nos unum  
esse Uteri motum , qui ejusdem possit  
dici actio naturalis : & ipsum natura-  
lem ; quo semen allicit , & quod  
intra se onus habet , excludit. Re-  
liquos motus vel fictitios esse ,  
vel præterna-  
turales.



## EXERCITATIO IX.

quæ est:

*I De Thorace in genere.**II Sigillatim de partibus continentibus  
Thoracis.*

quales sunt:

*I. Mamma. 2. Musculi 3. Pleura. 4. Mediastinum. 5. Diaphragma.**Resp. Christophoro Baugman/  
Erfurt. Thuringo.*

## I. De Thorace.

**I. P**ervenimus ad ventrem Medium,  
qui Thorax est appellatus, regio-  
nem illam corporis, quæ est idea primi  
& perpetui mobilis.

**II. 1. Nomen.** Thoracis vox πολύσημος  
est, significans 1. Quodlibet pectoris  
operculum, seu togatum seu mili-  
tare: Juven. *Viridem Thoraca jubet  
afferri*; Varg. *Thoraca simul cum pectore  
rupit.*

τηρί. Ἀπὸ τῆς θώρακος est Græca vox  
 θωρησένεός armari (arma n. Thoraci cir-  
 cumponi familiariter solent:) Itemque  
 vino impleri, unde θώρηξις apud Hipp.  
 in aphor. vocabulum celebre, idem no-  
 tans quod liberalior meraci potatio  
 (Galen. exponit *δινοποσία*) Theogn. θω-  
 ρηχθεὶς δ' ἔσται πολλὸν ἐλαφρότερος; Bene po-  
 tus multo eris hilarior; scilicet à vino  
 incalescit pectus, distenditurque, & re-  
 dit in præcordia virtus 2. Thorax est to-  
 ta corporis compages, inter caput &  
 inguina, sepositis artubus & capite. Ita  
 venter infimus, in præcedentibus ex-  
 aminatus, ad Thoracem pertinet. 3. Hoc  
 loco Thorax nobis est illa corporis re-  
 gio, quæ caput & abdomen interjacet,  
 costis undiquæ propemodum ambita, à  
 ventre distincta: Laurent. l. 9. cap. 1. ex  
 Cœl. Rhod. l. 25. c. 9. Thoracem dictum  
 refert, *παρὰ τὸ θεῖον ἀρεῖν*, quia continet  
 quod in nobis divinum est, scilicet τὸ  
*διανοητικόν*: Sed hanc etymologiam jam  
 pridem explofit Gal. l. 3. c. 5 plac. Hipp.  
 Plat. Mihi vero inepta videtur, quia

non consentit cum re ipsa. Nam τῷ  
 διαορυτιῷ sedes non thorax, sed caput,  
 est: In cerebro enim ἡ νόσος: In thora-  
 ce ζών: In ventre σπένς. Dicatur igi-  
 tur Thorax seu à σπέν, salio, quia cor sa-  
 lit in Thorace: seu aliunde: eam curam  
 relinquimus Grammaticis. Latina vox  
 Pectus est, quæ licet ipsa diversimode  
 accipiat, hic tamen idem nobis signi-  
 ficat, quod Thorax acceptione tertia.

III. 2. *Situs.* Thoracem collocatum  
 esse in media corporis compage, recte-  
 que dici ventrem medium, tum stru-  
 cturæ, tum situs ratione; addita etiam  
 hujus appellationis causa, scilicet, ut ca-  
 lorem nativum in singulas corporis  
 partes diffundat æqualiter, id vero post  
 alios Laurentius l. 9. c. 1. & post hunc alii  
 libris suis anatomici promulgarunt. Ut  
 ut appellationem transire patiar: Ratio  
 tamen appellationis mihi non videtur  
 esse magnæ vel subtilitatis, vel proba-  
 bilitatis. Si rem vere intuearis, Tho-  
 rax Medioximum corporis, præcise  
 loquendo, non est. Nam à cruribus

&



& pedibus multo longius abest, quàm à capite: Alibi indicatum à nobis est, diverso respectu aut umbilicum esse centrum corporis humani, aut pudenda: & proinde alterutrum horum æqualiter abest ab extremis. Thoraci id tribui nequit. Tamen se postis artubus, si truncum corporis vel mente, vel oculari conjectura, vel circino discriminari in tres æquas partes, deprehendes par spacium occupari ab capite, thorace, & ventre infimo: atque ita Thorax medius est situ; æqualis longitudine cæteris duobus. Ratio autem appellationis petita ab æquali diffusionem caloris in partes omnes, mihi sane non satisfacit, ob hanc causam. Etiam si Thorax non foret medio loco, sed supremo, tamen nihilominus potuisset derivare calorem in omnes partes æqualiter. Annon enim id facit cerebrum, emittens vim animalem undique, licet suprema sede locatum? Annon id facit cor, impertiens etiam pedum digitis calorem, quamquam longius ab his, atque à capite remotum?

IV. Posi-

IV. Positus hujus Medii consilium à natura initum mihi fuisse videtur geminum. 1. Thorax est prope cor: Cor est officina spiritus & sanguinis vitalis. Hi, sine aëre externo per spirationem attracto & expulso nec generari, nec conservari possunt. Debuit ergo cor vicinum esse ei membro, per quod aëri patet ingressus. Illud est Os. Igitur oportuit Cor locari non procul ab ore, seu capite. 2. Si inter Thoracem & caput consisteret abdomen, & thorax esset reiectus ad locum humiliorem, annon excrementa sicca humidaque, coloniam cordis pertransitura, fœtore suo conspurcarent, & collutularent vitales spiritus? cui damno & incommodo prospectum oportuit.

Hoc pacto jam proxime infra caput positus Thorax, hanc habet circumscripti-  
ptionem: Superius terminatur capite, antè pectore & sternum, posterius dorso & vertebriis: à latere utrobivis XII. costis, inferius cartilagine scutali & diaphragmate.

*V. 3. Substantia.* Thoracis substantiam mediæ ferè esse naturæ, omnes fatentur; partim osseam, partim carneam; Osseus sc. est, ut stabile stabulum, & firmam in eo mansionem habeat cor: Carneus, ut pro re nata in ducendo spiritu extendi posset & contrahi.

Partium è quibus componitur, geminus est ordo : aliquæ sunt ambientes, aliquæ ambitæ. Ambiunt & cavitatem & viscera thorace conclusa, præter cuticulam, cutim, pinguedinem, panniculum (de quibus in præcedentibus tractatum fuit); Mammæ, Musculi, ossa, cum cartilaginibus: Membranz: Diaphragma. Ambitarum aliæ aërem præparant, ut Pulmones & Trachæa; aliæ sanguinem & spiritum vitalem faciunt, & deferunt ut Cor, pericardio inclusum, & arteriæ impositæ thymo velut fulcro: aliæ sunt veluti canales, hac transeuntes & pertingentes ad ventrem infimum, ut Oesophagus, aspera arteria.

*VI. 4. Quantitas.* Cur homo Thorace  
am-

amplo & lato, cætera animalia angu-  
 stiore donata sint, explicat Aristor. lib. 4.  
 part. anim. c. 10. *Τὸ σῆθος τοῖς μὲν ἀνθρώποις*  
*ἔχον πλάτος διόγως;* &c. Sensus est: Ho-  
 mini datum est pectus amplum, brutis  
 angustius, quia nulla erat necessitas pec-  
 ctus hominum coarctari, siquidem non  
 debebant primum gestare thoracem,  
 aut manibus ingredi. At bruta debe-  
 bant: non poterant autem commode,  
 nimis amplo, lateque expanso pectore.  
 Brutis ergo pectus fuit redactum in an-  
 gustias, & ut habet Plin. lib. II. c. 37. Cari-  
 natum factum, ob commodiorem in-  
 cessum: Tum porro quia hæ angustiae  
 non erant capaces continendis uberi-  
 bus, hinc factum, quod bruta ubera lo-  
 cata habeant alibi: Homines vero in  
 thorace satis capace Quam Laurentius  
 affert rationem amplitudinis pectoralis  
 d. l. ut scilicet spaciosior pulmonibus, &  
 cordi relinqueretur capacitas: quia aëre  
 & spiritu locuplete indigebat homo: ea,  
 inquam, causa bona non est. Nam eo  
 fundamento oportuisset brutis datum  
 multo

multo latius pectus ; siquidem vocem edunt grandiore, & aërem reciprocant copiosiore: quæ tamen exequuntur angustiore thorace.

VII. 5. *Qualitas*. Figura Thoracis ad rotunditatem inclinatur, intus concava velut fornix: neque tamen perfectè Sphærica, sed compressior, & in longum exposita: capax tamen, in qua pulmo & Cor liberrime se movere possunt.

VIII. 6. *Actio & Usus*. Usus Thoracis præcipui sunt. 1. continere viscera vitalia. 2. in aëris reciprocatione contrahi & extendi 3. variè inflecti.

## II. De Partibus Thoracis in specie. I. De Mammis.

IX. 1. *Nomen*. Apud Latinos Mamma *μαῖμα* usurpatur, 1. pro Nutrice quæ mammas præbet, seu ea conductitia sit (Germ. Amme quasi Mamma) de qua intelligendus Mart. l. i. Mammas atque Tatas habet Afra, sed ipsa Tatarum dici ac Mammarum maxima Mamma potest:  
Sive



Sive genetrix ipsa : unde fors infantes  
 nostrates matres suas vocant Μῦν me  
 vel Μῶν me / sicut patres , Ἀττε vel Τατε  
 ( nam Tata pater est priscis ) aut etiam  
 Avia , id est patris , vel matris mater.

2. Hoc loco significat Mamma eas Tho-  
 racis partes glandulosas, quæ prominu-  
 læ sunt lactis conceptrices , non solum  
 in hominibus , sed & brutis : quamvis in  
 brutis peculiari nomine antiquis usur-  
 patum quoque sit Rumen, Rumis, Ru-  
 na, de quibus Plin. l. 15. c. 19. Mammæ,  
 seu ubera , Catullus etiam Nutrices vo-  
 cavit, Nutricum tenus extantes è gur-  
 gite vasto. Hanc secus apud Græcos  
 αἵμα non solum in genere est quicquid  
 est elevatum instar tumuli ; sed etiam  
 peciatim notat, 1. Altricem, quæ αἰζον  
 πῆχη, 2. Has de quibus agimus, particu-  
 las, quæ & ipsæ iisdem dicuntur τίτθοι,  
 unde Germanica vox, omnibus nota.

X. 2. *Situs.* Ubi mamma sita sint, quis  
 tam rudis est, aut hospes qui ignoret?  
 Tamen causa positus non omnibus æ-  
 què innotuit, Arist. l. 4. p. an. cap. 10. in  
 pe-

pectore collocatas autumat 1. διὰ τὴν  
 ὀχλοῖαν. 2. διὰ τὸ σκεπάζεσθαι τὰ περὶ τὴν καρ-  
 διαν: quibus adde 3. quoniam eò uberri-  
 mus influit sanguis per pectorales ve-  
 nas, materia lactis. 4. ob copiam caloris,  
 locus hic lactis generationem insigni-  
 ter potest promovere 5. Ex Plutarchi  
 sententia, ut mater possit foetum lactare  
 juxta ac amplecti.

XI. 3. *Substantia.* Mammarum com-  
 pagem constituunt sequentia (præter  
 communes Thesi. 5. dictas) 1. papillæ ge-  
 minæ in geminis mammis: visæ tamen  
 sunt duæ in una mamma, sed per natu-  
 ræ exuberantiam, ut duo pollices in una  
 manu. Caro est rubicunda, foraminu-  
 lenta, spongiosa ad effigiem mori: colo-  
 re admodum varians: sensus exquisiti:  
 per quos tubulos aut Siphones, lac in  
 commodum infantis exsudat. 2. Vasa  
 triplicia, Nervi; Arteriæ, quamvis non  
 usque adeo notabiles; qua causa Vesali-  
 us, & alii de earum præsentia dubita-  
 runt. Venæ, sanguinem advehentes.  
 3. Glandulæ in foeminarum uberibus

sem-

semper, in marium, interdum præsto sunt. Harum constitutio fungorum ad modum sequax est & rara, ipsæque multiplices & numerosæ, neque cohærent invicem. Aliquæ parvæ ἡμισφαίριον, adnatæ Thoracis musculis. Una cæteris major ad papillæ radicē. Omnes miris vasorum sanguineorum ductibus intertextæ. Glandularum officium est sanguinem commutare in lac, velut coleorum, ex eodem sanguine conficere semen. Qui igitur mares glandulosas mammas nacti sunt, ut fœminæ, quid ni verum lac generent, ut fœminæ?

XII. 4. *Quantitas.* Binæ sunt homini mammx, animalibus cæteris plures. Et cur binæ solum? Respondet Laurent. l.9.c.2. quia geminos tantum fœtus ex naturæ præscripto mulieribus licet edere. Ratio futilis falso nitens fundamento. 1. Ex naturæ præscripto sæpius singulos, quam gemellos fœtus edit fœmina: Ergo satis illi fuisset una mamma 2. Ex naturæ præscripto plurimæ fœminarum, imprimis Scoticæ,

O      ternos

ternos pariunt, neq; tamen acceperunt nisi mammas geminas. 3. Ex naturæ præscripto bruta multo plures gignunt catellos quam nacta sunt ubera. Misera igitur & imperfecta horum indoles. Quod geminæ sunt mammæ datæ hominibus, id factum arbitror. 1. Ob commoditatem loci & ornatum, dum una quæque quodlibet latus decore stipat. 2. Ob validiorem operationem. 3. Quia una non sufficeret, & insuper ineptitudinem adderet thoraci, plures forent frustra. Militant hic eadem rationes, quæ pro binis oculis, manibus, pedibus, cruribus &c. Hæc de numero.

Magnitudo mammarum certa determinari nequit, crescunt ætate crescente: In senibus flaccescunt. Americanorum uxores tam luculentam & prolixam hanc habent supellectilē, ut à tergo gestati infantes, reflexa super humeros & dependentia matrum ubera facile apprehendant, sugantque. Verus est dictum; Non annosa, non mammosa, non bibosa, non procax: quod non  
displi-

displicet Martiali : Mammosas metuo,  
teneræ me tradepuellæ.

XIII. 5. *Qualitas*. Figuram mammarum exprimunt nomina, quibus ab auctoribus insigniri solent, dum appellant Sphæulas, orbiculos, poma, monticulos. Globosæ factæ sunt potius quam quadratæ aut triquetra, ob hujus figuræ perfectionem & capacitatem, de qua prolixius Mathematici.

XIV. 6. *Actio & Usus*. Cum & viri mammæ habeant, & fœminæ, quæritur an idem utrisq; officium? Laur. l. 9. cap. 1. scribit, Mariû mammæ imperfectas esse datasq; tum ob alias causas, tum ne gloriaretur mulier, se mammæ habere, quas Natura viris non concessisset. Certe est, hic unde quis litare queat risui. 1. Mirum ni & Jupiter viros faciat uterigerulos, & ni illis protenus etiam apponat vasculum excoctorium generis humani, ne qua mulieri occasio sit gloriandi & se supra viros magnificè efferendi. 2. Cui deest aliquid, quod alteri datum est, si id protenus  
im-



imperfectiois arguendum, jam ipse  
 Laurent. & virorum genus omne im-  
 perfectum, mutilum, mancum est præ  
 fœminis.

Mammæ viris & mulieribus multi-  
 pliciatque optimo sunt usui. 1. Circum-  
 vallant pectus, & cordis regalem sedem.  
 2. Exornant, aspectuque decorum red-  
 dunt corpus. 3. Promoveant delicias na-  
 turalium voluptatum: non tam quod  
 acuto tactu sint præditæ, ut plærrique  
 censent, quam alia interiore causa.  
 4. Mulieribus privatim serviunt, in ab-  
 sorbenda superfluatorum humorum pro-  
 luvie, quibus eæ peculiari quadam na-  
 scendi sorte destinantur. 5. Sed ut vere  
 dicam, secundarii sunt fere hi usus. Præ-  
 stantissima & princeps mammarum  
 actio est generatio lactis, quam natura  
 ordinavit in nutricatum fœtu, noviter  
 in mundum nati. Is, quam diu clau-  
 stris materni uteri sepitur, seu potius se-  
 pelitur; pro cibo ac potu ei est sanguis.  
 Simul ac in lucem prodiit infans, san-  
 guis ille ad uterum commeari solitus,  
 mam-

mammæ petit, quarum virtute dealbatur per minimum naturæ lulum, ut gravior veniat esca, & non tam abominabilis. Horrendum enim est sanguine vesci. Revera tamen nihil aliud est lac, quam dealbatus sanguis.

### III. De musculis Thoracis.

XV. Ablatis manibus, conspiciunt Musculi, quorum triplex in thorace est series. 1. aliqui anteriores. 2. aliqui laterales. 3. aliqui dorsales vel postici. Faterur Laurent. l. 5. q. 7. à nulla re non tota Musculorum historia magis legeretur, quam ab his Thoracis Musculis. Id verum est. Nam in diversissima hic abeunt Anatomici. Alii numerum, alii appellationem mutant. Alii partem illorum Thoraci, partem artubus ascripserunt: partem detruxerunt ad peculiarem tractatum. Ne nos hæreamus in simili luto, operæ precium erit, omnes Musculos Thoracis in talem ordinem redigere.

O 3 Tho-

Thoracis circumferentia seu ambitus, cum comprehendatur quatuor Regionibus, Anteriore, postera, duabus lateralibus, in qualibet harum musculi reperiuntur. Princeps verò Thoracis actio, consistit in aëris reciprocatione, quæ absque motu non peragitur. Thoraci vero astantes partes, quia & ipsæ variis motionibus impelluntur (qualis cervix, scapulæ, humerus,) proinde hic loci ipsæ quoque locatos habent suos musculos.

XVI. Ut igitur evitemus confusio-  
nem, omne musculorum genus sic par-  
timur.

I. Musculi sequentes serviunt Tho-  
racis motui primario, qui absolvitur (1)  
Respiratione, in spirando & exspirando  
eique dicatum est Diaphragma, & musculi  
bis xi. intercostales in quoque latere,  
tam interni quam externi: (2) Exten-  
sione, quorsum faciunt tria paria 1. par  
dorsi longissimum in parte postica Tho-  
racis. 2. Semispinatum ibidem in medio  
dorso vertebrae spinæ incumbens. 3. Sa-  
cro-

crolumbum, & ipsum in dorso ad latera spinæ (3) Flexione, & (4) Circumductione, quas & faciunt Musculi, in ventre extra Thoracem positi dictiq; vulgo M. Abdominis, de quibus vide exerc. III. Hi (inquam) Musculi movent Thoracē primario. Secundariò idem faciunt duo alii. Quadratus & Sacer, qui quamvis ad lumbos pertineant, tamen motis lumbis Thoracem etiam *δευτέρως* impellunt His omnibus adde Musculum subclavium, cuius officium singulare est, Claviculam sursum cum scapula motam, iterum deorsum trahere, & restituere suæ sedi.

Præter hos enumeratos Musculos, Thoracis motionibus dicatos, in Thoracis ejusdem parte tam postica, quam anteriori, & lateralibus, observare est alios plurimos adhuc musculos, sed eos non Thoraci verū vicinis membris movendis inservientes, ut scapulis & humero, estque eorundem hæc ferè series.

II. Scapulas varie impellit Par 1. Cu-

O 4

culla-

cullare dictum. Par. 2. attollens, eadem elevat. 3. Par Rhomboides, retrorsum easdem ducit. Paria 4. & 5. ferratum minus, & ferratum majus, scapulas trahunt versus anteriora: istud sursum, hoc deorsum.

II. Humerum in anteriora ducit. 2. Deltoides sublevat in altum. 3. Latissimus abducit retrorsum. 4. Rotundus, ad viscera deprimit 5. & 6. 7. In orbem agunt super scapularis superior: Superf. inferior; & subscapularis. Plerique horum in dorso, aut sub humeris positi: Pauci anterieus: sed quia ad superiores artus propriè pertinent, consilium est, eos hinc transmittere.

Superfunt hujus proprie loci Musculi 1. Intercostales. 2. Dorsi longissimi 3. Semispinati. 4. Sacrolumbi. 5. Subclavius. 6. Diaphragma: de quibus paucula:

XVII. (1. *Nomen.*) Musculi intercostales μεσώπλευροι. (2. *Situs*) media costarum spacia explent, & binis quibuslibet



libet costis interseruntur, quæ cum sint  
 XII. in quovis latere, erunt spacia inter-  
 media, seu hi Musculi XI. utrobique: Liq;  
 adhuc duplicati: quidam externi, qui-  
 dam interni. Externi in superioris costæ  
 partem superam; Interni è contra; adeo-  
 que fibras positas habent ad effigiem li-  
 teræ Græcicæ x. (3. *Subst.*) Carneä to-  
 ta est moles horum musculorum (ten-  
 dines enim angustia loci non patieba-  
 tur) fibris locupletibus interstincta,  
 quorum positus, ut dixi, fit decussatim.  
 (4. *Quant.*) Parva quidem est omnium  
 moles: sed longitudo exilitatem recom-  
 pensat. Sunt vero numero universum  
 44 Ne vos moveat, quod à nonnullis  
 plures videatis numerari, & pro singu-  
 lo latere addi adhuc 12. ut multitudo ex-  
 crescat ad 68. Qui talem posuerunt cal-  
 culum, decepti sunt duabus causis: 1. Ju-  
 dicarunt peculiare esse musculos, ab  
 externis, internisque distinctos, qui in-  
 farciunt cartilaginea costarum intersti-  
 tia. 2. Cum intuiti sunt fibraß inter car-  
 tilagineas & inter costales, deprehen-

O s derunt

derunt nonnullum inter utraq; discrimen, unde & muscutorum diversitatem concluderunt. Quoad 1. quos putarunt distinctos, novissime Musc. inter cartilagineas, ii sunt saltem excursions aut caudæ internorum intercostalium, quæ usque ad os pectoris se extendunt, necubi ibi aliquid vacui spaci intercederet, sicque opplent interni interstitia illa refidua, relictaque ab externis. Ad 2. Differentia positus fibrarum non dependet aliunde, quam ab inclinatione muscutorum internorum, dū hi se obliquant, & ingerunt cartilaginibus. (5.) *Qualitas*) Figuram habent oblongam, ad effigiem costarum quibus adjacent.

XVIII. (6. *Actio*) Quæ propria sit Muscutorum intercostalium actio, quisve usus, nondum penitus conclusum video inter Anatomicos.

1. Qui explendis solum spaciis servire dixerunt, eorum jam pridem explosa est opinio. Frustra enim essent fibræ ad eò diversæ, tot membranæ, tantus, tamque ordinatus eorum numerus;  
Nam

Nam & rudis caro hanc suffarcinationem explevisset.

2. Piccolhom. & C. Bauhin. profitentur inter costales omnes ob unam Thoracis & costarum depressionem primò comparatos.

3. Laurent. l. 5. q. 7. quamvis totus in hoc sit, ut probet, à M. Interc. externis costas & Thoracem dilatari: Internos expirationi famulari, tamen præter loca Galeni vitiose allegata & παρὰ τὸν λόγον usurpata, nihil ibi rationum reperio additum. Quin potius haud obscurè ad hanc costarum depressionem, à Thoracis dilatione & constrictione, qua n defensam cupit, toto cœlo diversâ, sese inclinat. Sic in sit d. l. Resp. ad 1. object. Dum Externorum intercostalium motu, inferior costa ad superiorem adducitur, pectoris amplitudo major evadit. Dum vero superior ad inferiorem trahitur, internorum ope contrahitur pectus, & angustius evadit.

Hic duplicem errorem agnosco.

I. Nec adducuntur, nec abducuntur

O 6 invi-

invicem costæ ab his musculis (1) quia hic motus à nemine unquam mortali-um hætenus potuit observari. Et quidni oculis aut manuum applicatione explorari posset? (2) Quia nemo pro lubitu, ope horum musculorum costas suas vel scjungere, vel conjungere potest, cum tamen musculus spontaneum sit organon ejus motus, cui destinatur.

II. Quamvis separationem & conjunctionem costarum hi muscoli causarent, propterea tamen non redderetur Thorax vel amplior, vel contractior. Quia ad motum Thoracis nihil facit costarum vicinia mutua, sed eandem elevatio, ac depressio.

XIX. Ultimo & 4. apponimus nostram sententiam, & profitemur; Intercostrales musculos nullo alio officio fungi, quam ut promoveant respirationem; Externi quidem Thoracem dilatando in attractione aëris, dum contracti versus suum principium sursum, & extrorsum trahunt costas, quo facto expanditur Thorax. Interni, eundem

dem constringendo in ejectione aëris, quod fit dum tracti ad suum principium costas ducunt sursum & introrsum, unde thoracem coarctari necessitas est, & cavitatem reddi angustiolem: Respirationem hic intelligi volo deliberatam, profundam, coactam, magnam: Nam quæ fit non cogitantibus nobis naturaliter, moderatè, eam à solo diaphragmate expediri postea ostendemus.

XX. Sequuntur cæteri Thoracis muscoli, & quidem post primos intercostales; II. Par dorsi longissimum, optimo jure sic appellatum, cum nullus sit in toto corpore musculus longior. Exorsus quippe ab extremitate ossis sacri, ascendit per vertebrae lumborum, perque vertebrarum Thoracis processu transversos, usque ad primam thoracis, summamque vertebrae: Imo sæpè ultra, ad usque caput. III. Par semispinatum per vertebrae spinæ universum extenditur. IV. Par sacrolumbum proveniens ab osse sacro in longum adjacet, & latus quasi stipat Pari dorsi longissimo. Hæc



tria paria, cum uni serviant actioni, quæ est Thoracis extensio, cum uno oriatur principio, non tribus distinctis eoq; ita firmiter cohæreant, ut segregari à se ægerrime possint: denique cum non ambiantur singula peculiaribus tunicis ( quod distinctorum musculorum proprium est, ) utique non ablucinabitur plurimum à scopo, qui ex tribus istis fecerit par unum, quod Adr. Spigel. placuisse scimus. Dixi actionem genuinam trium horum Parium consistere in extendendo thorace: ut, quando sublati in altum brachii sursum protendimus thoracem, wann man sich aufstreckt/ quod fit maxime quoties à fuliginibus pectus corpusque annitimur liberare.

XXI. V. Musculus subclavius ille est, qui sedem occupat inter summam seu primam costam, & suprapositas mox claviculas: Origo ejus ibi, ubi dicta costa sterni apponitur: finis, juxta claviculas non vero contrario modo, uti docuerunt plerique anatomici. Officium ejus

com-

communiter creditur esse idem quod musculorum intercostalium externorum : Scilicet ut in Inspiratione primam costam sursum, & exterius trahat, quo expandatur magis Thorax: & eoque idem nomine initium illius juxta claviculas ponunt: omnis enim musculus contrahit se versus initium. Sed ut in terminis huic Musculo assignandis falluntur, sic & in actione ejusdem. Dicti mei rationes has reddo. 1. Ubi nervus inseritur, ibi musculi principium: immutabili, & perpetua lege: at nervum recipit musculus subclavius, juxta primam costam: Ibi ergo ejus principium: proinde finis juxta claviculas. 2. In inspiratione Thoracis pars superior (testetur Galeno, tum *αὐτοψία*) constringitur aliquantulum; inferior dilatatur: Quid ergo opus primæ costæ dilatione per hunc musculum? Usus subclavii verior ille videtur esse, ut clavicula sursum cum scapulis promotas, retrahat deorsum. Omnis enim musculus eam partem movet, cui sine suo inseritur. Finitur a.

ut

ut dixi subclavius in claviculis: has igitur  
mover, & quidem versus suum princi-  
pium, quod est costa superior. Con-  
siliū naturæ optimum fuit. Claviculæ  
enim sunt propter scapulas: Hæ attollun-  
tur sæpe nobis volentibus, Sustolluntur  
unà claviculæ. Et scapulæ quidem usæ  
suis musculis redeunt in locum: quid  
factum fuisset claviculis, nisi & ipsæ or-  
ganon conveniens, musculum accepis-  
sent, quo se in sedes suas reponerent:  
Nam quamvis omne grave suo pte im-  
petu ruat deorsum, non poterant ta-  
men claviculæ sine adminiculante mu-  
sculo, descendere, imprimis decumben-  
tibus nobis.

Sic visi sunt Musculi Thoracis: quos  
inter ultimum (vi) locum assignavimus  
Diaphragmati; sed ejus *diaphragm. secuti*  
sectionis ordinem, ponemus post alia,  
quæ prius in oculos & manus  
se se ingerunt.

## III. De Pleura

XXII. Nunc porro exposceret quidem series, ut costas, cæteraque Thoracis ossa contempleremus, quæ musculis vel subjacent, vel interjecta sunt. Sed præstat uni Exercitationi includere, totam generalemque ossium historiam; & nunc mollioribus Thoracis partibus tractandis, incumbere. Hic se offerunt membranæ duæ, Pleura & Mediastinum, quarum ista costas succingit: hæc Thoracem in duo conclavia, dextrum sinistrumque dirimit.

XXIII. 1. *Nomen.* τὸ πλευρὸν apud Græcos pari latitudine acceptum scimus, qua Latinis latus, tam de inanimatis quam animatis. Nam Euclidi ἰσόπλευρον τρίγωνον est triangulum æquilaterum, & Varroni ὁπλευρον dicitur animal validis lateribus instructum: Vox vero ἡ πλευρὰ non solum latus notat in genere, sive rerum ab arte, sive à natura factarum, sive vita carentum, sive participum, quo sensu leguntur apud probatos scriptores

res *πλωρεῖν* Navis: *πλωρεῖν* ποταμῷ, fluvii  
 ripa : *πλωρεῖν* πιδάκνης latus dolii : Sed  
 stricto usu *πλωρεῖν* costam denotat, qua-  
 les ossæ in utroque latere sunt 12. Et  
 tandem strictissime hoc loco Pleura est  
 membrana costis omnibus, & harum  
 musculis, torique adeo utrique lateri  
 iustentia; abs quo usu Galenio ad Glauc.  
 dicitur *ὕμην ὁ ὑπεζωκῶς* (*ὕπεζωνύα* est suc-  
 cingo) quasi Membrana succingens:  
 Sic eam appellat etiam *Alex. Aphr. probl.*  
 dum scribit: *ὁ ὕσων πῶς τὸν ὑπεζωκῶτα καὶ τὸν*  
*πνεύμονα ῥάννυσσι*: Hyssopus roborat mem-  
 branam succingentem, & pulmones. Ab  
 pleura nomen nactus est affectus apud  
 Medicos celebris famæ *ὀπλωρείτης*, vel  
*ὀπλωρίης*, quem Horat. lateris vocat:  
 acutum morbum, hoc versu:

*Cui latus aut renes morbo tentantur*  
*acuto.*

XXIV. 2. *Situs*. Ubi locorum sita sit  
 Tunica Pleura, ex jam dictis facilè col-  
 ligitur: Nimirum protenditur p̄r inte-  
 riorem lateris utriusque seu costarum,  
 imò totius fere Thoracis concaviratem,  
 quam



quam intus investit. Exortum ejus Adr. Spig. cum proceribus quibusdam Anatomicis, deducit à meningibus cerebri, spinalem medullam investientibus: quia hæ cum nervis in thorace deductæ & atrescentes in Pleuram degenerare videntur. Alii ortam scribunt à tunicis, quæ nervos intercostales ex spina dorsii egredientes regunt. Sed nos sæpius monuimus non prognasci partem unam ex alia, sed omnium simul semelque fieri conformationem in prima animalis fabrica. Aliud vero omnino est cohærere huic vel illi parti hic vel illic terminari: aliud item ex aliquo oriri aut nasci. Pleuræ, ubi sit initium, ubi finis, sicut difficulter determinaris, ita parū interest, ubi ubi esse dicas. Si ibi est terminus partis ubi firmissimè adhæret, jam is erit Pleuræ in dorso, cujus vertebriis pertinacissimè adnectitur.

XXV. 3. *Substantia.* Membraneam esse Pleuram in confesso est: tenuem quidem albamq; attamen robustam, & compactam firmam, quibus qualitatib.

Peri-

Peritonæum vincit: cumque geminata sit fere, densior non nihil deprehenditur illic ubi thoracem spectat: subtilior, ubi costis alligatur. Quin & crassior est in dorso. Instructa est vas omnis generis, venis, arteriis, nervis, quorum merito sæpius inflammationi obnoxia redditur; in qua materia non solum spacium, costas Pleuramque interjacens occupat, sed infarcit se mediis geminis Pleura membranis.

XXVI. 4. *Quantitas*. Tanta est Pleuræ expansio, quanta Thoracis capacitas. Numero quidem una est, & tamen ut dixi, duplicata.

XXVII. 5. *Qualitas*. Talis quoque est ejus figura, qualis Thoracis, ad quam affabre sese componit. Introrsum versus, superficies pleuræ levis, humecta lubricaque est: ne pulmonibus accidat incommoda: Extrorsum versus costas asperior, ut firmitus adhæreat. Interpolata est quoque foraminibus quibusdam, tam supra ad collum, quam infra ad Diaphragma: Per utraque concedit

tran-

transitum venæ cavæ, arteriæ magnæ  
gulgæ : figillatim insuper per superiora  
quoque penetrant nervi à sexto pari: &  
arteria aspera.

XXVIII.6. *Actio & Usus.* Quo fine  
natura ventri infimo prospexit, dum  
eum intus investit Peritonæo, eodem  
etiam Pleuram thoraci largita est, ut hu-  
jus in cinctu, & vestitu tegantur, ligen-  
tur, & muniantur Membra medi-  
ventris.

#### IV. De Mediastino.

XXIX. 1. *Nomen.* Hanc partem Gal.  
l.6.us.part.c.3.appellat *ὀμὲνας διαφραγματοειδής*,  
tunicas distinguentes, vel sepientes: La-  
tinis Anatomicis est *Mediastinum*. Præ-  
mittimus hic id vocabulum attribui  
1. Confusè & generatim omnibus rebus  
in medio consistentibus: qualis est pa-  
ries Mediastinus, intergerinus, domui  
communis utrique, materies mediasti-  
na: conclave mediastinum, 2. Strictius  
aliquantò *Mediastinum*, ex Budæi, Pri-  
sciani, & Ulpiani sententiis est abjectum  
man-

mancipium, quod sordidissima ministeria vel in ædibus, vel in balneo obire cogitur, qualia sunt domum verrere, purgamenta efferre, ligna congerere, aquas effundere, aut apportare: qualesq; hodie in Magnatum aulis sunt igniarii aut atrientes: sic dicti, quod in medio stant, iussi excubare ad imperia & nutus omnium: Græcis *μεσάυτι*: quorum operam Ulpianus appellat Mediastinam. Columel. Mediastinus qualiscunq; status esse potest, modo perpetiendi labori sit idoneus. 3. Propriè & anatomicè maximè Mediastinum est ea membrana, quæ per thoracem mediū ducitur tanquam sepimentum quoddam: eumq; separat in partem dextram & sinistram: Possumus haud incommode vocare, Discretoriū: aut discrimen: aut Diribitorium; quæ voces apud Celsum Aurel. in Chronicis leguntur, quamvis Diaphragmati non Mediastino attributæ. Certe Theophr. in Plant. capit. ut Melanthii papaveris, membranulas intercurfantes, dispartientes cavitatem in conclavia, quibus semē

con-

continetur, appellat διαφράγμα, quibus  
 ὕμην διαφρεῖτων similimum est, æquè à  
 διαφρεῖται dictum, quam διαφράγμα seu  
 septum transversum. Tamen, ut evitetur  
 confusio, denotat nomen Diaphragma-  
 tis peculiarem partem, mox nobis con-  
 templandā, distinctā ab hoc Mediastino.

XXX. 2. *Situs.* Ab sternō, quod est pe-  
 ctoris os anterius, cui Mediastinum an-  
 nexum est, id ipsum digrediens, proten-  
 ditur per mediam thoracis capacitatem  
 recta versus dorsi spinas, quibus & ipsis  
 alligatur, superne vero à jugulis deor-  
 sum ita versus diaphragma, atque ita in-  
 terjectu suo bipartito dividit thoracem  
 in duo conclavia.

XXXI. 3. *Substantia.* Mediastinum vi-  
 detur tunicæ pleuræ appendix aut pro-  
 pago quædam; ejusdem enim cum hac  
 est substantiæ, & naturæ; membranæ  
 penitus. Enim vero pleura post costas  
 iunctas ad sternum protrusa, inibi  
 manifestè duplicatur, & eo, quem e-  
 numeravi ductu, exporrigitur ver-  
 sus dorsum: hoc differens à Pleura,  
 quod



quod hæc quidem geminata judicetur, Quæ part  
quoad crassitiem: At Mediastinum testi- & tuba  
bus oculis prorsus sit duplicatum, ita par, alper  
quidem, ut inter utrumque membranæ nas conti  
huius intergerinæ parietem, materia XXXI  
quandoque sese insinuet, quæ partim xipuum  
pleuresin veram æmulatur; partim ex dem reco  
cocto pure, & per incisum, seu sternum, cor asser  
seu apertas cartilagine costarum, edu- conlitter  
cto, feliciter tolli visa est. Donatum est quo nati  
Mediastinum vas triplicibus, venis, ar- nominat  
teriis, nervis, quorum officium idem tur a Mec  
hic, quod alibi in corpore. prolab

XXXII. 4. *Quantitas.* Respondet facile fieri  
Mediastinum profunditati thoracis, Nam ni  
quæ est à primo pectore usque ad dor- decumb  
sum. Numero duplex membrana, licet Pronis ac  
usu, ut & ductu directo simplex. his collu

XXXIII. 5. *Qualitas.* Figuram Me- eodem d  
diastini sibi imaginabitur quivis facile, imitatu  
qui animo concipiet spacium Thoracis, inle qu  
ab anticis ad posticas: quod quia versu ut viam  
collum eundo fastigiatur in acumen. currenti  
ad hanc coarctationem sese accommo- ediat, n  
dare Mediastinum quoque oportet. Quidend

Qua

Qua parte utrumque latus spectat, leve  
& lubricum est; at qua interstitium fa-  
cit, asperum, ob fibras quibus hæc cavi-  
tas confarcitur.

XXXIV. 6. *Actio & Usus.* 1. Præ-  
cipuum Mediastini officium ego qui-  
dem reor esse, ut pericardium in quo  
cor asservatur, firmo ut sic dicam, talo  
consistere faciat; prohibeatque illud ali-  
quo nutare, aut fluctuare: Id enim  
omnino necessarium erat: Tenetur igi-  
tur à Mediastino cor in suspenso, neque  
prolabi è sede sua permittitur, quod fa-  
cile fieret si absq; illo suspensorio foret.  
Nam nisi ita firmaretur, supinis nobis  
decumbētibus allideret cor ad dorsum:  
Pronis ad terram inclinatis, rueret ver-  
sus collum: Prementibus latera, etiam  
eodem decumberet. Hic Mediastini usus  
primarius est, quem ceu umbra corpus,  
consequuntur alii minus nobiles, scilicet,  
2. ut viam munitam faciat vasis illac dis-  
currentibus, ne collabascant. 3. ut im-  
pediat, ne pulmones jugi agitatione se  
distendentes, invicem se verberent, aut

P col-

collidant. 4. addunt non nulli, efficere  
 Mediastinum, interjectu suo, ut ab uno  
 latere læsis in thorace pulmonibus, al-  
 terius portio maneret superstes, velut  
 dati sunt duo oculi, duæ aures, renes, ut  
 uno corrupto reliquum serviat corpori.  
 • Verum quid de huiusmodi ratio-  
 cinatione arbitremur, alibi indica-  
 tum est.

## V. De Diaphragmate.

XXXV. 1. *Nomen.* Diaphragma Græ-  
 cum quidem vocabulum est, at diutur-  
 na Anatomicorum autoritate usurpa-  
 tum, quasi Romanum esset. Pars hoc  
 nomine significata, alius quoque gaudet  
 appellationibus Græcis, juxta ac Latinis:  
 sed eas omnes inter, primo loco ambu-  
 lat Diaphragma, dictum à διαφράγναι,  
 obstruo. 1. Diaphragma sumitur apud  
 lectos scriptores 1. pro omni discernicu-  
 lo, separante à se invicem duo proxima  
 loca, quales sunt parietes lignei, aut se-  
 pimenta, quibus horti à se invicem dis-  
 cri-

criminantur. Ita Pollux l. 2. & Ruf-  
 ſus interstitium inter duo naſi forami-  
 na διάφραγμα appellant, quod & fecit  
 Gal. Com. l. 1. 6. Epid. μέσον (ajens) διά-  
 φραγμα τῆς πύλης. Aſt 2. Propriè & hic  
 oci Diaphragma eſt orbicularis mſcu-  
 ſus, quo venter inferior dirimitur à  
 Thorace. Laurent. l. 9. c. 4. negat vo-  
 cem Diaphragma reperiri in ſcriptis  
 Hipp. ſed loco hujus διάφραγμα. Ego è  
 contra ajo omnino reperiri tum alibi,  
 tum l. 2. Epid. ubi recenſet τὸ κατὰ  
 τὴν διάφραγμα: alibi, ut l. de flat. appel-  
 lavit φραγμὸν τῶν φρενῶν. Διάζωμα eodem  
 ſenſu dicitur à διαζώνω, præcingo, quan-  
 quam ea vox aliquanto aliter accepta  
 legitur apud Vitruv. l. 5. ſcilicet, pro  
 præcinctiōe, aut cingulo quodam  
 Columnæ, ornatus potius quam uſus  
 gratia. Sic uſurpavit Plutarch. in Pericl.  
 διάζωμα ἢ τῆς ἀνὰ κίον ἐπέτησε Vulgaris  
 quoq; vox eſt φρένες. quæ tum mentem  
 ſignificat, aut ſolertiam, tum hoc mem-  
 brū: quo merito aut jure, quæris? Nō ſanè  
 P 2      quaſi

quasi hic habitet mens aut ratio; sed quia quando d  
 inflammato Diaphragmate, mens pro- nescer  
 tenus perturbatur, haud dubio ob cali- Thorac  
 dos fumos, sursum evibratos ab Dia- cartiagi  
 phragmatis motu. Et hæc sunt Græca- ris dor  
 E Latinis nomenclaturis vulgarissimæ XXX  
 est Septum Transversum; Nec non Præ- is parse  
 cordia, quia stant præ corde, tanquam e, cum  
 robustus murus: Sed præcordiorum carne.  
 vox non est uniusmodi: 1. notat omne- is: C  
 partes interiores non procul à corde re- Censur  
 motas: Cic. 5. Finib. Felix cursus, cum i- superius  
 ipse in præcordiis inventus est. 2. parte- sum inf  
 laterales nothis costis subjectas, circa- uorne  
 hepar & lienem; Cels. Periculosum est: hæc  
 etiam post arquatam morbum febrin- nas ph  
 oriri: utiq; si præcordia in dextra part- urene  
 dura manserunt. 3. Thoracem inte- alla. 7.  
 grum. Virg. Frigidus obstiterit circum- us fora  
 præcordia sanguis. Et: quondam etian- oso, p  
 victis redit in præcordia virtus. Et tumi- usus pe  
 dusque novo præcordia regno. 4. Ho- agi &  
 ipsum, ut dixi, Diaphragma. us cern  
 su m XXX

XXXVI. 2. *Situs.* Jacet Diaphragm  
 obliquo fere positu in infimo thoraci  
 fun



Indo, discriminans abdomen, & hujus  
 viscera, à ventre medio: circum circa  
 thoraci annexum: antè sterno, &  
 artilagini ensiformi: postè, verte-  
 ris dorsi: à latere, costis spuriiis.

XXXVII. 3. *Substantia.* Dissimila-  
 s pars est Diaphragma. Musculus quip-  
 e, cujus compages conflata est. 1. Ex  
 carne. 2. Ex tendine. 3. Ex membra-  
 nis: Circumferentia ejus carnea est:  
 Centrum tendinosum. Membranâ tum  
 superius qua thoracis cavum spectat,  
 tum inferius qua ventrem subjectum,  
 cornatus est. Ista censetur portio pleu-  
 re: hæc peritonæi. 4. Habet & venas  
 phrenicas dictas: Et 5. arterias  
 phrenicas: Et 6. Nervos à Spinali me-  
 dulla. 7. Interpolatum quoque est duo-  
 us foraminibus, uno in centro tendi-  
 noso, pro ascensu venæ cavæ: altero  
 versus peripheriam, pro ascensu Oeso-  
 phiagi & nervorum. Inter productio-  
 nes cernere quoque est viam pro de-  
 scensu magnæ aortæ & venæ *αὐτῆς*.

XXXVIII. 4. *Quantitas.* Amplitu-

P 3      dore-

dorespondet capacitati & ambitui Thoracis : Et licet pro uno Musculo habeatur, revera tamen oculis testibus duplex esse deprehenditur, cōstans quippe duobus circulis, nerveo penes centrum, penes circumferentiam carneo.

XXXIX. §. *Qualitas.* Cæteri sanè in corpore musculi figuras nacti sunt varias, aliqui longi, triquetri &c. at Diaphragma ideam habet singularem. Sphæricam, latam, tenuem, quales orbis solent esse stannei, queis in mensis utimur. Principium illius in centro: finis in orbita juxta costas: partes centro viciniores tendinosæ magis sunt: at quæ juxta orbitam, carnosiores: Fibræque à centro excurrunt ad extremam orbitâ.

XL. 6. *Actio & Usus.* I. Præcipuum Diaphragmatis officium est, ut sit organum respirationis liberæ, naturalis. Sic ut musculi intercostales idem præstant in respiratione valida & q. coacta. Dum Diaphragma tenditur versus principium seu centrum, collectis, contractisque in se fibris, major fit il-

lius

us cavitas, ac tum inspiratur, attrahi-  
 turque aer: è contra cum relaxatur, eva-  
 DESCENTE ista cavitate, sursum ascendit,  
 trahitq; secum viscera: Et sic absolvitur  
 xpiratio vel efflatio aeris: Unde quam  
 insigniter deceptus sit Laur. l. 9. c. 4. ne-  
 mini non est judicare: qui contraria  
 oror fus ratione respirationem expediri  
 omniavit: Tenditur (inquiens) dia-  
 phragma in expiratione: laxatur in in-  
 spiratione: id in extincto animali facile  
 deprehenderetur. Contractum enim ap-  
 pareret perpetuo diaphragma. At vita ces-  
 sat expiratione. Qui oculos suos usur-  
 bare novit, is deprehendet, in extinctis  
 semper sursum tractum, relaxatumque  
 diaphragma, sursumq; aliquantum tra-  
 cta ventris viscera: quia exspiratio fit  
 per relaxationem. Cœterum nemi-  
 nem commoveat, quod contrarios  
 motus ascribamus uni eidemque mu-  
 sculo. Id enim naturæ insolens non  
 est, quæ & aliis musculis adversas ope-  
 ras commisit. Unus idemque Sphin-  
 cter & claudit, contrahendo se, &

recludit laxando se, viscera: Alius similiter anum: Sic & Diaphragma. 2. Primum hunc Diaphragmatis usum, consectorii alii & minus principales comitantur. Nam juvat promouetque Diaphragma, conatum Muscul. abdominis, in excludendis excrementis alvi: dum premit deorsum intestina. 3. Segregat infimi ventris sentinam à puritate viscerum Thoracis. 4. Cum diaphragma acutè sentiat ob nervos & membranas, hinc fit Arist. teste, ut titillati hoc loco, risu diffuant: quia motus celeriter huc pervenit, movet præter voluntatem etiam diffusos spiritus. Facit autem cutis tenuitas, ut homo unus omnium animalium titilletur.

— (o) —



EX-

## EXERCITATIO X.

quæ est:

- I. De Pericardio.
- II. De Corde.
- III. De Pulmonibus.
- IV. De Aspera arteria.

Resp. Balthasare Sebern /  
Erfurt. Thuringo.

**A**B his quæ recensuimus sepimen-  
tis circumdantur, & intra Thora-  
tis capacitatem clauduntur nobilia vi-  
cera duo, Cor in sua Capsula, & Pulmo  
cum adhærente Trachæa, quorum hi-  
storia talis est:

## I. De Pericardio.

II. r. *Nomen.* Pericardium, ὁ γύρω καρδίας  
quia ita Cor circumplectitur,  
ut crumena inclusum nummum au-  
reum; vel apposititius, ut rubella theca,

P 5 rubel.



rubellum halicacabi cerasum. Latini hanc vocem ulucapione suam fecere, neque una dictione eam exprimere voluerunt. Possset dici Vesica Cordialis, capsula vel marsupium Cordis: *ἡ τὸν, ὀν, ἐμὴν τῆς καρδίας* Gal 6. ul. p. 6. Id est, indumentum, involucreum, camera, arcula Cordis.

III. 2. *Situs*. Sedem obtinet pericardium in meditullio thoracis: velut Cor in meditullio pericardii, cuspide saltem aliquantulum versus sinistram mamam sese inclinantem antrorsum. Ortum non habet aliunde, neu à quatuor vasis, ut opinatur Laurent. l. 9. c. 9. neu à mediastino vel pleura, ut Adr. Spig. l. 9. c. 5. Sed proprium ex Semine, haut minus, quam partes cœteræ, aut quam pleura, aut diaphragma. Interim utriq; horum pertinaciter adnectitur: Pleuræ quidem ante & retrò: Diaphragmati verò infernè, prope circulum membraneum, abs quo difficulter se patitur avelli: Mediastino quoque ita annexum est, ne in ullam partem pro-  
cidere

cidere queat, quocunque etiam corpus inclinemus.

IV. 3. *Substantia.* Essentia Pericardii membranea est, crassa, compacta: Sed quæ interim expandi potest, quum usus postulat, necubi ad ejus parietes allidat Cor, artem in pectore faciens ludicram, ut Acci verbo utar. Datæ illi sunt venæ tum aliæ, tum ea quæ privo nomine dicitur capsularis. Nervi item exigui. Arteriis caret: quippe aliàs satis vicinum cordi. Inprimis hic spectanda serosa aqua, quam in se complectitur Pericardium, in qua natat cor: limpida quidem in benevalentibus; in morbofis modo similis turbatæ urinæ, modo aquæ sanguine dilutæ.

V. Disputatum est inter Anatomicos, 1. An aqua hæc solis insit mortuis, an etiam vivis? 2. Unde ejus generatio? Utraque, tam vita fruëntia, quam satis functa animalia, gaudere aqua pericardii, rectè probarunt præstantissimi quique Anatomici: Sed tamen haut exigua hic deprehenditur varietas. In aliis enim

P 6 aliisq;

aliisque copiosior aut parcius. Viventibus modica est: modica etiam sicca temperie præditis; & viris. Fortè quia calor & siccitas vel absument eam jam genitam, vel materiam generandæ dissipant. De mortuis copiosior; concrecentibus frigore vaporibus, quibus viva abundabant. Abundantior etiam pueris, feminis, cunctisque humidi temperamenti: nec non illis queis adest viscerum obstructio, quâ sero transitus per venas conceditur: reliquæ massæ crassiori non item. Visi sunt etiam morbo si post mortem, omni carere humiditate ista serosa.

VI. 2. Quâ ratione hæc aqua generetur, litigare patimur alios. Nobis fit credibile, siquidem Natura intendit generare animal perfectum, nec negligit quidquam, quod ad integritatem ac salutem illius faciat: & verò sine aqua pericardii saluum sanumque esse non possit. (ea enim deficiente moritur protenus.) Proinde aquam hanc haut minus à prima fœtus conformatione productam,

ductam, quam humor oculi aqueus. Sed enim verò uti aliæ corporis partes ipsiq; humores incrementum capiunt secundum naturam, aut etiam nonnaturaliter affectæ vel imminuuntur, vel accrescunt, sic & aqua istæ mutationes subit. Absumitur ejus non nihil, itemque de novo augetur, densatis & in guttas conversis aqueis vaporibus. Hinc apprehenditur uberior aut parcius, prout vel calor dissipans vehementior, vel temperatior: prout exhalationum serosarum copia vel minor vel major.

VII. Ex Sacræ Scripturæ novo fœdere constat, (Joh. c. 19.) cum Redemptori generis humani Jesu Christo, lancea quadam aperiretur latus, effluxisse inde aquam & sanguinem. Hic Theologi dubitant, fueritne effluxus ille liquoris duplicis, naturalis an *ὑπερφυσικῆς*? Quæritur etiam potest, unde, aut ex qua corporis parte interiore prodierit? In capacitæ thoracis reperiri liquorem, similem oturæ cruentæ carnis, mistum ex aqua & sanguine, quo interior thoracis capa-

citas oblitur: atque hunc fuisse, qui  
 Christo effluerit, Cal. Bart. proficitur.  
 Sed perperam; Neque enim 1. major  
 hujus adest quantitas, quam ut uidos  
 saltem ac humectos reddat parietes  
 thoracis: Nunquam tanta copia, ut affa-  
 tim effluere queat. 2. In illo humore per-  
 mixtus est aquæ cruor; non vero sunt  
 duo hiliquores distincti; at è Christi  
 latere distinctim effluerunt: & primo  
 quidem aqua, teste Nazianz: post san-  
 guis: quamvis econtra Nonnus primo  
 scribat fluxisse sanguinem, post aquam  
*πρῶτα μὲν αἷμα χύθη. μετέπειτα δὲ θέσκελον ὕδωρ:*  
 3. Quod si copiosior humor hujusmodi  
 sanguinolentus occupaverit thoracem,  
 id potius vitio naturæ accidit; & per in-  
 valetudinem internorū membrorum,  
 abs qua Christi perfectissimum corpus  
 alienum fuisse, omnino credendum.  
 Ego sanè nullus dubito, quin perfos-  
 sum sit Christo pericardium juxtaque  
 vasa majora cordis; Ex isto aquam, ex  
 his sanguinem prodiisse, & deorsum  
 profluxisse, pendulo Christi corpore,  
 qua data porta fuit.



VIII. Nunc quæritur porro, An effluxus iste humoris, fuerit res miraculosa, & super naturam? An naturalis? Paul. Tarnov. Com. in Evan. Joh. super-naturalem fuisse probat his argumentis. 1. Quia Arabica versio habet latus dextrum. Ergo non potuit naturaliter aqua ex corde vulnerato profluere. 2. Quia post obitum sanguis in corporibus nostris congelascit; desinitque fluxilis esse. 3. Quia aqua seorsim & sanguis seorsim non fluunt naturaliter, ex ullo etiam vivo corpore. Sed hæc mihi futilia videntur. Nam quoad 1. Etiam si latus dextrum fuerit vulneratum, quidni effluere posset aqua & sanguis? Cor non est magis in sinistro, quam dextro latere, ut mox asseremus; Sed in thorace medio: Cor vero undique in aqua fluitat quæ pericardii capsula continetur. Hæc aqua vulnerato pericardio, sive per dextrum, sive sinistrum latus, elabitur. Et si vulnus altius penetrat ad arterias aut venas usque, eff-

effluentem aquam sanguis protenus vel comitatur, vel sequitur. Natum est hoc effugium ex inscitia rerum Anatomiarum, & vulgi proleptario sermone, quo fertur corpus positum esse in sinistro latere. Ad 2. non tam subito ab obitu sanguis in grumas concrevit, sed fluidus etiam diu post manet, quod norunt qui sectionibus cadaverum incumbunt, qui opus habent cruorem è vasis fluentem spongia abstergere. Ad 3. cum distincta sint receptacula, distinctorum humorum, pericardium serosi, vasa cordis sanguinis, quidni distinctè elabi hi humores naturaliter poterint? Quapropter sicut violenter pertusæ fuere manus pedesq; Christi patientis, sic & latus. Et sicut sanguis ex istis effluxit naturalis: Sic aqua & sanguis ex hoc: neque hic profluxus magis supernaturalis, quam iste. Interim grande mysterium significatum & adumbratum esse duobus his humoribus naturalibus & naturaliter (qua hoc opponitur supernaturali, non præternaturali: ) fluentibus, nemo tam

aversus est à sincera religione, qui inficietur.

IX. 4. *Quantitas.* Tanta est pericardii expansio, ut spaciosè compleatur rum aquam inclusam, rum cor ipsum, liberum, in aqua natans, ita ut neque pericardium tangat, neq; ei alligetur. Interstitium inter utrumque notabile est, humore oppletum. Pericardium verò continuum non est, sed transossium foraminibus quinque, per quæ exeunt aut introeunt Cor, vasa quina: Vena cava ingrediens atque egrediens: Aorta: Arteria venosa: Vena arteriosa. Prorsus à juvene quodam Romano abfuisse pericardium, testis est Columb. Anatom. libr. 15.

X. 5. *Qualitas.* Forma Pericardio rotundè oblonga est, in acumen desinens, qualis ferè esse solet pyrorum liberalium, qualisq; est ipsius cordis. Nam ut pedi conformis est calceus: Capiti pileus, sic cordi hoc involucrum. Ubi latius aut crassius, ibi ejus basis: ubi acuminatur, ibi cuspidis vel mucro.

XI. 6. *Actio & Usus.* Pericardium  
 1. continet tuteoque asservat Cor, quod,  
 ut pote viscus nobilissimum vitaleque,  
 vestimento tali vel maximè indigebat,  
 ut securum foret à vicinis incommodi-  
 tatibus. 2. Suspensum tenet Cor; ne no-  
 bis horsum aut aliorum inclinantibus  
 hoc sede sua excidat. Hi usus quanquam  
 excellentes sint, tamen nil prohibent,  
 quo minus pericardium vulneratum  
 imo aliqua abscissa parte mutilatum,  
 concreescere iterum queat. Exempla  
 apud Gal. Ben. Card. com. ad Aph. Hip.  
 invenire licet, qui posterior addit, Peri-  
 cardii vulnus per se lethale non esse, sed  
 eò solum, quia vulnerari vix possit, quin  
 multa alia membra nobilia lædantur.  
 Aquæ pericardii usus est. 1. Temperare  
 ferventem cordis æstum. 2. Siccitatem  
 ejus corrigere humiditate grata. 3. Aspe-  
 ritati illius subvenire lubricitate. Me-  
 hercles qui aqueo hoc humore destitu-  
 untur, ii in febres Hecticas proclives  
 sunt, & tandem misera macredine ac  
 tabe intereunt : absumpto per æstum  
 cor-

cordis immodicum, & non temperatum, omni genitabili succo & sanguine.

## II. De Corde.

XII. Cordis excellentiam laudibus velle evehere, idem esset, quod soli præferre faculam.

Hoc rege incolumi mens partibus omnibus una est:

At labente, fidem cuncta rupere.

Quanta sit ejus dignitas, conjuncta cum pari necessitate, exinde colligere est, quod nullum sit animal cordis carens. Accuratus Naturæ indagator Cor verè inveniet, non solum in animalibus grandioribus sanguineis, quod scripsit Aristot. Sed etiam in exilioribus, ex sanguinib., ut Conchiliis, Gammaris, Cancris, Cochleis, Squillis; (è quorum genere sunt Carabi nostrates,) quinimo & in vespis, crabronibus, apibus, muscis (queis hæret in superiori caudæ parte,) in his inquam non solum cor quivis apprehendet; sed & manifesto pulsare vide-



videbit, adminiculo rubi optiei, quo  
 conspectæ res minutissimæ immensum  
 grandescunt: quanquam lentus satis, in  
 primis hyeme & locis frigidis, pulsus is  
 sit. Scio equidem quid Plinius scripserit  
 lib. II. c. 37. Cæsari Dictatori, quo die pri-  
 mum veste purpurea processit, atque in  
 sella aurea sedit, sacrificanti, bis in extis  
 cor defuisse victimæ: inde quæstio ma-  
 gna de divinatione, argumentantibus,  
 potueritne sine illo viscere hostia vive-  
 re? An ad tempus amiserit? Sed tu non sis  
 credulus istis. Victimæ illi neque vivæ,  
 neque recens mactatæ cor quoquomodo  
 defuit, sed ut ego conjector, suo opi-  
 mo adipe absconditum fuit, ( de quo  
 Thes. 17. ) qui in obœsis immani copia  
 cumulat: in quo cor penitus sepultum  
 jacet, ut nequeat aspectui patere, sicque  
 decepti Haruspices pronunciarunt, vi-  
 talem istam partem à victima abesse.

XIII. 1. *Nomen.* Καρδία, καρδία, Græ-  
 cis denotat 1. Animum ipsum. Cœl.  
 Rhod. l. 4. cap. 16. scribit, apud Ægy-  
 ptios animæ Hieroglyphicum fuisse ac-  
 cipi-

cipitrem, quem proinde vocabulo  
 gentilitio nuncuparunt *βριήδ*: nimirum  
*βρι* illis est Animus: *ήδ* vero Cor: quasi  
 anima & cor sint idem: Tum porro ac-  
 cipitrem non bibere aquam, sed sangui-  
 nem, qui sit Animæ & Cordis thesaurus  
 ac nutrimentum. 2. Quia audacia ha-  
 bitat in animo, hinc *καρδια* sumitur pas-  
 sim pro audacia aut confidentia: Sic  
 Aristot. *καρδιαν μὴ ἔχεις*. 3. *Καρδια* pris-  
 dictum fuit os ventriculi aut stomachus  
 ob consensum summum qui illi cum  
 corde, de quo Gal. l. 2. plac. Hip. I hinc  
*καρδιων μὲς, καρδιαλγία*. 4. Quicquid mediū  
 est in re quaque, vel præstantissimum,  
 id *καρδια* appellatur. Hoc sensu scriptores  
 R.R. medullam vel matricem stirpium  
 vocant *καρδιον*. 5. *Καρδια* est præcipuum  
 illud thoracis viscus, fons & origo vita-  
 lis caloris & sanguinis: primum vivens,  
 ultimum moriens, de quo nunc nobis  
 sermo est. Ab hac *καρδια* dicta est La-  
 tinis Dea Carna, quasi Cardiana, quam  
 vitalibus hominis, in primis cordi præ-  
 esse credebant. Ab illa precabantur,  
 (teste

(teste Macrobio) ut cor, quæque sunt  
 intus viscera alia, salva conservaret.  
 Huic Deæ templum dicavit Brutus,  
 quia cordis beneficio publicum statum  
 emendasset. De ea Ovid. l. 6 Fast. Prima  
 dies (Junii) tibi Carna datur: Dea Car-  
 dinis hæc est. τὸ σπλαγνὸν 1. in genere est  
 omne interaneum, ut Cor, Jecur, Splen,  
 (unde derivata videntur σπλαγνὶς qf.  
 σπλήνις) breviter omnia viscera præcipua  
 aut extra, quæ in cæsis victimis perpen-  
 debant Haruspices, futura vaticinantes.  
 2. Strictè & κατ' ἐξοχὴν σπλαγνὸν est cor,  
 quippe viscerum omnium nobilissimū:  
 Aristot. σπλαγνὰ θερμαίνειν πρὸς ὀργήν: Cor  
 enim sedes Iræ: quæ definitur ebullitio  
 sanguinis circa cor. In corde quoque  
 quia residere creditur Misericordia  
 (unde illi nomē) hinc verbū σπλαγνὶζειν  
 Matth. 9. Marc. 16. commiseratione aut  
 cordolio duci erga aliquem, ex intimis  
 cordis penetralibus prodeunte: θεράν-  
 σπλαγνῶ, qui robur & æs triplex circa  
 pectus habet. τὸ ἦτορ, cor ac in corde ani-

mus virilis. Hom. Iliad. Ω φίλοι, ἄνδρες ἴστε, καὶ  
 ἄλκιμον ἦτορ ἔχουσιν. Unde eidem in Odyss.  
 dicitur, μεγάληθαρσύνος. Quemadmo-  
 dum ἀκρῶς Latini petierunt suum cor,  
 sic & hoc simili cum ista πολυσημασίᾳ  
 gaudet, usurpaturque 1. pro animo  
 ipso: Plaut. argumenta in corde volvo.  
 Et: Scio quam charus sis cordi meo.  
 Hinc excordes, concordēs. 2. Pro  
 Prudentia, solertia. Cic. Finib. Nec se-  
 quitur ut cui cor sapiat, ei non sapiat pa-  
 latum. Hinc homo cor datus: atque  
 hinc corculum, teste Festo, antiquitus  
 homo solers & acutus: Fuitque eo no-  
 mine insignitus P. Nasica, bis consul:  
 ob prudentiam. Plin. libr. 7. cap. 31.  
 3. Pro medio aut eo, quod nobilius  
 est. Sic Astronomi indignant cor  
 scorpīi, cor leonis, stellas regias pri-  
 mæ magnitudinis in istis asterismis.  
 4. Maximè propriè cor est pars  
 thoracis illa, cujus conforma-  
 tionem contemplari nunc aggredi-  
 mur.

XIV. 2. *Situs*. Superstitiosa opinio ob-  
sudet animos non communis solum po-  
pelli, sed & plurimum eruditorum, cor  
positum esse in sinistra pectoris parte,  
ut pote cujus pulsus manifestè sub sini-  
stra papilla deprehenditur: ex quo sup-  
posito plurima postmodum pullularunt  
confectaria: ut; affectus sinistri lateris  
esse periculosiores, quam dextri, quia  
afficiant Cor: in sinistro latere dormien-  
tes qui cubant, iis opprimi cor, & angu-  
stari &c. Sed ut dixi, omnia hæc è falsa  
hypothesi. Est vero nativa cordis sedes  
in mediotullio thoracis, non magis in de-  
xtrum vergens latus, quam sinistrum: &  
sane in omnibus brutis, tam spectata  
basi ( Sic appellatur crassior ejus & la-  
tior pars ) quam apice seu mucrone, id  
est parte acuminata, à costis hinc & hinc  
æqualiter remotis: uti & à superno ju-  
gulo & inferno diaphragmate: nec nõ à  
vertebris dorsi & sterni. In hominibus  
apex seu cuspis cordis paulatim sese in-  
clinat versus anteriora, & versus sini-  
stram mammam, Sed modica hæc ex-  
tremi.



remittatis inflexio non mutat situm totius membri.

XV. Causæ medii hujus positus à laurent. l. 9. c. 10. referuntur hæc. 1. Ut vitalem spiritum & vivificum nectar in omnia extrema peræquè diffundat, 2. Quia nobilior hæc pars tutiorem & digniorem locum postulabat. Causas inclinati mucronis has reddit. 1. Ut eo situ calidiores reddantur partes anteriores versus quas fit motus. 2. Ne in moribus violentis cordis basis atque sinus læderentur duritie ossium 3. Ne diaphragmati respiranti esset impedimento. Has rationes invenio ego inanes esse, & frivolas, vel potius nullas: hujus effati rationes cuivis reddere paratus sum. Quir cor positum sit 1. in thorace, causa est ne halitibus impuris, quibus naturalis culina inferioris ventris scatet, perturbetur. Non potuit ergo in abdomine locari. Neq; debebat in cavitate: Ibi enim necessario statuendū erat crebrū ob sensoria, ut convenienti loco aperiemus. Ergo in thorace. 2. In medio

Q. dio

dio autem thoracis suspensum est cor : quia unum & solitarium est : Solitaria verò membra semper in medio disponi solent à natura tum ornatus, tum commoditatis gratia, ut patet exemplo nasi, uteri, penis, umbilici &c. At membra geminata, occupant latera.

XVI. 3. *Substantia*. In elaboratissima cordis fabrica observare est partes plurimas similes, è quibus ipsius compages dissimilares contextitur: & q; sunt huiusmodi. 1. Adeps. 2. Tunica exterior. 3. Vasa triplicia, Venæ, arteriæ, Nervi, per superficiem currentes. 4. Caro. 5. Auriculæ. 6. Sinus & horum tunicæ internæ. 7. Septum intergerinum. 8. Vasa quatuor. 9. Valvulæ in vasis. 10. adduntur à nonnullis ossa.

XVII. 1. *Adeps*. Quod cordis substantia foris adipe affluat, quanquam Aristot. & Galen. videantur negasse; ramen oculi & manus evidenter id testantur, adeoque hodie super hoc ipso nulla superest dubitatio. Si tamen duo isti Heroes id quod scripserunt intellectum

volunt de *πικρὴ* pinguedine propriè dicta, quidni rectè & verè scripserint? Pinguedinem ab adipe differre annotavimus Exerc. 2. Th. 28. Ista igitur, quia promptissimè funditur à calore, circa cor durare nequit: ast durior compactiorq; adeps, non tam facile fusilis, cor investit. Ejus tantus sæpe proventus congeritur in opimis animalibus, ut prorsus abscondatur oblitereturq; cor, & ne quidem adesse credatur: quo Th. 9 diximus, deceptos fuisse plurimos Haruspicum antiquorum.

XVIII. De Usu adipis cordialis major est difficultas: Laur: l. 6. q. 5. genitum eum scribit. ne ob perennes motus æstu incandesceret cor: quo sine & aqua circumdatur. Vicisse verò hic causam finalem, & prævaluisse contra efficientem & materiam. Quod idem repetit Lib. 9. cap. 10. additque id singulari naturæ providentiæ factum, quæ contra proprias leges in regione ferventissimâ adipem generat.

Q. 2. Hac

Hæc mehercules nimis sunt παραλογα.

1. Potius augetur calor cordis ab adipe quam castigaretur. Adeps enim natura sua calidus, partem cui adhæret, non potest non calefacere. Ita Laurent. l. 6. c. 23. scribit Renum substantiã copioso adipe circumfundi, ut augeat eorũ calorem, ne is ob feri copiam languescat. Si adeps renes calefacit, quomodo refrigerabit cor? 2 Vincat sane causa finalis cœteras, ut Efficientem & Materiam, tamen easdem non tollit. Effectus naturalis sineposito necessario ponitur Efficiens & Materia. Si iste solus ponitur citra has naturaliter agētes, an non adipis cordis generatio miraculosa erit, & supra naturam? At est naturalis. Ergo non destituitur Efficiente & Materia. Ergo neq; in proprias leges hic peccavit natura, cuius illam insinulat Laur. Materia autē & efficiens adipis eadem in corde, quæ aliis partibus. Inspiciatur Exerc. 2. sect. 3. Nihilo rectius docuerunt alii, adipis hic loci usum esse, ut gliscentis perpetuo caloris in corde, pabulum foret, ne in magnis

in-

inediis, humidum radicale absumere-  
tur. Adeps sicubi corpori, in quo est,  
perit, id præter naturæ ac sanitatis leges  
evenit. Nulla enim pars viva partem  
aliam alit, in eodem corpore integro &  
non ægrotante. Veriusus adipis hic lo-  
ci sunt. 1. Ut aquam pericardii, natura  
frigidiusculam, calidam conservet, qua  
refrigerata, vis inferretur cordi. 2. Ut  
humectet cor, ne id perenni motu ex-  
siccet. Adeps enim humidus.

XIX. 2. *Tunica exterior*, quæ arctissi-  
mè complectitur cordis substantiam, te-  
nuis sanè est, claudens, muniensque car-  
nem & quidquid intra eam.

3. *Superficialia vasa cordis* sunt 1. Ve-  
næ coronariæ, incingentes & quasi co-  
nantes cordis extremam convexita-  
tem, Soboles venæ cavæ priusquam  
cordis capiti ea se insinuat: partem si-  
nistram ramulis pluribus & grandio-  
ribus: dextram paucioribus & mino-  
ribus exornans. 2. Arteriæ coronariæ,  
propago aortæ commodum è corde  
prodeuntis: cujus ramuli similiter in si-



nistra notabiliores. 3. Nervi sexto conjugio orti, præter sensum cordi forte nil largientes: Nam quod de motu, per eos communicato scripsit Picolhom. putans iis obstructis de subito mori hominem, ob denegatam motus continuitatem, id jam falsitatis convictum est ab recentioribus, qui dissecto nervo, nihilominus cor moveri observarunt.

XX. 4. *Caro*, peculiaris est indolis; rubra, densa, & crassa, differens ab aliorum membrorum carnibus, aliquo modo similis renibus. Num musculus sit cor, disputatum invenio. Hippocrati id placuit lib. de Corde; Certè in hac carne invenies fibras omnis generis, rectas, obliquas, transversas: ita indistinctè distributas & confuse, ut neque segregare eas ab invicem cultro, neque discriminare oculis exactè queas. Invenies fibrosum apicem, quem villi isti concursu suo efformant: Invenies motum. Verùm cum bono sene poterit aliquis Cor Musculum appellare similitudine aliqua, & analogicè: At verè & *κνόςας* nequaquam.

quam. Nam 1. Musculus omnis movet partem aliam cui ministrat & cui implantatur: At cor movet seipsum nec ulli implantatur. 2. Musculorum fibræ à carne sunt diversæ, desinuntq; in tendinem: At cordis fibræ carneæ sunt, ejusdem cum carne indolis, desinuntq; non in tendinem, sed fibrosum carneum apicem. Compactio ista & densitas carni cordiali concessa 1. Ut perennem motionem constantius & solidius ferret. 2. Ut magis prohiberet effluxum subtilium spirituum, & inclusi vitalis caloris.

XXI. 6. *Auricula.* Hæ sunt pendula ista frustula carnea, fibrosa, rubella juxta caput aut basin cordis: numero gemina; singula à singulo cordis latere: nonnullis dicuntur Cordis processus. In piscibus & serpentibus loco auricularum est vesicula, quæ prorsus in motu cordis sic se habet, ut auriculas se habere paulo post dicemus. Cur, & an appositè vocentur auriculæ? jam olim quæsitum fuit. Galen. 6. us. part.

Q 4

Hipp.

Hipp. sacr. morb. hanc illis appellationem ineptè & nequiter ascribi profitentur; siquidem auditionis organa non sint. Ast quid prohibet ἀναλογικῶς ita dici? 1. Ob similitudinem figuræ, quam cum auribus communem habent. 2. Ob dependentiam, quum ita de corde dependeant, uti aures de capite 3. Ob positionem; quia sicut aures ad caput & summitatem corporis hærent, sic hæc appendices ad summam basin & fastigia cordis. Sed inter has ipsas aliqua spectatur conformationis differentia. Nam dextra major & laxior: sinistra durior & compactior est. Dextra afficit venæ cavæ ostio, quocum coalescit: sinistra arteriæ venosæ. Usus auricularum à Laurent. l. 9. c. 11. constituti fuere quatuor hi. 1. Ut sint promptuaria sanguinis & aeris repente irruentium, ne cor ab istis subito illapsis frangatur aut suffocetur. 2. Ne vena cava & arteria venosa in violentis motibus disrumpantur. Hæc violentia est à corde trahente sanguinem & aerem.

3. Ut

3 Ut follium instar (ex Hipp. mente) cor refrigerent. 4. Ut inibi præparetur sanguis & aer, materia scilicet spiritus vitalis

XXII. Inter hos usus qui ordine 1. est, eum geminum esse sane judico, si aerem hinc excludas. Nā auricula dextra sanguinē è cava per dilatationē (διαστολήν) elicited, mox ulterius per restrictionē (συστολήν) derivat in cordis dextrum sinū, ne illuc irruat ἀθρόως. Sinistra ex arteria venosa per dilatationē excipit venientē è pulmonibus, nō aerem, (aer enim cor nunquā ingreditur, ut patebit ex sequentibus) sed sanguinē attemperatum; quē porro per systolen in cordis sinistrum sinum eructat. 2. Usus nullus est. Absque auriculis his, ibi locorum Cava & Arteria venalis satis robustæ, adeo, ut etiā in Cartilagine degenerent aut os. Nam radices horum vasorum duorū sæpe ita indurescunt, ut mentiātur os, de quo osse cordis paulo post. 3. Usus nullus item. Auriculæ calidæ ipsæ sunt: Calidum sanguinem continent & eructant in cor; quomodo igitur id frigefaciēt ut folles?

Q5

Fol-

Folles actu continent aerem frigidum & evibrant. Aer tamen si ponatur huc venite ex pulmonibus, tamen inibi ita calfactus & coctus est, ut nequeat amplius refrigerare. 4. Usus veius secundum quid. Possunt quidem auriculæ præparare aliquo modo sanguinem in transitu dum is ad cor it: at aerem quomodo præparabunt, qui eas nullus ingreditur? Primarium officium est, esse cisternam è qua hauritur sanguis, & derivatur in cor: Secundarium fortè præparare aliquantillum sanguinem.

XXIII. Auricularum motum ut intelligas, scito, quatuor spectari in corde motiones, non quidem tempore (ut volunt Bauh. & Riol.) sed loco distinctæ: Duæ sunt Auricularum, duæ sinuû cordis: Simul moventur auriculæ duæ: simul sinus duo. Ergo tempora duo: & quatuor partes mobiles distinctæ. Præcedit motus auricularum: mox sequitur motus sinuum, vel reliqui cordis: sed tam celeriter, ut videatur motus unus: Haut secus ac in bombardarum explosione



sione primò fit allisio filicis ad rotam  
 chalibeam; quam protenus sequitur pul-  
 veris accensio, & hinc mox explosio  
 ipsa. Judicantur tamen hæ simul fieri  
 ob celeritatem. Sic & pulsatio incipit  
 ab auriculis, progreditur in ventriculos.  
 Auriculæ dum pulsant, seu dum se con-  
 trahunt sanguinem eructant aut immit-  
 tunt in cor, fiuntq; aliquantum albæ ex-  
 presso quippe sanguine. Itaq; cor reple-  
 tur ab calente sanguine, contractisq; au-  
 riculis contrahitur protenus cor. Ejus  
 rei elegans experimentum capies hunc  
 in modum. Moriente paulatim anima-  
 li, & corde jam quieto, si adhuc moveri  
 auriculas cernis (quod sæpe fit) forfice  
 præcide cuspidem cordis; videbis efflue-  
 re toties sanguinem, quoties pulsabunt  
 auriculæ, donec exhausto omni sangui-  
 ne, istæ tandem albescant & morian-  
 tur: Principium itaque motus cordis  
 ab auriculis: & auriculæ ultimo mo-  
 veri desinunt, postquam cor jam de-  
 siit moveri. Quapropter subtiliter lo-  
 quendo auriculæ sunt primum movens

aut vivens, & ultimum moriens aut  
quiescens.

XXIV. 6. *Sinus.* Ventres aut thalami  
κόλποι, γαστέρες, κοιλίαι: Laurent. l. i. o.  
c. ii. improprie Diribitoria. Diribito-  
rium enim est septum interjacens hos si-  
nus, eosque diribens à se invicem. Diri-  
bere enim est distribuere, dividere: Di-  
ribitor thesaurarius, distribuens argen-  
tum. Specustales in corde quot nume-  
ro sint, & olim & hodie disceptatum est.  
Fortassis in grandibus ac inmanibus  
belluis, Rhinocerote, Elephante, Came-  
lo, ventriculos tres repetit Aristoteles:  
(sic enim memoriae prodidit lib. de Ani-  
mal. passim) In minoribus vero & aqua-  
tilibus pulmone carentibus, saltem unū:  
(pulmonū enim absentia tollit perpetuo  
dextrū cordis sinū) In mediocrib. ut ho-  
mine, cane, bove duos; quorū unus col-  
locatus est ex dextra cordis parte; alter  
in sinistra, diremptione facta per seprum  
intermedium, de quo mox. Non eadem  
est duorum horum sinuum idea: Dexter  
est tanquā semilunium, κεραιοειδής: sinister

ceu plenilunium : Dexter capacior &  
 major, sinister minor. Tum dexter stat  
 ad latus cordis; sinister ferè in meditul-  
 lio : dexter non pertingit ad acumen  
 cordis ; sinister prorsus illuc excurrit:  
 Dextriparietes vestiti sunt membrana  
 tenuiore : sinistri multo crassiore, haut  
 dubiò, ne sanguis hujus, quam istius spi-  
 rituòsior, temerè evaporet: Non verò,  
 (quod addit Laurent. d.l.) ut corpus  
 esset *ισορροπον*, seu in æquilibrio. Hanc  
*ισορροπια* relegavimus Exerc. 6. Th. 14.  
 ubi quæ de duobus renibus dicta sunt,  
 huc applicari possunt ad duos hos cor-  
 dis sinus. Interior capacitas utriusque  
 non est levis, sed inæqualis, cavernulis  
 pluribus hiulca, sinistra tamen magis  
 quam dextra, non sine prominulis &  
 conspicuis fibris carneis. Istas ego factas  
 arbitror, tum ob partium cordis inter-  
 narum nutritionē, quo venæ non per-  
 tingunt, ut iis recipiatur sanguis, respon-  
 dentibus quasi ductui venarum. Venæ  
 enim coronaria superficies cordis ali-  
 tur saltem: tū pro diuturniore sanguinis  
 Q7 mora,

mora, qui in homine inprimis plena coctione indiget.

XXV. Communis est Anatomicorum sententia, hanc esse ventriculorum cordis actionem, dextri quidem, ut præparet elaboretque Pulmonibus conveniens nutrimentum è sanguine, quem à vena accepit: quemque satis coctum ad illos ableget per venam arteriosam, è dextro sinu in pulmones abeuntem. Hinc esse, quod animalia pulmonibus carentia, careant etiam ventriculo dextro: quippe sublato sine, tolli id, quod finis gratia comparatum est. Hinc esse, quod dexter hic major sit sinistro, quia plurimum sanguinis à pulmonibus digeritur, propter motum istorum. Sinistri officium ajunt 1. aerem è pulmonibus venientem excipere, imo attrahere. 2. Attrahere è dextro ventriculo sanguinem. 3. Hunc ipsum elaborare & convertere in spiritum ac calorem vitalem. 4. Pellere retro fuligines in pulmones per arteriam venalem. 5. Pellere spiritus & sanguinem confestim in aortam

am & hinc in totum corpus. *Dicam in-*  
*venire quod censeo.* Quanquam duo hi  
 cordis sinus inter se differant, ut jam in-  
 dicavi, magnitudine, positu, figura: quæ  
 accidentia sunt communia, tamen si  
 essentiam eorum quis spectet, prorsus  
 similis naturæ esse deprehender. Enim-  
 vero utrique eadem aut similes fibræ,  
 acertuli, valvulæ, auriculæ; idem motus,  
 pulsus; idē sāguis nigricās grumescens,  
 spirituosus; (licet in sinistro sit spirituo-  
 rior, tenuior: sed magis aut minus non  
 mutant Naturam: ) His omnibus cum  
 duo hi sinus invicem conveniant, quur  
 non ipso quoq; usu, actione, & fine con-  
 venient? Aut quur tam distincta illis af-  
 signantur officia? Quinq; illæ distinctis-  
 simæ actiones ventriculi sinistri monstri  
 similes sūt: Et dictu est mirabile, quomo-  
 do adeò contrarii motus uno pulsu ab  
 una cavitatē fieri possint? 1. Dicat & fādo  
 mihi explicet aliquis, quid hic sit quod  
 terū adeo diversarū, aeris, fuliginis, sāgui-  
 nis, spirit9, separationē faciat? quomodo  
 huc spirit9 illuc fulgines, sine cōfusione  
 aut



aut commixtione eant? 2. Dicat, quomodo valvulæ non impediunt egressum fuliginum in pulmones, & tamen eodem momento impediunt egressum aut reditum aeris in pulmones? 3. Dicat, quo consilio Natura, aliàs prudentissima, vitæ illum fontem, frigidæ aeris injuriis (quem in sinum intimum dicitur recipere) tam temere objecerit, ubi alias minutissimas & ignobiles partes, adversus aerem tam studiosè i vitæ defensum?

XXVI. Hæc, & id genus plura induxerunt me, ut nondum quiverim assensum adjicere ad pervulgatam professionem Anatomicorum de ventriculis his duobus cordis; Frigida sunt schemata quæ proferuntur de mutua dextri ventriculi & pulmonum correspondentia. Non idcirco se mutuo consequuntur, dexter ventriculus & pulmo, quasi iste huic præstaret alimentum: Sed quia omne animal pulmonibus præditum, & copiosum & ferventem habet sanguinem; pulmonibus destitutum, pauciorum & frigidiorum. Igitur uber sanguis

& ca-

& calidus diligentiorē postulabat cō-  
 ctionem, pręparationem: igitur requi-  
 rebatur etiam dexter ventriculus pro  
 ista elaboratione pleniorē. Frigidis &  
 pulmonum carentibus tale nihil exusu-  
 erat. Porro ajunt dextrum sinistro ma-  
 jorem, quia calidissimi pulmones pluri-  
 mum sanguinis ob motum jugem re-  
 quirebant. Utrumque absurdum & fal-  
 sum. 1. Solus pulmo, ē dextro ventriculo  
 nutriendus, postulabat ne plus sangui-  
 nis, quam omnes corporis partes, adeo-  
 que totum corpus (sepositis pulmonibus)  
 ē sinistro sustentandus? qui & mi-  
 nor dextro, & paucioris sanguinis?  
 2. Pulmones quomodo calidissimi sint,  
 & tamen singulis fere momentis frigi-  
 dum aerem hauriant; id sanē ego non  
 intelligo.

XXVII. Videtur mihi unicus & verus  
 sinuum cordis usus esse, dextri quidem  
 ut acceptum per suam auriculam ex ca-  
 va sanguinem porrō elaboret? elabora-  
 tum per venam arteriosam ad pulmō-  
 nes ableget, ut ibi ventiletur & refrige-  
 retur;

retur: Sinistri, ut è pulmonibus remissum sanguinem, & jam attemperatum recipiat, & porro per aortam in reliquū corpus transmittat. Hoc quomodo expediatur intelligi poterit plenius ex historia duorum vasorum, venæ arteriosæ & arteriæ venosæ.

XXVIII. 7. *Septum cordiale intergerinum, seu diribitorium* est membraneum corpus, crassum, densum, discriminans duos sinus cordis abs se invicem, ne quod in uno est recto ductu feratur in alterum. Septum hoc, quā spectat sinum dextrum, convexum est, quia iste sinus corniculatus: quā sinistrum, concavum, quia hic rotundus. In septo cordiali Galenus exque eo Laurent. l. 6. c. 11. quos bona pars recentiorum sequitur, tortuosa quædam foramina collocat, per quæ scilicet sanguis è ventriculo cordis dextro transeat in sinistrum, non sine insigni naturæ providentia, quæ per septum traducere eum maluit, lente instillando, quam per vas aliquod affatim effundendo, quomodo potuisset calor suffo-

suffocari, ut à nimio olei affusu lampadis  
 flamma. Cæterum ea foramina in cada-  
 veribus, queis omnia concidunt, invisi-  
 bilia esse: At in vivis, patula : Quin cor  
 bubulum elixatum, eadē haut obscure  
 ostēdere. Sed quæ dicuntur de his forami-  
 nibus, somniorū interpretamentis sunt  
 similia. Neq; in vivis, neq; in mortuis,  
 neu crudis neu elixis quisquam ea con-  
 templabitur, quamvis perspicacior ocu-  
 latissimo illo Strabone, de quo Plinius.  
 Est septi hujus membrana adeo densa,  
 compacta, solida, ut non solum nil ce-  
 dat pericardio, sed nec ulli alii totius  
 corporis membranæ: visaq; est non se-  
 mel cartilaginosa prorsus esse. Ad pro-  
 videntiam naturæ, nolentis cumulatim  
 effundere, sed potius conantis guttatim  
 instillare sanguinem, frustra est quod  
 confugiunt: Quasi verò provida Natura  
 sibi metuat à suffocationis periculo, quæ  
 per patentissima & capacia venæ cavæ  
 ostia non intermittit sanguinem in  
 dextrum cordis sinum effundere.  
 Sunt sanè lacunæ aut superficiaria  
 fora-

foraminula in septo, sed quæ nenti-  
quam penetrant, insculpta eodem fine,  
quo in tunica interiore ventriculorum  
cordis. de quo in fine Th. præced.

XXIX. Quod sanguis per septum hoc  
transeat è dextro in sinistrum sinum, id  
ego reor esse falsum vanamque conje-  
cturam, atque adeo merum figmentum.  
Rationes ac fundamenta meæ senten-  
tiæ has reddo. 1. Nulla potest proferri  
causa, quur sanguis transsudet à dextro  
sinu in sinistrum potius, quam à sinistro  
in dextrum? certè majori promptitudi-  
ne sinistri sanguis perreptaret ad dextrum,  
quia multo spirituosior, ferventior, co-  
ctior: quia cavernæ sinistri se magis in-  
clinant versus dextrum, quam dextri  
versus sinistrum. Proferat mihi igitur  
quis diversitatis hujus rationem. 2. Ab-  
surdum est, aerem per patentissimam vi-  
am ( arteriam venosam ) ex doctrina  
Laurent. deduci è pulmonibus in sini-  
strum cordis sinum: & crassiorem san-  
guinem penetrare parietem densissimū,  
solidissimum. 3. Quolibet pulsu è sinistro  
sinu



sinu per diastolen cor expellit ad minimum sanguinis drachinam unam: Poteritne quæ so tantillo momento, quo una fit diastole, transsudare per parietem compactissimum nullis foraminibus pervium, tantum sanguinis? 4. Ubi patentiores & commodissimæ sunt viæ aliæ derivandi sanguinis è dextro in sinistrum sinum, quæ necessitas est, absurditates tales Naturæ affricare, quæ semper facit id quod optimum & facillimum? Eas vias nos paulo post ostendemus. 5. Breviter; ubi nullæ sunt viæ, per quas crassus, fibrosusq; sanguis ire queat, illac certe illum ire jubere infania est: In septo cordiali, nulli sunt pervii pori: à nullo mortalium unquam visi, sola phantasia insculpti.

XXX.8. *Vasa quatuor: duæ venæ, duæ arteriæ caput seu basin cordis subeunt, inque eo patentibus ostiis hiant: Venæ sunt. 1. Cava. 2. Vena arterialis, quæ utraque in dextra cordis parte ad auriculam dextram consistunt: Arteriæ sunt. 1. Aorta seu arteria magna. 2. arteria venosa,*  
qua-

quarum sedes est ad sinistram partem, juxta auriculam sinistram. 1. Vena cava, maxima omnium totius corporis, abs jecore sursum scandens per diaphragma ad dextram auriculam, & in sinum cordis dextrum panditur, patente ostio seu hiatu, cujus officium est sanguinem advehere ad cor. 2. Aorta seu arteria magna, è capite cordis juxta auriculam sinistram, duos ramos spargit, unum ascendentem, alterum deorsum euntem. Istius officium est sanguinem spirituosum, vitalem, in corde jam absolutum, derivare per omne corpus. Horum duorum vasorum ut evidens est actio & usus, sic controversia omni carent. At duorum reliquorum, venæ arteriosæ, & arteriæ venosæ historia involuta est plurimis difficultatibus: de quibus primum quid antehac communiter dictum scriptumque sit, indicabo: post quid in eo solidum crepet aut pictæ tectoria linguæ, inquisiturus.

XXXI. 3. Vena arteriosa, dicta fuit, quia creditur vehere sanguinem alien-

men-

mentalem pro nutritione pulmonum: (quod venarum proprium) sed crassa tunica, qualis est arteriarum. Hæc orta è dextra cordis parte sursum si andit, divisa in duos ramos; dextro dextrum pulmonis lobum, sinistro sinistram perreptans, comminuta porro in innumeros furculos ac filamenta. Hujus officium nullum aliud esse ajunt, quam pulmonibus advehere sanguinem pro nutritione.

4. Arteria venosa, sic appellata, quia spirituosum sanguinem (quod arteriarum proprium) subministret pulmonibus, tunica simplici, qualis venarum est. Hæc è sinistra cordis parte prodiens, æque ut præcedens pergit sursum ad pulmones, & æque bifurcatim divisa, binis pulmonum lobis innumeris furculis se infinuat. Ei assignatur officium triplex.

1. Ut deferat aerem è pulmonibus in sinistram cordis sinum pro refrigerio.
2. Ut per eam fuligines & inutiles halitus eant è corde ad pulmones.
3. Ut deferat spirituosum sanguinem ad pulmones è sinistro sinu cordis.

XXXII. Hæc dogmata qui de duobus his vasis non prodiderint anuidhac Anatomi, paucissimi sane & vix numero totidem sunt, quot apices habet litera Pythagoræ discrimine secta bicorni. Tamen si veritati fucus non est faciendus, dicendum pleraque ista effata, esse errorum ac absurditatum plenissima. Ut de (3) *vena arteriosa* primò dicam. 1. Nimis hercules operam lusisset natura, quod unis pulmonibus dedisset vas tantæ capacitatis, in quod stata ætate vel pollicem grandem immitteres sine difficultate, tantæ firmitudinis, (quippe cum duplici tunica) saltem in privatum usum nutritionis; ubi publico usui non uni, sed triplici diversissimo (qui certè majora flagitaret) assignavit vas (arteria venos.) simplici solum tunica indutum. 2. Si nil aliud commodi præstat pulmonibus vena arterialis, quam ut afferat sanguinem, quod idem quoque facere dicitur Arteria venosa, mehercules, soli pulmoni plus sanguinis advehetur, quam toti reliquo corpori. Confert enim

enim sanguinem hujus vasis, cum eo, ex  
 quo fit spiritus & sanguis vitalis, (qui  
 non est alius quam per septum transu-  
 lans in sinistrum sinum juxta illos: )  
 quo contentæ esse coguntur cæteræ  
 omnes partes; inuenies vix subdecu-  
 plam hujus ad illum proportionem.  
 Quod prætendunt de calore & tenuita-  
 te pulmonis, multo sanguine subtili in-  
 ligenti, & multum absumentis: id ina-  
 ne est effugium. Nam neque venæ ar-  
 terialis sanguis tenuis est, sed crassus:  
 neque tantus pulmonis calor, quantus  
 prohibetur. Quomodo enim calidissi-  
 mum foret id, quod singulis momentis  
 rigidum aerem intra sese recipit, & fri-  
 gificationi cordis est destinatum? 3. Ab-  
 surdum est, cor ponere organon ali-  
 mentalis sanguinis, coquendi, & parti-  
 cus subministrandi. Distincta sunt hæc  
 (juxta eos ipsos) munia, distinctarum  
 partium principium. Jecur est pars  
*ματρώσι* & nutritioni præfecta. Cor  
 solis spiritibus & sanguini vitali. Hæc  
 i commisceas, num non enormi confu-  
 sioni



fioni anſam ſubminiſtrabis? 4. Si vena arterioſa ſolùm pulmones alit, fruſtra certè natura eam voluit pulſu agitari. Adveſtio illa ſanguinis & nutritio, ſine pulſu abſolvi potuiſſet haut minus, quàm in partibus cœteris, ad quas venæ non pulſatiles advehunt ſanguinem. Quid opus hic pulſu, cum cor ſit tam in proximo? Alia membra à corde remotiora, nihilominus aluntur abſq; pulſu.

XXXIII. Sequitur (4) *arteria venoſa*, quam tenuitate donatam aſſerunt, ut facilius exciperet aerem tenuem. At ſanè excipiat quidem facilius, ſed ſemel exceptum, ob eandem tenuitatem æq; facile elabi patietur: Tantum obeſt aeris conſervationi tenuitas, quantum prodeſt ejuſdem receptioni. Cœterum contra popularè uſum arteriæ venoſæ hæc accipite. 1. Hæc dicitur aerem è pulmone devehere in cor pro refrigerio. Quæro, num non aer primò trahatur in pulmones, eoſque (ſecundum illos) calidiſſimos? Abſq; hiſ præparetur? Ajunt. Quæro nunc porro, quo pacto aer hic  
in

Si vena  
 frustra  
 agitari.  
 o, une  
 nus, quā  
 enz non  
 i. Quid  
 inproxi-  
 monora-  
 fu.  
 a venosa,  
 ant, ut fa-  
 At sanē  
 emel ex-  
 m q; fa-  
 est aeris  
 um pro-  
 um con-  
 roia nāz  
 e pulmo-  
 refrigerio-  
 abatur in  
 illos, ca-  
 iri: Apud  
 o aer hic  
 in

in pulmone calefactus, coctus, & san-  
 guini spirituofo calidissimo, venienti ē  
 ventriculo cordis sinistro, (cujus plena  
 est arteria venosa) permixtus, frigeface-  
 re aut temperare valeat cordis æstum?  
 Id ego quidem non comprehendo. 2.  
 Arteria venalis ineptissima est aeri ve-  
 nendo. Nam (1) latera illius mollia, ē  
 implicita tunica, concidunt promptē: De-  
 bebant autem patere, & expansa mane-  
 re, potiusque ē fistulis circularibus, &  
 bronchiis fabrefacta, qualem tracheam  
 ernimus, aeri reciprocando servientē;  
 ut aerem liberum ire permetterent. (2)  
 Plena est sanguinis crassioris. Debebat au-  
 tem esse vacua omnis humoris, ne ab  
 hoc impediretur aer: Sicuti experimur  
 nos cum sibilo respirare, quando bron-  
 chia pulmonum obfessa sunt crasso li-  
 quore. (3) Vas jam ante plenum sangui-  
 ne, qua ratione penetrabit aer? aut qua  
 i aer se sanguini insinuabit, cum ne  
 uidem in aquam apud nos sese im-  
 mittat? (4) Contrariis motibus, con-  
 trariis mobilibus, Natura nunquā unam

viam assignat. Sed aerem advehere ad cor, & simul avehere sanguinem à cor-  
de contrarii sunt conatus: Aer etiam  
fuligo, sanguis, distinctissima sunt. Hi  
igitur unam viam, unum canalem Ar-  
ria venosæ Natura non destinavit. 5. In  
vasis duobus, Vena arteriosa, & Arteria  
venosa intus ad orificia appositas effi-  
valvulas, paulo post dicemus: Harum  
ea est idea, ut in Arteria venosa respi-  
ciant introrsum, & excipiant è pulmo-  
nibus materiam venientem: E cordi-  
autem nihil patiantur egredi. Nunc  
aer per Arteriam Venosam intrat in Co-  
certè neque sanguis, neque fuligo in-  
iterum exire poterit, ob interjectas val-  
vulas.

Profecto res mira foret, si natura con-  
didisset valvulas tanquam repagula, ne  
(ut isti ajunt) aer retro irer in pulmones:  
& tamen nihilominus interim, non ob-  
stantibus valvulis, sanguis, aere centu-  
plo crassior, & densa fuligo possent re-  
trocedere ad pulmones. 6. Cupio mihi  
causam dari, cur non æq; Vena arterio-  
sa a

atque Arteria venosa ē pulmonibus  
 ducat aerem in cor? Utraque eodem pror-  
 ius modo per pulmones sese expandit:  
 Utraque simili ratione se ad bronchia ap-  
 plicat. Detur mihi ratio divexitatis. Val-  
 vulas nemo dixerit obstare. Nam si con-  
 cedas sinistras valvulas introrsum licet  
 spectantes, nihilominus exeunti fulgi-  
 ti dare viam: concedere te etiam oport-  
 ebit, dexteris valvulas, extrorsum tamen  
 spectantes nihilominus ingresso aeri  
 viam facere posse.

XXXIV. Verum enimvero, cum ex  
 istis id verè & necessariò colligatur,  
 aerem ipsum intra cor neutiquam sub-  
 ire, partim, quia via nulla datur, (ut est  
 demonstratum) partim, quia pernicio-  
 sum foret principi illi aut Regi membro-  
 rum, obijci temerè incursum aeris exter-  
 ni: Et verò illud quoque certum & extra  
 omnem dubitationem, cor, & hujus of-  
 ficinam excoctoriam sanguinis vitalis  
 omnibus modis postulare refrigerium  
 & temperaturam, quæ nusquam nisi ab  
 eterno ambiente (sive aere, sive aqua,

R. 3) sive

sive potu) expectari aut sperari potest, imprimis nunc quæritur, & nobis explicandum incumbit qua ratione, quave commoditate cor refrigeretur? Ecce tibi modum facilem & conspicuum: viam apertam & commodam.

XXXV. Auricula cordis dextra haustum è vena cava sanguinem, eructat in ventriculum suum. Is ibi aliquandiu moratus, & pro re nata coctus, effunditur in venam arteriosam, qua illum paulatim transfert ad pulmones: Eo enim spectant & hiant valvulae. Pulmones aerem frigidum inspirantes, bronchiisque suis astantes, & parenchymate ramulos hujus venæ undiq; circumplectentes, communicant illis, ac per illos concluso intus sanguini, acceptum aeris frigus, (aer enim ipse nequit plenas venarum tunicas introire: neque id opus cum satis sit qualitatem imprimere: quod quanquam modicum videatur haut tamen parum retundit, sopitque fervorem, haut secus ac à levi halitu ebulliens aqua in cacabo, subjecto igni sedat.



edatur fervoremque remittit. Porro  
 oscula, seu extremitates venæ arteriosæ,  
 cohærente & uniri per *ἀναστομώσεις* cum  
 oscillis arteriæ venosæ, similiter per pul-  
 monem dispersæ, id hodie observatissi-  
 mum est. Per eas *ἀναστομώσεις* sanguis jã  
 paululum refrigerari ceptus, transit è  
 Vena arteriosa, in Arteriam venosam,  
 eaque mora adhuc magis attemperatur,  
 accepta tum à Carne pulmonis, tum à  
 bronchiis (quæ & huic vasi astant) frigi-  
 ditate. Atque ita non solum imprimitur  
 sanguini grata ista qualitas, sed insuper  
 ana opera, fuligines evaporant, iisque li-  
 beratur sanguis. Ex Arteria venali ulte-  
 rius eventilat⁹ sanguis transportatur ad  
 Cor, offerturque auriculæ sinistræ, per  
 quam porro in sinistrum sinum (horsum  
 spectantibus & inclinantibus valvulis)  
 excutitur: ibique jam omnibus numeris  
 absolutus, per aortam ablegatur, (quor-  
 sum etiam se aperiunt & accommodant  
 valvulæ) & erogatur in omne corpus,  
 tanquam vitale pabulum & nectar sin-  
 gularum partium.

XXXVI. Hæc, quæ hucusque professus sum, quanquam nova & insolentia fors accidunt ad aures mentemque plurimorum, esse tamen conformia ipsi Naturæ; respondere autopsiæ & observationibus; conspirare cum bona ratione, fateri cogetur, & mihi astipulari quisquis ingenui est ingenii. Enimvero 1. nisi egredi debuisset sanguis per Venam arteriosam, cur Natura versus exteriora apertas fecisset valvulas; versus interiora repaguli instar occlusas, ne quid relaberetur? 2. Nisi sanguis ex ramis Venæ arteriosæ debuisset derivari, in Arteriam venosam, cur spectabiles istas *ἀναστροφάς* tam curiose & manifestò construxisset. 3. Nisi ex Arteria venosa deberet sanguis iterum effundi in cor; quare Natura valvulas parasset versus Cor patentes introrsum, occlusas vero à tergo, ne quid relabatur ad pulmones? Si Laurent. l. 9. q. 12. insigniter gloriatur, quod reperit viam per quam serosus humor & pus empyicorum in thorace contentum, per Arteriam venosam

in li-

in sinistrum cordis sinum, & hinc ad re-  
nes usq; derivetur & expurgetur, quid-  
ni etiam & quidem multo magis conce-  
dat, sanguinem in pulmonibus tempe-  
ratum per eandem Arteriam venosam  
derivari in sinistrum sinum? Et 4. cur  
Natura parenchyma pulmonum ita cir-  
cumfudit vasorum horum propagini-  
bus, velut jecur venis, nisi, sicut jecur  
venas tangens, eis calorem impertit,  
sanguinemque coquit magis: Sic pulmo  
aere frigido plenus, vasa hæc comple-  
ctens, frigiditatem iis, & sanguini intus,  
conciliet?

XXXVII. Ex hoc fluit & hauriri po-  
test geminum Naturæ consilium, cur  
venam arteriosam crassam voluerit for-  
mare: Arteriam venosam tenuem. Ista  
(Vena arteriosa) crassior, quia ab infer-  
nis sursum versum scandens, non pote-  
rat se concredito sanguine liberare, sine  
concussione aut pulsu, quare oportuit eā  
arteriarum naturæ pulsatili investari. Ite-  
rum quia sanguinem continet jam in dex-  
tro sinu coctum, ac spiritualiorem san-

R 5      guine

guine venarū, oportuit etiam eam crassitudine aliqua insigniri. Hæc (Arteria venosa) quia à superioribus versus inferiora descendens, sanguinem ducit, naturali instinctu, deorsum ruentem, non indigebat pulsatione aut excussione valida, proinde neque densa tunica, cum à ruptura nullum esset periculum. Peculiariter vero ei tunicam dari oportuit subtilem, ut per pulmones excurrens, partim fuliginosos halitus promptius transmitteret, partim promptius admitteret refrigerium.

Patet quoq; hinc consilium Naturæ, quod iniit in valvulis tam sapienter disponendis. Per Venam cavam & Arteriā venosam aliquid ingreditur in Cor. Ultraque nacta est auriculam, cujus officium dixi esse, constrictione sua sanguinem projicere in Cor, quem dilatione attraxerat: His valvulæ foris introrsum spectant, ut ingressus pateat, exitus prohibeatur. E contra per Venam arteriosam & Arteriam magnam aliquid egreditur ex corde. Igitur his constructæ sunt

sunt valvulæ, spectantes ab interioribus extrorsum, ut egressum concedant, introitum prohibeant. Præcipuum igitur & nobile munus Venæ arteriosæ & Arteriæ venosæ, consistit in sanguine effereundo & inferendo, ex dextro in sinistrum sinum, transeundo pulmones, ut hoc itinere temperetur & ventiletur. Præter eam functionem, secundarium quoque usum horum vasorum esse haut invitus concessero, subministrare pulmonibus alimentum. Dum enim ita spaciatur sanguis per carnem pulmonum, dubium nullum est, quin ex iis totus pulmo arripiat portionem gratam & acceptabilem, quam in suum commodum convertat.

XXXVIII. 9. *Valvula*, (seu ostiola) quarum jamjam injecta est mentio, agglutinatæ sunt quatuor vasorum foraminibus, ubi hæc cordi sunt inserta, Substantia earum membranæ est: Figura duum generum, aliquæ tricuspides; Aliquæ semicirculares. Tricuspides appositæ sunt duob. vasis quæ in cor aliquid immittunt,

R 6 qua-



quales Vena cava, (quæ habet tres:) Arteria venosa; (quæ habet duas:) Hæ foris introrsum flectuntur, & aperiuntur venienti sanguini; ingressuro autem ostium præcludunt: Semicirculares astant Vasis emittentibus, ut Venæ arteriosæ, & Arteriæ magnæ, (quarum utraque tres nacta est) Hæ internè foras spectant, & exitum concedunt; ingressum prohibent. Itaque universim valvulæ sunt undecim.

XXXIX. 10. *Os cordis*, ultimò addendum videtur recensitis particulis, quod Galenus adversus Aristotelem disputans, Medicosq; veteres, & sui ævi, qui id negant, subagitans, l. 6. us. part. c. 19. & l. 7. adm. Anat. in omnib9 animalibus inveniri asserit, addita occasione ej9 à se observati aliquando Romæ, cum ibi jussu Cæsaris elephas ingens esset jugulatus. De eo acceptū os cordis, grandius quam quispiam crederet, adhuc dum, scribit, à se asservari. Gemma in Cyclom. & Cosmocrit. sibi quoq; id genus ossis visum repertumq; in humano corde

corde profitetur. Pharmacopœi vero officulis de corde cervi non solum pyxides suas repletas possident, sed etiam Medicosea ad affectus cordis tollendos adhibere & præscribere quis nescit? Matthiolus sigillatim commendat contra venena quæque: admiscetque antidotis, quæ pesti adversantur.

Sed in his refutandis, & errorum convincendis, non lubet ocio abuti. Tantum abest, ut nos in cordibus animalium omnium os reperiri affirmemus, ut potius hæc nostra sit assertio, id sicubi reperitur, præter naturam esse, & dispendio potius ac damno animali, quam commodo aut usui. Atque ita se habet apparatus partium, quibus instructa est Oeconomia cordis.

XL. 4. *Quantitas*, gemina est; Numerus & Magnitudo. Numero cor unum inest homini & animalibus cæteris: Quæ de Geryone tricorpore, & tricorde efficta sunt à Poëtis, illa allegorico sensu intelligenda veniunt, non nativo: scilicet de istius multiplici prudentia:

vel triplici audacia, vel insigni versutia,  
 vel quia sciret loqui tres dialectos; qua  
 ratione etiam pater Ennius sibi triplex  
 cor esse dixit; quoniam sciret Græcè,  
 Oscè, & Latinè, teste Gellio l. 17. cap. 7.  
 Putamus etiam fabularum commentis  
 similia esse, quæ de perdicibus Paphla-  
 gonix, bina corda singulis gestantibus,  
 memoriæ prodidit Theophrastus, refe-  
 rente Gellio l. 16. cap. 15. Magnitudinem  
 cordi exiguam ascribit Laurent. l. 9. q. 10.  
 1. Ob faciliorem systoles & diastoles  
 motum. 2. Quia principiorum moles  
 exigua: vis maxima. Adjicit tamen mox:  
 Cor homini, quam cæteris animalibus  
 grandius. An hæc vera sint, aut acceptari  
 mereantur, consultabimus inter dispu-  
 tandum: Nobis non judicantur ea ma-  
 gnæ efficacix aut subtilitatis. Magnitu-  
 do Cordis omnium animalium una  
 mensura exprimi nequit: Homini largū  
 fere est sex tranversos digitos: latum  
 quatuor.

Illud effatum Aristotelis, quod legi-  
 tur lib. . part. an. cap. 4. Quibus cor ma-  
 gnum

gnum est, ea esse timida : quibus parvū,  
audacia, quamvis multis difficultatibus  
involutum esse videatur, nostrum ta-  
men propositum est defendere id & re-  
ctè interpretari.

XLI.5. *Qualitas*. Cor diversis qualita-  
tibus pollet: temperie, figura, densitate,  
&c. *Temperamentum* cordis quale sit di-  
sputatū est prolixè apud Laur. l.9.c.13.  
Esse vero id calidum respectu cutis du-  
bium nullum est: An vero collatum ad  
eandem cutim humidum quoque dici  
queat, uti vult Laur. ibid. id certè ita nu-  
diter & ruditer dicenti quivis non tam  
facile crederet. Nam si densitas cordis  
est à calore indurante, exsiccante, & co-  
quente, ut habet dict. l. Laur. cutis au-  
tem calor temperatissimus eandem non  
ita exsiccavit & addensavit, (est enim  
cutis posita in medio omnium qualita-  
tum) non poterit etiam hoc nomine cu-  
tis corde dici aut esse siccior densiorq;.  
*Figura* cordis qualis sit, nemo ignorare  
potest: Imprimis ea conformis spectatur  
pyro majusculo, quod à pondere, librale  
dici-

dicitur apud nos. Spectatum inventum-  
que esse sapissimè cor hirsutum, seu pilis  
undique obsitum, testantur Auctores  
fide digni Plin. l. II. c. 37. Valer. Max. l. I.  
c. 6. Eustachius: Muretus, Benivenius,  
Cælius Rhod. Tale fuit cor Aristomenis  
Messenii, Hermogenis Rhetoris, Leonida.  
Fuere isti homines extremè animosi,  
ob summum cordis calorem, & plæriq;  
Latrones. Porro deprehensum quoque  
aliquando fuit cor adeo solidum, den-  
sum, compactum, & ut sic dicam ferreū,  
ut conjectum in pyram aut ignem, con-  
cremari cum reliquo corpore nequive-  
rit: quod Germanico Drusi F. evenisse  
Suetonius, & Plinius l. II. c. 37. rescripse-  
runt. Causam hujus eventus Adr. Spigel.  
probabilem excogitavit: sed quæ è lon-  
ginquo petita esse videtur: Ego aliam  
commodiorem dari posse autumo.

XLII. 6. *Actio & Usus.* Principis mem-  
brorum cordis, princeps actio est, vivi-  
ficum sanguinem, spiritum & calorem  
partim elaborare, partim de se & à penu-  
suo elargiri toti corpori, partibusque  
singulis.



singulis. Hoc officium cor exequitur  
 perenni suo motu & agitatione : quo  
 nomine perpetuum mobile appellari  
 meretur : & sol microcosmi : Nam ut  
 sol in orbem universum diffundit lu-  
 men, calorem, & vitam : sic cor in omne  
 corpus : Ut sol per naturam nunquam  
 quiescit, sed indefinenter movetur ab  
 exortu mundi ad ejus interitum, sic ne-  
 que cor cessat unquam, sed indefinenti  
 motione agitur, à prima vitæ origine  
 usque ad mortem. Cæterum sicut cor-  
 dis motus evidens est & palpabilis : sic  
 natura illius & ratio obscura, occulta, &  
 difficilis explicatur. Illud certum & à  
 nemine vocatum in dubietatem, Cor  
 gemino motu percelli, uno quo se con-  
 trahit, & altero quo se relaxat iterum :  
 qui cum inter se sint contrarii, necessa-  
 rio quies gemina inter eos intercedit,  
 ut ostensum est ab Aristot. lib. Phys. quæ  
 quietes in cordibus animalium frigido-  
 rum, ut serpentum, ranarum, piscium,  
 manifestissimè notari queunt. Vocantur  
 isti pulsus Diastole, & Systole.

XLIII. Communiter in hanc usque diem statuerunt Anatomici & docuerunt hanc cordialis motionis indolem huiusmodi. 1. Dilatari cor, haut secus ac folles, quorum latera quum divaricantur, necessario ingreditur aër: sic postquam dilatatum est cor, tum protenus repleri, hancq; repletionem sequi post dilatationē, non verò illam efficere; adversa prorsus ratione quam fieri in utribus videmus, qui idcirco expanduntur, quod implentur: Hic impletio antea mbula: dilatatio subsequa: In corde ut in folle è contra, dilatatio antecedit, repletio sequitur: ( alioquin daretur vacuum: ) Dum enim folles divaricantur, locus fit intus capacior, qui vacuus maneret, ni vacui explendi ergo subiret aër. Hæc Laur. l. 9. q. 7. 2. Pulsus huius causam finalem esse triplicem. 1. Nutritionem spirituosæ substantiæ, quæ in sinistro cordis sinu stabulatur. 2. Temperationem ejusdem, ne cor conflagret. 3. Humidorum vaporum expurgationem. 3. In diastole, qua rapiuntur cordis

cordis extrema, mucro ad basin, & basis ad mucronem, & cor quasi fit (phæricum, attrahi sanguinem è vena cava in dextrum sinum : & aerem è pulmonibus per Arteriam venosam in sinistrum. In Systole, quà extrema ut mucro & basis, ad nativam figuram iterum expanduntur, fitque cor longius, pelli vitales spiritus in Aortam, & fumidos vapores per Arteriam venosam versus pulmones. 4. Simili motu, quo cor agitatur, etiam pulsare arterias : easque per contradictionem fumidum expellere constringendo se; Sicque impediri suffocationem: per dilatationem externum aerem trahere in corpus ut prohibeatur caloris dissolutio. Laurent. l. 9. q. 9.

XLIV. Quamquam hæc, aliaque plurima de cordis & arteriarum actionibus, tanto assensu recepta sint, personentq; nusquam non in pulpitis, faciant utramque paginam in libris, hæreant & vigeant firmiter in animis, ut qui cum iis divortiū facere ausit, grande capital cōmississe videatur, quasi parētis olim impia manu

manu senile guttur fregerit : Tamen non tam est mihi venalis animus, ut spiritum liberum faciam mancipium alienæ libidinis, aut erroris. Non permittunt pagellæ hæc, jam satis copiosæ & plenæ, examini aut incudi singula ista quatuor themata subjicere. Quid in iis reprehendere habeamus, & quæ majorem partem falsa, absurdaque agnoscamus, id quæsitum suo loco & tempore docere ac demonstrare haut recusabimus. Nunc intra limites Thesium nos continentes, breviter de motu cordis & arteriarum sententiam nostram hanc promulgamus.

XLV. Quæ συστολή Græcis, ea Latinis contractio est: uti διαστολή distractio, dilatatio. Appellamus igitur (contrario quàm Laurent. modo) Systolen in pulsu cordis constrictionem tensionemque in longum, contractis ad se invicem cordis lateribus, coarctatis ventriculis, & basi sursum apice deorsum recedentibus. Diastolen verò dilationem cordis in latum: lateribus à se invicem distra-

tractis, & basi ac mucrone ad se mutuo  
 recurfantibus; laxato denuo & concide-  
 nte corde: In systole, dum cor se con-  
 trahit in longum 1. cuspis cordis ad pe-  
 ctus allidit, & ibi pulsus sentitur; ( nam  
 in diastole seu dilatatione mucro cor-  
 dis à pectore plus recedit.) 2. Ventriculi  
 coarctantur, constringuntur, & sangui-  
 nem intra se contentum protrudunt,  
 dexter in Venam arteriosam, sinister in  
 Aortam, 3. In ea constrictione ob ejectū  
 sanguinem cor fit albicantius. 4. Cum  
 cor pellit sanguinem, Arteriæ eum re-  
 cipiunt: Cor pellit in systole; Arteriæ re-  
 cipiunt in diastole, dum dilatantur: Pro-  
 inde cum cor est in sua systole, arteriæ  
 sunt in sua diastole: simul enim & semel  
 utrumq; nequit contrahi; Cor contra-  
 ctu effundit, ergo arterias dilatarī oporteret,  
 dum accipiunt: Dilatatæ arteriæ pul-  
 sant; sicut cor contractum pulsat pectus  
 eodem tempore. Hinc necessario sequi-  
 tur, arterias ideo distendi, & dilatarī,  
 quia implentur sanguine, esseq; similes  
 aëribus, quibus infunditur aqua: non  
 folli-



follibus, qui eò quod distenduntur recipiunt aerem. Experimenta & oculares demonstrationes in promptu sunt. 1. In Arteriotomia vulneratis arteriis, cum harum fit diastole, sanguis saliendo erumpit: Cur? quia dilatantur arteriæ à sanguine. Ast verò si primò dilatarentur (follium instar) & tum post reciperent aerem, utique in hac dilatatione non erumperet impellens sanguis, sed aër introiret. 2. Vulnerato corde animalis ad usque ventriculum: videbis in systole vel tensione aut contractione cordis erumpere salientem sanguinem. Igitur in systole cor effundit sanguinem. Sed quo ille iret, nisi in arterias? In venam enim cavam ex corde remeare non potest: Arteriæ igitur, quia hauriunt sanguinem è corde ejectum necessariò dilatantur, haut secus ac Vesicam dilatari opus est, ab infuso liquore Clysteris: qui liquor compressa vesica effunditur in intestinum & hæc eodem tempore dilatantur, quo vesica clysteria contrahitur: Atque ita se habet systole, in qua

ego puto præcipuum consistere cordis munus, scilicet, ut sanguinem spirituosum diffundat in universum corpus per arterias. In diastole cor laxatur, & concidit, recipitque introrsum ab auriculis sanguinem. Fiunt ergo per diastolen talia. 1. cordis cuspis à pectore recedit. 2. Ventriculi dilatantur & hiant magis adeoque accipiunt affusum & advenientem sanguinem. 3. In ea dilatatione cor rubedinem suam recuperat, ob acceptum sanguinem. 4. Dum dilatatur cor versus latera & impletur sanguine (quem non quidē attrahit, ut vulgò creditur, sed infusū admittit,) Arteriæ constringuntur & cōcidunt iterū: sicq; arteriæ sunt in systole sua, cū cor est in diastole.

XLVI. Unicum hoc de arteriarū motu adjicere lubet. Quod creditū vulgo est, & proditū à Laur. l. 9. q. 9. arterias in diastole trahere aerē; in systole expellere ūlignes, id ego puto esse tū ab ipsa natura, tū ab observationib. tū ab ipsa ratione ac bonamente alienū. Fundamenta Theseos hujus plurima mihi sunt in promptu.

III. De

## III. De Pulmonibus.

XLVII. Quanto prolixior nobis sermo fuit de corde, tanto compendiosior erit de pulmonibus.

I. *Nomen.* Pulmo Græcis πνεύμων, aut πλοῦμων, apud Hippoc. Plut. Arist. unde eidem Hipp. πλοῦμον in tabem incido, & πλοῦμονια, eadem, quæ peripneumonia, morbus pulmonarius. Pulmonibus instructum est omne animal aërē per os accipiens ac reddens, qualia ferē sunt, quæ in aere degunt. Pisces hoc membro carent: quia eorum habitatio est in aqua, quam aer non penetrat. Quia tamen illis quoque cor datum est, refrigerio indigens, proinde concessa sunt iisdem Bronchiæ, instrumentum advocandæ aquæ ad refrigerium cordis.

XLVIII. 2. *Situs.* Domicilium Pulmonum est Thoracis cavitas, quam occupant; qua expansa, & isti expanduntur, tumescunt & replentur; contracta iterum in se subsidunt. Interventu Me-

diastr

Mediaſtini tam ſterno connectitur pul-  
 mo, quam vertebris doſſi, atque ita di-  
 viditur biſariam; in partem dextram &  
 ſiniſtram: à qua duplicitate dici cepe-  
 runt pulmones numero plurali. Supe-  
 rius per aſperam arteriam, collo; infe-  
 rius diaphragmati: Unde æſtimare ha-  
 betis quam verè ſcripſerit Laur. l. 9. c. 12.  
*Pulmo liber omnino eſt à connexu:* Ita ta-  
 men comparata eſt iſta connexio, ut in-  
 erim liber & non impeditus maneat ad  
 notum. Circumplectuntur vero pul-  
 mones Cor, quod intra eorum lobos re-  
 ponitur, cum quo per venam Arterio-  
 ſam, & Arteriam venoſam copulantur,  
 quo merito dicuntur culcitra Cordis  
 Avicennæ.

XLIX. 3. *Subſtantia.* Pulmonum  
 corpus diſſimilare eſt, in quo obſervan-  
 da. 1. Tunica. 2. Parenchyma. 3. Vaſa  
 quatuor generum. 1. Tunica pulmonis  
 carnem & compagem ambiens, tenuis  
 quidem eſt, non tamen compacta, ſed  
 poris innumeris pervia. Quod ſanies in  
 thoracis cavitate contenta pulmonum  
 S                      ſub-

substantiam subit, & exinde per tussim  
 projicitur foras, id non est adscriben-  
 dum cum Laur. tam tenuitati hujus tu-  
 nicæ; quam ejusdem porositati: Potest  
 enim tunica tenuis esse, & simul densa,  
 nihilque transmittere: sed foraminula  
 faciunt, ut aliquid transudet. 2. Caro,  
 (παγερχυμα) Pulmonis, peculiarem indo-  
 lem sortita, pondere levissima est, ne  
 comprimeret inclusum cor: conforma-  
 tione rara ac spongiæ instar foraminu-  
 lenta, ut imbiberet partim aerem, par-  
 tim aliquantillum potus hausti. Ea le-  
 vitas & raritas per motum spirationis  
 indefinentem, oppido augetur indies,  
 postquam in lucem prodiit infans: adeo,  
 ut etiam totus pulmo aquæ injectus na-  
 tet. Quamdiu uteri claustris adhuc con-  
 clusus est fœtus, quum non ventilentur  
 pulmones, sed ferè quieti jaceant, pon-  
 derosiores etiam sunt, ut subsidant in  
 aquis. In carne pulmonum aliquan-  
 do gignuntur calculi, animalcula &c.  
 Cœterum compages integra pulmo-  
 num imprimis Caro, vêtita membra-  
 nula,



nula, dirempta est infrusta quædam, per fissuras, quæ frusta Lobi appellari solent. Λοβός propriè est imæ auriculæ pars carnosæ, à λαμβάνω, quia hanc attestantes apprehendebant. Adejus similitudinem dicuntur λοβοὶ hepatis, seu fissuræ, vel divaricationes, vel frusta in quæ brutorum jecur diremptum ceruimus: parique ratione lobi hī pulmonum. Dixi paulo ante Mediastino pulmonem secari in partem dextram & sinistram. Utraque iterum in duos lobos diuisa est in homine, in quo numerantur lobi quatuor: In brutis plures. Lobos hos formatos Laurent. l. 9. c. 12. invento novo prædicat, ne cum dorsum flectimus, comprimeretur caro, aut fatisceret: &c. Falsa hæc est ratio: Aliam dabimus firmiorem.

L. 3. Sequuntur vasa; inter quæ primus Nervulus exiguus, soboles sexti conjugii, adrepens ad tunicam externam pulmonum: Carnem non subiens

4. Vena arteriosa, & 5. Arteria venosa

3 corde egressa subeunt pulmonum

S 2 car-

carnem, de quibus jam ante satis dictum Theſi 27. Hæc duo vasa, cum rumpuntur, exspuitur per tuſſim sanguis, tum ſignum, tum cauſa phtifiſis: de quo affectu Ovidius:

*Cernis ut è melli ſanguis pulmone remiſſus*

*Ad Stygias certo limite ducit aquas.*

6. Peculiare vas pulmonibus datum eſt, κατ' ἐξοχὴν, à priſcis Arteria dicta, ἐντὶ ἀέρος τοῦ αἵματος, quod aerem reciprocet; Nam iidem Venas καθόλου appellarunt vasa ſanguinem deferentia, ſeu Venæ forent, ſeu Arteriæ hodie ſtriçtè ſic dictæ. Noſtra ætas ad diſcrimen arteriarum vitalium, iſtam pulmoniam, indiçeravit τραχείαν, Arteriam aſperam.

De oblongo canali aſperæ arteriæ paulo poſt: Nunc hoc loco ſciendum, terminum vel caudam cartilagineam ejusdem Tracheiæ, poſtquam ad pulmones pervenit, divaricari in ramos binos introeuntes in bina pulmonum latera. Hinc ulterius dividi quemque in alio  
adhuſ

adhuc binos ramos; hos porro in plures,  
donec tandem per omnes pulmonum  
lobos variè disseminantur. Hæ propa-  
gines Trachææ, *βρόγχια* privato nomi-  
ne dicuntur, à *βρόγχος* vel *βρόγχος*, gut-  
tur, & sunt cartilagineæ quædam ar-  
millæ, orbiculares, quadratæ, rhomboi-  
des, triquetra: ita dispositæ ut maxi-  
mam partem astent à lateribus Venæ ar-  
teriali, & Arteriæ venali, quarum tu-  
nicas & inclusum sanguinem appulsu  
frigidi aeris, quem in se hauserunt, at-  
temperant.

LI. 4. *Quantitas*. Pulmonum ma-  
gnitudo, pro analogia corporum, eva-  
riat: Majores in grandibus bestiis, ho-  
mini mediocres. Dum inspiratur aer,  
opplent totum thoracem: Unde qui  
amplo thorace, ii amplis etiam sunt pul-  
monibus & prælargis; hinc altum fere  
spirant: Pers. Sat. 1. Grande aliquid,  
quod pulmo animæ prælargus anhelat.  
Laurent. l. 9. c. 12. Homini magnos pul-  
mones datos autumat, ut plurimum ae-  
ris attrahatur. Id rectè dictum: Sed cur  
S 3 indi-

indiget copioso aere homo. 1. ob loquelam, (ait) 2. ob cantum. 3. ob submersionem in aquis. Hæc minus rectè, ut suo loco videbimus. Numero pulmo unus est, sed ob quatuor lobos in quos divisus, multiplex posset æstimari.

LII. 5. *Qualitas.* Temperie quali perfusus sit pulmo disputatur apud Laurent. l. 9. q. 22. ubi evincit, post examinatas rationes ultro citroque, pulmonem esse calidum & humidum: Nos non magnopere pugnabimus: dummodo calorem hunc non faciat nimis excellentem: Nam neq; sanguine tenuissimo aut bilioso alitur pulmo: sed eo, quæ à vasis cordis accipit, qui crassus est satis: Neq; fervere potest usq; adeo, cum aere frigido nusquam non refocilletur: Neq; raritas & levitas & tenuitas magis calorem sequuntur quam frigus. Color illi in ætu nondum nato rubens: in adultis dilutior & flavior; Figura adscribitur eidem, quales ungulæ bifidæ bubulæ aut caballinæ: Puto tamen regulari figura præditum non esse, sed irregulari,

lari, eaque tali, quæ foris convexa : intus concava est.

LIII. 6. *Actio & Usus.* Non alio fine conformatum locatumque esse in animalium pectoribus Pulmonem , quam ut refrigeret sanguinem à corde venientem & iterum ad cor redeuntem , qui alioquin nimis ferveret, id vero cognitissimum est. Eam actionem præstat pulmo dum extenditur & dilatatur : itemque dum è contra iterum contrahitur & subfider. Extensione intrò trahitur aer recens : Contractione expellitur aer fuliginosus : Utraque servit eventilationi & refrigerio : Ei usui quoque vicarias operas locat pulmonum humidatio à potu. Sed & aer & potus, quamvis intrapulmones subeat, substantia tamen eorum cor ipsum aut ejus vasa non ingreditur. Sola qualitas, frigus, calori attemperando sufficiens est. Hanc reciprocationem aeris censeo ego neq; à solis musculis thoracis ac diaphragmate fieri : his dilatis & constrictis ,



unaque pulmone, ob fugam vacui  
(ut ajunt) instar folli: Neque etiam  
à solis pulmonibus: sed ab utrisque, al-  
tero alteri mutuas operas tribuente &  
locante.

Hoc officium principale sequitur  
passibus æquis aliud, haut ignobilius;  
quod consistit in efformando sermo-  
ne articulado, quem facit aer egre-  
diens per Tracheam. Est & terti-  
um; quod spectatur in risu, qui  
absque pulmonum motu reciproce  
perfici nequit. Ita antiquorum Phi-  
losophorum unus, perpetuo risu pul-  
monem agitare solebat.

#### IV. De Aspera Ar- teria.

LIV. 1. *Nomen.* De appellatione  
Tracheiæ annotata nobis sunt jam ante  
aliqua Thes. 47.

LV. 2. *Situs.* Sedem occupat Tra-  
cheia inter os & pulmonem: per colli  
longitudinem protensa.

LVI.

LVI. 3. *Substantia.* Dissimulare est  
 Asperæ arteriæ corpus: consuetum  
 distribui in duas quasi regiones: 1. Ca-  
 nalem oblongum. 2. Canalis hujus  
 Caput. 1. Canalis Tracheiæ est ob-  
 longa illa fistula, ex rotundis ar-  
 millis cartilagineis coagmentata, sem-  
 per hians, protensa à faucibus usque  
 in parenchyma pulmonum. Ea fo-  
 ris circum circa vestitur membrana  
 tenui. 2. Intus succingitur alia mem-  
 brana robustiore, acutoque tactu præ-  
 dita: quæ communis est & cohæret  
 palato ac ori. 3. Inter medias illas  
 membranas continentur cartilaginee  
 semicirculares, *σινυροειδεις*, (à figura  
 antiquæ literæ Græcæ Sigma, quæ  
 talis C.) numerosæ; connexæ invi-  
 cem membranoso corpore, ut co-  
 hæreant, quod ipsum etiam explet  
 hiatum, & defectum circuli cartila-  
 ginei. Has cartilaginee signiformes  
 aliquando in osseam duritiem com-  
 mutatas, observatione testantur. 4. Ve-  
 nulæ etiam & nervuli hic reperiuntur.

S. 5. 2. Ca-

2. Caput Tracheiæ dicitur ; Λάρυγξ guttur ( unde verbum λαρυγγίζειν, recluso gutture vocem dilatare: Non è contra λάρυγξ à λαρυγγίζειν, ut perperam scripsit Adr. Spig.) Ad constitutionem Laryngis concurrunt partes sequentes. 1. Cartilagines. 2. Musculi. 3. Membrana. 4. Glandes. 5. Vasa.

LVII. 1. Cartilagineus haut minus est Larynx, quam reliqua Tracheæ compages: Hæc substantia ad spiritum mittendum, vocemque formandam, aptissima. Numerantur cartilagines Laryngis quinque, θυροειδής scutalis; cuius prominula in gutture portio dicitur pomum Adami. 2. κρυκοειδής, seu annularis, cui prisci ante Galen. nomen non indiderunt. Circumdat undique Laryngem. 3. 4. ἀρυτανοειδής, gutturnii figuram æmulans, quæ revera non simplex sed gemina est, membrana copulata. 5. His dictis omnibus superposita est ἐπιγλωττίς, linguæ similis, in tegens rimam Laryngis ne quid alimenti in trachæam labatur, à lateribus

ribus tamen hiat: unde de potu nonnulla pars eo pervenit. 2. Musculi sunt XIII. (alii numerant XX. alii pauciores) à quibus Larynx pro libitu movetur in edenda voce. 3. Membrana est quæ epiglottidem alligat ori, intusque extraque investit Laryngem. 4. Glandulæ hic reperiuntur duum generum: aliquæ superius laryngi appositæ, aliquæ inferius. Superiores geminæ, dictæ Tonsillæ, antraces, paristhmia, amygdalæ: Inferiores item geminæ: Ultrarumque officium est salivali humore laryngem irrigare, ut motui reddatur aptior. 5. Vasa possidet Larynx trium generum. Venas, Arterias, Nervos.

LVIII. 4. *Quantitas.* Larynx quibusdam spaciola est & ampla: aliis angustior: Isti gravem & profundam vocem promunt: Hi acutam. Distenduntur autem cartilagineæ armillæ, ætate accrescente, vi caloris: unde mutatio vocis.

LIX. 5. *Qualitas*. Figura Tracheæ oblonga, syringis instar.

LX. 6. *Actio & Usus*. Finis, cui inservit & per naturam destinatus canalis Asperæ arteriæ; varius est. 1. Aeris recenter inspirati intromissio. 2. Aeris inutilis fuliginosi, efflati, emissio. 3. Materiæ humectæ, seu à potu, seu salivali liquore, receptio. 4. Vocis ac loquelæ efformatio; in quo tamen opere principem operam larynx præstat; ad quem illidens aer, qui è tracheia exit, vocem facit, quemadmodum in organorum pneumaticorum fistulis, lingua.

LXI. Dicam jam breviter quomodo Vox efformetur. Aer vocis est materia. Vox soni species. Sonus vero omnis ex collisione nascitur. Igitur & vox. Collisio hæc fit ab aere. Nam in larynge rimula quædam est, quam epiglottis cum larynge facit. Hanc egreditur aer è pulmonibus per trachæam expiratus: quam rimulam,

pro-



prout vel magis patentem invenerit, vel magis angustam, etiam vox gravis vel acuta nascitur, accedat tamen necesse est vehemens impulsus spiritus ac aeris, foras prorumpentis *ἐκπύρωσις*. Necesse quoque est accedat imaginatio aliquid significandi, velut ultimus vocis finis. Absque hac enim vox nulla dici meretur, ut tussis, sternutatio.

LXII. Hinc illud deduco: quodcunque Ens nec instrumenta hactenus enumerata nactum est, nec reciprocationem aeris instituit (cujus principium est anima) illud veram vocem neuiquam emittit. Igitur neque Apollo Pythius cum oracula edidit, quamvis simile quid obmurmuravit voci humanæ, vocem tamen revera non protulit, quia erat truncus iners, anima privatus & ore. Ita piscis nullus vocem verè profert. Ita nec cicada, nec apes, nec musca juve vocales dicendæ. Cæterorum animalium, pulmones cæteraque voca-

lia membra natorum, quodlibet suam  
edit propriam vocem : Canis latrat,  
leo rugit, vulpecula gannit &c. Huma-  
na vox proprie sermo aut loquela dici-  
tur, tantum voces alias omnes superans,  
quantum homo ipse belluas anteit præ-  
cellentia.

LXIII. Sermonis organon est Os,  
tota scil. amplitudo, quæ à larynge ad  
labia usque protenditur, constans fau-  
cibus, palato, dentibus, lingua,  
labiis, inter quæ lingua princeps  
est & familiam  
ducit.



## EXERCITATIO XI.

quæ est:

- I. De Capite in genere.
- II. De Pericranio.
- III. De duabus Meningibus.
- IV. De Cerebro.
- V. De Sensoriis, ut Oculis, Auribus,  
Naribus, Ore, Lingua.

Resp. Ulrico Bertram/, Ulzenf.  
Lunæburg.

## I. De Capite in genere.

**T**ertius summusque Corporis Ven-  
ter, Caput appellatum, tantæ est di-  
gnitatis, ut arbitro Laur. l. 10. c. 1. ei tan-  
quam principi duæ cæteræ regiones,  
Naturalis & Animalis famulentur; quas  
amen haud minus ac cerebrum ipsum,  
principes jam fecerat l. 1. q. 3. Quomodo  
utem pars princeps esse queat, & tamen  
ervi aut mancipii instar famulari alteri,  
d disputandum proponimus.

II. I.

II. 1. *Nomen.* Caput Κεφαλή interdum notat totum hominem, ut quando Demolthenes exclamavit : ὦ κακὴ κεφαλή! aut Comicus: Olepidum caput; Interdum totum id quod supra collum est: nempe supremam & orbicularem corporis portionem, in qua continentur Cerebrum cum suis integumentis, & sensuum plerorumq; Organa, à summitate Collis ad supremum verticem.

III. 2. *Situs.* De situ Capitis multa verba facere non est magnæ operæ. Collocatum id esse in fastigio corporis, ac inferioribus membris cunctis superstare: quilibet novit. Causa vero cur hæc sedes à Natura illi assignata sit, non est solorum oculorum usurpatio; quod scripsit Laur. l. 10. c. 1. Sed omnium sensoriorum, quæ circum Cerebrum velut Speculatores consistere, & id de rebus externis certius reddere debebant. Quin Caput cum Cerebro, cum Sensibus horumq; organis, divinum Microcosmi Palladium, in sublimi positum fuit, ut ad cœlum, futuram nostram patriam

riam aspiremus. DEUS Os homini sub-  
lime dedit, cœlumque videre jussit, &  
erectos ad sydera tollere vultus *Ovid. I.  
Metamorph.*

IV. 3. *Substantia.* Series partium è  
quibus caput constituitur, talis fere est.  
Externæ vel ambientes sunt pili, cuticu-  
la, cutis, panniculus, plæræque commu-  
nes cæteris quoque ventribus, Privatim  
autem sub istis sunt, Pericranium, Cra-  
nium, Meninges duæ, Cerebrum, Ce-  
rebellum & ejus propago spinalis me-  
dulla. Denique *diſtincta*, Oculi, Aures,  
Nasus, Os cum membris inclusis: De  
quibus singulis suo loco.

V. 4. *Quantitas.* Homini cæterisque  
cunctis animalibus unum duntaxat ca-  
put est. Monstra aliquando bicipitia na-  
ta esse leguntur. Inter bruta amphibæ-  
na anguis utrinq; capitata perhibetur.  
Pictores etiam Camelos quosdam bici-  
pites delineant. Et Poëtæ Cerberum tri-  
cipitem: Sed his quidlibet audendi sem-  
per fuit æqua potestas.

Magnitudo capitis, non sane, ut tra-  
didit



didit Laur. l. 10. c. 1. homini quàm cæteris animalibus multò est major. Quis enim dubitaret Tauris, Elephantibus, Camelis, Ursis capita esse humano multò vastiora? Sed pro analogia corporis reliqui caput humanum eximiæ est magnitudinis; habetq; proportionem majorem ad corpus suū caput humanū, quàm caput Tauri, ad taurinum corpus. Tantum a. est caput, quantum Cerebri moles, ad quam istud sese accommodat, cujusque gratia efformatū videtur. Homo verò Cerebrū magnū postulabat ob actionū nobilissimarum, à cerebro efficiendatū varietatem, multitudinem, subtilitatem

De Capitis magnitudine Laur. d. l. sic habet: Magnum Caput, si cætera consentiant, (id est ossium proportio) semper laudatur: E contra parvum Caput semper in vitio est, arguēs primo formatricis facultatis imbecillitatem. 2. Materiae spermaticæ inopiam. 3. Spiritus paucos, qui angusto conclavi incalescentes nequeunt liberè spaciari, & proinde faciunt hominem præcipitis & temerarii

inge-

ingenii, ex sententia Physiogn. 4. addi  
posset & D. Thomæ ratio, quam affert  
Comment. ad Arist. l. de Sens. quoniam  
Cor & Caput sibi invicem opposita sunt,  
ut calor hujus istius frigiditate tempe-  
retur. Cum igitur calor cordis non sa-  
tis per cerebrum reflectitur, fit ut parvo  
capite homines impetuosii sint ac vio-  
lenti.

VI. De his si rectè philosophari libue-  
rit, oportebit justos magnitudinis ter-  
minos ponere. Quemadmodum Vir-  
tus est medium vitiorum utrinq; redu-  
ctum, ita inter caput Magnum & Parvū,  
ceu extrema, consistit mediocre, quod  
laudabile maxime esse Medici & Phy-  
siognomi omnes fatentur; cujus hæc est  
proportio, ut totam corporis procerita-  
tem seu longitudinem adæquet septies,  
quemadmodum eruditissimè explica-  
tum est ab Alb. Duret. *lib. 2. de Symmetr.*  
*part. corp. human.* Atque illud fortassis  
est, quod ex Hipp. *l. 6. Epid.* addu-  
cit Laurent. d. l. ex capitis magnitudi-  
ne ossium naturam æstimari. At  
Cli-

Climax iste, quem gradatim nectit Laurent. de proportionem ossium inter se, quæ invicem articulantur, nimis longinquus & malè consutus videtur. Capite mediocri Alexandr. M. fuisse scriptores referunt & valde commendant, comparantque id leoni, cui ad corporis rationem data est moderata capitis magnitudo, ut videre est apud Arist. 3. Physiogn. describentem leonis ideam.

VII. Ab justa & mediocri capitis magnitudine deflectit extremo excessu caput magnum; defectu, caput parvum. Sed & inter hæc extrema, & mediocre caput, plurimi intermedii sunt gradus. Aliud enim caput alio magis deflectit à mediocritate. Non æquè omnia capita magna sunt; nec æquè parva; sed qualis varietas in statura hominum spectatur, talis & in capitibus. Inter quæ ea laudabilia, quæ propius à mediocritate ab sunt. Quod retulimus è Laurent. caput magnum semper laudabile, parvum semper vitio esse, id effatum neque ego verum esse arbitror; neque rationes:

Lau-

Laurentii, efficaces satis ad id conficiendum, quarum refutationem dabimus loco & tempori.

II X. s. *Qualitas*. Inter qualitates cæteras primum locum obtinet Figura capitis, quam ad rotunditatem sese componere, manifestum est. Cause hæc redduntur à Laur. l. 10. c. 1. Ob capacitatem. Rotunda enim figura inter Isoperimétras capacissima. 2. Ob *δυσπρόσθετον* quia vili-  
dissima: nihil habens asperitatis: nihil inclusum angulis, unilinea, nullibi habens principium dissolutionis. 3. Ob facilem motum. 4. Ex mente Platoniorum, quia anima est infusa ex rotundo cælo.

Plæræque harum rationum applicari quidem primo & per se possunt Circulo aut Sphæræ, rotundis καὶ ἀσπείροις Geometricam; sed capiti, non nisi secundo & largissima Rotunditatis acceptione. Quid in iis culpemus indicabimus in Explicationibus harum Thesium. Interim verum est capitis effigiem conformata tam esse ad rotunditatem quodammodo,

modo, ita tamē ut admittat eminentias, ac depressiones multas ac insignes. Figura hujus ideam caput communem habet cum pluribus non solum corporis humani, sed etiam Torius mundi partibus: quarum plæræque ad rotunditatem se componunt.

IX. A naturali tamen & perfecta capitum forma plurimi recedunt nativitatis vitio Hipp. aer. Aqu. loc. Scytas *μακροκεφαλές* memorat, quibus similia capita nulla gens habeat, in longitudinem protensa, non rotunda. Talia capita olim fuere Familiæ Romanæ, Tuditanorum, sic appellatorum gentilitio nomine, quod malleo similib. capitibus nascerentur. Tudites enim mallei à tundendo dicti sunt. Haut secus & Pericles Athenienfis legitur fuisse capite oblongo, nec reliqui corporis staturæ conveniente: Unde staturæ ejus galeatæ penè omnes, regentibus artificibus hoc vitium. I hoc referri potest quod A. Gell. recenset l. 9. cap. 4. de hominibus incolis montium Indiæ; qui capitibus caninis & latra-



latratibus, vitam sustentent venationib.  
avium ac ferarum.

X. *Actio & Usus.* Capitis tot sunt  
actiones, quot in eo organa singularia.  
Rex omnium est cerebrum. Cujuslibet  
usus & actiones, cœteramq; historiam  
nunc enarrare aggredimur.

## II. De Pericranio.

XI. Missis cuticula, cute, panniculo:  
nec non pilis & cranio, quæ ablegamus  
alio : primo hic se offert pericranium,  
membrana vestiens foris Os cranii, aut  
Calvam.

XII. I. *Nomen.* De Pericranio sic Lau-  
rent. l. 10. c. 15. Peculiari nomine Perio-  
stion ; communiori *Ἐπεφύκτιον* dicitur.  
Hoc vel Typothetæ sphalma est, vel  
Laurentii incogitantia. Adverso enim  
modo hæc nomina accipienda: *Ἐπεφύκτιον*  
communissimus est titulus, conveniens  
tunicis omnium ossium, quorum nul-  
lum est ( dentibus exceptis ) isto  
non munitum. Sed ut Os calvæ pe-  
culiariter cranium dicitur, sic tunica  
cra-

cranium vestiens, peculiariter *Pericranium*.  
 Addimus distinctas hic esse tunicas  
 (quas confundit Laurent.) Periostrum  
 & Pericranium ; utrumque cranium  
 amiciens.

XIII. 2. *Situs*. Non est pericranio am-  
 bitum totum caput, sed saltem Frons,  
 Synciput & Occiput : Carent eo ossa  
 temporum (periostrum non carent) à qui-  
 bus *apertus* exeunt muscoli interiorem  
 maxillam moventes.

XIV. 3. *Substantia*. Crassa compacta q;  
 valde est compages pericranii: Crassior  
 vero circa suturas, per quas, interceden-  
 tibus fibris, connectitur cum meninge  
 dura cerebri, sicque non solum cere-  
 brum suspenditur, ut consistat firmius  
 & immobilius; sed etiam insignis con-  
 sensus meningum cerebrique cum pe-  
 riostrum, nascitur; cujus meriti inflamma-  
 to hoc, ista quoque affici & periculo ob-  
 jici contingit. Error igitur est Laurent.  
 Bart. aliorumq;, profiteri Pericranium  
 à dura meninge prognasci, dum hæc pe-  
 rituras exeundo conformatur, & facies

fit in pericranium. Error quoque est pericranium genuina constare tunica. Una saltem est, sed ut dixi crassior, quam alia corporis membrana, quæ scindi se patitur.

XV. 4. 5. *Quantitas Qualitasque* ex dictis constant.

XVI. *Actio & Usus* Pericranii est. Os calvæ regere: munimen & sustentaculum esse, ad quod per fibras alligatum cum meningibus suis cerebrum firmatur.

### III. De duabus Meningibus Cerebri.

XVII. 1. *Nomen*. Quamvis *μηνιγξ* vox sit catholica, omnibus tunicis conveniens, tamen κατ' ἐξοχὴν eam appellationem meruerunt duæ Membranæ, quarum altera Cranio intus succingitur, altera immediato cerebrum circumplectitur. Dicitur vulgo à Barbaris & Arabibus Matres appellari. Appellationes has recipere nil vetat: Nam neq; Vocabulum Mater, Barbarum est, T neque

neque applicatio aut similitudo Matris cum his tunicis, barbara, id est, inelegans, horrida, inepta. Non sane quia, ut à matre origo infantis, sic ab his meningibus omnium membranarum corporis exortus, (quod censent plerique recentiores.) Nulla enim pars ex alia nascitur; sed omnes ex semine & sanguine. Sed 1. velut mater fœtum, quem utero gestat, undique complectitur, fovet, ab injuriis tuetur, sic in cerebro complectendo, fovendo, tuendo, hæ membranæ, tanquam matrû munere funguntur. 2. Tum, ut matris infortunium in fœtum redundat: sic meningibus calamitate pressis, protenus damnum patitur cerebrum.

XVIII. 2. *Situs.* *Dura meninx* commodum Cranio durissimo supponitur: ab hac proxima est & immediato subjicitur (interstitium hic Columb. l. 8. c. 1. falso ponit. Intuere viventis capitis facta vulnera) *Meninx* mollior, tenuior, pia mater: Intra quam cerebrum molliissimum. Hic vide Naturæ ordinem quæ

quæ nunquam res diversarum natura-  
rum sine mediis sociat. Sic inter ovi-  
duram testam & albumen molle, mem-  
branæ aliquot sunt interpositæ, ceu me-  
diatrices: Sic inter levissimum & sub-  
tilissimum ignem, interque gravissi-  
mam & densissimam terram, aer unda-  
que mediæ indolis, medio sunt ordi-  
ne: Sic inter corpus caducum, & ani-  
mam immortalem, sequester aut me-  
diator spiritus intercedit, particeps utri-  
usque naturæ extremorum. Dura me-  
ninx cranio ita unitur, ut non futuris  
saltem beneficio fibrarum cohærescat  
pertinaciter; sed & cæteris cranii par-  
tibus: sine notabili intercapedine: In-  
terius quoque qua cerebrum spectat  
copulatur piæ matri absque omni *κεν-  
χωρία* vel *ἀποσάσει θυοικῇ*: Hinc non asti-  
pulamur Laurent. 10. cap. 7. sic scriben-  
ti. Dura meninx à superiore cranii  
parte tantum distat, quantum cerebro  
dilatando & constringendo satis erat.  
Nam motum illum cerebri peculiarem  
fictitium esse paulo post indicabimus.



XIX. 3. *Substantia*. Nulli membranarum substantia est crassior, durior, compactiorque, quam Duræ matri, cuius superficies convexa Cranio contermina, aspera est & inæqualis: concava, quæ piam matrem respicit, lubrica, humecta, ac polita æqualiter.

Hic se spectanda offerunt 1. foramina 2. Ductus. 3. Vasa Duræ meningis. 1. *Foraminibus* interpolata est dura mater diversis, majoribus minoribus. Maximum ibi est ubi spinalis medulla abs capite procedit, & intrat dorsæ vertebrae, itaque ubi pelvi Cerebri seu infundibulo datur transitus: Minuscula sunt qua vasa transeunt, & juxta Os cribroforme. 2. *Ductus aut Sinus*. Dum penes verticem aut Zenith capitis duplicatur dura meninx, Cerebrumque usque ad mediam profunditatem distinguit in partem dextram & sinistram (vasorum tutius ducendorum gratia) qua partitione Falx quasi messoria efformatur; dum porro in occipite eadem dura mater quadrifariam finditur, & cerebrum

à Ce-

à Cerebello majori ex parte sequestrat,  
 hinc fit ut ab his productionibus & pro-  
 cessibus nascantur & efformentur sinus  
 quatuor distinctæ magnitudinis & fi-  
 guræ, in quos sanguis è Venis, & Spiri-  
 tus ex arteriis effunditur copiosus ad-  
 modum, non solum ut in parato habeat  
 ampla Cerebri substantia alimentum  
 sufficiens: sed etiam ut ex hac materia  
 fiant spiritus animales, quorum gene-  
 rationem primam in his sinibus fieri,  
 ego sane arbitror. 3. Vasa, Venæ & Ar-  
 teriæ extrorace plurimæ (circiter octo  
 notabiliore) sursum ascendentes sub-  
 eunt duram matrem, cum qua ita co-  
 alescent, ut hanc ab istis dignoscere  
 nullo modo possis: atque ex his Vasis  
 duraque matre fiunt isti, quos jam jam  
 dixi sinus; in quos sanguis spiritusque ef-  
 fusus suam retinet servatque naturam &  
 perfectionem ( non inquam in gru-  
 mum concrevit) haud secus ac in ipsis  
 Vasis. Hæc vasa abs sinibus, jam depictis,  
 egressa foras eunt ad Cranium; intror-

T 3 sum

sum vero ad piam matrem, cerebrum & Cerebellum.

XX. 4. 5. *Quantitatem & Qualitatem* aperiunt ea quæ modo proposita sunt.

XXI. *Actio & Usus*. Duræ Matris officia sunt 1. munire, vestire & tutari Cerebrum 2. Facere cerebri distinctas portiones aut conclavia, idque uestrare latus dextrum, sinistrum; anterius, posterius. 3 Sustainere venas in cerebro hærentes, atque ex eodem exeuntes.

XXII. *Pia Mater* (sitæ) immediato duræ M. subjecta immediate investit cerebrum, se seque penetrat, una cum vasis quæ sūt ad intimos cerebri recessus quaquaversū. (Sub.) Tenuissima est, & mollis, & exacti tactus, continetq; innumeros vasorum furculos, acceptos à crassa, quos per varios anfractus in penetralia cerebri deducit. (Act. & Us.) Vestit Cerebrum, prohibetque ne fluxilis hujus substantia dilabatur: Insuper sustentamentum est vasorum per Cerebrum distribuendorum; plenorum sanguinis: unde

unde cerebrum inflammatione quan-  
doq; corripitur, neq; mirum neq; αδύνατον est

## V. De Cerebro ipso.

XXIII. I. *Nomen.* De cerebri appella-  
tione ex cœl. Rhod. l. 3. c. 27. hæc verba  
transcripsit, & sui libri 10. c. 9. ascripsit  
Laur. Atheniensis Apollodorus nemini ve-  
terum opinatur Cerebri nomen admissum in  
libris: proinde in Trachiniis Sophoclem  
λευκὸν μυαλὸν dicere maluisse: Hæc quæ  
de nomine ἐγκεφάλῳ prodita sunt à Græ-  
co scriptore, minus recte applicat Laur.  
nominis Romano cerebri. Sed & longè  
falli Apollodorum, eodem loco Cœlius  
monet: Cerebro enim usurpatam vo-  
cem ἐγκεφάλῳ, aperto liquere pervol-  
venti thesauros antiquorum. Est quo-  
que Græcis usurpatum τὸ ἔγκας vel ὁ ἔγ-  
κας (utroque genere dici scribit Cœl.)  
dictus παρὰ τὸ εἶναι κάρη ἢ τοι κεφαλῇ, εἶναι.  
quia in capite sedem obtinet: vel  
ὁ ἔγκας, quo usi sunt Lycoph. &  
Alc. in Epigram. Ea vox etiam pedicu-  
lum notat: cujus domicilium solenne

in capite: Hom. Iliad. lib. I. ἔχθρα δὲ μοῖρ  
 τῆ δάρα: τίω δὲ μὴν ἐγχαῖσιν αἶσιν: Tanti il-  
 lum facio quanti pediculum, aut quan-  
 ti cerebrum: Nam apud Græcos im-  
 primis Athenienses contemptissimus  
 erat cerebri esus & usus, ut annotavit  
 idem Rhodiginus: Invenio tamen in  
 ipsa Græcia ab aliis cerebrum in ferculis  
 fuisse acceptissimum: quod ostendunt  
 Cerebri *δεῖρα* apud Comicum, id est por-  
 tiones cerebri laute sapideque coctæ  
 inter folia ficus. Latinorum cerebrum  
 vel metaphoricè accipitur pro realiqua  
 scita, ut cerebrum Jovis, id est ferculum  
 sapidissimum: vel Analogicè, præ inte-  
 riore plantarum, aut fructuum medulla  
 aut carne, ut cerebrum Palmæ; vel pro-  
 priè pro substantia aut parte corporis,  
 sui generis, alba, molli, conclusa int̃a  
 Meninges & Cranium. Syllabas per  
 tmesin sejunxit Lucr. hoc versu: *Trans-*  
*figit corpus saxo, cere--communuit--brum:*  
 quod factum ad exemplum illius Semp.  
 Grach. *Præfractè oblatam stultum est,*  
*medi--spernere--cinam.* Sed & Cere-  
 brum



brum ita propriè dictum adhuc duobus modis usurpatur. 1. pro tota mole & corpore, quo Cranium oppletum intus est: vel 2. præcise pro hujus molis illa parte quæ exterior, inclusam medietatem circumplectitur, coloris cineritii ferè non prorsus albi: abs quo cerebro contradistinguitur inclusa medulla cerebialis & cerebellum.

XXIV. 2. *Situs.* De Sede Cerebri dictum est à nobis Thes. 3. Cerebrum est capitis pars princeps: Ubi ergo locatum est hoc, ibi & illud: & cur hoc illa regione, ea propter ibidem & illud.

XXV. 3. *Substantia.* Sicut admirabilis est Cerebri fabrica, sic quoque magna partium ejus integrantium differentia. Nam sive antiquo secandi ritu à summa capitis parte auspiceris; sive recentiori, ab intimis, occurrent præcipuè contemplandæ partes hæ: 1. Cerebrum strictè dictum, seu cortex aut tegumentum ambiens & includens pulpam. 2. Pulpa seu medulla cerebialis. 3. Cerebellum. (His addi potest prin-

T 5 cipi-

cipium spinalis medullæ.) Harum partium præcipuarum aliæ adhuc sunt minutiores particulæ, varias nomenclaturas indeptæ; quales Corpus callosum; glandulæ, pituitaria & pinealis: infundibulum, fornix, Plexus, nates, testes &c. De singulis pertractare nimis foret prolixum; seligemus potiores.

XXVI. 1. *Cerebrum*. Vestimentum quasi est & *παρενχυμα*, partium cerebraliū interiorum; ejus substantia est mollicula: coloris cineritii: in quo tamen neque sinum seu ventriculum ullum invenias: neque nervi ullius originem: sed Venularum propagines plurimas; nutritionis gratia datas.

XXVII. 2. *Pulpa Cerebri* videtur cæteris particulis nobilior, intra quam jacet candida substantia corporis callosi. Hæc Cerebri pulpa seu medulla est principium plerorumque nervorum è Cerebro prodeuntium: Est principium spinalis medullæ & hujus nervorum in hac sunt famosi illi Cerebri ventriculi (de quibus mox) & penes illos plexus reticula-

cularis, glandula pinealis, quarum glandularum usus est ut recipiant & expurgent pituitosas sordes, quæ per anteriora foramina, in fauces destillantes linguam & laringem humectant: per quarum vero ventriculum delapsæ, ad nervorum latera, articulos irrigant non secus ac Rotas axungia.

XXVIII. 3. *Cerebellum* jacet in occipitalis limine inferiore, sub Cerebro & pulpa, ad exortum spinalis medullæ, peculiare quasi corpus à prædictis distinctum. Hic sunt processus qui appellantur Vermiformes. Hinc etiam oriuntur nervi quidam ceu Auditorii.

XXIX. 4. *Ventriculi Cerebri*, in sculpti pulpæ, olim tres numerabantur: Aditus quartus: Recentiores deprehenderunt per novam illam, ab inferioribus exordiando, sectionem, saltem unum esse tres istos, quorum duo direpti sunt à se invicem membrana, tertius verò concursus duorum. Quartus noviter inventus, appellatus nobilis, similis est calamo scriptorio, unde & ei nomen.

Antehac promulgari creditiq; sunt tres priores, officinæ excoctoriæ Spiritus animalis, quorum etiam facit Laur. l. 10. c. 10. Sed fundamento innominato: effato autem Naturæ vim inferente. Eum laborem C. Bart. ascribit Calamo scriptorio seu Quarto Ventriculo: sed rationibus nullis. Existimo ego non esse hunc quartum sinum primo aut peculiari Naturæ consilio productum; sed per sequelam resultasse ex rotundis Cerebri particulis, invicem se tangentibus: Haut secus ac videmus ab pomis tribus aut quatuor juxta se preesse positis, efformari in medio lunulam: Ubi locorum in cerebro verè celebretur elaboratio Spiritus animalis, indicabimus Thes. 32.

XXX. 4. *Quantitas.* Amplum copiosumq; esse homini Cerebrum, spectato corporis reliqui modulo, iam dictum est Th. V. Hæc magnitudo observata est accrescere & imminui pro Lunarium Phasium diversitate. Nam ut cætera fere ventia, ostrea, conchæ, gammari, testudines, &c. sic Cerebella passerum, aliarum-

rumque avium, piscium, animalium grandiorum ipsiusque hominis, Luna (quæ dominatrix humorum) crescunt: plenâ, turgida sunt. E contra iterum decrescente eadem Luna paulatim subsidunt: Hinc Epilepticorum & cranio vulneratorum in Noviluniis conditio deterior. Addit Hipp. l. Aer. aq. Reg. molem quoque cerebri imminui libidinis intemperantia, quod seminis fermentum inde maximam partem profluat. Prorsus cerebro orbatum nullum animal perfectum reperire est. Dictærium vero in hominem fatuum, Cerebrum non habet: Aut: Cucurbitam pro cerebro, Peponem pro corde gerit, figuratè proferri notissimum est.

XXXI. §. *Qualitas*. Figura Cerebri qualis sit constat ex antedictis. In rotundo Cranio orbiculare Cerebrum, ceu in juglandis putamine ac involucri nucleis delitescit. De Temperie cerebri nolo hic prolixus esse. Est illud cordis respectu, frigidiusculum: Est molle. Utriusque rationem interrogati, red-



dere parati sumus.

XXXII. 6. *Actio & Usus.* Officium & functio cerebri est ut sit organon catholicon sensationum, tam earum quas communes habemus cum brutis, quàm quæ solius hominis propriæ sunt: tum item uti principium abs quo, ceu fonte motus spontaneus. Hæc munia præstat interventu & adminiculo Ministri spiritus animalis, qui commune est instrumentum sensus motusque. Quo vero modo & ratione Cerebrum producat hunc ipsum spiritum, id aliter creditur docuisse Aristoteles, aliter Galenus.

Aristoteles quidem l. 2. part. an. c. 7. & 10. vult cerebri frigiditate temperari ferventissimum vitalem Spiritum, è corde in Cerebrum per arterias delatum; & hac tēperatura adhibita fieri animalē: *ἐν γὰρ ψυχῇ, αἰτ, ὁ κρύον ποιεῖ τὸ ἐν τῇ καρδίᾳ θερμότατον.*

Galenus verò prodidit lib. de Us. part. l. de Odor. Organ. & passim, Cerebrum peculiari motu Systoles & Diastoles, agitari, & aerem inspirando, fuli-

fuligines emittendo generate novum spiritum animale.

Nobis Aristotelis doctrina anteferenda videtur Galenicæ. Nam neque motum proprium ullum, distinctum à motu arteriarum, Cerebro inesse putamus: Neq; alia ratione spiritum animale produci; quam attemperatione spiritus vitalis. Eam elaborationem, neque in quarto, qui dicitur calamus scriptorius, sed in finibus illis fieri arbitramur, quos facit dura meninx duplicaturis suis. Illuc enim venæ jugulares, & arteriæ carotides, sanguinem spiritumq; vitalem copiosum vehunt effunduntque: quo isti sinus semper repleti inveniuntur: Sic elaboratus spiritus animalis per cerebri substantiam distribuitur, atq; hinc in nervos. Quæ adversus hanc assertionem, pro Aristotele suscepta à Laur. l. 10. q. 4. proferuntur, servamus disputationi

XXXIII. Et nunc ad Capitis Theoriā, & Anatomiam adjungimus sensoriorū quatuor historiam: De ultimo Tactus

actum est Exerc. 2. Thef. 27.

V. De

## V. De Oculis.

XXXIV. 1. *Situs.* Oculi celsissima corporis sede locati, antris ossis intimæ capitis orbitæ, tunica alligantur, sicque capiti adhærent firmiter, ut tamen huc illuc ocyssime inflecti possint.

XXXV. 2. *Subst.* Duo partium genera componunt oculos: aliæ vel commoditatis vel muniminis gratia sunt ut palpebræ, cilia &c. aliæ substantiam eorundem constituunt, ut Musculi, adeps, Tunica, vasa, humores.

1. *Musculos* lex oculi acceperunt: Rectos quatuor, duos orbiculares. Debebant enim tot motibus ferri. Hinc summa illa agilitas. Et quidni tam exiguum membrum validi sex musculi circumagerent? Motus tamen hic animalis est, quemadmodum totius hominis. Non naturalis, quemadmodum ignis. Ergo non sequitur oculus est agillimus. Ergo est naturæ igneæ. Ignis suo pte impetu & naturæ instinctu evolat. At oculi pro lubitu moventur per musculos.

2. *Opi-*

2. Opīmi quoque sunt oculi, & *pinguedine* circumdati, abs qua calfiunt & humectantur in gratiam motus. Adipem acceptum ferimus non igni (quod fecit Plato:) quod oculi tam strenuo resistent frigori, nec rigeant unquam. Eo enim utpote calido natura vestiuntur oculi, sicut ventres nostri pelliceis tunicis.

3. *Tunicarum* numerum non eundem omnes tradiderunt: Nos contenti sumus hac vice hisce quinq; Annata, Cornea, Uvea, Crystalloide, Vitrea.

XXXVI. *Adnata* omnium extima, quam album oculi appellamus, acutissimi est sensus; venulis & arteriolis frequenter intertexta. Tria præstat oculi: musculos propriis sedibus firmat: oculum ab ossium duritie defendit: Eundem cum capite connectit.

*Cornea* densior duriorque vasa nulla accepit, (hæc enim obstarent visioni) Necessaria ad sui integritatem à vicinis mutuatur. Pellucida tamē est, & species ac lumen exterū, ad Crystallinū transire patitur. Hæc humores omnes oculi suo

sinu

finu complectitur, & immunem servat  
CrySTALLIUM, ab externis injuriis.

*Uvea* circulo dilatata totum cingit  
oculū, anteriori solū parte in meditullio  
perforata, quo loco pupilla efformatur.  
A variis uveæ coloribus iris oritur. U-  
sus hujus inter alios est in recolligendis  
spiritib; dissipatis, lumineq; externo ca-  
stigando, id quod nigrore suo præstat.

*Aranea* est propriū CrySTALLINI tegu-  
mentum, *Vitrea* vero, humoris vitrei.

XXXVII. 4. *Vasa* oculorum sunt, ar-  
teriæ, Venæ, & Nervorum duo genera,  
quorum alii motui serviunt membranis  
musculisque inserti: alii spiritus pro risu  
deferunt. Hi posteriores in Corneæ  
centrum se insinuant.

XXXVIII. 5. Superfunt *Humores* ocu-  
lorum, aqueus, crySTALLINUS, vitreus.

*Aqueus* omnem opplet locum, Cor-  
neum crySTALLINUMq; inter, versus ante-  
riora: Estque suffusionum seu Cathara-  
ctarū genitalis sedes. Hic humor cate-  
ras oculi partes ab exsiccatione tuetur:  
& forte etiā retundit nimis excellentem  
luminis externi vehementiam. Cry-



*CrySTALLINUS* non quidem duritie, sed splendore Cryſtallo puriſſimæ æmulus, in mediuſtallo oculi hæret. Hæc illa eſt princeps pars, in qua fit viſio. Colore omni vacat, ut omnes apprehendere poſſit. Intus enim exiſtens prohibet alienū.

*Vitreus* Cryſtallinum quadruplo ſuperat, hoc tanto fluidior, quanto aqueo piſſior. Situs eſt poſt Cryſtallinum, quæ ut completi poſſit, medius concavus factus eſt. Hunc ajunt Cryſtallino de alimonia providere, & ſpiritus ductus conſervare profunditate ſua.

XXXIX. 3. *Quantitas.* Numero duos eſſe oculos, nemini incognitum eſt. Ari-naſpi, populi unoculi, capitis carentes, pectore oculati: Uti & Cyclopes unum in fronte media gerentes; nec nō incolæ globi lunaris & ſolaris, oculos exēptiles habentes, quos noctu in pera aſſervant, hæc omnia ſomniis & anilibus fabulis innumeramus.

XL. 4. *Qualitas.* Rotunda oculorum figura, recipiendis undiquaque ſpecieb. & ideis rerum aptiſſima eſt.

XLI. 5. *Actio.* Actio oculorum

visio est : Ea quomodo fiat, disputant  
 Physici: & tres in scenam proferunt He-  
 roas: diversa professos de modo viden-  
 di, Platonem per emissionem radiorum  
 visum: Aristotelem per receptionem  
 specierum visum: Galenum per utrum  
 que. Non fuisset opus tam horribile di-  
 vortium facere inter istos Philosophos,  
 quum nullus à vero recessisse videatur.

## VI. De Auribus.

XLII. 1. *Nomen.* Per Aures intelli-  
 gimus universam illam partium seriem,  
 quæ uno ductu ab auriculis extero-  
 ribus ad interna usque capitis claustra  
 protenditur.

2. *Situs.* Aures in fastigio & ipsæ col-  
 locatæ. Plutarcho haud dissimiles judi-  
 cantur Portis regis civitatis, per quas  
 tam incolæ introire solent, quam ho-  
 stes: illi cum Reipub. emolumento; hi  
 cum pernicie: Sic loquela animum affi-  
 cit patulas demissa per aures: quæ si bo-  
 na fuerit, excolit illam: si turpis, damno  
 est & dividia.

; Sub-

3. *Substantia*. Aures è pluribus diversis particulis composuit Natura. Extima est auricula: Substantia cartilaginea, cavernulis hiantibus & eminentiis interstincta; ut sinuosa istac expansione promptius excipiatür aër soni delator, nec ubi præterfugiens fallat auditum. Interioris auris partes intra sinum suum continet os, quod dici solet petrosum, suntq; hæ cavitates aliquot: membrana: ossicula tria cum musculis: auris congenita: & nervi.

XLIII. *Cavitas* insignis foris patens, quam terminat satis profunde membraneum septum, à conformatione autem *Tympanum*, dictum. A Tympano est cavitas altera, oppleta aura quadam innata peculiari, qualis in reliquo corpore non reperitur. In hoc eodem ductu tria sunt *Ossicula auditoria*, ante sæculum ignorata, malleus, incus & stapes, quæ à musculis tam exilibus moventur, ut non nisi ab exercitatis visu notari possint. De ossiculis his id referunt admiratione dignum, quod cum subtilissima

fima sint ex se, in senioribus tamen nunquam majora deprehendantur quam in pueris. Cæteris omnib. corporis offibus & particulis mole crescentib. sola illa eandem retinent magnitudinē. Offendes amplius in eadem istac cavitare Canalē quendam cartilagineū, ex auribus in os inque palatū pertingentē. Per hunc etiā ore, non solis aurib. externis sonū quasi bibere possumus. *Nervus* auditorius geminus ad aures geminas porrigitur per os petrosū, deferens sonorū idola ad sensus interiores, atq; ad aures spiritum animale. Hujus etiam propago aliqua ad Laryngis mīsculos abit: Unde tussis, si aures purgantur profundius.

XLIV. Cum tot tamq; diversæ partes structuram auriū constituent, quæritur quæ princeps sit auditus effectrix? Laur. l. ii. q. 10. nervum esse dicit: sed non videt nervum esse commune organum & famulum sensus motusq; neque magis posse nervum auditoriū specialem partem principem auditus appellari, quàm nervum visorium, visus: Ego profiteor prin-

principatum hic obtinere Auram ver-  
naculam vel ingentiam, facileq; evitare  
possum vim argumentorum quæ con-  
trarium sentiens affert Laurent. d.l.

XLV. 4. *Quantitas*. Aures binæ, s.  
*Qualitas*. homini ferè immobiles: ca-  
nib. equis, bub. & c. mobiles *enπgoαιπρωσ.*

XLVI. 6. *Actio*. De Auditione, quæ  
propria est aurium functio, patimur  
Physicos prolixius agere.

## VII. De Naribus.

XLVII. 1. *Situs* In media facie Nasus  
ceu Caminus, commoda sede locatus,  
ut odores promptius captentur.

2. *Substantia*. Velut aures erant exter-  
næ & internæ, sic & Nares. Nasum ex-  
ternum præter cutim componunt car-  
tilagines, ossa, muscoli, vasa, tunica intus  
vestiens. In Naso interno duas saltè par-  
tes invenire est, Os quod vocât cribrôsû  
& processus mamillares Os illud exiguis  
foraminulis pertusû est cribri instar, per  
quæ aër inspiratione attractus penetrat.  
Mox illi intus adhærent crassiusculæ  
duæ



duæ portiones, haut abſimiles mammillis, albæ, molles, oblongæ, canibus quam homini majores, quæ principale ſunt olfactus organon.

3. *Quant.* Unus eſt naſus numero, duobus foraminibus patulus. Et quia unus, idcirco in medioxumo ferme locatus: quod ſemper ſolet Natura facere.

4. *Qualitas.* qualis ſit figura Naſi, etiam me non explicante patet.

XLVIII. 5. *Actio.* Sicut ab oculo viſio, ſic à naribus perficitur olfactio: Externus naſus ad hanc ſimpliciter neceſſarius non eſt, ſed ut commodius fiat. Servit etiam Naſus muci expurgationi.

## VIII. De Ore & Lingua.

XLIX. 1. *Situs.* Præcipuum Guſtatus <sup>quod in lingua eſt</sup> Lingua, ibi à Natura collocata, ubi eſculenta recipi & ad nutritionem præparari debebant, ſcilicet in Ore. Hic benè pudiceque aſſervatur, oſſeo vallo, dentibus, munita. Poſterius quadratior eſt, Laryngi connectitur, & faucibus ſuſtentata oſſe valido hyoide: ſubtus

(me-

(meditullio fere:) robusto ligamento & membranoso, affixa est ossi, cujus auxilio sulca illius mollicies, promptius huc illuc inflectitur.

2. *Substant.* Linguam præter dictum ligamentum componunt hæ ferè partes, Membrana, Caro, Nervi, Venæ, Arteriae, Musculi.

**L.** *Membrana* cingit linguam admodum tenuis. *Caro* peculiari substantia donata est, rara, laxa, spongiæ æmula. Sunt qui credunt, siquidem lingua carnea est, eam protenus musciculum esse. Id vero falso. 1. Quia omnis musculus fibris constat. Lingua iis caret. 2. Omnis musculus movet partem aliam: at lingua quid moveret? Certè ipsa movetur à musculis. *Nervorum* duo genera inseruntur linguæ, alii gustatorii, alii motores. Illi (duo sunt eorum paria) in carnem se insinuant, quæ nobis est legitima gustatus & princeps pars: Hi in musculos, abs quibus linguæ motio: *Venis* duabus majusculis Raninis ornatur, quæ si lingua sustollatur, subtrusæ sunt conspicuæ:

V Gemi-

Geminas has venas perpetuo ductu comitantur duæ arteriæ.

LI. Aliæ etiam partes in subsidium veniunt linguæ, & ipsæ utiles gustationis operi: *Tonsilæ* quæ duæ sunt glândulæ, utrinque assistentes linguæ, eructantes perpetuam salivam pro humectatione linguæ, laryngis, trachæ; sed & *palati* illa pars huc aliquid confert quæ ad primores dentes extenditur.

LII. 3. *Quantitas.* Linguam unam & homo & pleraque animalia acceperunt. Duplex est vitulis marinis, lacertis bifidula, serpentibus trifida. Non magna est caro, maximis tamen prædita viribus.

4. *Qualitas.*

LIII. 5. *Actio.* Lingua servit homini ad loquelam: animantibus cæteris, ad suas quibusque proferendas voces.

Omnibus univèrsum est sensorium gustus, & poculenta lambens.

## EXERCITATIO XII. & Ultima.

quæ est:

*De OSSIBVS generatim.*

*Resp. M. Johanne Daniele Horst.*

I. **C**UR inter omnes corporis particulas similares Ossium structuram ac naturæ, vel maximè pernoscendam proponamus, ejus consilii causas reddimus geminas: Unam quia in summo cultu & reverentia habita semper ossa fuere ab Antiquis, & nescio quid religionis in se continere. Alteram quia præ cæteris particulis ingenti emolumento ossa beant Oeconomiam corporis.

II. Honorem & Venerationem, qua prosequuti sunt Veteres de mortuorum Ossa, tum è multis scriptorum omnis generis textibus, tum breviter ex sequentibus cognoscere habemus. Cum placidam quietem precati sunt defuncto,

accinerunt tumulo. Hic molliter ossa  
quiescant Virg. Iisdem etiam aras erige-  
bant, teste eodem Virgil.

*Ex quo reliquias diviniq<sup>3</sup> Ossa parentis  
Condidimus terra, mastasq<sup>3</sup> sacravimus  
aras.*

Porro summum scelus habebatur. Of-  
sibus mortuorum insultare Hor. Epod.  
*Quaq<sup>3</sup> carent Ventis & solibus Ossa Quiri-  
ni* (nefas videre!) *disipabit insolens.* Quin  
ossa ipsa recondita tumbis, si cuius no-  
men & bona fama sugillaretur, dolore  
credebantur perferentescere. Unde Cic.  
*Cineri illius & ossibus dolorem inusserunt,*  
proinde vindicaturus illatam injuriam,  
Ossa vocare in auxilium: *Exoriare ali-  
quis nostris ex ossibus Ultor.* Eandē ob cau-  
sam tam sanctē & religiose ossa sua suo-  
rumq; asservarunt non Ethnici solum,  
sed & populus Dei *Gen. c. ult. v. 25.* Jose-  
phus hortatur fratres suos: *Visitabit, in-  
quiens, vos Deus: itaque absportate ossa  
mea vobiscū de loco hoc, quod & Israe-  
litæ fecerunt ac post 155. annos egressi ex  
Ægypto ossa Josephi abduxerunt una.*

*Exod.*



*Exod. c. 19.* Hoc privilegium Ossium confirmat *Cap. 2. Gen.* quo Mulier ex nulla alia parte à Deo condita legitur, præterquàm ex Osse, quod Adamus divina mentis arce protenus conspecta Eva agnovit & exclamavit: *Hoc est os ex ossibus meis.*

III. II. Necessariam esse atque utilem Ossium cognitionem ad reliquam corporis compagem, reliquasque particulas cognoscendas, id tum asserunt Anatomici quidam recentiores, tum argumentis nonnullis confirmant. Inter primos est *Laur. l. 2. c. 1.* cujus hæc sunt :

1. Ex ossium figura & magnitudine reliquarum partiũ figura & magnitudo æstimari debet, & qualia fuere formata ossa, tales & partes ossibus contentæ.

2. Adde quod muscutorum exortus, insertiones, Venarum ductus, arteriarum divortia, nervorum diremptus intelligere non possumus, ossium particulis ignoratis. 3. Addit *A. Spig. l. 2. 1.* Ossa esse instar locorum aut Imaginum, quibus in arte Mnemonica memoria insigniter juvatur. Ita venire in subsidium

tam multiplicibus partibus corporis recensendis ordine. Cum istæ omnes ossibus vel sint connexæ vel clausæ. 4. P. Pav. auctarium adjicit, scribitq; ossium excellentiam inde argui, quod primo & ante omnia cætera membra formentur in Utero, aut saltē formata se ostendant.

IV. Hæc quidem communiter afferri solent ad commendandam *οὐλογία*, sed si *ἀρετὰς* examinentur; valde inania, infida & parum solida deprehenduntur.

V. Enimvero (quod ad 1. attinet) licet quidem æstimare partium contentarum magnitudinem & figuram ex Ossium constitutione à posteriori, postquam jam animal perfectum est: ut ex magno Cranio arguimus magnum Cerebrum, sed hic non est nervus controversiæ. Eo tendunt isti virorum discursus, ut à priori demonstrent in primo ortu ad Cranii formam se accommodare Cerebri ideam; cordis ad costas. Verum quod conformatio partium contentarum sequatur figuram continentium ut Ossium: Id, si naturæ agentis absq; impedimen-

dimento consilium intueare, prorsus falsum est, si externam vim & causas accidentarias, aliquando verum esse confiteor. Natura recte agens & sibi contentans primo studet generare Cor, Cerebrum, Pulmones &c. Has partes ea magnitudine aut parvitate, ea figura aut temperie efformat, quam Copia, aut Inopia, Indoles aut qualitas seminis sanguinisque materni patitur ac permittit. Primò igitur natura partibus contentis & nobilibus Figuram tribuit; Post easdem suis tegumentis investit. Itaque ad partium figuram accommodat se figura ossium Cranii, costarum &c. Propter enim nobilius est ignobile; propter corpus est indumentum aut vestis, non vice versa. Cranium est propter cerebrum, non hoc propter illud: costæ sunt propter Cor & Pulmones: non hæc propter illas. Ministras & muniens est ingratiâ principis & defendendi. Igitur qualis figura & magnitudo cerebri, talis Cranii: Qualis cordis & pulmonum, talis thoracis. Si autem vi formatrice magnum constructum est

Cerebrum, protenus quoque Cranium  
 fit magnum: Prius enim delineatur Ce-  
 rebrum quam Cranium; uti liquet in for-  
 tibus imperfectis. Sicuti ineptus foret  
 dicturus, ad palpebrarum magnitudinē  
 aut figuram, ad operculum vel involu-  
 crum, quo liber est integendus, confor-  
 mare se librum ipsum, qui istoc ambiri  
 & involvi datur: ita similiter ineptit me  
 arbitro, quisquis ad Ossium Ideam se ac-  
 commodare partium nobilium, ut Ce-  
 rebri, Cordis, Jecoris, Pulmonum &c.  
 figuram pronuntiat. Dicam breviter:  
 Quod est in alterius gratiam per naturā  
 productum, quod posterius perficitur,  
 id nequit priori & principaliori isti figu-  
 ram propriam largiri. Ita autem se habe-  
 re Cranii & pectoris Ossa docebit *Th. 8.*  
 Natura igitur haut impedita primo &  
 principaliter fabricat figuratque partes  
 nobiles, primarias; Secundo & conse-  
 quenter ad istarum Ideam partes se-  
 cundarias, opercula, fulcimenta, Ossa,  
 quibus istæ custodiri & muniri debent.  
 Eadem vero natura externis agentibus

&amp;

& accidentario eventu coacta, accom-  
modat partes internas nobiles prima-  
rias ad figuram externorum ossium.  
Hipp. lib. aere: aq. Region. de Macro-  
cephalis commemorat, quod premen-  
do & ligando constringendoq; mollia  
infantium capita, in longum produxe-  
rint, ut tandem hæc adscititia & violenta  
figura iis facessiverit in naturam. Mul-  
tis in ipsa partitudine violento com-  
pressu effigiatur insolenter Cranium,  
Cerae instar ductile; ad cuius inflexum  
Cerebrum se quoque componit. Talis  
haut dubio fuit Therpsites Homericus  
*φοῦδος τὸ κεφάλῳ*, quam figuram sequi-  
ta est cerebri conformatio. Tales sunt  
Gibbi, fatentes illæ (verba Plin.) animæ  
perpetuo conflictantes in valetudine,  
quod efficit in illis vitiata costarum ver-  
tebrarumque figura. In isto & his ossa  
hæc compressa, læsa vitiataque sunt præ-  
ter naturam & violenter. Ergo quoque  
violenter, & præter naturam eorum fi-  
guram sequuta est vitiata partium con-  
tentarum figura. Itaq; Cerebrum se ac-



commodat ad figuram Cranii præter naturaliter; & pulmo ad Thoracis. Ast hic sermo est de naturali accommodatione. De hac violentia queritur apud Comicum Juvenis amator, perstringens suæ ætatis & Urbis Virgines. *Quas Matres student demissis humeris esse, Virgeto pectore ut graciles sint. Tamen si bonæ sint natura, tamen reddi curvatura juncæas.*

VI. Ad 2. Quid Venarum, arteriarum, nervorum ductibus divortiisque commodi aut incommodi accidat ab ossibus? quid istis cum his commune? profectò id ego non queo dispicere. In tota venarum & arteriarum historia, nec Laur. nec alius Anatomicus ullam celebrat ossium memoriam aut utilitatem. Igitur sine his vasa isthæc intelligi possunt. Considera propagines & divaricationes venæ portæ, venæ cavæ, arteriæ magnæ, nullum ab iis pendet Os: neque ista ab hoc. Nacta quidem sunt ossa suas venulas & arteriolas, nutritus vitæque gratia: Verum de his quæstio non est.

VII. Ad 3. Comparatio Ossium cum

cum locis & imaginibus Mnemonicis valde est obscura, debilis, procul accersita. Quantum serviant ossa ad retinendas ordine partiū aliarū series, id ingenuè fateor me nondū didicisse. Ventrículi, intestinorū, Jecoris, Lienis, capsulæ biliarie, Renum, vesicæ, matricis, cordis pulmonū, Tracheæ, Cerebri, in superpinguedinis, membranarū, venarū, articularū &c. Nomina, Situm Substantiam, Quantitatē, Qualitatē, ductus, Usū & Actionē, sine ossibus nō solum intelligo, sed & ossibus probè consideratis, & per seriē locaq; dispositis, nihil juvor in istorū cōmodiori perceptione aut retētionē. Unū domus cōclave, centena loca subministrat pro retinendis ordine aliquot cētenariis vocabulorū & rerum, seu vulgariū seu mirificarū; seu ex sint particule corporis, seu ali<sup>9</sup> Entis; ut nō sit op<sup>9</sup> emēdicare ab ossib<sup>9</sup> operose, quod facilē & ἐκ τῆ παραχρῆμα alias in promptu est. Soli sunt Musculi, quorum seriēs ad ossium situm numerumq; referri potest; quamquam neq; omnes musculi sint ad ossa.

VIII. Ad 4. Ossa ante cætera membra in Utero formari, aut formata se primò ostendere, id verò pugnat cum Anatomicis, pugnat cum Experientia. Et istis & hac testibus, partes omnes simul semelq; formantur, successive perficiuntur: id est, primo spectandas se offerunt tres bullæ, è quibus postmodum cerebrum, cor, Jecur, quæ certe ossa non sunt, neu ossæa. Tum porro sequentibus mensibus haut minus perficiuntur neu minus se ostentant partes aliæ quàm ossa: imò perfectius. Nam ossa intra Uterum nondum completo factu vix ossa esse videntur, tam mollia sunt & flexilia. In demortuis intra Uterum nec dum perfectis Cerebrum quidem vides & Cor ac Pulmones; at Cranium costasq; perfectas osseasque non vides.

IX. Nostrum est propositum de Ossibus disputare, non tam quod utilia sunt ad cognoscendas alias partes, quàm quod commodum ingens præ cæteris similaribus præstent corpori & hujus fabricæ.

Hoc

Hoc Emolumentum & Utilitas præcipuè consistit in eo, dum ossa animali præbent 1. *ἰσχύς* 2. *ἀσφάλισμα*. Stabilimentum, & solidum munimentum; quod donum à nulla alia particula similari sperare habemus.

1. *Stabilimentum*. Quoniam absque ossibus foret, consistere nequiret animal, sed reperet tanquã lumbricus Exemplo sunt infantes, quorum ossa nondum induruerunt, ut iis ceu fulcris sustentetur moles corporis. Unde neq; gressus suos firmare, neque consistere valent. Notabilis est Ciceronis sermo l. 2. Nat. Deor. *Quid dicam de Ossibus? quæ subjecta corpori mirabiles commissuras habent, & ad stabilitatem aptas, & ad artus firmandos accommodatas, & ad motum & omnem corporis actionem.* Hoc corporis stabilimento nutante aut commoto totam compagem quassari ac tremere necesse est, quod usu venire experimur in metu perculsis: Virgil *gelidusque per ima occurrit ossa tremor*. Ovid. *Concutit ossa metus*.

2. *Munimentum*, quia quidquid est

partium molliorum id ossium objectu defenditur.

X. Ossâ corporis liberata à carne aliisque contiguis partibus, excocta pinguedine, bene exsiccata, si in concinnam struem invicem adaptentur, fit inde quod dici solet Sceleton, ἀνέκτομα, exsicco: Scilicet nisi arefacta essent ossa, & repurgata ab adiposis sordibus, nimis spurca forent actu, & collutularent manus contrectantum. Sceleti vox licet apud bonos authores aliquando significet Manes, aut umbras demortuorum; apud Anatomicos tamen propriè est, Compages ossium, apta & ordinata *ὀστέων* cohærentium, referens hominis aut alius animalis ideam. Ejusmodi exsiccata ossilem effigiem, testis est Plutarch. *de Isid. & Conviv. Quæst.* Egyptios olim in cōvivia curasse interri, monuisseque ut brevi se tales futuros hospites meminissent: Quod ipsū (ait Plutarch.) sicuti animos ab immodica hilaritate revocat: sic ad amicitiam & mutuam charitatem instigat.



XI. 1. *Nomen.* Το ὄσεν, Os, antiquis etiam Ossum dicebatur. Ter. Eunuch. Viden? Ossum & cibus quid faciat alienus? Scio ab aliis & vulgo legi ocium: sed ex M.S. sic restituit Bembus, eamque lectionem confirmat A. Gell. l. 33. his verbis: Calvariae ejus ipsum ossum expurgaverunt, deauraveruntque. Non invenio synonymon ossis, sed ea vox singularis est apud Latinos. Plaut. *Ossa atque pellis sum, misera macitudine.* Virg. *Vix ossibus haeret.* Leguntur etiā ossiū nomine apud Ovid. Metam. Lapidēs; Fabula Deucal. *Ossaq; post tergum magna iactata parentis: quod explicat Poëta: Magna parens terra est; lapides in corpore terrae Ossareor dici.*

XII. 2. *Situs.* Disposita sunt Ossa per universum corpus. Alia sedem obtinent in capite: alia in Thorace: Dorso: artub. Profundius verò posita sunt, ut eò firmitus uniant sustententque partes. Omniū vero una cōtinuata est σύναξις & ἀρμονία, seu coaptatio, de qua Arist. l. 3. de hist. anim. c. 7. Τα δὲ ὅσα ἀπ' ἐνὸς πάντα συνήρται, καὶ συνεχῆ εἰν ἀλλήλοις αὐτὸ δὲ καθ' αὐτὸ ἔδωκεν ὅσων

Quo-

Quomodo ossa connectantur & uti vocandæ sint variæ istæ commissiones, mirum quam certent inter se & cum Galen. Vesal. Columb. Piccol. Laur. Certè meram ego iudico hanc λογομαχίαν. Rem ipsam si contempleris, planam & facilem invenies. Indicinam tibi faciet sequens dispositio.

XIII. Ossium compositiones vel sunt 1. sensui conspicuæ & contiguæ saltem: vel 2. sensui nō conspicuæ, eaq; cōtinuæ.

I. Conspicuæ factæ sunt vel propter motū, vel propter alios usus. Quæ propter motum, vocantur ἄρθρον, articulus; cuius sunt duæ species: vel enim sunt propter motum Evidentem, & validum, ut διάρθρωσις: vel propter motum obscurum, ut συνάρθρωσις. Prioris istius (διάρθρωσις) tres sunt species. 1. ἐνάρθρωσις cum excipiens cavitas profunda est, caputque quod in eam inseritur Longum, ut in articulatione fœmoris cum Ischio. 2. ἄρθρωδία cum cavitas est superficialis & caput depressum, ut articulatio radii cum humero: capitis cum prima vertebra.

bra. 3. γίγλυμ<sup>Θ</sup> quando os idem excipit  
& excipitur ( wie die Fenster, Henge ) ut  
vertebræ inter se. Posterioris ( συναρθρω-  
σεως ) qui est ob motum obscurum, item  
Tres sunt species similes. 1. ἐνάρθρωσις in  
quo caput rotundum & sinus profun-  
dior; ut Ostalicum Scaphoide. 2. ἀρθρωδία  
constans capite depresso sinuque leviter  
cavo, ut meta carpi cum carpo : Carpi  
ossa inter se: ossa pedii cum tarso 3. γίγ-  
γλυμ<sup>Θ</sup> in quo ossa mutuo se suscipiunt  
ut ossicula auditoria.

Atque hæ sunt commissiones conspi-  
cua, quæ serviunt motui. Sequentes ite  
conspiciuntur ob usus alios, ut perspi-  
ratum, transitum, partium discrimen,  
patiendi difficultatem &c. Earum tres  
species ἐξ ὧν futura, connexio ad consu-  
tarum rerum similitudinem. Hac uni-  
untur Os frontis, occipitis, sincipitis,  
ossa squamosa. 2. ἀρμονία fit per simplicem  
lineam, ut in maxilla superiori & naso.  
3. γίμφωσις cum Os Offi instar clavi infi-  
gitur; ut dentes maxillæ.

II. Non conspicuæ commissiones,  
exque

exque continuz dicuntur *rudiores*. & primo orta melius animadvertuntur. *Sinistra* habet duas species. Nam connectantur *Ossa* vel 1. absque medio, ut quæ molliora sunt & fungosa. velut *Os innominatum* in finib. quod in tria ossa divisum, *scilicet*, *Ilia*, *pubis*, quæ quævis videatur cartilagineis intervetu primo in unum uniri, quis tamen illa cartilago brevi sit *Os*, & unum *Os* uniri totum apparet, idcirco apud sine medio illo ea uniri. 2. Cū mediocri ut quæ firmiora densioraq. sunt: Eius species tres vel n. conascitur: *Ossa* 1. Per cartilaginē dicuntur, *ut* *Os sacrum*, ut *Os sacrum* cum coxendice, in quo perpetuo cartilago volens. Sic & in media pube cartilago est: Sic appendices cum *Ossibus* reliquis uniantur. 2. per nervi interventum *ut* *Os maxillæ* ut utrumque *Os maxillæ* superioris item in mento. 3. per carnē *ut* *Os maxillæ* ut dentes cum alveolis.

XIV. Hæc est series *Ossium* invicem connectorum. Ambigeret aliquis hic loci. & quæreret, Antiquus pro Exordio ac fonte *Nervi* cerebri agnoscunt: arte-

riæ cor, sic ossium quædam sit basis, principium ac fundamentum, cui cætera omnia innitantur? Medius terminus demonstrandi aut inveniendi tale principium in ossibus, constituitur ab A. Spiegel l. 2. c. 5. Continuitas, aut connexio vasorum, (sic præcise intellecta) qualis quia datur in propaginibus venarum, arteriarum, nervorum, quorum nullum solitarium est, sed omnia continuata jugiter, si quoque dandum videretur in ossibus: quæ & ipsa cōtinuato ductu cohærent. Ut ergo ista principium unum agnoscunt, quidni ergo & hæc? Verū ex continuitate simpliciter dicta quod nequeat deduci principium, liquet ex circulo, qui sibi ipse continuus & cohærens, principii medii finisq; nescius est: quippe quæ in illo sunt ubiq;. Liquet ex catenis aureis, quas de collo pendulas gerunt scæminæ. Annulorum illa continuitas & cōnexio, nullum arguit principium. Liqueat ex alii corporis partib. ut Cuti, paniculo carnofo &c. quæ connexæ continuæq; sūt toti: neq; seorsim solæ ullibi: Tamē nullū agnoscunt principium. XV.



XV. Aptior mihi videtur modus inveniendi principium & fundamentum ossium is, qui desumitur partim ab ordine, partim à motu, partim ab Analogia.

1. *Ab Ordine.* Ut in omni ordine (cujus essentia consistit in relatione) aliquid est primum, aliquod medium & ultimum; Ita in serie ossium ordinatissima. 2. *A motu.* In omni motu perveniendum est ad unum principium, quod est immobile, vel revera ac absolutè; vel  $\kappa\epsilon\tau\epsilon\sigma$  seu respectivè. Ita Aristot. Physicorum libris posterioribus tale Ens immobile, principium omnium mobilium, investigat, & vocat motorem primum, qui est Deus. Haut secus in Microcosmo ossa movent moventurque: Datur igitur inter ea aliquod primum, cujus quasi quiescentis respectu & vigore, moventur ipsa: quod fundamentum & principium est istorum mobilium. 3. *Ab Analogia.* Sicut Aristoteles in physicis materiæ primæ naturam anquirat  $\alpha\lambda\omicron\gamma\omicron\iota\kappa\acute{\alpha}\varsigma$ , desumpto ab artificialibus exemplo: Eadem via nobis hic incedere licet. Ut se habent

in

in structura ædificii, trabes, postes, ligna, ad totius domus fabricam, sic ossa ad corporis compagem. Sed in istis est principium, basis, ac fundamentum quoddam, cui omnia innituntur. Ergo & in Ossibus.

XVI. Quæritur porro quod qualeve sit illud? Respondemus esse Spinam vertebralem. i. Utemur iterum analogia. Ut se habet Carina navis ad asseres, transtrum &c. sic spina ad omnia ossa corporis. Comparatio hæc est Galeni, & respondet ipsi naturæ ac conformationi Corporis. At Carina est principium ac fundamentum istorum: Ergo & spina est principium & basis ossium: quia ex ista hæc omnia dependent: super eam firmanur & stabiliuntur; Cranium innititur vertebris colli: costæ adhærent vertebris dorsi; manuum pedumque ossa itidem inde dependent, licet non *directos*, saltem mediatè.

XVII. Hanc analogiam prænominati anatomici quidam, minus convenienter adhibuerunt. Scribunt i. quod  
natura

natura in ossium formatione æmuletur artificis consilium in fabricandis navibus. Econtra didici ego, quod artifex imitetur naturam. Ars n. & posterior natura, & simia naturæ. 2. Scribunt, quæ admodum primò fabricat artifex carinam, post transtra, traves &c. sic à natura primò fabrefieri spinam, post ossa reliqua. Haut esse eum processum virtutis formatricis in productione partium; indicavimus thes. 8. Non prius formatur spina, quàm ossa crurum, aut capitis, sed omnia simul semelque.

XVIII. Porro privilegium hoc in ossium Republica, concedendum nulli aliì præterquam spinæ, jam olim promulgavit Aristoteles l. 3. *hist. an. c. 7.* τὰ δὲ ὅσα τοῖς ζώοις ἀφ' ἐνὸς πάντα συνήρτηται. quibus mox adjungit: Ἀρχὴ δὲ ἡ ῥάχης ἐστὶν ἐν ᾧ πάντες τοὺς ἔχουσιν ὅσα. Συγκείται δὲ ἡ ῥάχης ἀπὸ σφονδύλων. Interpretes quidem illud ἀφ' ἐνὸς verterunt alia ab aliis, sed non attigerunt nervum. Proprie enim voluit Philosophus, ab uno aliquo principio omnia ossa dependere. Id principium esse spinam

idem

idem reperitt iisdem verbis l.2.part. an.  
 c.9.& paulò elegantius explicat: ἀρχὴ δὲ  
 τῶν μὲν φλεβῶν ἡ καρδία : τῶν δὲ ὀστέων ἡ καλεμένη  
 ῥάχις: ἀφ' ἧς συνεχῆς ἡ τῶν ἄλλων ὀστέων ἐκ φύσεως, καὶ  
 γὰρ τὸ μεῖναι καὶ τὴν ὀρθότητά συνέχεται τῶν ζώων  
 ἡ ῥάχις ἐστίν. Ab spina continuato nexu de-  
 ducitur reliquorum ossium natura: ut-  
 pote quæ longitudinem & rectitudinē  
 corpori præbet.

XIX. 3. *Substantia.* Ad substantiam  
 ossium primò pertinet generatio, &  
 principia constitutiva: deinde particulæ  
 reliquæ integrantes.

Generandorum ossium materiam  
 esse crassamentum seminis, rectè docuit  
 Laurent. l.2.c.2. Cùm enim seminis cor-  
 pus non ὁμογενές, sed ἑτερογενέον sit, diver-  
 sarum partium concretione constans,  
 optimo Naturæ consilio, quæ exinde  
 distinctas specie partes elicere constitu-  
 it, ex subtiliori quidem portione mem-  
 bra subtilia, ex densiore densa efformat.  
 Ita ex glutinosa (ut ibidem Laurentius)  
 formantur nervi, ligamēta: Ex pingui ossa.  
 Ego

Ego ut ut fatear ossa produci ex seminis  
 crassiore particula : densa enim sunt,  
 compactaque & gravia; tamen crassam  
 illam particulam pinguem esse , atque  
 ita ex pingui ossa gigni, neutiquam con-  
 cedere possum : adductus hoc syllogi-  
 smo: Omne genitum seu ortum sapit na-  
 turam suæ originis , seu ejus ex quo est  
 genitum. Sed ossa juxta Laurent. orta  
 sunt ex seminis portione pingui : Pingue  
 autem omne non frigidum sed calidū,  
 juxta Exerc. 2. th. 37. ossa igitur non frigi-  
 da erunt sed calida: at ossa frigidissima  
 sæpe numero pronunciavit & probavit  
 l. 2. q. 2. Laurent. Hæc quomodo conci-  
 lientur dispiciat aliquis.

XX. In forma ossium substantiali po-  
 nenda in charybdin similiter se præci-  
 pitavit Laurentius. Enumerat quatuor  
 ossium causas: formalem, ait esse d. l. a-  
 pud Medicos *Temperiem*; quia est πέρωτος  
 δὲ τῶν πρώτων *primaque vis cum qua & per quam*  
*forma agit & patitur. Igitur siccitas & fri-*  
*giditas ossis formam exprimunt. An Medi-*  
*cus id, quod in philosophia falsū abfur-*  
*dumq;*



dumq; pro vero & indubitato assumere  
 possit aut debeat, alibi à nobis est dispu-  
 ratum. Galenus certè docuit peculiari  
 sermone, decere omnem bonum Medi-  
 cum ut sit bonus Philosophus Medicina  
 Philosophiæ (naturalis) subalternatur &  
 superstruitur ut tectum ædificio ac co-  
 lumnis: neq; alia est Natura in philoso-  
 phia quàm quæ est in Medicina. At  
 monstri simile est in Philosophia: Acci-  
 dens (temperiem) posse velesse vel hæ-  
 bere formam substantialem substantiæ  
 (ossis) Accidens posse dici *πρῶτον διηγι-  
 νῶν* formæ. Ita nimirum accidens muta-  
 ret suam essentiã & non foret accidens.  
 Natura enim ejus est inhærere alii & su-  
 stentari ab alio, scil. à substantia: non  
 vero sustentare substantiam (formam)  
 aut hujus fieri *πρῶτον διηγι-  
 νῶν*.

XXI. Si scire cupis quæ verè sit for-  
 ma ossis in vivente, considera formam  
 integri animalis, Animam. Eadem for-  
 ma totius & partis: cùm anima tota sit  
 in quolibet membro. Sed hæc est forma  
 ultima, perfectissima, faciens hominem,

aut animal, aut vegetans : si verò consideres formam corporeitatis ossis, per quam os est os & non cutis: perq; quam os à cute & carne distinguitur (idem enim dat esse & distingui) illa ultimæ formæ (animæ) subordinatur, quæ ea ceu instrumento utitur: quæque, abolita anima, os in sua essentia & perfectione cōservat. Nam vanissimum est quod Casp. Barth. dicit, anima absente os amplius os non esse. Sanè non est amplius os vivens; attamen est os, non adeps, nō pilus, non vena &c. suam sibi habens Entitatem (per formam corporeitatis) distinctam ab omnibus aliis particulis.

XXII. Quod communiter dici solet, ossium quædam perfecta gigni in utero, quædam imperfecta, id nobis non displicet; nimirum omnium quidem prima stamina & lineamenta sunt in primo ortu: aliqua verò post successive plenam consequuntur perfectionem. Dentes in gingivis Infantulorum sectis, *ἰσχυροὶ* & rudem indigestamque speciem sui haut obscure ostendunt.

dunt. In istis quoque ossa artuum, capitis, thoracis non ita maturuerunt ut in adultis.

XXII<sup>r</sup> Si præcise & solitarie spectemus ossium indolem, fateri cogemur esse partes *ὁμοιομερῆς* seu similis ejusdem undiquaque substantiæ: At si totalem eorundem conformationem consideres, invenies in iis diversarum partium apparatus. Est hic 1. periostrium. 2. ossea moles. 3. cavitas. 4. medulla. 5. accrescentia quædam.

XXIV. 1. *Membrana* tenuissima præpò ossa circumdat, (qua causa *περιοστίου* dicitur) omnia quæ sunt in corpore, vel tota vel majorē cuiusq; ossis partem. Soli dentes vestiri tali tunica non debebant: quia foris stant, & masticationi inserviunt, per quam periostrium vel abraderetur, vel perpetuum concitaret dolorē. Usus periostrii est tum ut ossa vestiatur, tum ut acutiorem quam ex seipsis habent, tactum illis subministret. Non n. ossa tactu destitui docebit thesis ultima. Dentes quia nudi sunt à periostrio, tactum

accipiunt acutum à nervis in illorum  
penetrabilia se infnuantibus.

XXV. 2. *Propria ossi ſubſtantia ſui eſt*  
generis, ſolida, gravis, dura: in aliis tamē  
aliisq; tam partib<sup>9</sup> quā animalib. magis  
aut minus Alibi petræ inſtar pertinax,  
ut oſſa temporū: oſſa auditoria, ſcemo-  
ris, tibiæ, humeri: alibi ſpongiæ inſtar  
rara, mollis, ut vertebræ. Laur. l. 2. c. 2. in-  
quirens in cauſam gravitatis oſſium eas  
reddit, tum quia os eſt terreum: tum  
quia aer & aqua in eo validè ſunt denſa-  
ta. Notabit ſic: cum paulo ante Laur.  
dixerit os naſci ex ſeminis parte pingui:  
Pinguedo autem non terræ ſed aeri re-  
ſpondet, ob calorem & humiditatem,  
queis ambo pollent, cur non potius de-  
buerit os dici aereum quā terreum?  
Deinde nō idcirco os grave eſt, quia aer  
in eo valde denſatus: Aer enim ſua natu-  
ra levis; Rem cui copioſus & denſatus  
ineſt, levè facit non gravem, ut videmus  
in utre inflato. Sic oſſa ob aerem cōden-  
ſatum copioſum levia potius quā gra-  
via ſorent, aut ſaltem aquea non terrea,  
quia

quia ex aere condensato fit aqua. Dic tu grave esse os ob compactionem & soliditatem; ob materiae pondus & molem: sed & aliud os leve esse ob aerem in poris contentum, & spongiosam naturam.

XXVI. Eadem ossium substantia quia solida est, est quoque dura. Durities necessaria ossium conditio, qua orbata nequivissent Atlantis instar sustinere molem totius corporis: Hinc fit quod infantes ob flexilia & mollicula ossa nequeant erecti ambulare; neu ob ossis hyoidis molliem, linguam ad loquantur decenter componere. Ob duritiem Poetae ossa sanis, aut saxa Ossibus comparant, ut ante retuli ex Ovidio. Aliquando viris longo annorum aut etiam morbi exsiccantis tractu, in lapideam duritiem conversa sunt ossa. Ex adverso aliis mollis instar cerae facta. Exemplum invenietis apud Medicos: Fernel. l. 2. abd. c. 9. *Quod Ruellius (inquit) non ita pridem literis memoriae mandavit, id ipsi vidimus in milite quodam, ossa crurum, brachiorum & femorum tam mollia &*



flexilia evasisse, ut *cera* modo facile sequerentur, quocunque torqueres, quæ tandem balnearum naturalium usu (ejusmodi erant aluminosa) in pristinum vigorem roburque restituta sunt. Hollerii hæc est observatio: Cuidam mulieri Luteriæ totum corpus molle, flexile & sine solidis ossibus fuit. Hi defectus si abortu primo eveniant homini, ablucinationes sunt virtutis plasticæ, & materiæ ad ossa ineptæ: Si crescente ætate accidunt, peculiari causæ morbificæ ascribendi.

XXVII. 3. *Cavitates κοιλίαι κοιλότητες* magnis ossibus plerisque insunt; & in cavitatibus medulla. Si undiquaque solida forent, nimis gravarent animal. Minora ossa ventriculis his destituuntur alioquin futura nimis debilia: Eorum tamen loco foraminula quædam insculpta habent, & pro medulla alium aliquem humorem ἀνάλογον. De Leonis ossibus annotavit Aristot. lib. hist. an. ea solida esse, non excavata nihil cavernosa, medullæ carentia, adeo dura ut concussu attrituque scintillas emittant, Sed hæc falsi-

falsitatis damnata sunt partim olim apud Athen. l.8. partim non ita dudum à Columbo l.1.c.19. qui asseverat à se vîta Florentiæ Leonis ossa referta medulla & insigni cavitare conspicua. Istic vero (quod Athen.) scribitur nimis fabulosam esse Aristotelis observationem, qua fertur ignis emicare collisîs leonis ossib.

XXVIII. 4. *Medulla* ossium quadruplex est, & prorsus homonyma. 1. intra Cranium est medullaris Cerebri substantia. 2. intra vertebrae spinæ est medulla spinalis. 3. Intra ossa majora, ut fœmoris, tibiæ, humeri, medulla est consistentiæ mediocris, pinguis, sui generis, quæ in deliciis esse solet. quamdiu à recenti coctura adhuc calet, 4. In ossibus parvis non cavis medullæ analogus liquor continetur, modo rubellus, modo albus, liquidus & fluxilis.

XXIX. De posteriori medulla genuina (duæ priores hinc amoventur) controversia est non incelebris, cui usui aut fini nata dataque sit animali? Ab-eunt hic in diversa Anatomici: Et (1)

Laur. l. 2. q. 4. vult medullam nihil aliud  
 esse quàm ossium nutrimentum, sed ne  
 levi quidem schemate ullius rationis id  
 probatum facit. Quin apponit objectio-  
 nem qua hæc ipsa quatitur & convelli-  
 tur sententia: Verum ponit saltem, non  
 etiam tollit, sed eam viribus suis pollere-  
 cum silentio patitur; quā ceu suo aptum  
 capiti pileum A. Spig. l. 2. c. 4. assumit, uti  
 mox videbimus. (2) Aristot. l. 2. gen. an-  
 c. 4. Medullam ossium pro excremento  
 eorundem habet, quod post nutritio-  
 nem, quæ fit ex sanguine, segregant &  
 intra se recondunt: forte (quod movet  
 Laur.) quia in frigidis & humidis copio-  
 sior. (3) Adr. Spig. d. l. opinatur neque  
 esse medullam alimentum ossium: neq;  
 excrementum: sed humiditatem aliquā  
 distinctam, irrigandis & quasi perun-  
 gendis intus ossibus servientem, alio-  
 quin ob motum perennem, & naturam  
 terream facile obnoxius Exsiccationi.

XXX. Ut à postrema auspicer, non  
 est ea multæ probabilitatis: Nam 1.  
 ad motum facilitandum ossa nacta sunt:

im

in articulationibus Ichorem sufficientem, quo irrigantur: foretque frustraneum intus, ubi nulla motio perficitur, humorem aliquem congeri. Siccitas verò ossis tantum abest ut impediri debeat, ut potius sit necessaria ossis conditio, & proprietas naturalis. Tractu verò temporis quod impendio magis siccantur ossa: id non est dividie aut incommodo animali, sed potius emolumento.

2. Humiditas hæc conclusa intra cavitatem, quomodo pertingere potest ad articulos, qui propria sedes sunt motus spontanei?

XXXI. Quod 2. Aristoteles divulgavit, ægrè item defendi & excusari potest. Medulla excrementum non est. 1. quia ossa siccissima exiguo aut nullo excremento scatent: Et si quod habent extra se abjiciunt non intra se servant: Mehercules nimis esset magna Excrementi huius copia pro ratione ossis cujusque.

2. Quo animal annosius eo medulla foret copiosior: quo junius eo paucior; longo scilicet temporis tractu copiose con-

gregata & intus successive collecta: exiguorum parum : At seniorum ossa medulla ferè carent, juniorum maximè abundant: Et recens natorum ossa plena sunt medulla : Tanta copia Excrementi in foetu aut puerulo nuper nato quomodo fuit collecta? ex qua materia? quando?

XXXII. Super est trium sententiarum prima, quæ asserit Medullam esse alimentum ossium, quam veritati maximè affinem judico. Eam primò stabilitam rationibus: post ab prementibus objectionibus liberabo. Argumentum 1. esto tale. Quod permutatur in partis substantiam facta assimilatione omnimoda, id est partis alimentum. At medulla intra cavitatem ossium grandiorum conclusa (de humore exiguorum ossium idem iudicium) convertitur in substantiam osseam : Id probo : Juveniculum os Cruris bubuli, aut vervecini, medullæ mollioris plenum est, qua excussa cernitur nitida cavitas. In verulis annosis similibus ossibus, observatis substantiam osseam crassiorem,  
me-



medullam pauciozem, minus liquidam: in fundo verò cavitatis jam manifestò medullam osseam factam: sæpè cavitatem ipsam osseis fibris ac filamentis transversis suffarctam, medulla per pauca, aut in medio ossis ventre nulla, quippe jam transmutata in osseam naturam. Id inquam evidentissimè observabis etiam in ossibus leporum, gallorum Indicorum, aliisque. Concludo medullam esse Ossium alimentum. 2. Omnis pars mole magna, compage robusta, opere valida & laboriosa, alimentum requirit copiosum, robustum, efficax. Jam ossa talia sunt: Opus igitur habent consimili nutrimento. At ei fini (immediatè) non est sufficiens sanguis tantillus, tam fluidus, alienus ab ossium indole. Convenientissima verò medulla, tam magna in Ossibus magnis, quam humor analogus in parvis. Medulla igitur ossium nutrimentum. Quod dixi sanguinem non esse immediatò aptum ad alenda ossa, sed primum præparatione multijuga

indigere; & mutari oportere in medullam, naturæ ossæ proximior, id docuit Gal. l. 3. *Fac. nat. c. 15. s. ult.* his verbis:

τὰ δ' ὅσα, παμπόλοις ἐν τῷ μεταξὺ τῆς μεταβολῆς, ἵνα τραφῇ; καὶ ἐστὶν οἷον περὶ τὸ αἷμα τοῖς (αὐτοῖς) τοῖσιν ὅσοις :: ἐν μὲν τοῖς μικροῖς τε καὶ ἀκοιλίοις, καὶ τὰς σύριγγας ἀντῶν διασπαρμύσκει :: ἐν δὲ τοῖς μεγάλαις καὶ κοι-

λίας, ἔχουσιν, ἐν αἷματι ἡθροισμὸς. Ex hoc loco duci & confici potest Argumentum 3: Ut se habet sanguis ad carnes, ita Medulla ad Ossa. Sed Sanguine nutriuntur Carnes. Igitur Medulla nutriuntur Ossa; magna quidem & excavata ea quæ intus collecta est: parva verò ea, quæ cavernulis intersparsa. Huic authoritati Galeni adde & aliam ex lib. de inaq. temp. cap. 2.

XXXIII. Venio ad objectiones. Quæ urgent positam nostrā assertionem, suspectamq; reddunt, plurimæ afferuntur ab Adr. Spigel. dict. loc. ordine examinanda. 1. Quod jam ante produxerat Laurent. lib. 2. q. 4. sed insolutum reli-

reliquerat, ita habet. Quicquid nutritur simili nutritur. At medulla dissimillima ossibus. Hęc frigida siccaq; illa humida, calida. 2. Pinguedo est excrementum non alimentum Sed medulla grandiorū ossium pinguedo est. Consistit enim frigefacta, calida liquefcit. Nequit ergo esse ossium alimentum. 3. Si medulla foret ossium alimentum, omnibus ea ossibus inesset. Omnia n. nutriri fas est. At plurima ossa medulla carent; imprimis parva, in quibus medulla non reperitur. 4. Si non sanguis sed medulla nutraret ossa: Nutritio a. à simili: ossa verò frigida: sequeretur medullam frigidiorē sanguine, quod perquam absurdū. 5. In omnibus animalibus sanguis & ossa se mutuo ponunt. Nullum animal osseū absq; sanguine: nullū sanguineum absq; ossibus. Sed verò ossa & medulla se invicem non ponunt; Cum sint ossa etiam magna sine medulla, ut Leonis & vervecum. Sanguis igitur ossium alimentum, non medulla.

XXXIII. His hoc pacto obviam pro-

cedimus & respondemus. Ad 1. Dissimilitudo inter medullam & ossa non est tanta ut impediatur nutritionem. Omne alimentum initio dissimile esse oportet partialendæ, juxta Axioma physicum: Actu, inquam, dissimile: Dissimilitudo omnino necessaria est, alioquin non fieret mutatio, quæ non datur inter similia. Quin si actualem aliquam similitudinem inter utrumq; requiris, etiam illa potest ostendi: Os vivens anima & spiritu perfusum calet actu. Et medulla Spiegellicente est calida. Os porro siccum est: sed & medulla aliquatenus sicca: quia non diffluit, sed in orbiculum effusa suis consistit terminis. Ob hanc aliqualem similitudinē facilior est Medullæ transmutatio in os, quàm sanguinis. Nā ut habet Gal. eodem mox laudato loco  
 τοῖς ὁμοῖαν ἔχουσιν ἄσιν, εἰς ἄλλα μεταβάλλειν  
 ἐγγχεῖ. Τοῖς δὲ πλείοσι δέισιν ( ut sanguis  
 & os) ἀμείχανον ἀλλήλοις ὁμοιωθῆναι χάρις ἐν τῷ  
 μέσῳ μεταβολῶν. Hoc medium inter sanguinem & os est medulla, partim similis ossi, partim dissimilis, quæ propria est nutrimenti conditio. Ad

Ad 2. Pinguedinem excrementum esse nunquam ego elargiar. Est illa pars viva propriè dicta (quod aliàs demonstravi) adeoque parti alii in alimoniam non venit. At medulla pinguedo non est : sed substantia sui generis , peculiaris ; est ros , gluten , cambium seu humor proxima materia alimentalis ossis.

Ad 3. omnia ossa, quæ nutriri convenit, medullam in se continere è contra ego profiteor. Medulla a. hæc alimentalis duplex est, ut monuit h. 26. una in ossibus majoribus propriè sic dicta; altera in minoribus. Priore aluntur ossa majora: posteriore minora.

Ad 4. Sequela illa, Medulla frigidior sanguine, eo stat tibi cine, quod ossa ponantur esse frigida. Quàm id sit verum ostendet thesis 38. Sed demus medullam sanguine frigidiorē: non ea nobis assertio absurda judicatur: quin potius *ἐνδοξόν*. Calor in corpore vivo provenit à spiritib. vehiculo unico & nativo



nativo caloris. Sanguis copiosius perfusus est spiritibus quàm medulla: quidni ergo iste magis hac caleat?

Ad 5. Omne animal osseum sanguine affluere verum est, datoq; osse datur sanguis, & vice versa: Id nihil incommodi nobis infert. Largimur n. sanguinem advectū per venas ad ossa esse alimentū ossium, sed remotum & primum, non proximum & immediatum. Cum verò quodlibet nutriatur non quolibet, sed convenienti succo, necesse est sanguinem per debitam alterationem primum mutari in medullam, ut pote materiam naturæ & indoli ossis proximiorē, & convenientiorē quàm est sanguis. Additur; Medullam non reperiri in omnibus ossibus, ut Leonis, vervecum. Dixi ego jam ante: Omne os quod nutriri debet possidere medullam: Etiam Leonum ossa: quod nec negavit Aristoteles exiguam illis medullam concedens. Neque vervecum ossa ea carent. Quod Plinius commemorat l. 7. c. 18. de Lygdamo, qui primus ex Olympico certamine co-

ronam reportavit, ejus ossa medullam  
 non habuisse, fabulis potius quàm histo-  
 riis accensendum est. Tamen (inquies)  
 in usu familiari & cibario observamus  
 quandoq; medullis ossa vacua. Num nō  
 hæc nutritione indiguisse aut fruita fuis-  
 se credibile est? Omnino medullā pos-  
 sederunt quamdiu nutritione illis opus  
 fuit: sed vel ejus absumptæ restaurationē  
 antevertit animalis mactatio: vel ali-  
 mento largiore opus amplius non ha-  
 buere ossa animalium annosorū. In his  
 n. solis, ossa vacua quandoq; reperiun-  
 tur, ut vetulis vervecibus, bubus, lep-  
 oribus, gallis, anseribus. Nimirum horum  
 ossa jam ante satis dura, solida, cum ne-  
 que à calore absumantur, ut partes mol-  
 liores; neque ulterius accrescere, neque  
 crassescere magis debeant, quid opus  
 illis foret alimento novo? In his cessat  
 nutritio, haut secus ac in adultis auctio.  
 Quia utraq; foret ociosa: Caro, mem-  
 branæ, aliæq; partes molles quoad ani-  
 mal vivens est, nutriri postulant: qui ca-  
 lor continuo in eas agens consumeret:  
 vigo-

vigorem ni repararentur. At ossibus à calore nullus metus: eum facillè ferunt: proinde carere alimento possunt. Juniorum vero animalium ossa medulla abundant, quia alimento egent, utpote quæ non solum nutriri debent, sed etiã augeri & accrescere ad justam magnitudinem.

XXXV. 5. *Accrescentia ἐπιφύσεις* sunt ossæ appendices rotundæ, appositæ firmiterque adhærentes longioribus ossibus, in una extremitate, vestitæ cartilagine pro commodiore motu: altera extremitas ossis longioris item rotunda, protuberans, opposita ἐπιφύσει appellatur *ἐπιφύσις* vel processus. Laurent. l. 2. c. 4. docet Epiphyses factas esse à natura sui quasi oblita; quæ cum os brevius fecerit, augere & perficere id conata sit per *ἐπιφύσιν*. Sic brevioribus columnis lapides addi solere ab artificibus. Hæc ratio si proba est, jam Epiphyses erunt naturæ errores, aut potius omnia ossa: quia facta breviora quàm par erat. At natura in omnibus subjectis non errat, non ludit. Et cur nequiret justam longitudinem

nem

nem ossib. dare in prima cōformatione, cum habeat sat materie, ex qua format Epiphyfes? Epiphygium usus est, non ut vicem gerant operculi (quod vult Laur. d.l.) ne medulla effluat; cum etiam citra *ἐπιφύσεις* clausa sint ossa nec effluere medulla possit quamvis ablatis *ἐπιφύσεσι*. sed ut sint mediatores inter os durum & musculos molles qui in eas inseruntur motus gratia. Solet enim natura nunquam absque medio unire ac copulare durum cum molli: sunt vero Epiphytes mediæ indolis rarioris & molliores osse solido, nisi cum in senioribus magis indurescunt.

XXXVI. 4. *Quantitas.* Magnitudo omnium ossium eadem non est: neque esse debebat cum variis serviant usibus. Omnium in corpore maximum est os fœmoris: minima ossa auditoria. Homuncionum ossa exilia sunt: gigantum vasta: de quibus Virgilus Georgic. *Grandiaque effossis mirabitur ossa sepulchris.* Numero vero plurima sunt ossa, optimoque consi-

consilio Natura noluit animal facere  
 Unioosseum, instar trunci arborei aut  
 stipitis, alioquin nequivisset se inflecte-  
 re, aut motibus convenientibus ciere.  
 Quotquoramen sunt, apto concinno-  
 que ordine cohærent invicem. Rarissi-  
 mum fuit & monstri simile id Skeleton,  
 quod domisux sibi esse Columbus scri-  
 bit l. 15. In quo ossa omnia à capite ad pe-  
 des continua fuerunt, adeoque os unum.  
 Numerum verò ossium quod alii aliter  
 retulerint, hi plura, isti pauciora. inde fa-  
 ctum autumo, quod in juniorib. anima-  
 libus nonnulla separata distinctaq; sint  
 ossa, quæ in senib. concresecunt, unumq;  
 fiunt, & pro uno censentur. Exemplo est  
 maxilla inferior, quæ in adultis unum  
 est os, in infantibus ossa duo. Sternon in-  
 fantum constat octo ossibus: senum sal-  
 tem uno. Potest & hæc esse discriminis  
 & varietatis causa, quod nonnulli ossa  
 saltim ordinaria numerarint, quæ com-  
 muniter in omnibus reperiuntur certo-  
 que usui serviunt. Nonnulli verò etiam  
 accidentaria, quæ à natura inordinate

facta



facta sunt ut os cordis &c. Si quis tamen  
certum numerum sibi dari postulat, is  
sciat commodissimè constitui in totius  
corporis fabrica ossa 252. quorū in capi-  
te sunt 61. In spina 34. In thorace 35. In  
artubus 122. Omnium hæc est series.

XXXVII. I. In capite sunt ossa calvarie  
quatuor, Frontis 1. Syncipitis 2. Occipitis  
1. Ossa temporum decem: Petroso 2. Juga-  
lia 2. Auditoria 6. Ossa maxillæ superioris  
viginti novem: Cunei formæ 1. Colatoriū  
1. Nasi 2. in majorib. oculorum angulis  
2. Malarum 2. ad palati finem transversū  
2. in interna narium parte cartilagine  
1. Narium interstitiū 1. Dentes 16. Max-  
illa inferioris octo decim. ipsū maxillæ os 1.  
Os hyoides linguā fulciens 1. Dentes 16.

II. In spina sunt Cervicis vertebrae 7.  
Dorsi vertebrae 12. Lumborum vertebrae  
5. Os sacrum constans ossibus 6. Coccyx  
cujus fungosa ossicula 4.

III. In Thorace sunt ossa Scapula. 2. Cla-  
vicula. 2. Costa. 24. Sternon constans parti-  
bus septem.

IV. In artubus superioribus sexaginta:  
Hume-

Humerorum 2. cubitorum 4. Manuum,  
& quidem carpi 16. metacarpi 8. Digito-  
rum 30. *In artubus inferioribus sexaginta*  
*duo.* Coxendicum 2. Fæmorum 2. Genu-  
um 2. Tibiarum 4. Pedum & quidem  
Tarsi 14. Pedii 8. Digitorum 30.

XXXVIII. 5. *Qualitas.* Tempera-  
mentum ossium frigidum siccumque  
esse communis fert opinio. De frigidita-  
tis causa sic philosophatur Laurentius  
l. 1. q. 2. cum calor natus, per se qui-  
dem blandus, ob diurnam tamē mo-  
ram in densiori materia vires suas exie-  
rens, vehementer agit ut urere videat-  
ur, proinde quicquid in prima genera-  
tione pingue erat id totum absumi; inde  
humidi exhaustu ex pabuli defectu, va-  
nescente calore, ossa facta esse frigida  
ex eventu. Sic calculum gigni in vesica  
non tam vehementia caloris quam diu-  
turnitate. In hoc discursu nonnulla no-  
tamus parū verè ac philosophicè dicta.  
Primo falsum est calorem nativum sive  
per morā diurnam, sive per adustio-  
nem absumere humidū pingue in pri-

na generatione. Calor natus est au-  
 tor, effector, restaurator, humidum primi-  
 genium pinguis. Qui crescunt quia plus ha-  
 bent caloris innati. Calor est causa ac-  
 cretionis, quoad manserit aptum animæ  
 instrumentum. Si in pueris per tot anno-  
 rum decursum innatus calor fovet hu-  
 midum primigenium; auget promouet-  
 que ad incrementum totius corporis, qui  
 fieri potest ut mora illa exigua novem  
 mensium in utero omne pingue, humi-  
 dum, feminale, urendo absumat, totus in-  
 dincumbens ut producat ac det singu-  
 lis partibus suum humidum primigenium?  
 in utero & prima conformatione ca-  
 lor tam vorax est & famelicus, quid  
 illum compescit ut post productionem  
 novi fœtus suum genium immutet,  
 defraudet, & sibi ipsi contrarius  
 humidum pingue procreet, & ejus  
 copiam largam novello animali pro-  
 piciat? Servat igitur calor & tue-  
 ur humidum, neutiquam absumit  
 quamdiu manet naturalis: Cæterum  
 præternaturalis factus & violentus,  
 urit

urit consumitq; humidum pingueque  
 perdit. Jam calor ossa generans præter-  
 naturalis aut violentus profectò esse ne-  
 quit, alioquin & ossium generatio ipsa  
 esset præternaturalis, inò omnium par-  
 tiũ, & totius corporis; quæ fiunt ab uno  
 eodemq; calore, animæ formatricis or-  
 gano: esset, inquam, ossium productio  
 præter naturam, haut secus ac calculorũ  
 in Vesica (quod exemplum ineptè huc  
 trahitur) quæ nimis quam sunt paraloga.  
 2. Sed largiamur hoc suum figmen-  
 tum Laurentio, tamen si humidum à ca-  
 lore esset absumentum, propterea tamen  
 non forent ossa frigida. Absumta n. hu-  
 miditas ponit saltem & infert siccitatē:  
 at cum siccitate calor æque copulari &  
 consistere potest quam frigus; unde ex  
 defectu humidi non magis ossa arguen-  
 tur frigida quā calida. Sunt n. hæc  
 primarum qualitatum possibiles, calidũ  
 siccum; frigidum siccum. Tertio, calor  
 dum commorans in materia densa ossi-  
 um validior indies redditur, ossa potius  
 calida efficiet quam frigida. Agens enim  
 omne

omne simile sibi reddit patiens; eoque magis, quo diutius egerit in patiens & fortius fuerit.

XXXIX. De Crasi ossium qui rectè censere volet, ei fas erit talem istis assignare, qualē omnes partes spermaticæ nactæ sunt. Nam in horū numero repōnūtur ossa. Essē vero partes spermaticas non frigidās sed calidas, adversus Laur. 9.9.11. sicut antehac astuiximus, ita etiā nunc defendere animati sumus. Sunt igitur ossa calidæ siccæq; temperiei, non ἀπλῶς, sed κατὰ respectu partium aliarū minus calentiū. Nihil in corpore est nō calidū actu; nihil non spiritu perfusum; alia tamē min⁹ aliis calent. Hinc est quod cum à cōtrario suo facilè & maximè aliquid lædatur; frigus vero calori contrarium, Hippocrates scripserit frigus ossibus maxime inimicum & nocuum esse.

XL. Figura est alia ossiū. Qualitas quā diversā diversā acceperūt. Omnia talē, quæ officio cuiusq; cōvenientissima est. Protuberantiam in nonnullis oblongis ossibus ἀπόφυσιν vocari diximus. Th. 32.



Cavitas vero unius ossis, in quā aliud os:  
 reconditur & insinuatur ad articulatio-  
 nē, appellatur *κοτύλη* acetabulum, si pro-  
 fundior fuerit hiatus. At si superficialis:  
 saltem *γλῶττις* sinus. De figura Ossis in ge-  
 nere docuit Petrus Pav. qualis ista est ta-  
 lem esse horū actionē. Effatum neq; Phi-  
 losophicum neq; Medicum. Non Philo-  
 sophicum, quia in Philosophia docetur,  
 figurā omni agendi virtute destitutam  
 esse; hanc promovere quidem ac juvare  
 aliquando actionē. (ut ignis Pyramidali  
 figura facilius ascendit, quam quadrata)  
 at ipsam per se nullius actionis causā esse.  
 Non medicum: quia in Medicina vul-  
 garissimum est (juxta doctrinam Laur.  
 l. i. c. 17. & q. 6.) actionē similem à sola  
 temperie inchoari & perfici. Figura au-  
 tem non est temperies, hujusmodi actio-  
 similis in osse est e.g. nutritio. Ossa ve-  
 ro sub quavis figura nutriuntur. Doce-  
 tur itidem de actione organica, eam à  
 toto organo absolvi; At figura est saltem  
 unum organi & leve accidens; præter  
 quam adesse oportet & ad actionem

con-

concurrere magnitudinem, situm, numerum conformationem.

XLII. Spectandus quoq; est ossium color, qui albus ferè mista pauca rubedine, quod neque cæcus Homerus non vidit *Odyssea* 1. ἀνερθε, οὐδ' ἡ πᾶς λ' οὐκ ὅσσεα πύθετα, ὁμῶς κείμεν' ἐπ' ἡ πείρε: ἢ εἰν ἄλλ' κῦμα κυλινθεῖ.

XLII. 6. *Actio & Usus*. Usus Ossium communissimos ad tria capita revocavit Laur. lib. 2. c. 2. quæ sunt. 1. Ut exhibeant tori stabilimentum, & sint propugnaculi instar adversus omnes impetus: præstentque robur corpori sustinendo, haur secus ac basis & columnæ adibus subjectæ. 2. ut animali dent rectitudinē, quæ prærogativa (notante P. Pav.) hominis præferenda omnibus cæteris privilegiis, supra bruta illi concessis. 3. Ut toti corpori dent figuram. Nam qualem ideam ossa acceperunt, tali præditum esse corpus.

XLIII. De tertio seu ultimo usu quid arbitremur indicavimus thesib. præced.

Usus secundus nisi accipiatur cum gra-

Y 2 no sa-

no salis, quod dici solet, excusari non potest. Si enim ab Ossibus simpliciter, vel eorum soliditate corpori concinnatur figura erecta, jam non solus homo tolleret erectos ad sidera vultus, sed omne brutum perfectum. Eadem prærogativa gauderet Elephas, Leo, Asinus, quibus sunt æq; ac homini, & multò solidiora ossa. Subtiliter atque accuratè loquendo, Ossa non dant rectitudinē animali in genere; sed ossium conformatio & in proceritatem sublimem dispositio, dant soli in specie homini figuram versus cælum elevatam, quæ illum imprimis decebat. Nimirum fas est, ut *uniga gens hominam celsum levet aliis cacumen.* Atq; *levis recto stet corpore*, ut canit metrum Boetii. Restat usus primus, qui quamvis unicus æstimeretur à Laur. nobis tamen jure duplex censetur: Aliud enim est totum corpus sustinere instar fundamenti: aliud item partibus mollioribus loco munimenti esse circumpositum. Illud facit spina cum annexis: Hoc cranium, costæ &c. Additur 4. Usus ab aliis, ut of-

ut ossa progressionī serviant Cur nō etiā  
apprehensionī, aut amotionī? quæ non  
fierent si crura pedesque brachia ma-  
nusque *ἀνέστια* essent. Particulares ossiū  
singulorū usus, qui *πολυδαίδαλοι*, enar-  
rantur in singulis ossibus.

XLIV. Præter usum an actionem  
quoque habeant ossa, qui vel quærunt  
vel ambigunt, ridiculi mihi esse viden-  
tur, scienti usum ab actione in viventi-  
bus non distingui, quod jam olim pro-  
mulgatum Exerc. I. ch. 23. & seqq. Quip-  
pini? Num non sustinere, munire, cir-  
cumferre, apprehendere, nutriri, augeri  
actiones sunt? quos esse usus ossium pa-  
lam est? sed de Tactus sensu priva est  
controversia, quem ossibus denegavit  
Laur. l. 2. q. 3. Nos vero eum iis libenter  
& meritò concedimus. In primo dictæ  
quæstionis limine, talem statuit Hypo-  
thesin Laurent. *Sensum*, inquit, *non esse*  
*de essentia partis*, sed *quid adventitium*  
*(influit enim à cerebro ad nervos)* docuit  
*Galen. mille in locis*. De his mille locis non  
sumus solliciti: illud didicimus in philo-  
V. 3 sophia

Sophia Peripat: hujulm. hypothesen Ca-  
 pitis jam dudum esse damnatas. Aristo-  
 teles demonstravit l. 2. de an. Cum  
 quinque sint externi sensus, carere qui-  
 dem aliqua animalia, visu, auditu; ad  
 quod tactu distituitur nullum reperiri.  
 Esse enim sensum simpliciter necessari-  
 um, seu necessitatis absolutæ, esse uni-  
 versalem & communissimum toti ani-  
 malium generi: Cum cæteri saltem sint  
 commoditatis & particulares: Isto posi-  
 to poni: sublato tolli animal. Quod vero  
 de animali toto concluditur idem cui-  
 libet parti animatæ propriè dictæ con-  
 venire necesse est. Pars enim eandem  
 cum toto animam habet. Et præsentia a-  
 nima sentiente, non potest pars animata  
 non dici sentiens. Omnes igitur partes  
 anima sentiente informatæ, sensum ne-  
 cessitatis communem (tactu) possident:  
 ut proinde non possit esse ulla animalis  
 particula animata tactu distituta qua-  
 licunque. Forma enim essentialis, &  
 proprietates Universales eam insequen-  
 tes inseparabiliter sunt de essentia rei

Hoc



Hoc miror, quod contra seipsum, & pri-  
mum auspiciū quæstionis falsus sit Lau-  
renti<sup>9</sup> sub finē ejusdē quæstionis ubi ait:  
*Naturā animalitatis in sensu consistere vo-*  
*lūmus, & sensu solo à plantis differre ani-*  
*mal:* Rectè: si animalis pars solo sensu  
differt à planta: Et de part. s. essentia non  
est sensus, utiq; animalis pars non essen-  
tialiter à planta differret, quo nil dici  
mōstrosius potest. Illud Schema frigidū  
est: Tactus influit per nervos. Ergo est  
quid adventitium & non de rei essentia.  
Sic inferā ergo: neq; vitā esse de essentia  
partis viventis (quæ foret contradictio)  
quia influit à Corde per arterias. Ossa,  
quamvis per naturā possideant tactū in-  
digent tamen ejus cōtinuatione per spi-  
ritū animalē nervis vectoribus. Hi licet  
non implantentur mediæ substantiæ so-  
lidæ ossium, tamen pertingunt illuc pro-  
ximè ad eorum extremitates; ut ad arti-  
culos & aliò; & hinc porro communi-  
cantur toti ossi. Itanec venæ, nec arteriæ  
expansæ sunt quaqua versus per partes.  
Oporteret enim esse omnia venosa aut

arteriosa: satis est pertingere aliquo usque in viciniam partium.

XLV. Castigata præliminari Hypothesi procedant jam in medium Rationes Laurentii militantes aduersus tactū ossium. Eæ leguntur apud ipsum l. 2. q. 3. Ossa, inquit, omnino insensibilia esse ita clarum est, ut cōfirmatione nulla egeat. 1. Phlegmone afficiuntur; membranis denudata utuntur, secantur, franguntur sine sensu. 2. Non debuerunt sentire, quia cū sustineant totius corporis molem & variis agitentur moribus, animal esset in *ἀναισθησία*.

XLVI. Si non præsto sunt clariora ac firmiora pro confirmanda insensibilitate ossium, certè non est ea valdè conspicua. Non valet i. aduersans partim experientia partim natura. Quis unquam expertus est phlegmonem ossium evenire absque dolore? Cui fracta confusaque sunt ossa non dolenti & *ἀναισθησία*? Cui iterum composita, quæ rupta fuerant sine grandi & molesto tactus sensu? In-

tegra

tegra verò & illæsa dum secantur, uruntur, non sanè dolent, sed dolor iste non sentitur. Ea enim est natura Qualitatum, ut validior & major non quidem tollat, sed tamen sentiri non faciat minorem. Notum est vulgare verbum physicum, majus lumen obfuscatur minus. Sic dolor, ortus ex sectione cutis, carnis periostii tam vehemens est, ut cum ad ossa perventum est, dolor posterior nullus videatur præ istoc præcedente. Fortassis & inde non animadvertitur hæc ὀσσηγορία in sectione, quia mens patientis & cogitatio alioaversa est, laboratque in gravioribus incommodis meditando. Hippocratis verò testimonio, quibus mens laborat (vel seriis cogitationibus vel insania) hi dolent quidem aut dolorem non sentiunt. Ad 2. responsio facilis est. Ossibus tamen si tactu præditis, tamen animal non est in ἀναισθησία: (1) Nimirum annon æque ut ossa variis motibus agitantur muscoli, nervi, tendines, cutis quæ accuratè tangunt? Nihilominus haut dolet animal perpetuo.

(2) Ta-

- (2) Tactus sensus in ossibus obscurior.  
 (3) Ossa intus latent, ut non tam facile afficiantur ab externis ac protenus doleant.

XLVII. Quod nequeat Ossibus præcidi Tactus omnis (quamvis eum medium & non excellentem statuamus) sunt quæ probant quædam argumenta ab eodem Laur. d. q. recensita; Pluraque Filii Zoar: Ea quia ita tractavit Laurent. ut pristinum vigorem roboreque factum rectum retineant. non pudebit nos huc accersere & conferre in rem præsentem. i. Ubi dolor ibi tactus. In Ossibus est *ὀσζοπία*, gravans scil. dolor medius omnibus consentientibus: Ossa igitur tactu pollent. Hoc & quæ sequuntur levioris momenti æstimat Laurent. proin respondet: Dolorem istum non esse proprie ossium sed membranarum. Sed hæc solutio valdè est levis momenti. Omnis membranæ dolor est acutus & pungens (est axioma Medicum) acutissimè enim membranæ sentiunt. At *ὀσζοπία* nunquam acuta: semper gravans, obtusa. Igitur

Igitur ὁ *συναίσθησις* non est membranarum dolor, sed ipsorum ossium quorum tactus obtusus. 2. Nisi tactu prædita essent ossa, potior animalis pars non differret à plantis: quo enim discriminarentur? Præter tactum nihil est: nam vegetatio utrisque communis: at inter partes animalis & plantarum est essentialis & toto genere semota distinctio: quod nemo mentis compos inficiabitur: Concludatur. Respondet Laurent. Sensu quidem à plantis differre animal. Neque tamen ob id ossa actu sentire, ob defectum nervorum, potentia tamen sentiendi neutriquam ossa carere Hoc equidem nihil est & *ἀνθρώποι ἀνθρώποι*. Ubicunque in corpore per naturam est potentia, ibi quoque actus: alias frustranea esset potentia quæ nunquam deduceretur ad actum. Est n. de potentiæ naturalis perfectione & essentia deduci in actum. Natura enim nihil facit frustra. Jam in Ossibus fatente Laurent. est potentia tangendi & quoque actus. Quapropter ossa actu sentiunt: quod erat demonstrandū. Adjungatur:



gatur hic 3. Si Ossa nutriuntur propter  
vicinas venas, & vivunt propter vicinas  
arterias (quamvis hæ eorum substantiã  
non ingrediantur) quidni & sentiant  
propter vicinos nervos; qui plerosque  
tendines comitantur, proderentates ex  
Ossibus? Et annon spina dorsi in se ha-  
bet nervorum omnium scaturiginem.  
Cur non ergo sentiat.

Fuit hætenus generalis Ossium *descriptio*;  
quam ceu coronidem adponere mem-  
brorum cæterorum historiæ consilium  
fuit. Quæ de singulis peculiariter Ossib.  
annotari & disputando discuti possunt,  
tametsi ipsa quoq; haut injocunda. haut  
inutilia; hac vice t. transmittere ad com-  
modiorem occasionem jubet præsentis  
temporis & consilii ratio. *Postquam in*  
*hac stativa navim nostrã deduximus, sub-*  
*imus portum; & coronam gratiarum su-*  
*spendimus omnipotenti nostro Ducto-*  
*ri, Deo Trinuno, benedicto*  
*in sæcula.*

F I N I S.

propter  
vicinas  
stantia  
entiant  
rolque  
ates ex  
te ha  
ginem.

mem-  
filium  
Olib.  
ssunt  
a hant  
lcom-  
elentis  
nam in  
se, sub  
um su  
cto-

